

Handwritten text, possibly a signature or name, in cursive script.

Handwritten text, possibly a date or location, in cursive script.



Ex Bibliotheca  
majori Coll. Rom.  
Societ. Jesu

*III. 14. 2*

*175.4.11*  
*IV 20.20*  
*III 10*

*9.6.21*

CLV.

JANO GRUTERO  
PHILOLOGO,  
POLYHISTORI,  
JURISCONSULTO,

celeberrimo

RR.<sup>mo</sup> ~~Comite~~ Io: Taurino Ep.  
Africa maris

Autoris

d. d.





ABRAHAMI SCULTETI  
**ANNALIVM**  
EVANGELII PASSIM  
PER EUROPAM DECIMO  
quinto salutis partæ se-  
culo renovati

**DECAS PRIMA,**

AB

Anno M. D. XVI.

AD

Annum M. D. XXVI.



HEIDELBERGÆ,  
Typis Johannis Lancelloti, *Academia Typogr.*  
Impensis JONÆ ROSÆ.

ANNO •15 156 XVIII.





# VIRIS

*Suis in Ecclesiam orthodoxam  
meritis Clarissimis:*

DOCTORI JOANNI JACOBO  
GRYNÆO, Ecclesiæ & Scholæ Basiliens-  
is Antistiti:

DOCTORI DAVIDI PAREO,  
Academiæ Heidelbergensis Professore:

MAG. JOANNI PISCATORI,  
Scholæ Herbornensis Nassov. Professore:

D. JOANNI JETZLERO, Ec-  
clesiæ Scaphusianæ Pastori emerito:

*Theologis septuagenarijs*

ABRAHAM SCULTETUS S.



IBRORUM annalium,  
qui, deficiente Gellio,  
res quoquo anno ge-  
stas nudè sine orna-

):( 2

## D E D I C A T I O.

mentis, sine fūco, sine affectibus  
narrant, magnus semper usus fuit  
in Republ. in Ecclesia. Apud Ro-  
manos res omnes singulorum an-  
norum mandabat literis Pontifex  
maximus, efferebatque in album  
& proponebat tabulam domi, po-  
testas ut esset populo cognoscendi,  
ijque annales maximi nominaban-  
tur. In Republ. Hebræorum dia-  
ria & annales habebant, in qui-  
bus res gestas, ut quæque notatu  
dignissimæ, & ad doctrinæ sacræ  
propagationem utilissime videban-  
tur, continuatâ serie inscribebant  
ij, quos DEUS fidei & vitæ Magi-  
stros populo suo præfecerat. Etc-  
nim ex diversis annalibus apud Ec-  
clesiam Dei conservatis Ezdram si-  
ve solum sive cum æqualibus, in-  
signi pietate & eruditione viris, cæ-  
lesti spiritu afflatum, libros Josuæ,  
Judicum, Samuelis, Regum, alios  
compilasse, in eumque ordinem,  
qui

## D E D I C A T I O.

qui jam olim habetur, redegisse atque disposuisse, gravissimi (quod optimè nostis, viri venerandi,) auctores sunt qui credunt. Neque enim vero est simile, Samuelem cum Saulis se quærentis verba esset recitaturus, sic esse præfatum: *Eum, qui hodiè Propheta dicitur, vocabant olim Videntem.* Sed verba potius hæc sunt Scriptoris res priscas & à suo seculo longè remotas narrantis. Quin ipsum Mosis opus, quod *πεντάτευχος* vocant, longo post Mosen tempore, interjectis duntaxat hîc, illic, verborum & sententiarum clausulis velut sarcitum atque omnino explicatius redditum esse, conjecturis minimè contemnendis probaverim. Certè, ut alia mittam, Cariath-arbæ sæpe illic Hebron nominatur, & tamen hoc illi urbi nomen à Calebi filio Hebrone impositum esse, maximi

# DEDICATIO.

viri tradiderunt. Quapropter &  
 Hieronymus in actione contra Hel-  
 vidium, *sive*, inquit, *Mosen di-*  
*cere volueris autorem Pentateuchi,*  
*sive Exodum eiusdem instauratorem*  
*operis, non recuso.* Ac inter veteres  
 Hebræorum annales fuisse unos,  
 qui *Liber recti* ideo vocabantur,  
 quod optimâ fide atque serie res a-  
 pud DEI cætum gestas perstringe-  
 rent, aut quia Israelitici populi fa-  
 cta continerent, quem populum  
*rectum* tum Moses Deut. 32. 15. tum  
 Isaias 24. 2. vocarunt: sive idem ille  
 liber fuerit, qui in Numeris *Liber*  
*bellorum Domini* appellatus est, sive  
 eius pars quædam, aut etiam di-  
 versum opus; vel Josephus nobis  
 persuaferit, qui in suis Antiquita-  
 tibus pro *Libro recti*, cuius in sacris  
 literis est mentio, *scripta in templo*  
*asservata* dicit, libro quinto, capi-  
 te se-

## D E D I C A T I O.

te secundo. Ut non immeritò pro fabulis habeamus, quæ Rabbini Judæorum & cum his Lyranus de *Libro recti*, nugantur. In novo federe quin ipsi Servatoris nostri discipuli quotidianos eius sermones in diaria & annales suos retulerint, ex quibus postea historia Evangelica est contexta, nemo sanus est qui dubitet. Temporibus Patrum laborarunt in eo Eusebius, Theodoretus, Socrates, Sozomenus; Orosius, Severus; ut quæcunque in Ecclesia DEI agebantur digna bonorum memoriâ, ea monumentis Annalium consecrata ad posteritatem transmitterent. Horum ego sequutus exemplum pariter ac auctoritatem, condere cœpi Annales Evangelij decimo quinto à nato Christo Iesu seculo passim per Europam renovati. Magnum & arduum opus, fateor: sed à quo nulla me potuit

## DEDICATIO.

difficultas deterrere : non quod ignarus sim imbecillitatis meæ : sed quod laboris hujus jucunda utilitas & utilis jucunditas ita me occuparunt : ut credam , me animum hunc Ecclesiæ Christi abundè satis probaturum : si vel de voluntate hac indicium ipsi fecero : vel hac qualicunque , rudi certè & impolitâ opellâ doctioribus ad accuratius aliquid in re tam sancta meditandum , ansam præbuero. Et fanè si res votis ageretur meis, in hoc viri docti complures laborem & vires ingenij infumerent: ut explicatam Evangelij renovati historiam haberemus. Mandat DEUS populo Israëlitico : ut ne obliviscatur servitutem Aegyptiacam , & memoriam liberationis ex illa primo Decalogi præcepto insculpsit. Majores nostri non corporali sed spirituali animarum servitute pressi fuerunt sub Pharaone Romano. Vindicavit illos



## DEDICATIO.

illos in libertatem præpotens Deus. Quid æquius, quàm vindicationis illius tempus indagare, modum cognoscere, lucentem in ea Dei gloriosam virtutem linguis animisque prædicare? Consulendum & posteritati: ut ne illa fallatur à scriptoribus rerum ecclesiasticarum proximi seculi ijs, qui res parum sibi compertas posteris tradere aggressi, falsa pro veris tradiderunt: alij ignorance & securitate, alij credulitate, nonnulli & mentiendi libidine, quos aut turpis spes lucri, aut gratia, aut odium corrumpit. Ac quàm necessaria sit rerum superioribus annis in Ecclesia gestarum annotatio, ex amicis benè multis didici: qui mihi de historiola renati apud se Evangelij sciscitanti, dolenter responderunt: vel, evanuisse istarum rerum memoriam: vel, Annales incendio conflagrasse: vel, in invidorum scrinijs hæc talia jacere recon-


## D E D I C A T I O.

dita. Quod igitur ex variorum le-  
 ctione Scriptorum: quod ex libe-  
 rali doctissimorum virorum com-  
 municatione, quod denique ex an-  
 norum propemodum triginta ex-  
 perientia de historia instaurati Ev-  
 angelij didici, cognovi, observavi:  
 id hisce includendum Annalibus  
 duxi, quorum specimen nunc edo.  
 Atq; huic vestra, viri venerandi, præ-  
 scribere nomina libuit ideo, quia  
 de historiola huius veritate omni-  
 um optimè judicare potestis, quip-  
 pe qui & proximi fuistis initiis rena-  
 ti Evangelij, & dimidium ferè secu-  
 lum Ecclesiam Filij DEI, quâ voce  
 vivâ, quâ Scriptis eruditis docuistis,  
 & deniq; pars aliqua fuistis eorum,  
 quæ in Germanicis & Helveticis Ec-  
 clesiis sunt acta. Volui etiam hac  
*προσφωνήσας* posteritati commendare  
 memoriam diutini vestri in me fa-  
 voris meæque in vos observantiæ,  
 adeoque amicitia tot annos sanctè  
inter

## DEDICATIO.

inter nos cultæ: quam brevi in beata æternitate in complexu amicissimi Fratris & Servatoris nostri Iesu Christi cum tripudio glorificationum cordium nostrorum nos continuaturos ut spero, ita confido. Deum veneror: ut renovet sicut Aquilæ annos senectæ vestræ, vosque, ubi certamen illud bonum certaveritis, cursumque stadij vestri consummaveritis, Paulinâ justitiæ coronâ bect. Scripsi HEIDELBERGÆ Anno millesimo sexcentesimo decimo septimo, mense Augusto, cuius die vicesima quarta annum ætatis meæ ingredior quinquagesimum secundum, quem mihi felicem faustum & salutarem jubeat esse is, qui unicus Annalium horum scopus est Iesus Christus, benedictus in sempiterna secula, AMEN.

Lectio



## Lectori S.



*Nalium Evangelij renovati specimen hocce idcirco publico, Lector Christiane, ut quasi manu pulsem amicas doctorum virorum Bibliothecas, atq; inde eliciam historica ad continuandum hoc opusculum necessaria. Absq; his enim subsidiis sit, frustra quis in hoc studio desudet. Ad primam quidem Decadem non inviti symbolam suam contulerunt Nicolaus Henelius J. C. Caspar Cunradus Medicus Uratislaviensis, Caspar VVaserus Tigurinus, Joannes Cunradus Cochius*

## AD LECTOREM.

*chius Scaphusianus, Gregorius Rich-  
terus Gorlicensis, Theologi: V Volf-  
gangus item Meierus Theologia Do-  
ctor in inclyta Basilea: cui uni acce-  
ptum refero, quod Epistolas MSS.  
Capitonis, Bucerii, Musculi, Oeco-  
lampadij, aliorum, novi, quas ut se-  
lectas literato orbi communicet per  
Chalcographorum operam, publicâ  
illum voce cohortor. Quod si horum  
liberalitatem alij fuerint imitati, &  
Deus voluerit animulam hanc in  
corpusculi hujus ergastulo unum ad-  
huc atq; alterum annum habitare:  
erunt fortassis, qui suis votis in hoc  
genere aliqua ex parte satisfactum  
esse, fatebuntur.*

Errata

## Errata sic corrigantur.

Pag. 10. lin. penult. lege primordia p. 12. l. 16. Wittenbergensis  
p. 24. l. 16. beneficium p. 34. l. 14. consensu p. 54. l. 28 persisten-  
dum p. 71. l. ult. Monacharumq; p. 73. l. 1. decem ibid. l. 8. Ponti-  
ficium ibid. l. 20. detonabat p. 88. l. 20. loquor p. 116. l. 10. Ard-  
suitia p. 124. l. 7. Neccarum p. 129 in margine, Conradi p. 132.  
l. 1. mordaci p. 144. l. 1. abiens p. 218. l. 10. hominum, ibid. l. 24.  
Universitatis p. 226. l. 13. p. 253. l. 22. quoniam p. 255. l. 3.  
præstitit p. 272. l. 19. Apostolica p. 278. l. 3. reum, ibid. l. 4. libe-  
rum p. 291. l. 27. [su] deleatur p. 296. l. 3. Magistro. in præfatione  
ad Lectorem l. 1. Annalium.









ANNALIUM  
**EVANGELII**  
 RENOVATI  
*DECAS PRIMA.*

ANNUS M.D.XVI.



**V**T aurora est clari Solis præ-  
 nuncia : ita orituram Evan-  
 gelii lucem instaurata supe-  
 riori seculo linguarum & ar-  
 tium optimarum studia præ-  
 significârunt.

Memorabilibus autem mediis Deus usus  
 est, elegantiores literas instauraturus: Ty-  
 pographiâ: Græcorum exilio: Scholarum  
 publicarum apertione.

<sup>a</sup>Typographiam Germania invenit anno  
 Servatoris 1440. primis libris Moguntia  
 excusis. <sup>b</sup>Huius beneficio primùm Erasmi  
 Roterodami, deinde Lutheri libri variis lo-

<sup>a</sup>Pancirol-  
 lus de no-  
 vis reperiis  
 lib.2. tit.12.  
<sup>b</sup>Joâ. Fro-  
 ben. Tom.  
 1. operum.  
 Luth.Jen.  
 f.389.

cis excusi & in omnem Europam fuerunt transmissi.

Græcis exsulibus post expugnatam à Turcis anno 1453 Constantinopolim, asylum in Italia aperuerunt, Hercules Dux Ferrariæ, Nicolaus V. Episcopus Romanus, Laurentius Medices Florentinus, Bessarion, natione Græcus, sed ob excellentem eruditionem ab Eugenio Papa in ordinem Cardinalium adscitus: cui familiares fuerunt Trapezuntius, Gaza, Argyropylus, alii.

Ex hoc velut emporio Italiæ præclaras litterarum merces in Germaniam importârunt nostri homines, quorum primus fuit Rodolphus Agricola, qui Ferrariam & Lutetiam profectus, tantos subito fecit in Græca lingua progressus: ut cum Guarino solutâ oratione, cum Strozis carmine, cum Gaza in Philosophia contenderet, &, quod Germanis semper difficilimum fuit, Italis in Græcorum & Latinorum Authorum enarratione admirationem moveret.

Proximus ab hoc fuit Joannes Capnio, qui Hieronymum Spartiatam, Georgii Tifernatis in Græca professione successorem, tam feliciter Lutetiæ audivit: ut à Philippo Palatino Electore legatus Romam missus, & Argyropyli, Thucydidem enarrantis, auditorium ingressus, edito sui in Græca lingua profectus specimine, lacrymas pene excuserit,

ferit Argyropylo, exclamanti, *Graciam exilio doctorum transvolasse Alpes*. Horum vestigia secutus est magnus ille Erasmus: unde eiusmodi repentè omnium artium & studiorum lumen effulsit: ut scholæ ceu novâ luce de cœlo collustratæ viderentur.

Porro cum in Comitibus VVormatiensibus, quæ prima Maximilianus, Friderici filius, anno 1495 celebravit, omnibus suffragiis decretum fuisset: ut Septemviri, in sua quisque ditione, publicis scholis sedem fingerent: Fridericus Saxonæ Elector 1502 VVittembergæ, Joachimus I. Brandeburgicus Elector 1506. Francofurti ad Viadrum, Academias condidêre.

Et, quod mireris, uno & eodem tempore in diversis mundi regionibus, intermorta pridem studia in vitam revocabant Leo X. Pontifex, Romæ: apud Hispanos Cardinalis Toletanus: apud Anglos Rex Henricus, eius nominis Octavus: apud Belgas Rex Catholicus, Carolus: apud Gallos Rex Franciscus.

Nullum igitur disciplinæ genus fuit, quod non excoli cœperit. Medicinam vindicabant Nicolaus Leonicens, Romæ: Ambrosius Leo Nolanus, Venetiis: Guilielmus Cœpus, Basiliensis, & Joannes Ruellius, in Gallia: Thomas Linacer apud Britannos. Jus Cæsareum instaurabat

Lutetiæ Guilielmus Budæus : apud Germanos Udalricus Zasius : Mathematicen Gla-reanus Basileæ. Intra Theologiæ scholasticæ spineta latitabant Monachi complures, quorum postea celebre inter Theologos reformatos fuit nomen.

In gemina literatura celebrabantur, Erasmus apud Germanos, Budæus apud Gallos, Antonius Nebrissenfis apud Hispanos. Reuchlinus Hebræas literas in Germaniam, Marcus Masurus Græcas Venetias inferebat.

Virebant hoc tempore Jacobus VVimphelingus, Ludovicus Vives, Longelius, Hermannus Buschius, Conradus Goclenius, Petrus Mosellanus, Thomas Morus. In spem verò novi seculi efflorescebant, Beatus Rhenanus, Simon Grynæus, Brentius, Frechtus, & Philippus ille Melanchthon : de quo hoc legimus Erasmi præfatum :

Erasmus in  
prima edi-  
tione N. T.  
anno 1515.

*At Deum immortalem, quam non spem de se prabet etiam adolescens, & penè puer, Philippus ille Melanchthon, utraq; literaturâ penè ex æquo suspiciendus? quod inventionis acumen? quæ sermonis puritas? quanta reconditarum rerum memoria? quàm varia lectio, quàm verecunda, regiâq; prorsus indolis festivitas?*

Sic igitur literæ & artes instaurari, & cum illis totus penè mundus, ipsaq; inprimis Religio renovari cœpit. Nam Biblia Ebraica (vulgo Complutensia) cum translationi-

# ANNUS M D XVI. 5

tionibus, Chaldaicâ, Græcâ, & Latinâ, Francisci Ximenii Cardinalis, Archiepiscopi Toletani curâ, typis descripta, publicantur, anno millesimo quingentesimo, decimo quinto.

Hec proximo anno 1516. excipit Novum Testamentum, ab Erasmo quinquagenario Latinè conversum, & permissu Papæ ex fontibus correctum: quo labore ut omnes bonos in perpetuum sui amorem, ita ignavos Monachos in implacabile sui odium convertit.

Hic est ill' annus: quo Joannes Hilten, Isennaci Franciscanus, initium fore inclinantis Pontificiæ potentix prædixerat. Melanchthon vidisse se enarrationem Danielis manu Hiltenii, & in ea vaticinium hoc scriptum, refert in libello altero epistolarum. pag. 81.

Præfatio respondit eventus. Hoc ipso 1516 anno Leo Decimus (<sup>a</sup> qui Pontificatus autoritate nimis licenter abutebatur, & exactionum suarum emolumentum Magdalenæ sorori, fœminæ cupiditatem expleturus, dabat) <sup>b</sup> Campeium Cardinalem in Angliam, <sup>c</sup> Angelum Arcomboldum in Daniam & Suetiam, <sup>d</sup> Samsonem Mediolanensem in Helvetiam, <sup>e</sup> Joannem Tecelium in Germaniam misit, cœlumq; vel maximis sceleribus inquinatis turpissimo mercatu ve-

<sup>a</sup> Guicciardinus lib. 23. hist.  
<sup>b</sup> Antiquitates Britannicæ.  
<sup>c</sup> Chronicô Lubecense Bonni.  
<sup>d</sup> Chronicon Bullingeri M. S.  
<sup>e</sup> Sleidan.

Mathesius in vita  
Lutheri.

nale proposuit. Ad quos cum maximus hominum fieret concursus, erant qui id ægerrimè ferrent, & inter hos <sup>a</sup>Martinus Lutherus Saxo Islebius, Monachus Augustinianus, Theologiæ Doctor VVittembergæ in Saxonia Septemviri, qui in monasterio suo homines monere cœpit: agerent prudenter, neque merces istas, Iuterboci oppido VVittembergæ vicino à Tecelio expositas tanti emerent: præstare facultatibus suis sublevare pauperes, quam incertam gratiam certâ pecuniâ redimere. Quæ prima fuit occasio immutandæ Religionis Pontificiæ.

b Scumpfi-  
us in descri-  
ptione Cō-  
cilii Con-  
stant.

Hunc eundem annum centum annis antè quasi nominarunt gloriosissimi Christi Martyres, Joannes Hussus, & Hieronymus Pragensis: quorum ille in mediis flammis 1415. sexta Julii Constantiæ <sup>b</sup>, Hodie, inquit, Hussum (Anserem Boëmis notat) crematis: *post centum annos Cygnus veniet, quem comburere non poteritis*: Hic 1416. trigesimo Maij contentâ voce professus est: carnifices suos post centum annos sibi responsuros. Nec ex eventu hæc illis ab Evangelicis affinguntur. Bohemos enim desiderio Hussi numismata cudisse, inscriptione postremorum eius verborum: *post centum annos respondebitis Deo & mihi*, & his exactis apparuisse Lutherum,

au-

author est Catholicissimus Historiographus. Petrus  
Marchius

Edidit tum Lutherus etiam disputationum aliquid contra traditiones humanas, & alia quædam Pontificia dogmata. Scripsit idem præfationem in libellum, THEOLOGIA GERMANICA, dictum. Ac quid iam tum senserit de iustitia fidei, ex epistola ipsius ad Eremitam quendam videre est: ubi plenus spiritu, ait: *Cate- Tom. 1. p. st. Lu-  
rùm quid agat anima tua, scire cupio: utrum theci.  
ne tandem suam pertasa propriam iustitiam, dis-  
cat in iustitia Christi respirare atque conside-  
re. Fervet enim nostrâ atate tentatio præ-  
sumptionis in multis, & iis præcipuè, qui iusti  
& boni esse omnibus viribus student, ignoran-  
tes iustitiam Dei, quæ in Christo est nobis effu-  
sissimè, & gratis donata, querunt in seipsis  
tam diu operari benè, donec habeant fiduciam  
standi coram DEO, veluti viribus & meritis  
ornati, quod est impossibile fieri. Fuisti tu apud  
nos in hac opinione, imo errore; fui & ego, sed &  
nunc quoq; pugno contra istum errorem, sed non-  
dum expugnavi. Igitur, mi dulcis Frater, disc  
Christum, & hunc crucifixum: disc ei cantare, &  
de te desperans, dicere ei: tu, Domine Iesu, es iusti-  
tia mea, ego autem sum peccatum tuum: tu assum-  
psisti meum, & dedisti mihi tuum: assumpsisti  
quod non eras, & dedisti mihi quod non eram.  
Cave ne aliquando ad tantam puritatem aspi-*

*res : ut peccator tibi videri nolis , imò esse. Christus enim non nisi in peccatoribus habitat. Ideo enim descendit de cælo: ubi habitabat in iustis: ut etiam habitaret in peccatoribus. Istam charitatem eius rumina , & videbis dulcissimam consolationem eius. Si enim nostris laboribus & afflictionibus ad conscientia quietem pervenire oportet: ut quid ille mortuus est? Igitur non nisi in illo per fiducialem desperationem tui , & operum tuorum , pacem invenies: disces insuper eo ipso, ut sicut ipse suscepit te , & peccata tua fecit sua, & suam iustitiam fecit tuam.*

Et si autem Lutherus primus in disputationis Pontificiæ arenam protractus est: non tamen unus ex omnibus fuit , qui fraudes Romanæ curiæ agnosceret. Erant enim iam tum in Helvetia quoque & Germania superiori vitæ & doctrinæ probatæ viri aliquot , qui, missis hominum commentis , decreta Dei auditoribus suis annunciabant, Udalricus Zvvinglius , VVolfgangus Fabritius Capito, Joannes Oecolampadius, Joannes Creutzer, alii.

Udalricus Zvvinglius Helvetius, in pago Toggiorum , quem ad domum Sylvestrem (zum wilden Hauß) vocant, anno 1484. Kal. Januarii natus , & in liberalibus studiis Bernæ, Viennæ, Basileæ enutritus , hoc decimo sexto supra millesimum quingentesimum anno Glaronæ Evangelium prædicat, cum

a Zvvingli-  
us explana-  
tione Arti-  
culi 18. To-  
mo 1. p. 37.



# ANNUS M D XVI. 9

cum Lutheri nomen in istis locis nec dum  
fuiſſet auditum. <sup>a</sup> Is à præceptore ſuo Tho-  
ma V Vittenbachio Theologo Profefſore Ba-  
ſilienſi anno 1505. didicerat: ſolam mortem  
Chriſti eſſe λύτρον pro peccatis: indulgentias  
Papæ figmentum eſſe.

<sup>a</sup> Leo Iudæ  
præſatione  
in annotat.  
Zwvinglii  
in N. T.  
Chronicon  
Bullingeri  
M. S.

V Volfgangus Fabritius Capito Haganoæ  
in Alſatia anno 1478. naſcitur: <sup>b</sup> à ſtudio  
Theologico per parentem, impiam ſacri-  
culorum vitam abominantem, advocatur: Me-  
dicinæ Doctör creatur circa annum 1498.  
Deſuncto patre ad Theologiam redit, ſum-  
mos in ea honores conſequutus anno 1504.

<sup>b</sup> Vita Ca-  
pitionis M.  
S.

<sup>c</sup> Friburgi in Briſgoia Scoticas ſubtilitates  
proſitetur: harum petæſus ſacris initiatus:  
à Philippo Roſenbergio Epifcopo Spirenſi  
vocatur Bruſellam (agri Spirenſis oppidulum  
eſt) triennium ibi concionatur: inde Baſile-  
am à ſenatu tertio nuntio invitatus, ſummo  
templo aliquot annos præeſt, ubi docendo  
diſputandoq; prima Eccleſiæ Evangelicæ in  
inclyta illa urbe ſemina jecit: id quod non  
ſolùm epistolæ Capitonis, ſed etiam verſus,  
auditorio Theologico Baſilienſi inſcripti, te-  
ſtantur.

<sup>c</sup> Capito e-  
piſtolâ ad  
Vlricum  
Huttenum  
M. S.

Joannes Oecolampadius ( *Hauffſchein*  
Germanis) anno 1482. in oppido Cheru-  
ſcorum V Vinsperga natus, Heilprunnæ &  
Heidelbergæ adoleſcens eos in ſtudiis fecit  
progreſſus: ut illum Philippus quidem Ele-

10 ANNUS M D XVI.

ctor Palatinus liberorum suorum natu minorum præceptorem, V Vinsperga verò non ita multò pòst sibi verbi præconem deligeret.

<sup>a</sup> Capito in  
vita Oeco-  
lampadii.

<sup>a</sup> Is circa annum 1514. patriæ suæ Christû, cum omnium verè spiritualium & eruditorum admiratione, prædicavit, quanquam adhuc multa veteris superstitionis admixta essent. <sup>b</sup> Annitente autem Capitone per Christophorum ab Uttenheim Episcopum, Basileam vocatus, & parœciæ primi templi præfectus, Erasmus Annotationes in N. T. edentem, multum juvit, & à Capitone hoc 1516. anno Theologiæ Doctor renunciatus est.

<sup>b</sup> Capito &  
Polanus in  
vita Oeco-  
lampadii.

<sup>c</sup> Sum-  
marischer  
Begriff an-  
no 1545.  
zu Straß-  
burg ge-  
druckt.

<sup>c</sup> ARGENTINÆ Joannes Creutzer, Theologiæ Doctor, etsi ritus Papisticos pro ratione temporum illorum retinebat, tamen purè Evangelium docebat, cum non paucis aliis: præsertim ad Carmelitas & Augustinianos: nec aliud tum audiebatur ibi, quàm quod confessione postea anni tricesimi descriptum. Viam ad reformationem muniverat D. Keisersberger anno 1508. qui collegam & successorem Joannem hunc habuit. Itaq; inter Germaniæ urbes Argentina prima fuit, quæ cæteris exemplo esset.

Atq; hæc Ecclesiæ per Europam renascituræ primodia fuerunt in Germania.

Estq; hic annus,

*Tre-*

## ANNUS M D XVI. II

*Trecentesimus quinquagesimus sextus* à prima reformatione doctrinæ Papisticæ in Gallia, per Valdenses.


*Centesimus quadragesimus sextus* à prima cōfutatione errorum Pontificiorum in Anglia, per Joannem VVicleff.

*Centesimus decimus sextus* à primo anno Ministerii Joannis Hussi, receptas seculi sui opiniones & dogmata impugnantis in Boëmia.

*Tricesimus sextus* à condemnatione Joannis VVesseli Gröningensis, qui VVor-  
matix ante Lutherum natum eadem quæ postea Lutherus, docuit.

*Sexagesimus* ab eo tempore, quo Boëmi nonnulli à fide Hussitarum, (qui inter varia bella & certamina nil nisi nomen Hussi & calicem in cœna sacra retinuerant) discesserunt, peculiare cœtus collegerunt, cum doctrinæ puritate disciplinæ Apostolicæ severitatem conjunxerunt, & amabili FRATRUM nomine mutuò se salutarunt. Qui quidem FRATRES, falsò PICCARDI dicti, annos jam centum sexaginta & amplius inter varios motus, persecutiones, pericula, mortes, non solum conservati, sed in Moraviam etiam & Poloniam non sine miraculo diffusi, hoc ipso quo hæc scribimus tempore gaudent Patronis quidem, inter alios multos RAPHAELE, Comite à Lesno Castellano Vislicien-

licienſi, in Polonia, CAROLO ZEROTI-  
NIO in Moravia, VVENCESLAO à BVDO-  
WITZ in Boëmia, heroibus illuſtribus: Do-  
ctoribus verò primariis, Matthæo Konecz-  
ny & Matthia Cyro, in Boëmia, Joanne La-  
netio & Georgio Eraſto in Moravia, Marti-  
no Gratiano & Joanne Turnovio, in Polo-  
nia, viris innocentis vitæ & eruditæ doctri-  
næ laude florentibus, fratribus in Domino  
cariffimis.



ANNVS CHRISTI  
M D XVII.

**M**artinus Lutherus ubi reſcivit, Teceliũ  
moderata ſua ad populũ monita de va-  
nitate Indulgentiarum, indignè ferre, in pu-  
blico Academia Wittebergenſi theatro  
contra impoſturas iſtas Pontificias ſibi diſpu-  
tandum duxit.

Itaque Theſes numero nonaginta quinq;  
pridie Kal. Novembris anni decimi ſeptimi  
ſupra milleſimum quingentefimum foribus  
templi arcis affixit, quibus inſtitorum Ro-  
manenſium menſas evertit.

a Eſromus  
Rudinge-  
rus de ori-  
gine Vbi-  
quitatis.

Hic eſt ille Lutherus, a qui duorum Mar-  
tyrum & homologetarum, VVicleſi & Huſ-

ſi de-

si doctrinam sibi centum post annis assumpsit in Saxonia Septemvirali, & resumpsit, quæ contra corruptelas Pontificias ambo illi scripserunt, atq; expolivit etiam & auxit luculentè, docuitq; de conversione hominis peccatoris, pœnitentia & justificatione, perfectissime, & sacramentum etiam integrum, exemplo Hussi, suis popularibus recuperavit. Quo cum non ita multò post in Helvetia Zwinglius & Oecolampadius tum cætera omnia contra Romanenses utriusque illius, VViclefi & Hussi persecuti sunt: à VViclefo autem peculiariter contra idolum corporalis præsentiae corporis Christi in cœna sacra, jacta semina, sibi excolenda sumpserunt: de quo minor fuit Hussi scientiæ plerophoria, sed Lutheri inprimis, vel nulla potius huius prorsus, sicut ipse postea de se scriptis suis probavit; qui & profitetur hoc de se in quodam scripto suo: se potius dogma de transubstantiatione admissurū, quàm de corporali præsentia quidquam remissurum. Meminerit autem lector: etiam Prophetarum priscorum vocationis dona & beneficia fuisse imparia. Unus vitulos sustulit: & pseudolatriam in montibus intactam reliquit: alius contrà excelsa sustulit; & vitulos reliquit.

Lutheri propositionibus contra indulgentias Papales lectis mira animorum immutatio

tio per totam Europam facta est.

<sup>a</sup> Buchol-  
cerus.

Chytræus.

<sup>a</sup> Albertus Crantzius, Vandalorum Historicus dixisse fertur: *Frater, vade in cellam, & dic: miserere mei, Deus.* Subinnuens, frustra Monachum Augustinianum adversus Pontificem disputaturum.

<sup>b</sup> Lutherus  
in enarra-  
tione Ger-  
manica  
Psalmi 118.  
Tom. 5. le.

<sup>b</sup> VVittebergæ Prior & Supprior metu perculsi Lutherum adeunt, rogantq;: parcat ordini, nec illum ludibrio hominum exponat. Jam nunc in sinu gaudere Franciscanos, in ignominie suæ societatem Augustinianos venisse, Quibus respondit Martinus: *totum hoc statim concidet, si in nomine Domini ceptum non est. Sin autem; Deo rem committite perficiendam.*

<sup>c</sup> Dresserus  
parte 1. mil-  
lenarii sex-  
ti.

<sup>c</sup> Monachus quidam in Saxonibus prope Bitterfeld, conversus ad sacrificulos, *Ha, ha, ha, ha,* inquit, *venit jam is, qui vos rectè tractabit.*

Complures alii in claustris monasticis, tyrannide humanarum superstitionum pressi, Deo gratias agebant pro liberatore. Neq; verò mirum, cupidè fuisse Lutherum audirum. Theologia, conciones, vita Papalium Ecclesiasticorum bonis omnibus erat exosa.

THEOLOGIA qualis fuerit, docet Joannis Keisersbergii, Ecclesiastæ primæ ædis Argentinae, ad Jacobum VVimpfelingum, circa annū 1502. perscripta epistola: *Quid dicam de mea gente? Multos Theologos, Theophilos*

*philos producit paucissimos. Si tamen aliquos, acutos nimirum disputatores, proximorum & Dei dilectores nullos. Deus misereatur nostri, qui omnem absumimus nostram atatem in nugis non solum humanorum studiorum, sed & divinorum, in quibus utique nuga sunt, dum Dei scrutamur majestatem, & nostram negligimus considerare infirmitatem, ignorantias & malitias. Nihil de virtutibus, quemadmodum efficiamur boni, casti, mansueti, humiles, liberales, modesti, temperati, charitativi, misericordes, patientes, De hoc quis se Theologorum etiam religiosorum intro-mittit?*

<sup>a</sup> CONCIONUM materiæ aniles fuerunt <sup>a</sup> Bebelius Pontificius in suis lin-  
fabulæ: de Vespasiano, Veronicæ sudario, à  
vespis liberato: de purgatorio Patricii: de le-  
pra Constantini Magni: de colloquio Sibyl-  
læ cum Augusto. <sup>guz Lati-  
næ com-  
mentariis.</sup>

<sup>b</sup> VITA religiosorum ita fœtebat ad vulgus: <sup>b Petrus  
Matthias  
lib.4.nar-  
rat 2. ad fi-  
nem.</sup>  
ut Carolus V. Imperator, Ecclesiasticis de  
Luthero conquerentibus in Comitibus Au-  
gustanis, responderit: *Weret ihr Psaffen  
from / so hettet ihr keines Luthers bedorft. Si vos  
sacrificuli py essetis, non indignissetis censore, &  
morum correctore Luthero.*

Jam superstitionibus ita erant omnia Op-  
pleta: ut celebris monasterii Neuhusani in  
Vangionibus Abbas dixerit: (vera narro)  
*Wann Lutherus nicht kommen were / sie hettten  
die leute vberreden wollen / daß sie hew gefressen  
hettten.*

*betten. Hoc est : Si Lutherus non venisset : se persuasuros fuisse populo : ut sceno lazarum sto- machum placassent.*

a Chytræus  
Chronico.  
Sax.lib. 2.  
p. 50.

<sup>a</sup> Itaque Joannes Misnensium Episcopus tum fassus est : se sacra Biblia legentem, Religionem præsentem valdè dissimilem invenire. Qui idem cum paulò ante obitum à Tecelio indulgentias denuò vendi audisset, dixit : hunc fore institorem indulgentiarum ultimum : quod nimia ipsius, & intoleranda esset impudentia.

b Sæcus in  
concione  
funebri  
Levini  
Schulenburgii.

<sup>b</sup> Certè nequissimus Monachus Magdeburgi opulentam sceminam, peccata sua cõfitentem, absolvere noluit; nisi centum florenis ab ea numeratis. Super qua re cum illa ordinarium suum confessionarium, Monachum Franciscanum consulisset, respondit ille: *Deum peccata gratis remittere, non institutorum more vendere.* Rogavit autem sceminam: Tecelio ut ne aperiret, à quo hoc responsi tulisset. Et sanè cum causam non numeratæ pecuniæ Tecelius audisset, aut igni aut exilio adjudicandum huius consilii auctorem dixit.

Ab hoc tempore universæ Europæ oppidulum VVittembergæ innotuit. Audivimus à præceptoribus nostris : diversarum gentium studiosos, Lutheri & Melanchthonis audiendi gratiâ, VVittembergam profectos, ad primum oppidi conspectum complicatis mani-



manibus Deo gratias egisse : quod sicut olim è Sione , ita isto seculo è VVittembergæ Evāgelicæ veritatis lucem in remotissima regna voluisset diffundi. <sup>a Tom. I. VII. De clama. Ph. lpp. p. 347.</sup> Compertumq; est, Martinum Polichium Mellerstadium verè de Academia VVittembergensi vaticinatum fuisse: *illam cunctas alias Germaniæ Academies suâ luce obscuraturam.*

<sup>b Tom. I. epist. Luth. epist. 32.</sup> Cæterùm Lutherus propositiones suas misit ad Albertum Archiepiscopum Moguntinum, itemq; ad Hieronymum Episcopum Brandenburgicum. Ab illo nihil responsi tulit: erat enim ( quod Lutherus ignorabat ) particeps rapinarum Tecelianarum: hic Lutherò per literas & Abbatem quendâ significat: optare se, & petere, ut paululùm differat editiones probationum suarum: de indulgentiis etiā sermonem vulgare medium valdè nolle. Ad quæ Lutherus: *Benè sum contentus: malo obedire, quàm miracula facere, etiamsi possem.*

Francofurti ad Viadrum Tecelius Lutheri Thesibus contrarias opponit, à Doctore <sup>Caminæ: us Oratio- ne seculari Acad. Fran- cofurt.</sup> Conrado VVimpina confectas : quibus Papam Petro; crucem à Papa erectam, cruci Christi comparat. Disputationi illi trecenti Monachi interfuerunt.

Annum hunc quidam in hoc Cantici Ambrosiani versu comprehendì observavit:

*Tibi ChervbIn & SeraphIn InCessabili  
VoCe proCLaMant.*

Et sanè eventibus etiam aliis insignibus annus hic est memorabilis.

*a* Tom. III.  
Declamat.  
Philippi  
Oratione  
funebri  
Ioannis  
Ducis Sa-  
xoniz.

*a* Fridericus Saxoniz Elector cum fratre Duce Johanne, & nepote Johanne Friderico, Vinariæ in pervigilio natalis Christi ad sacra frequenti comitatu iturus, videt supra arcem, cælo sereno, fulgentem crucem purpuream satis magnam, & perspicuè expressâ figurâ. Stant aliquandiu attoniti spectatores: At Fridericus cum fratre de religione colloquens, eo signo futura certamina de doctrinâ, & domûs Saxoniz pericula portendi vaticinatur.

*b* Paralipomena Vr-  
spergii.  
Sicidanus.

*b* Joannes Franciscus Picus Mirandula Romæ in Concilio illustri Pontificem ad reformationem Ecclesiæ splendidâ oratione hortatur. Et consensum tum est in hanc sententiam: Ecclesiæ Romanæ mores esse reformatandos.

*c* Vita Galeacii & Bonifacii.

*c* Neapoli nascuntur duo insignes Fidei confessores, Galeacius Caracciolus Marchio Vici, Pauli IV. Pontificis sororis filius, Januario, & Joannes Bernhardinus Bonifacius, Marchio Oriæ, & Dominus terrarum Francouillæ & Casalís aovi, Februario mense: quorum uterq; agnitâ doctrinâ Evangelii, ministerio Lutheri repurgatâ, perpetuo exilio docuit: Christum omnibus huius vitæ bonis esse præferendum. In


In Helvetia Zwinglius Glaronâ ad famosum illud Virginis Eremitanæ templum (zum Einsiedeln) evocatur: quæ cupide profectus est, tum quod maximus illuc hominum ex omnibus ferè mundi partibus esset confluxus, quâ occasione existimabat se Christum & eius veritatem in regiones & varias & remotas divulgare posse: tum quod Abbas loci esset Nobilissimus Cunradus à Rechenberg, superstitionum osor, & missatici sacrificii non obscurus hostis: qui aliquando Visitatoribus, ut missam celebraret, hortantibus, respondit: *Si verè Christus est in hostia, indignus sum, qui illum intuear, indignior, qui Patri offeram. Si non est in hostia, va mihi, si panem pro Deo populo adorandum proponam.*

a Myconius in vita Zwinglii. Bullingeri Chronico M.S.

Thuringiæ suscitavit Deus Evangelium. Vita Myconit.  
Itam Fridericum Myconium Francum. Is cum ordinem Fratrum minorum aliquandiu sectatus fuisset Annæbergæ, Lipsiæ, Vinariæ, & anno superiore, ætatis vigesimo quinto, ipso die Pentecostes, præsentibus Joanne, & Joanne Friderico, Ducibus Saxonæ, Vinariæ sacris initiatus fuisset, hoc anno ad ministerium docendi à Vinariensibus vocatur.

Papisticum quid olebant initiò Sermones ad populum ab illo habiti. Ac

ubi illi Deus intus, Lutherus foris concionatus est, primus in Thuringia Papatui contradixit, & concredita sibi fidei mysteria volentibus auditoribus pervulgavit.



## ANNVS CHRISTI M D XVIII.

LUTHERI, mandato Præfulis Brandenburgici, parituri, & quieturi, pennam novi acuunt adversarii, Joannes Eccius Ingolstadiensis, Sylvester Prieras Romanus, Jacob Hochstrat Lovaniensis, Theologi. Ille respondens Hochstrato animum crudelem & sanguinarium exprobrat: Eccii Obeliscos suis Asteriscis configit: Sylvestri verò Dialogo, verè, ut ait, Sylvestro, solius Thomæ autoritate pugnanti, sacram scripturam opponit: & , *quò magis illi furunt, eò amplius*, inquit, *procedo: relinquo priora, ut in illis latrent: sequor posteriora, ut & illa allatrent.*

Tern. I epistol. Luth.

Lutherus  
epistol. ad Jo-  
annem  
Sylvium.

Sylvester non ita multò post epitomen responsionis ad Lutherum edit: ad quam epistolâ respondet Martinus, Sylvestri scriptum Satanicum appellat: Romam, si idem quod Sylvester sentiat, ipsissimam Antichristi se-

sti sedem pronuntiat : quæ causa fuit ,  
cur silentium Prierati sit indictum.

Vivebat tum VVittebergæ Andreas Bodensteinus , patria Carolostadius , gente Francus Germanicus , qui Romæ studiis Theologiæ operam dederat , & in Germaniam reversus VVittebergæ Doctor Theologus creatus , in Professorum factorum ordinem adscitus , & in templo Arcis Canonicus ac Archidiaconus fuerat declaratus. Cuius sub Decanatu Lutherus Theologiæ Doctor est renunciatus. Hic inter primos fuit VVittebergæ , qui Lutheri doctrinæ adstipularetur , & eam etiam scriptis nonnullis defendere non dubitaret. Saxo Elector Carolostadii huius & D. Lutheri patrociniū non rogatus suscipit : nec patitur , ut Lutherus ad Urbem trahatur : studiosi VVittembergenses positiones Tecelianas , Halâ Saxonum allatas , in foro cremant : Lutherus , omnibus dissuadentibus , tamen obedientiæ satisfactorius ad Capitulum Heidelbergense proficiscitur.

Idem epi-  
stola ad Jo-  
annem  
Langum.

Ut Herbipoli ab Episcopo , ita Heidelbergæ à Comite Palatino Wolfgango , honorificè excipitur : apud Augustinianos ( Collegium sapientiæ indigetatur hodiè ) disputat : paradoxis xxviii. ex Paulo de justificatione fidei propositis : inter quæ eminent ista :

B. 3



Liberum arbitrium post peccatum res est  
de solo titulo.

Legantur  
Theses  
Tom. I. o-  
perum Je-  
nensi.

Non ille justus est, qui multum operatur.  
sed qui sine opere multum credit in  
Christum.

Interfuit disputationi Martinus Bucerus.  
Is quâ potuit manûs celeritate excepit, quæ  
inter disputandum à Luthero dicta, eaque  
cum Beato Rhenano communicavit, addi-  
to hoc Lutheri elogio.

Ex auto-  
grapho  
Bucer.

*Lutherus in suorum Fratrum apud nos cele-  
bratâ Synodo literaria pugna solenni more præ-  
fectus, ea disputavit paradoxa, qua non modò  
opinionem omnium superarent, sed etiam plera-  
que visa sunt hæretica. Mira eius in respon-  
dendo suavitas, in audiendo incomparabilis  
longanimitas, in dissolvendo Pauli agnovisses  
acumen, non Scoti, adeo brevibus, æque divi-  
na scriptura penu depromptis responsis in sui ad-  
mirationem facile cunètos adduxit. Cum Eras-  
mo illi conveniunt omnia, uno hoc hic præstat,  
quod, quæ ille tantum insinuat, hic aperte do-  
cet.*

Erfurti Do-  
minicâ Vo-  
cem jucun-  
datis.

In reditu Erfurti literas dedit ad Judo-  
cum Isennacensem Theologum, præcepto-  
rem suum: quibus scribit: *in doctrina gratia  
& operum secum sentire totam Vniuersitatem  
VVittembergensem, excepto uno fermè Licentia-  
to: sed & Principem, & Episcopum ordinarium  
suum, multos Prælatos, & ingeniosiores cives*

uno

*uno ere dicere: sese prius non novisse Christum & Evangelium. Fatetur etiam, se ex Iudoco primò omnium audivisse: solis Canonicis libris deberi fidem, ceteris omnibus iudicium.*

Domum reversus Lutherus, edit propositionum suarum de indulgentiis resolutiones & declarationes, quas Leoni X. dicat Dominicâ Trinitatis. Causas editionis aperit, partim ad Leonem, partim ad Episcopum Brandeburgicum, epistolis.

ut mitiget adversarios:

ut desideria multorum expleat:

ut ne errare sinat eos, qui putant: omnia esse asserta. *Inter qua sunt, inquit, de quibus dubito, nonnulla ignoro: aliqua etiam nego, nulla verò pertinaciter asserto.* Obsecrat Brandeburgicum; ut arrepto calamo, quæcunque visum, aboleat, aut igne facto, universa comburat: protestatur se disputare, non determinare. Sic ad Leonem X: *prostratum*, inquit, *pedibus me offero Beatis, tuæ cum omnibus qua sum & habeo: vivifica, occide, voca, revoca, approba, reproba: vocem tuam vocem Christi, in te præsentis & loquentis, agnoscam.*

Maximilianus Cæsar de eventu harum disputationū sollicitus, Pontificem officii admonet. Is Lutherū Romā evocat. Hic in Germania se audiri petit, loco & iudicibus idoneis: Saxo Elector à Caietano, Pōtificis legato hoc

Vtraq; epistola extat. Tom. I. oper. Latini. Ienensi & Wittemb.

impetrat Augustæ in Comitibus, quæ Maximilianus postrema celebravit.

Interea Luthero associatur fidus in negotio Evangelico promovendo parastates PHILIPPUS MELANCHTHON. Is in oppido Archipalatinatus BRETTA anno 1497. 16. Februarii natus, & in bonarum artium ac linguarum studiis Heidelbergæ & Tubingæ educatus, à Friderico Saxonie Electore ex Academia Tubingenfi vocatur VVittembergam ad docendas Græcas literas. Ac Capnio autor est Philippo, ut conditione oblatâ utatur, ac in literis ad Phi-

Integra epistola existat in textu libelli epistolarii Eobani Hessi per Camerarium editarum epistolâ 8. a.

lippum inter alia sic scribit, vaticinans: *Ecce adsunt literæ piissimi Principis, manu ipsius subsignata, quibus pollicetur tibi beneficium & propitium se fore. Quare nunc haud affabor te poëticè, sed verâ utens promissione, Abrahæ fideli factâ: egredere de terra tua, & de cognatione tua & de domo patris tui: & veni in terram, quam monstravero: faciamque te in gentem magnam, & benedicam tibi, & magnificabo nomen tuum, crisque benedictus.* Hæc Genesios 12. Ita mihi prasagit animus, ita spero futurum de te, mi Philippe, meum opus & meum solatium. Hactenus Capnio.

Tom. 5.  
Declamat.  
Philippi,  
p. g. 187.

Discedente Philippo Tubingâ, Simlerus præceptor, vir eruditione præstans, deplorandum esse toti civitati eius abi-

tum,



abitum, dixit: & ſubiecit: *Quotquot ibi eſſent docti homines, non eſſe tam doctos, ut intelligerent, quanta eſſet doctrina eius, qui inde evocatus diſcederet.* Venit autem VVirtembergam 25 Auguſti, qui fuit dies Mercurii ætatis anno 22.

De Philippo ita Lutherus ad Spalatinū: *Habuit orationem quarto die poſtquam venerat, planè eruditiffimam & terſiſſimam, tantâ gratiâ & admiratione omnium, ut iam non tibi id cogitandum ſit: quâ ratione eum nobis commendes. Abſtraximus citò opinionem & viſionem ſtaturæ & perſonæ, & rem ipſam in eo gratulamur & miramur.*

Et aliâ epistolâ ad eundem: *Philippum Graciffimum, eruditiffimum, humaniſſimum, habè commendatiſſimum. Auditorium habet reſertum auditoribus: inprimis omnes Theologos ſummos, cum mediis & infimis, ſtudioſos facit Gracitatis.* Et ad Joannem Langum: *Eruditiffimus & Gracaniſſimus Philippus Melanchthon apud nos Graca proſitetur, puer & adoleſcentulus, ſi ætatem conſideres, ceterùm noſter aliquis, ſi varietatem, & omnium ferè librorum notiſſimam ſpectes: tantum valet non ſolum in utraq; linguâ, ſed utriusq; linguæ eruditione. Ebreas quoq; non incognitas habet literas.*

Erasmus ad Oecolampadium hoc anno. *Epistola De Melanchthone & ſentio præclare, & ſpero* <sup>rum lib. 7.</sup> *magnificè, tantum ut cum iuvenem nobis Chri-*

*stus diu velit esse superstitem. Is prorsus obscurabit Erasmus.*

Lutherus  
epistolis ad  
Scarpitium  
& Spalati-  
num.

Augustam venit Lutherus sub initium Octobris, Caietano se sistit duodecimâ Octobris: humaniter ab eo accipitur: ad palinodiam sive revocationem, & promissum de abstinendo impostero ab his & aliis, primum blanditiis, deinde minis sollicitatur. Ille errores sibi demonstrari petit, Cardinalis nullam syllabam ex sacris literis producit: tantum decretum quoddam Clementis Pontificis de Indulgentiis, quod exstat in extravagante, urget: quod Lutherus cum scriptura pugnare docet, si secundum literam intelligatur: atque post aliquot dierum conflictatiunculas graviora veritus, & ut Polydorus Virgilius loquitur, metuens, ne Cardinalis rem omnem magis imperio quam disputatione definiret, datis ad Cardinalem literis, & dispositâ Appellatione à Cardinali ad Papam, publicè affigendâ, Augustâ discedit vigesimo Octobris, reversus Witebergam 30. Octobris: quo die Tezelium ante annum adortus fuerat.

Caietanus ad Saxonem scribit, consulens, ut Lutherum vel ad Urbem mittat, vel ditione suâ eiiciat. Lutherus cogitat in Galliam: amici suadent: ut se Saxoni captivum det: Saxo veluti captum alicubi custodiret, feriberetq; Legato: Lutherum captum,

ptum, & sistendum in loco tuto ad respondendum.

Saxo respondet Legato: se nec Romam, nec in exilium posse mittere Lutherum: cum nullius erroris convictus sit: & Academiæ utiliter inserviat. Petit ut causa eius in publicâ disputatione in locis tutis cognoscatur: & errores eius ostendantur. Lutherus 29. Novembris per epistolam Saxoni valedicit, pro patrocinio gratias agit, abitum in alia loca parat. Saxo hanc Legato Pontificis mittit. Lutherum VVittemberge manere iubet: qui pridie huius diei, id est 28 Novembris (cum audiisset Leonem X. Indulgentias novo edicto sancivisse: & videret hoc agi, ut violenter ipse opprimeretur) appellavit à Papa ad Concilium, præmissâ & expressâ solenni protestatione: *quod contra unam, sanctâ, Verba Lu- & Apostolicam Ecclesiam, quam totius orbis esse thesi. magistram non ambigat, sanctæq. sedis auctoritatem, ac sanctissimi Domini Papæ benè consulti potestatem, nihil dicere intendat.*

Memoratu dignum est, quod inter tot tamque graves conflictus Lutherus ad VVenceslaum Linckium scripsit sub finem huius anni: *Mitto ecce acta mea acutiùs, quàm speraverit D. Legatus, edita: sed longè maiora Tom 1. e- parturit mihi iam calamus: nescio undè veni- pist. Luth. ant ista meditationes: res ista nec dum habet initium, meo iudicio: tantum abest, ut finem*

*nem possint sperare Romani Proceres. Mittam ad te nugas meas? ut videas: an rectè divinem, Antichristum illum verum, iuxta Paulum, in Romana curia regnare: peiorem Turcis esse hodie puto me demonstrare posse.*

Hac de re cogitanti mihi sæpenumero in mentem venire solet fabula, cuius titulus est: **MALUM IRRITATIONE AUCTUM:** Quodam in oppido solebant de certis cæribus excludi omnes vitiati quacunque corporis parte: erantque constituti, qui de illorum (si qui fortè obrepfisse comperirentur) singulis vitiis singulos nummos exigèrent. Hi aliquando claudo conspecto, cum exigèrent ab eo multam, & renitentem invaderent, scabiem in eo etiam deprehendunt. Ergò postulant iam nummos duos. Etiam tunc illo refragante, apparet lippitudo oculorum. Tum isti, iam tres dabis nummos, inquit. Egone? inquit ille. Pugnabo potius. In lucta igitur ea apparet hernia quoque. Tum exegère tandem nummos quatuor ab eo: qui se uno liberate potuisset. Fabula narratur contra pertinaces, & propugnatores vitiorum suorum. Narratur & contra eos, qui renitendo & resistendo malis levibus, graviora sibi ipsi accersunt. Quid mollius dici potuisset: quàm quod contra impudentissimas conciones de indulgentiis à Luthero tantùm dicebatur?

Magnus

Magnus omninò animus fuit in Luthe-  
ro. Augustam profecturus, pedester venit  
Vinariam, in monasterioque pernoctat. Jo- Vita Mico-  
annes Kestnerus, Monachorum Vicarius & nus  
Administrator, inter alia ad Lutherum: *Mi*  
*frater, habebis Augusta Italos, homines doctissi-*  
*mos & acutissimos, & antagonistas acerrimos,*  
*qui plurimum tibi faceissent negotii: valde metuo,*  
*ne causa excidas: profectò in ignem te coniciant,*  
*& flammis exurent.* Cui Lutherus periocum  
respondit: *si urticis me ufferint: aliquo modo to-*  
*lerabile erit: sin igne, nimiùm grave & intolera-*  
*bile, addens hanc exhortationem: interpone qua-*  
*so tuas preces apud Deum pro me: & ora Christũ*  
*filium eius, cuius est causa hac: ut mihi adsit:*  
*quàm si obtinuerit; mihi obtenta erit: sin ve-*  
*rò causâ exciderit: nec ego eam obtinere potero:*  
*atq; ita ipse solus ignominiam reportabit.*

Oratori Principis Montis ferratensis Au- Mathesius  
gustæ rogatus: ubinam locorum mansurus in vita Lu-  
sit titò? *sub calo*, respondet. theri.

Profecturus Augustam, cum ab Alberto  
Comite Mansfeldico de periculo monere-  
tur: *quanto magis, inquit, illi minantur: tantò* Epistola ad  
*magis ego confido: uxor mea & liberi mei provi-* V Vences-  
*si sunt: agri, domus, substantia, cuncta disposita:* laum Lin-  
*gloria & nomen iam discerpitur: unum superest,* ckium.  
*imbecille &, fractum corpusculum: quod si abstu-*  
*lerint, fortè duabus, vel unâ vivendi horâ me*  
*pauperiorem facient: animam verò non auferent.*  
Canto

*Canto cum Ioanne Reuchlino, qui pauper est, nihil timet: nihil perdere potest: sed spe bonâ latus sedet: nam sperat acquirere.*

Ubi Augustæ intellexit: Caietanum Cæsaris & Principum animos à se abalienare, sic ille ad Spalatinum: *Ego in his omnibus nihil timeo: quod si etiam obtinuerit eorum vel adulatio, vel potentia: ut omnibus me odiosum faciant: id mihi reliquum est & cordis & conscientia: quod omnia qua habeo, quæq; ipsi impugnant, ex Deo me habere agnoscam & confitear: cui & ea ipsa libens & spontè refero & offero: si aufert, sint ablata: si servat, sint servata; & nomen eius sanctum & benedictum in secula, Amen.*

Et ad Philippum Melanchthonem: *Tu age virum, sicut & agis: & adolescentes recta doce: ego pro illis & vobis vado immolari, si Deo placet. Malo enim perire; &, quod unum mihi gravissimum est, vestrâ dulcissimâ conversatione carere in aeternum; quàm ut revocem benè dicta, & studiis optimis perdendis occasio fiam. Augustâ, Feria 2. post Dionysii.*

Epistolar.  
lib 11. c-  
pist. 1.

ERASMUS in causâ Lutherana vario fuit animo. Hoc quidem anno sic ille de Luthe-  
ro: *Lutherus tam ignotus est mihi, quàm cui ignotissimus: nec adhuc vacavit hominis libros evol-  
vere præter unam & alteram pagellam: non quod fastidierim, sed quod per studiorum occupationes non datum sit ocium: & tamen hunc quidam, ut  
audio,*

audio, meâ confingunt adiutum operâ. Si rectè scripsit, mihi nihil debetur laudis: sin secus, nihil me reor prebri, quando in omnibus illius lucubrationibus ne apiculus quidem ullus est meus. Id verissimum esse comperiet, quisquis volet vestigare. Hominis vita magno omnium consensu probatur: iam id non leve praiudicium est: tantam esse morum integritatem: ut nec hostes reperiant quod calumnientur. Quod si maximè vacasset legere: mihi non tantum arrogo: ut de tanti viri scriptis velim pronunciare: etiamsi nunc passim pueri magnâ temeritate pronuncient: hoc erroneum, illud hæreticum. Imò adversus Lutherum aliquando fuimus iniquiores: ne quid invidia recideret in bonas literas: quas nolebam amplius onerari.

Et alibi: eò vanitatis processerat frigida illa disputationatrix Theologia: ut necesse fuerit ad fontes revocare. Sed tamen illâ quoq; corrigi malim, quàm explodi: aut certè tolerari: donec potior aliqua Theologia ratio fuerit parata. Multa præclare monuit Lutherus: sed utinam civilius admonuisset. Plures haberet & fautores & propugnatores, & uberiores messes demeteret Christo. Et tamen impium sit, illū in his, quæ rectè dixit, prorsus indefensum relinquere: ut posthac nemo sit, qui verum ausit proloqui. Non est huius conditionis, nec huius ingenii, de illius doctrina pronuntiare. Hactenus certè profuit mūdo. Nonnulli sunt adacti ad evolvendos veterum Theologorum libros: alii, quo sibi consulerent; alii, quò Luthero negotium facesseret.

*Iterum.*

Epistolarū  
lib. 11. ad  
Rectorem  
Acad. Erfur-  
tensis.

Libro cod. *Iterumque : Ego Lutherum nec accuso , nec defendo. Sic esse, res ipsa docebit. Quare nolim me horum negotiis admisceri.*

Epistolâ ad  
Georgium  
Spalaunū. *CONTRÀ LUTHERUS hoc eodem anno sic de Erasmo : Ego apud eos ( id est, omnes ) qui bonas literas vel oderunt studio, vel nesciunt ignaviâ, Erasmus summis laudibus semper effero, atque tueor, quoad possum; omni industriâ cavens: ne evomam ea, in quibus dissentio: ne meâ quoque voce suam invidiam in illum confirmet. Quanquam sunt quam multa in Erasmo, quæ mihi ad cognitionem Christi longè aliena videantur: si tamen ut Theologus, non ut Grammaticus, loqui debeo: alioqui nihil eruditius, nihil ingeniosius viderit vel ipse Hieronymus, tanto predicatus ab Erasmo præconio. Atq; hoc meum de Erasmo iudicium, si alteri feceris notum: tum scias amicitia iura te violasse.*

Basilez 11.  
Non-Sept.  
Anno M  
D XVIII.

*V Volfgangus Fabritius Capito quid ex consilio Erasmi, Lutherum hoc tempore monuerit, non est reticendum. Vidi, inquit, concionem tuam de pænitentia, & alteram de condonationibus, utramque contra receptos huius ætatis mores apertis figuris militantem. Obstupui, de amici salute anxius, qui densis hostium turmis ita nudum obiiciis latus, quamvis instructissimus vidère armis veritatis. Tu tamen longè aliis, malè metuo, impugnaberis & periculum est, ne vi res geratur. Quod si ex fide consulenti aures dignaris, expertus moneo, Sertorii consiliū ample-*



*amplectaris. Crede mihi, carptim facies, quod viribus ne labefactare quidem potuisses. Arcem, ut vides, undiq; munitam occupant, triplici vallo septi, velut extra tela. quod dicitur, stertunt, auctoritate Pontificiâ, hoc est, universalis Ecclesiæ potentiâ, tyrannorum, & omnium Scholarum pertinaci consensu. Profectò triplicem hunc Caco-dæmonis funem crassissimum haud faciliè unquam rumpes. Opus est Alexandro quodam, ceu Gordii vincula gladio confidenter dissolvente: ingenio aut ratione fieri difficultas est: piorum simplicitas à nutu & renutu pendet huius factitiæ Ecclesiæ, argutioribus animum tyrannis adimit. Porro qui omnibus vero maiorem sanctimoniam peritiamq; Christi venditamus Theologi, supercilio nostro committimus Christum, Relligionis omnes invehimus sordes, prætexitque pietatis nostrum probè compendium curamus. Proinde ne in irritum conatus iste egregius vergat, obregas, oro, quemlibet fucum, quò hamum queas infigere citius lectori, quàm sibi putet insidiæ fieri. Sic Apostoli nihil subito, nihil suapte urgebant. Vbiq; decoram humanitatem custodierunt. Per quos enim Paulus ingreditur cuniculos in epistola ad Romanos, quid non facit, quò gratiam apud eos tueatur? simulat, dissimulat, inducit, educit, ostendit procul divitem supellectilem, continuò celat, prorsusque sic sermonem librat, ne vel odium, vel fastidium suboriat. Eius ingenij exemplis acta Apostolorum redundant. Sic Di-*

*vus Paulus in tumultu , similis tergiversanti ,  
 respondet : Non dicit : nihil loquor contra legem :  
 sed , de resurrectione iudicor , interea reddens  
 de observata lege rationem mirâ dicendi pruden-  
 tiâ : siquidem obliquo ductu magna res securè  
 conficiuntur. Quam vellem semper aliquam ser-  
 vare fenestram , quâ effugias , vel disputatio-  
 ne vexatus. His diebus à Roma libellum Syl-  
 vestri de Prioratis accepi , quem satis ineptè in  
 tuas Venias edidit : cui si respondendum , perpe-  
 tuâ velim id fieri oratione , atque Christi veram  
 ex Evangelis imaginem præbeas. Natum & au-  
 ctam religionem , consuetudinem priscorum , ra-  
 tionem induere erroris , & variata Pontificum ,  
 adeoque Conciliorum decreta narres , expressâ no-  
 tatione , ut oratio fidem sibi sensibus confirmet ,  
 quasi hausta ex fonte veritatis. Deinde singula  
 deliramenta risu eleves frequentius , quàm serio  
 conatu. Sedulo à Pontifice ledendo abstineas ,  
 quin omnem detorqueas invidiam in illum , tan-  
 quam impudenter adulantem , tanquam indigna  
 affingentem Pontificis dignitati , tantum ventris  
 causâ : te apertis obsistere sycophantis , ansam ma-  
 li præcidere conantem : passim ut tulerit facultas ,  
 inter agendum respondendi aditus præse-  
 pias , ut nequeat nisi incassum  
 referire.*



# ANNVS CHRISTI

## M D XIX.

**S**UB initium anni Leo X. Carolum Militium ex nobilitate Misnica Brevibus Apostolicis L X X. & amplius armatum, in Germaniam mittit, & Fridericum Saxonem aureâ rosâ, nescio quibus ceremoniis consecratâ, singularis benevolentiae ergo donat, & Degenhartum Pffeffingerum, virum nobilem ex Friderici Consiliariis per literas rogat: ut Militio operam navet in expellendo Luthero, Satanæ filio. Scribit in hanc sententiâ etiam ad Georg. Spalatinû. Exstante. pistolæ Tom. 1. operû Luth. Lat. Jenens.

Interea Maximilianus 12. Januar. moritur: gubernatio Imperii in Saxonibus partibus, lege Carolinâ ad Fridericû devolvitur: unde, cohibitis nonnihil adversariorum furoribus, aura mitior Lutherum afflat.

Militio autem negotium sibi commissum strenuè agente, Lutherus, Altēburgi cû eo colloquutus, duo promittit; silentium, si adversariis idem iniungatur: & palinodiâ, si erroris vincatur. Deinde in eandē sententiâ Martii dat literas ad Pontificem, valde demissas: quib. indicat: à palino. Tom. 1. oper. Luth. Germ. Jenens. p. 143. Extat epistolâ Tom. 1. operum Luth. Lat. Jen. p. 222.

dia se prorsus abhorrere , aspersurâ aliquid maculæ ipsi sedi Apostolicæ : quod in Germania complures sint præstanti ingenio & eruditione viri , qui de tota controversia rectè iudicare possint. De indulgentiis se posthac nihil moturum: modò fileant etiam adversarii.

<sup>a</sup> Legantur  
hæ epistolæ  
lib. 6. epist.  
Erasm.

<sup>a</sup> Quinto Kal. April. Lutherus literis ad Erasmus datis , amicitiam illius ambit. Cui Erasmus Lovanio valde amanter respondet: & laudatis Lutheri commentariis Psalmicis, expositoque iudicio clarorum per Angliam virorum de lucubrationibus ipsius honorifico , ad civilem in scribendo & disputando modestiam Martinum revocat.

<sup>b</sup> Integram  
epistolam  
vide Tom.  
1. oper.  
Luth Lat.  
Jenen. p.  
222 b.

<sup>b</sup> Idem Erasmus xviii. Kal. Maias ad Fridericum Saxonie Ducem scribit; eumque rogat : ne committat , ut se iustitiæ præside , quisquam innocens, prætextu pietatis , aliquorum impietati dedatur. Lutheri vitam innocentie nomine commendari: nec protinus hæreticum esse , qui huic aut illi displicet : plerosque illius accusatores suum agere negotium , vel quæstui suo consulentes, vel tyrannidi: nec facile hæreseos suspicionem onerandum eum , qui vitam Christo dignam agit.

Menses Junius & Julius huius anni disputatione Lipsicâ nobilitati sunt. Superiore anno sententias, quas Lutherus de indulgentiis pro-

proposuit disputandas, Eccius obeliscis notavit, iisque valde amarulentis. Ex illis refellit aliquot Carlostadius in conclusionibus suis, quæ exstant. Carlostadio respondit Eccius per Apologiam satis mitem. Apologiam edito libello Carlostadius confutavit: contentio hæc ut componeretur, egit cum Eccio Lutherus Augustæ, ut cum Carlostadio Lipsiæ, assentiente Georgio Saxonæ Duce, congredieretur. Dies disputationi dicta xxviii. Junii. *Acta disputationis invenies descripta Tom. 1. operum Latin. Luth. Ienens. pag. 242.* Et ibidem per Melanchthonem *ad Oecolampadium epistolâ pag. 361.* Tomo item primo epistolarum Lutheri ad annum xix. epistolâ *ad Ioannem Langum pag. 161. & ad Spalatinum pag. 180.* Descripsit eadem eleganti stylo Petrus Mosellanus epistolâ ad Bilibaldum Pirckamerum, quam M. S. ex Bibliotheca Pirckameri erutam, ut fidissimam rei gestæ nunciam, in gratiam lectoris adscribam: Sic igitur ille: *Editum est nobis hisce diebus Lipsiæ rarum omnino & iucundum spectaculum. Nempe Theologorum insignium disputatorius congressus: de quo non dubito, quin plura scire gestias. Sed gravissimi morbi, qui me totos quatuordecim dies decumbere coëgit, reliquia, non sinunt rem accuratius perscribi. Tum itineris molestia, quod ex rei familiaris negotiis ad Treviros institui, multum quoq; alacritatis adimunt. Itaq; capita rerum*

*paucis tibi signabo. XVIII. Iunii, qui dies condictus erat, Illustrissimi Principis mei Georgij iussu & sumptu, magnificum sacrum mane, omnis generis musicâ adhibitâ, in honorem sancti Spiritus cœptum. Quo peracto, Doctores peregrini, qui disputaturi erant, honestissimâ totius scholæ nostræ pompâ in arcem deducebantur.*

*Ibi enim spatiosissimus locus in auditorium erat, aulais ac tapetis, pulpitis, suggestisq; instructus. Hunc locum armatorum civium manus ita obsedit, ut non cuiusvis gregario (confluxit enim ad illud spectaculum magna vis hominum, doctorum pariter & indoctorum) aditus pateret. Huc ubi ingressum est & consensum: ipse, consensu suggestu, Illustrissimi Principis mei nomine disputatores commonui sui officij, longâ oratione disserens de disputandi ratione, præsertim in re Theologica. Quam partem liberius fortasse tractavi, quàm ut omnium auribus grata fuerit. Princeps ipse, lectam orationem, antequam pronunciaretur, vehementer probavit. Hoc unum mirabatur: esse tam stultos Theologos, imo malos, ut locum facerent eiusmodi reprehensionibus. Eam orationem, Principis iussu editam, hic unâ mitto. Tu, si quando vacabit, lege, & iudica. Sed ad rem. Posteaquam ipse perorâram, tibicines pariter, & liticines, tum Cantores dulcissimo concentu canticum illud; Veni sancte Spiritus, ter modulabantur. Quod ipsum ex meo consilio Princeps demandârat. Hic finis apparatus. Iam prandij tempus appete-*  
*bat.*

bat. Quare disputationis serium initium in horâ secundam dilatum est. Quod tempus ubi advenit: partes utring, pro more theologico, simplicitatem suam protestabantur. Martinus hoc adiecit: se hoc gravatim ferre, quod ex fratribus Prædicatoribus, qui eam tragædiam primi exuscitassent, nemo disputaturus adesset: cum tamen in singulis suis concionibus graviter Martinianos errores in invidiam vocassent. Commissi sunt primùm Carolo-  
stadius & Eccius, par omnino dissimile. Nam Carolo-  
stadius voce, vultu, gestu, incessuq, modestiâ Theologicam præ se ferebat: disputabatq, non ad ingenij gloriam, aut victoriam, sed veri, rectiq, inquisitionem: quare nihil nisi adhibitis libris asserebat, nihil item ab adversa parte adductum, admittebat, nisi sententiâ scriptoris ex præcedentib. & sequentibus collegisset. Quâ diligentia doctis se vehementer cõmendavit: inducti timorem & tarditatē interpretabantur. Eccius contra clamore, vultu militari ac truci, gestu histrionico penè, & incessu impetuoso, feroculus quispiam apparebat. Omnia illa externa corporis signa animum parùm Theologicum declarabant. Dixisses Gorgiam quempia disputare, non Theologum. Adeo leviter & impudenter subinde se iactabat: magnam adeo iacturâ nominis sui apud nos fecit. Levissimè asserit, quæ falsa sunt: impudentissimè negat, quæ pro certo vera, idq, cum iactatione sui, quo res fit odiosior.

Res fuit. Eccio cum Carolo-  
stadio de libera arbitrio: omnene bonum opus proficiscatur.

è divina gratia , an verò nonnihil etiam de sua  
 conferat humani arbitrii actio ? Priorem senten-  
 tiam Caroloſtadius , poſtēriorem Eccius tuebatur.  
 Tum illud iactatum : ſitne omnis Chriſtianorum  
 vita pœnitentia ? unde fluit , in opere ſuo homi-  
 nem peccare. Contra qua niſus eſt Eccius. Por-  
 ro Martinus negavit Romani Pontificis poteſta-  
 tem primariam iure divino , hoc eſt , ſacra ſcri-  
 ptura teſtimoniis poſſe comprobari. Imò ſacerdo-  
 tem quemvis ex aquo ( quod ad Pauli Theologiam  
 attinet ) Apoſtoliſ ſuccedere , habereq; facultatem  
 & culpa & pœna remittenda , ſi neceſſitas ita fe-  
 rat. Hic Eccius in adverſum multa decreta , mul-  
 tas Patrum authoritates congeſſit , cum iure di-  
 vino tantum Primatus Pontificis eſſet aſſerendus.  
 Ventum tandem eſt ad ſacram ancoram , nempe  
 illud Matth. xvi. Tu es Petrus , & ſuper hanc  
 petram ædificabo Eccleſiam meam &c. Hic Mar-  
 tinus PETRAM ſolidam fidei confeſſionem in-  
 terpretabatur , & totum corpus Eccleſia cum O-  
 rigene , aut Chriſtum ipſum cum Auguſtino.  
 Eccius cum recentioribus , hominem Petrum , &  
 eius ſucceſſores. Eamq; expoſitionem aliquot Bern-  
 hardi & Hieronymi verbulis decerptis firmavit.  
 Qua omnia Martinus mirè eluſit , per hoc ; quod  
 tones Eccleſia redderetur ἀνέφαλον , quoties E-  
 piſcopus Romanus aliquis moreretur. Nam eo  
 tempore , quo necdum ſurrogatus ſit in ſedem a-  
 lius Pontifex , dubio procul ἀνέφαλον reddi Ec-  
 cleſiam. Nam quod de Cardinalium cœtu , qui  
 interim



*interim agat Pontificem, respondeatur, duplici de causa frivolum esse. Primum quia Cardinales haud ita multa ante secula esse cœperint, qui tamen multa capita faciant, non unum. Deinde quod, quæ jure divino statuantur, nullius hominis morte, imò ne cœlorum ruinâ interpellari possint. Iactata item in disputationis aleam indulgentia, sed magis pro luao, quam re seria. De purgatorio item disceptatum: non quod non esset, sed quomodo erga Deum afficerentur anima in illo supplicio detenta. Ejusmodi contentionibus tres penè hebdomades sunt consumpta, certè, (quantum mihi judicare licet) maiore expectatione quàm fructu. Neque enim quidquam est decretum: nec ulla de re partes consenserunt. Res tota notariorum fide est excepta. Iudices disputatis sunt delecti Erphurdenses ac Parrhisienses: Erphurdenses, quantum privatim ex quorundam colloquio conjicere potui, gravatim tanti oneris sarcinam in humeros suos recipient: cum ob alias causas, tum maximè, quod Eccius optimos quosq; & doctissimos Theologici ordinis, ut sibi suspectos, à iudicio submovit. Hoc præjudicium vulgo iactatur: in primatu Pontificis asserendo Eccium se turpiter daturum. Vt ut est futurum, meâ nihil refert. Mihi hoc disceptandi genus theatricum nunquam visum est mansuetissimâ Christi doctrinâ dignum. Nec adduci possum, ut credam: spiritum sanctum, pacis authorem, ad eiusmodi pugnas unquam sese demittere. Christianæ Theologiæ veritas citius impetratur*

*orando, quàm inveniatur disceptando. Habes totam hanc disceptationem, ex tempore à me, & negligentissimè descriptam. Si qua reliqua sunt, fama ad te pertulit. Sed vide ne fidas. Tam est ficti quàm veri tenax: & scis ut πολλά τῷ πλέμῃ κινὰ. Erfurti quinto nonas Augustas An. M D XIX. Hactenus Mosellanus.*

Tom. I. o.  
per. Luth.  
Lat. Ien.

Hæc una disputatio plura alia scripta perit: Luthero & Melanchthone de fide editorum à se Actorum huius colloquii cum Eccio disceptantibus.

Carolo stadium deinde & Eccius hoc & sequenti anno publicis scriptis mirè se mutuò deformarunt. Atq; hic fructus fuit disputationis Lipsicæ.

Tom. 5. De  
clamat. Phi  
hpp. 274.

Interfuit Disputationi Philippus quoq; Melanchthon, ad quem interloquentem iste auditus est Eccii sermo: *Tace tu, Philippe, ac tua studia cura: ne me perturba.*

Lutherus  
epistolâ ad  
Spalatipū.

Georgius verò Saxonix Dux auditâ disputatione de potestate Romani Pontificis, Ecciam & Lutherum manu pulsans dixit: sive hoc sit jure divino, sive humano, Romanus Pontifex est & manet summus Pontifex.

Tom. I. e.  
pist. Luth.  
p. 162. b.

Dum Lutherus & Eccius Lipsiæ de Indulgentiis disputant, ibidem in monasterio Dominicanorum moritur insatiabilis ille curiæ Romanæ Circitor & propola Joannes Tecelius: qui cum in disputationem Lipsicam consensum esse audisset, dixisse fertur:

Das

*Das walt der Teuffel / id est , hoc faxit Diabolus.*

Lutherus edidit sermones,

De duplici iustitia:

De salutari meditatione passionis Domini-  
nicæ;

De baptismo:

De præparatione ad mortem,

Item: Resolutiones, sive declarationes propositionum suarum, Lipsiæ disputatarum, de primatu Papæ.

Confutationem antidotorum, falsò sibi à Monachis Iutrebocensibus impositorum.

Deniq; enarrationem epistolæ ad Galatas: in quam præfatus distinguendum esse docet, inter decreta Romanæ Ecclesiæ, & Romanæ curiæ: quemadmodum in nuperis Comitijs Augustæ ipsi Principes distinxerint: cum recusarent decimas, & vigesimas, & quinquagesimas, in Concilio Romano sancitas.

PRAGA Bohemorum mense Octobri Hussitici sacerdotes scribunt ad Lutherum, cumque adhortantur ad Constantiam & patientiam, & esse hanc Theologiam puram, quam doceat, affirmant.

Joannes Oecolampadius in Suevico theatro, urbe Augustâ, sacrum panegyristen agit, & ut Theologicæ literæ purè ac simpliciter doceantur, adnuitur.

WOLFGANGUS FABRITIUS Capito de suo

&

Omnia  
extant To.  
I. oper. Lu-  
ther. Latin.  
Jenens.

Tom. I.  
epist. Luth.  
p. 210.

Melanch.  
epist. de dis-  
put. Lipsi.

Epistola  
M.S.

& aliorū in Lutheri causam & personam animo Basileā x i i. Kal. Martii hæc scribit : *Helvetia & Rhenana regio ad Oceanum usque solidos amicos fovet Lutherio, eosq̃ potentissimos, neque omnino alienos à bonis studiis. Cardinalis Sedunensis, Comes de Gerolseck, Episcopus quidam eruditus ac prima honestatis, alique ex nostris non pauci, cum nuper audierant te periclitari, non tantum sumptum, sed etiam tuta loca pollicebantur: quibus aut latere, aut aperte degere posses. Cum peregrè constitutum fama predicaret & summâ rerum difficultate laborare, fuerunt, qui per me submittere nitebantur largissimum sumpsum, & submisissent utique. Verum hoc vespere nuncium accepimus aureum: vivere Lutherum, & semper victurum. Deindè vidimus exemplum literarum Ducis Illustrissimi, & verè Principis ad D. Cardinalem, unde cognoscimus, quàm nihil opellâ nostrâ indigeas. Favore tamen si quid possumus, aderimus ubique. Monumenta tua junctim expressimus, sicut ex dono Frobenij cognosces statim post nundinas Francofordianas, simulq̃ per Italiam, Gallias, Hispanias, Angliam intra sesqui mensem bonâ fortunâ publicavimus, in hoc videlicet communi causa consulentes, cui maximè consultum putamus, si veritas quàm latissimè declaratur. Natura enim veri gratiâ vel invitum in amorem sui pellicit. Ignosce quod nuper monitus es ex sententia Erasmi, hoc est, quod nocturnas Athenas intuli.*

Idem

Idem Capito VI. idus Aprilis ad Erasmi  
in hanc sententiam scribit: *Martini, obsecro,  
negotium, in publicum nihil eleves. Nosti quan-  
tum valet calculus tuus. Ex animo loquor. Expe-  
dit superesse famam Lutherio, dabitur animus re-  
liqua juventuti ut aliquid audeant pro libertate  
Christi: quanquam ipse multa in eo desidero. Cu-  
rato Lovanium ne obsit. Nos tibi in officio contine-  
bimus Germaniam & Saxoniam, ubi Princeps po-  
tens, Lutherij patronus, & florentissima Academia  
Vvittembergensis, tot illustres viri qui ex aquo  
favent Erasmo & Lutherio. Nihil in votis potius  
habent adversarij, quam tuum in illum stomachũ  
videre. Tibi cum suis addictissimus est. Omnes pra-  
stat infestos habere Theologos, quam illius propu-  
gnatores. Sunt enim Principes aliqui, Cardinales,  
Episcopi, & clarissimi quique Ecclesiasticorum, qui-  
bus cordi est negotium.*

Udalricus Zwinglius ipsis Kalendis Ja-  
nuariis Ecclesiae Tigurinae Antistes declara-  
tur. Quid primis quatuor annis docuerit, Zwingli-  
us Tom. I.  
operum in  
Archeile  
pag. 132.  
memorat ipse anno vicesimo secundo, men-  
se Augusto: *Anno ab hinc quarto (ut rationem  
predicationis nostra Tiguri promulgata habeatis)  
solidum Evangelium secundum Matthaeum pradi-  
cavi, quo tempore illorum nomina ne nominari qui-  
dem audieram, quorum factionis me insimulatis.  
Adjunxi Evangelio protinus Apostolorum acta:  
ut Tigurina Ecclesia videret, quo pacto, quibusve  
autoribus Evangelium propagatum esset ac pro-  
mulga-*

mulgatum. Successit mox prior Pauli ad Timotheum epistola, quod mirè videretur conducere optimo gregi, in ea enim veluti canones quidam morum, Christiano dignorum continentur. Hic cum de fide quidam scioli non rectè sentirent, secundam epistolam ad Timotheum distuli: donec eam quæ Gallogracis scripta est, enarrassem, tum illam quoque adjuxi. Cūq; jam dicti scioli eò insania ac impietatis processissent: ut Pauli nomē tantum, non infame redderēt, jactantes hac pia scilicet, quæ neminem offendunt. Quis tandem Paulus? nonne homo est? Apostolus est, sed suburbanus tantum, non ex duodecim viris, cum Christo non est conversatus, articulū fidei non composuit: ego tam cui vis Thomæ vel Scoti Credo, quàm Paulo. Enarravi etiam Petri utramq; epistolam, Apostolorum antesignani, ut liquidò viderent: an eodē imbuti spiritu, eadem ambo locuti essent. His absolutis, epistolā ad Hebræos orsus sum: ut Christi beneficiū clariūs agnoscerent, ac gloriam. Hic discant: Christum summū esse sacerdotē, ac jam ferme didicerunt. Nec est, ut me quorūdam scriptorum insimuletis: nam antequam ea ad manus nostras venerint; orsi eram negotium, imo ante annum fere polliciti sumus id facturum. Discant item, Christū unā ac semel tantum oblatā hystiā in æternum consummasse sanctificatos. Hac planta vimus: Matthæus, Lucas, Paulus, Petrus rigaverunt: Deus autem incrementum dedit admirabile: quod ipse non ebuccinabo: ne videar meam, non Christi gloriam ambire.

Ut autem Zwinglius doctrinam fidei dilucidè explicuit: ita in vitia acriter invec-tus est, hac semper interjecta clausulâ: *Grossermann* *nim dichs nicht an: h. e. probe vir, hac nihil ad te.*

Venerat superiore anno in Helvetiam mis-su Pontificis, Frater Bernhardus Samson Me-diolanensis, Franciscanus, Pontificiarum re-missionum præco: adversus quæ merces Romanas Suitiæ exponentem Zwinglius in Ere-mo graviter concionibus suis deto-nuit. Hoc verò anno admonitus ab Episco-po Constantiensi, Hugone, ut Samsonem Tiguro excluderet, qui Pontificis iussa non aperuisset Episcopo, officium fecit fortiter. Ad portam urbis, in urbem non venit im-postor ille, usque adeò impudens, ut Bade-næ venialibus Pontificiis diplomatis propo-sitis, exclamare non dubitârit: *Ecce volant, ecce volant:* perinde ac si oculis cerneret de-mortuorum animas, à se liberatas in cælum volitare.

Præstitit eandem Ecclesiæ fidem M. Hen-ricus Bullingerus, Bremgarten-sis Pastor & Decanus: qua de causa bruto fulmine à Sam-sone impostore est percussus.

De Antuerpia sic Erasmus ad Lutherum. *Est Antuerpia Prior ejus monasterij, vir purè Christianus, qui te unice deamat, tuus olim disci-pulus, ita enim prædicat. Cateri fere aut hominum fabulas, aut suum quæstum prædicant.*

Pfortz-

Osvald;  
Miconius  
in vita  
Zwinglii.

Codex M.  
S. Ecclesiæ  
Tiguriæ.

Idem co-  
dex.

Epistola E-  
rasmi lib. 6.

Vita Schyve  
bail.

Pfortzhemii purius Evangelium docere cœpit Joannes Schwebelius. Quod cum Marchiones Badenses non ferrent, ad patronum Evangelicorum nobilissimum, Franciscum à Sickingen se recepit.

Colonienſes 30. menſis Auguſti die, Lovaniēſes 7. Novembris Lutheri libros flammis dignos pronunciant,



## ANNVS CHRISTI M D XX.

NOvum incendium ex concione Lutheri de Eucharistia oritur, in qua scripserat: *bonum sibi videri, si utraque species in cœna communicantibus exhibeatur*. Georgius Saxonix Dux ad Fridericum Electorem Boëmice hæreseos Lutherum accusat: Episcopus Misnensis sermonem Lutheri Eucharisticum, editâ schedulâ supprimit: alii adversarii Lutherum etiam natione Boëmum esse clamant.

Vide Tom. I. epistol. Luth. ad annum 1520. Et Tom. I. oper. Luth. Latinor. & Germ. Ien.

Electoſ Georgio Duci reſpondet: cauſam Lutheri nōdum eſſe legitimè cognitam. Ad ſchedulam Episcopii Miſnensis inhibitoriam Lutherus reſpondet: ſe probare utramque ſpeciem, ſi Concilii generalis autoritate de-  
tur:



tur: interim obediendum esse novissimi Cōcilii decretis: & Laicis unam tantum speciem porrigendam: placere & illud, esse eundem Christum non partialiter, sed integrum sub qualibet seorsim specie tam panis quam vini. Contra alios adversarios probat: se non in Boëmia, sed Islebiæ in Comitatu Mansfeldico esse natum.

Decimâ quintâ Januarii ad Carolum Cæsarem, quartâ autem Februarii ad Albertum Præsulem Moguntinum, itemq; ad Episcopum Mersburgensem dat literas Lutherus: quibus causam suam illis commendat, & ne inauditus damnetur, rogat. Moguntinus & Mersburgensis Lutherum, ut amore Jesu calamum temperet, & de aliis potiùs, caritati & pietati proficuis, quàm de Pontificis auctoritate disputet, monent.

Mense Martio respondet Lutherus ad articulos, quos Colonienſes & Lovanienses Theologi ex propositionibus de Indulgentiis, & earundem Resolutionibus excerperant, & velut hæreticos superiori anno damnarant.

Fridericus etiam Saxonix Elector cum à Valentino Ditlebio, Romæ tum agente, moneretur, minùs benignè in ipsum affectam esse aulam Romanam, Kalendis Aprilis respondit: se doctrinam Lutheri nec defendere, nec aboleri pati, priusquam convincatur.

A doctis viris illam probari : Lutherum paratum esse ad reddendam fidei rationem, & , si demonstretur error, ad palinodiam, etiam ad exilium, quod ipse Miltitius dissuadeat : multa dixisse liberius, laceffitum ab Eccio & aliis : altè doctrinam illius multorum animis insedisse : ut, si vi res agatur, metuendum sit : ne motus longè maiores sint ori-  
turi.

Sexto deinde Aprilis Lutherus de consilio Caroli Miltitii literas dat ad Leonem, quibus se Pontifici purgat : quod non in ipsius personam, sed in impias doctrinas & doctores, tum in Curiam, quovis genere vitiorum & impietate perditissimam, sit invehctus, omni culpâ in Caietanum & Eccium translata.

Interim Eccius Romam proficiscitur, *succensurus*, ut loquitur Lutherus, *salutem Libani & abyssos abyssorum*, hoc est, Bullam adversus Lutherum à Pontifice impetraturus. Terretur nonnihil aula Saxonica : Lutherus de angulo aliquo Boëmico cogitat, in quo se abdat. Resciscunt hoc Nobiles nonnulli Germani, Lutheri doctrinâ jam tû imbuti. Offert igitur ipsi hospitium & patrocinium Franciscus à Sickingen, Huldericus ab Hutten, Eques Francus : Sylvester etiam de Schavenberg Nobilis Francus, datis ad Lutherum literis, rogat, ne in Boëmiam aut aliò, sed  
ad se

ad se confugiat : si diræ Romanenses præ-  
 valuerint : pollicitus tutelam eximiam cen-  
 tenorum nobilium Equitum Franciæ. Cre-  
 scit animus Luthero. Itaque Georgio Spa-  
 latino autor est : ut literis Friderici Electo-  
 ris ad Cardinalem S. Georgii hoc subindi-  
 cetur : *etiamsi pellatur diris Pontificis è VVis-*  
*tembergæ, nihil effecturos, nisi ut rem peiorem*  
*è mala reddant : quandoquidem jam non in*  
*Boëmia, sed mediâ quoque Germaniâ sint, qui*  
*expulsum tueri possint & velint, invitis ipsis,*  
*contra omnia sua fulmina. Vbi periculum est,*  
*inquit, ne iis protectoribus tutus, savius in*  
*Romanenses sim grassaturus : quàm si sub, Prin-*  
*cipis imperio publicis militarem officiis docendi :*  
*id quod sine dubio, nisi Deus obsistat, futurum*  
*est : Principem verò ut hætenus in multis susse-*  
*xi, etiam irritatus, tunc certè non necesse erit su-*  
*spicere.*

Verba Lu-  
 theri.

Zwinglius ubi de Pontificis audit an-  
 mo, suaturum se commissario Pontificio, scri-  
 bit : Pontificem admoneat, ne excommu-  
 nicationem ferat : augurari enim se, Germa-  
 nos cum excommunicatione Pontificem i-  
 psum contempturos.

Epistolâ ad  
 Myconiũ  
 lib. 4. epist.  
 Occolam-  
 pad. &  
 Zyvinglii.

Fidem dicto eventus fecit. Lutherus à  
 Leone excommunicatur die 13. Junii. Bul-  
 la in Misniam ab Eccio ; Coloniam à  
 Marino Caracciola & Hieronymo Alean-

dro fertur: Ridetur Eccius Lipsiæ: non admittitur Bulla Bambergæ, quod non legitime, ut loquuntur, insinuata: Rector Academiæ Erfurtensis programme publicè affixo Academicos hortatur: ut si qui Bullam videant affixam, discerpant, & quo possint modo, Lutheri hostibus se opponant. Obsidetur ab adolescentibus armatis Erfurti Eccius: Bullæ excusæ frustillatim in aquas conijciuntur, Ulricus Huttenus, nobilis Francus Bullam Leonis cum glossis interlinearibus & marginalibus publicat, non sine magna nominis Pontificii contumelia. Lutherus ipse, antequam Bullam vidisset, librum de Captivitate Babylonica edit: in quo proficitur, se quotidie, velit nolit, doctiorem fieri. Optare se, omnes libros de indulgentiis exustos, & illorum loco supponi unam hanc thesin:

Reperitur  
hæc omnia  
Tom. I. c.  
p. st. Luth.  
ad annum  
xx.

*Indulgentia sunt adulatorum Romanorum nequitia.*

Optare item, ut iis exustis, quibus negarit, Papatum esse juris divini: admiserit, esse juris humani, subternatur hæc propositio:

*Papatus est robusta venatio Romani Episcopi.*

Deinde docet, sacramenti altaris captivitatem primam esse: quod species altera Laicis subtracta: alteram, quod Transubstantiatio firmiter credenda sit: tertiam, quod ex Missa factum

factum sit sacrificium. Oppugnat Sacramentorum numerum : & duo tandem agnoscit tantum, Baptismum , & Cœnam Domini. Atq; hunc librum vult esse partem suæ revocationis, si per Bullam ad eam adigatur. Ubi autem Bullam accepit , contemptim de ea loquens, *Venit tandem*, inquit , *bullâ istâ Romanâ , per Eccium allata : de qua nostri scribunt ad Principem plura : ego eam contemno, & jam invadendo tanquàm impiam & mendacem, omnibusq; modis Eccianam. Vides in ea damnari Christum ipsum: deinde nihil afferri causâ: tandem me vocari, non ad audientiam , sed ad palinodiam : ut scias, eos plenos esse furore, cecitate, & amentia, qui nihil videant, neque cogitent : agam tamen adhuc presso nomine Papa, tanquàm in effectam, & ementitam bullam, quanquam credam veram & propriam esse eorum. O, utinam Carolus vir esset : & pro Christo hos Satanas aggredere!*

Deinde adversus execrabilem Bullam scriptum edit, in quo Bullam ipsam & Bullæ auctores excommunicat : assertionem etiam publicat omnium articulorum à Papâ damnatorum : à Pontifice iterum ad Concilium provocat : Papam nominat Antichristum : & cum audiret libros suos ab Hieronymo Aleandro , Pontificis legato, Lovanii, Leodii, Coloniæ, frustra renitente Friderico Electore, esse incensos : ipse x. Decembris, convocato omni cœtu scholastico, VVit-

Legantur  
omnia  
Tom. 2. o-  
perum.  
Lat. Jenen.

tembergæ horâ nonâ, ad portam Orientalē, omnes libros Papæ, Decretum, Decretales, Sext. Clementini Extravagant. & Bullam novissimam Leonis X. Item summam Angelicam, & Eccii quædam, exurit : & facti rationem edito scripto exponit.

Dresserus.

ERASMUS à Friderico Saxoniz Electore, Aquisgranum ad coronationem Caroli Cæsaris profecturo, & Coloniz valetudinis causâ commorante, Lovanio accersitus, &, de Luthero quid sentiret, rogatus, fassus est ingenuè : veram esse Lutheri doctrinam, sed plusculum se desiderare moderationis. Iterum interroganti Principi, cur adeo invisus esset clero Lutherus? Respondit quasi per ridiculum: duo illum peccata magna commisisse; attigisse coronam Papæ, & Monachorū ventres. Mirum igitur non esse, universum regnum Pontificium in ipsum invehi.

Epist. Erasmi f. 435. 436.

Altero post colloquium cum Friderico Saxoniz Duce habitum, die, Erasmus ad Conradum Peutingerum, Cæsaris Consiliariū scribit, & Lutheri causam arbitris doctis, integris, & ab omni suspitione alienis, delegari in futuris VVormatiz Comitibus, consulit.

Fuit Lutherus & hoc & superiori anno sæpius ex aula Saxonica monitus: moderatius ut doceret, scriberetq;. At ille, *Si sper sistendum est*, inquit, *in docendo, mi Spalatine, non intelligo consilium tuum & tuorum, quos memoras: posse*  
vide-

Epistolâ ad Spalatini.

*videlicet sacram Theologiam sine offensione Pontificum doceri. Scriptura potissimum sacrorum abusum persequitur, quod non poterunt Pontifices sustinere. Ego tradidi, & obtuli me in nomine Domini. Fiat voluntas ejus. Quis rogavit eum, ut me Doctorem crearet? Si creavit, habeat sibi, aut rursus destruat, si pœnitet creasse. Adeo me non terret ista tribulatio, ut incredibili sinu carbasæ cordis mei inflet: ut jam intelligam in me ipso, cur Damones ventis aquentur in scriptura. Dum enim sese efflant furendo, alios instant patiendo. Id solum curo, ut Dominus in meis, quas inter me & ipsum habeo, causis, mihi sit propitius, atq; hoc, ut potes, juvare digneris. Istam vero hominum causam fideli oratione Deo committamus, & securi simus. Quid enim facere poterunt? Occident? Nunquid resuscitabunt, ut iterum occidant? Hæreticum infamabunt? At Christus cum iniquis seducto-ribus, maledictis, damnatus est: cuius passionem si quando intueor, mirè uror, hanc meam tentationē non solum aliquid, sed etiam maximam videri tam magnis & multis, cum sit revera nihil: nisi quod funditus desuevimus passionibus & malis, id est, Christiana vita. Et iterum: Esto, novum & magnum sit futurum incendium: quis potest Dei consilio resistere? sine, quæso, rem suis ire motibus: solus Deus in negotio est: rapimur, & agimur, ut video, potius, quàm agamus.*

Ad eundē  
12. Febr.

ULRICUS HUTTENUS Nobilis Francus  
Germanicâ linguâ edit libellum historicū de

perpetua Pontificum Romanorum inobedientia adversus Imperatores: in quo sub finem recitat dictum Maximiliani I. de Leone Pontifice, cum fidem non servasset: Nun ist dieser Papst auch zu einem bößwicht an mir worden: Nu mag ich sagen/das mir kein Papst/so lang ich gelebt/je trew oder glauben gehalten hat: hoffe ob Gott wil/dieser solder letzte seyn.

Ex auto-  
grapho  
Leonis.

Leo Pontifex, ut Albertum Brandeburgicum, Archiepiscopum Moguntinum, eundemq; Cardinalem, cui noverat Huttenum familiarem esse, in fide retineret, sextâ Junii amicas ad illum dat literas, in quibus de sua erga Albertum benevolentia præfatus, *quoniam etiam*, subijcit, *Rosam auream, vetere instituto prædecessorum nostrorum Romanorum Pontificum Dominicâ Quadragesimæ Quartâ benedici solitam, à nobisq; solenni more benedictam, alicui seculari Principi mitti solitam, per Marinum Caracciolum ad Circumspectionem tuam donum misimus, ut ad Principem quidem Electorem, veruntamen novo exemplo. Sed omnia indicia benevolentia erga te nostræ satis nobis justa etiam ad innovandum aliquid videntur esse. Quare Circumspectio tua gratum illud munus accipiet: quod etsi mysticum est, magnasq; habet in se rerum sacrarum interpretationes, tamen ad ceteras adjunctum est pignus amoris summi in te nostri.*

Ex auto-  
grapho |  
Leonis.

Duodecimâ deinde Julii missis aliis ad Albertum literis, cordolium suum ipsi aperit: Hutte-



Huttenum in Sedem sanctam effudisse contumelias: & esse illum Archiepiscopo familiarem: & impressos esse libros eius in civitate Alberti Moguntiâ. Hortatur igitur Albertum, auctoritatem suam interponat, & ea in maledicos indicia suæ severitatis edat, quæ & ipsos & alios possint à tanta petulantia cohercere. Albertus igitur emptione & lectione scriptorum Hutteni omnibus sub excommunicationis sententia interdicat, Lutherus ad Spalatinum Tom. 1. epist.

Hoc anno Lutherus certò definit: *Pontificem Romanum esse Antichristum*. Sic enim ille: *Ego sic angor: ut prope non dubitem: Papam esse propriè Antichristum illum, quem vulgatâ opinione expectat mundus. Ad eò conveniunt omnia, quæ vivit, facit, loquitur, statuit.* Epistolâ ad Spalatinum 23. Febru.

Et alibi: *Nos hic persuasi sumus, Papatum esse veri & germani illius Antichristi sedem: in cuius deceptionem & nequitiam ob salutem animarum nobis omnia licere arbitramur. Ego pro me confiteor: Papa à me nullam deberi obedientiam, nisi eam, quam τῷ γνησίῳ Ἀντιχρίστῳ debeo.* Ad Joannē Langum 18. August.

ERASMO nec Lutherus, nec Lutheri adversarii satisfaciunt. Video, inquit, rem hætenus multò aliter esse tractatam, quàm viri prudentes putârent esse tractandam. Lutherus etiam si vera scripsisset omnia, tamen eo modo scripsit, quasi veritati suum fructum inviderit. Contrà, qui se huic negotio transversim ingesserunt, sic gesserunt rem apud populum: ut, etiam si cau-

*sam habuissent optimam, tamen illi plurimum obfuerint sinistro patrocínio. Admonitus est Lutherus; ut stylum verteret, & atrocitatem temperaret: scribit indies, ut audio, saviora. Admoniti sunt hi: ut moderatioribus rationibus rem agerent: quidam sic egerunt, ut cum Luthero colludere viderentur.*

Epistola ad  
Spalatini.

*Et alibi: Precor, ut Christus optimus maximus Lutheri stylum ita temperet: ut plurimum adferat fructus Evangelica pietati: mentemq, meliorem det quibusdam, qui cum ignominia Christi suam querunt gloriam, qui cum illius iactura suum quarunt lucrum. In castris eorum, qui Lutherum oppugnant, multos video, qui mundum spirant magis quam Christum. Et tamen utring, peccatur. Utinam Huttenus temperasset stylo suo, cuius ingenium amo unice! Optarim, Lutherum ab istis contentionibus aliquantisper conquiescere, ac rem Evangelicam tractare pure, non admixtis adfectibus, fortasse res aliquantò melius successerit. Nunc & bonas literas degravat invidia, nobis exitiabili, ipsi infrugifera. Et periculum est, ne publica morum corruptela, cui nemo non fatetur opus fuisse publico remedio, ceu pestis exagitata, magis ac magis sese confirmet. Nec semper est proferenda veritas.*

Arnoldus  
Huitfeldt  
dius Chro-  
nico Danię.

CHRISTIERNUS Rex Danię, sive bonorum ecclesiasticorum cupidine, sive purioris Religionis studio incensus, ab avunculo Saxonię Electore Concionatorem Evangelic-

gelicum ad se mitti petit. Mittitur quidam M. Martinus, vir eruditus, qui Hafniæ Danię metropoli diebus festis à meridie magno populi applausu docet. Is quia gestum in dicendo minus decorum egit, à Canonicis ad D. Virginem falsè fuit irrisus : inventusque puer est, qui in conviviis & alibi callidè Pastorem novum imitaretur, & M. Martinus vocaretur.

JOANNES THURZO, Episcopus Uratislaviensis, primus fuit Episcoporum Pontificiorum, qui nascenti Evangelio, & huius præconibus faveret. Id quod Lutheri & Melächthonis ad ipsum epistolę testantur: quas, quia vix alibi reperias, apponendas duxi.

---

REVERENDISS. ET AMPLISSIMO IN CHRISTO PATRI AC DOMINO, D. JOANNI Episcopo Ecclesię Uratislaviensis. Domino suo gratioso, ac patrono unice colendo.

J H E S U S.

*SESE commendat. Quanquam ego, Reverendiss. Præsul, rationem meæ parvitatæ habens, ut ad omnes alios magnates, ita ad tuam magnitudinem præcipuè timidus scribo: animum*  
*tamen*

tamen erexit Venerabilis Vir , Dominicus Slenp-  
 ner , Reverendiſſ. tua paternitati addictiſſimus ,  
 qui hinc pietate , quâ in ſuum Episcopum affectus  
 eſt , ſolvit , viſurus , quid rerum Dominus opere-  
 tur in mortali corpusculo p. t. Noluit autem ſine  
 meis literis ire , perſuadens , me rem facturum non  
 ingratam R. p. t. Ego ſanè fateor , & me nonni-  
 hil , imo multum cum R. p. t. agreſcere , quod Ec-  
 cleſia Dei compatiatur , cui , proh dolor , rari dan-  
 tur , qualem R. p. t. dedit , Episcopum , cum nun-  
 quam magis eguerit talibus. Caterum confido ,  
 quòd manus eius percutiet , & ſanabit : atque qui  
 R. p. t. tam inſignibus ornavit dotibus , non dee-  
 rit , ut det virtutem fortitudinēque , omnia  
 conſtanti Chriſtiano , Episcopaliq; animo ferendi ,  
 & ſtandi in omnes ſanctas voluntates eius. Si vi-  
 ta negabitur Eccleſia , proſit mors. Potens autem  
 eſt , tam ex vita quàm ex morte p. t. Eccleſiam  
 ſuam iuvare , pro divitiis bona voluntatis ſue.  
 Non hoc ſcribo , quod neceſſarium arbitrer , ani-  
 mum tuum confortari in Domino ( quanquam  
 quis eſt tam fortis , qui non egeat vel minimi fra-  
 tris ſolatio ? ) ſed quod communia nobis omnia  
 voluit & fecit is , qui pro nobis omnia factus ,  
 iuſſit : ut alter alterius onera portaret ; ne ullus fi-  
 delis ſuus ſolus viveret , aut ſolus moreretur ; ſed  
 in communione ſanctorum ſecurus per omnia age-  
 ret & pateretur. Itaque quantum nos contriſtat  
 communis T. P. agritudo , aut , ſi Dominus va-  
 let , etiam futura mors : tantum nos ruruſus latifi-  
 ciat

*sciat, quod nec sola patitur, nec sola vivit anima tua, sed vivimus, & patimur cum illa, & omnibus Iesus Christus, medium cordis nostri, in quo sanctè valeat R. P. T. & mea temeritati ignoscat. Litera enim priores P. T. R. animosum me fecerunt, cum sint magna humilitatis & charitatis: ut eruditionem taceam: plenissima, & inter sacra mea perpetuo monumento servanda. Iterum: valeat R. P. T. in Christo, & me commendatum habeat. VVittemberga 3. Kalen. Augusti, 1520.*

T. R. P.

filius

F. Martinus Luther, Aug.

---

REVERENDISS. ET AMPLISSIMO PATRI AC DOMINO, D. JOANNI URATISL. Ecclesiae Episcopo, Domino suo ac patrono.

**S**ALVE, Reverendiss. Praesul, Optime pr.  
*Quàm grato pectore acceperim, qua de me ad Dominicum nostrum Reverend. p. tua scripsit, multo iam tempore, iusto aliquo & argumentoso opere testari gestio. Si ve enim ita de nobis in iis literis indicabas, si ve pro benignitate tua nos istiusmodi laudatiunculâ ad recta studia incitabas, iucundissimum fuit his vocibus à tanto principe*  
*vel*

probari, vel animari. Verùm dum cesso interim, & contor hunc talem animum Reverend. p. tuae declarare, Dominicus noster, pro officio ad Reverend. p. tuam profecturus, hortatur: ut brevi me epistolio Reverend. p. tuae commendē. Ego verò ut intelligebam, & quid deberē, & qualia decerent Reverend. p. tuam: ita parum civile arbitrabar, putidā tātūm epistolā, ac non potiùs graviore aliquo argumento Reverendiss. p. tuam interpellare: tamen victus hominis amici consilio, hoc, quidquid est, literarum scribo: ac Rever. p. tua simul mea studia, & hunc animum, laudibus tuis impensè faventem, addico. Quis enim ei non faveat? qui unus nobis, quod sciam equidem, in Germania Episcopi *περάδερμα* absolvisi, autoritate, literis, ac pietate. Qui, si haberet Christiana Respublica, ut ille Rex Homericus ait, decem tui similes *συμφράδμονες*, non dubitarem, renasci aliquando Christum. Sed hac aliās. Cetera Dominicus corām. Huius officium, qui te visurus abit, Reverend. p. tua probabit, cuius salute, ne suam quidem, quae est hominis dexteritas, qui candor, antiquiorem habet, studia eius pro benignitate tua Reverend. p. tua adiuvabit ac provehet. Dignus est, & quia bonus, & quia tuus est; quem Reverend. p. tua tueatur. Feliciter valeat eadem p. tua. *VVitemberge. Kal. Augusti 1520.*

R. P. T.

Deditissimus

Philippus Melanchthon.

Non

Non vidit autem has literas Episcopus. Tom. 2.  
epist. Luth.  
pag. 7.  
Obiit enim secundâ Augusti huius anni Nis.  
sæ. Ideo Lutherus gloriatur, Episcopum  
hunc optimum in fide Evangelica mortuum  
esse.

ULRICUS ZASIUS Jurisconsultus,  
quid in Luthero laudârit pariter, & deside-  
rârit: loquatur illius ad hunc epistola Fribur-  
go Kal. Septemb. scripta: *Si animi mei affectû,* Extat in:  
ter pistolas  
Schwebe-  
lianas. p. 10.  
*Martine, Theologorum Phœnix (lubet ultra epi-  
stolare filum mollius scribere) si, inquam, affectû  
declarare tibi pergam: nihil secius, quàm Sardos  
venales exhibeo: ita in te omnia mea, non dico,  
afficiuntur, sed vel ardent: didici abs te, si quid  
boni in me sit, quod vel nihil, vel exiguum est,  
omnia prorsus accepta referre Deo. Indulgentiarû  
vim, quàm à trecentis, & amplius, annis, nemo de-  
prehendit, ita mihi clarè depinxisti: ut non solus  
ego, sed ipsissimi Romanistæ, in ordinem redactas  
esse, confiteri cogantur. De pœnitentia, de Con-  
fessionis veritate, de decem praeceptorum spiri-  
tali medulla, quid poterat tuis opusculis esse,  
vel verius, vel fundatius? taceo minutiora. Et u-  
na à te epistola ad Galatas tradita, presentibus  
& posteris utilis esse poterit: in qua tu læta ab-  
strusa, clarissimè elucidas: ut non aliter quàm  
fide, non ex operibus legis iustificemur, & quod  
lex peccatum potius augeat: quàm adimat: nec  
aliter impleatur lex, nisi destruat: multaq;  
id genus & rara & insignia, & ut verbo dicam,*

unus

unus es, qui doctus & integer Theologus dici merearis. Te sequuntur passim docti omnes: ex te pendet iam non quota pars Christiani orbis. Sunt quæ, quod ausim ex veritate dicere, ex doctissimis, qui eam sortem nullo argento commutarent, quod te non legissent. Equidem cuperem potius extremâ laborare inopiâ, quàm tua non vidisse. Quo tamen nomine non est, quod tibi gloriaris, sed DEO (hoc enim tu ipse doces) qui ex te salutem nostram operatur.

Sed, si a quo pateris animo, vereor esse in te, quæ desiderentur. Amore enim victoria Ecckiana (quem certè subtrivisse videris) nimium Sedis Apostolica authoritatem attenuare, quibusdam iudicaris, quos tamen licet nec approbem, nec improbem, quando id genus controversia non est mihi satis perspectum: habeo tamen vel ego, de quibus nonnihil subsistam. Tot enim ætates, quæ summam Pontifici Romano potentiam prærogarunt, & sanctos viros convellere, nisi fortissimis agatur rationibus, non est tutum: & esset in iure nostro, si ulla tibi eius esset authoritas, hac ratio invicta. Quæ enim diutissimè sunt iusta visa, nefas putamus everti contendere. Sed tamen dubito, non affirmo, tuam clariorem expectamus elucidationem. Si ita tibi libeat: Si hominem exiguum, auditorem tuum eâ notâ digneris. Sin minùs, tamen brevissimis ad me literis scribebo: ut intelligam, te meis nugis non offendi, qui alioquin o-mnia tua, tanquàm veritatis oraculum, amplector,



*Et or, & me eis, prout Deus dederit, confirmo. Vale. Plura scripturum nuncius prapedit, qui iam itineri intentus, negat diutius prastolari posse. Alio tamen tempore plura. Prasentium exhibitorum, iuvenem integrum, devotum, doctum, & tui amantissimum, fac ex humanitate complectare: famulus Ioannis de Schœnaw fuit, viri nobilis, devotissimi, & qui totus ex tuis pendet prascriptis, assiduus & lector & imitator tuarum praceptionum, qui etiam à decem annis Taulero studuit, & qui ductu prastantissimi Theologi Brisgoici fovetur. Brisgoici, inquam, cui nihil, post sacras literas, nisi Lùtherana sapiunt, illic te iuvenis ille colere didicit.*

*Mi dulcissime Martine, nolito moveri, ex synseritate purissimi amoris ad te scribo, veritus, ne pulcerrima tua doctrina hac odiosâ & exoticâ concertatione, quam fortè sustinere non possis, dehonestentur. Vale, decus Christiani orbis. Georgium Spalatinum, virum cum doctrina humanissimum, saluum iube, cui scripsissem, nisi nuncius festinasset. Sed proximè scribam. Melanchthona, hominem rara eruditionis, omnes anima mea vires, saluta.*

*OECOLAMPADIUS, Ecclesiastes Augustanus, in cœnobium Salvatoris, prope Augustam concedit, factus ibi Monachus, cum metueret Reipublicæ à Lutheri scriptis; sed inprimis ut otium ei conservaretur ad studia sua Theologica. Antequam au-*

*a Capito in vita Occolampadii ipse epist. adamicum quæ extrat lib. 4. epistolarum Zwinglii & Occolampadii.*

tem monasterium ingrederetur, studiis suis & fidei libertatem à fratribus stipulatus est. Substitit in eo annum integrum, usque dum libertas verbi divini interdici cœpta.

Hoc gravissimè in eo tulit Erasmus. Indicio est epistola ad Pirkhaimerum Nonis Septemb. scripta; ubi inter alia: *Quod scribis ab Oecolampadio factum, iam ex illius literis subodorabar futurum: Id si ve iudicio fecit, si ve animi morbo, quando mutari non potest, precandum est, ut illi as nobis quàm optimè vertat. Video res humanas sic undique corruptas; ut nullis unquam seculis, existimem, plus licuisse impudentia, plus licuisse stoliditati, plus licuisse sceleri. Et nonnunquam libet aliquò profugere: sed vereor: ne, quocunq; me vertero, sequatur molestia. Proinde tutius arbitror, mali remedium ab animo petere potius, quàm à loco, aut vita instituto. Bene habet, quod Christus in tanta vitiorum caligine nobis Evangelica doctrina scintillas reliquit.*

Epistolâ  
M. S.

VVOLFANGUS etiam Fabricius Capito ad Melanchthonem: Oecolampadius noster, inquit, ad vitam monasticam secessit, ad monasteriũ Divi Altonis, quod ab Augusta tertium lapidem distat. Fecit inconsultè vir alioquin cautus & prudens, qui animum per se parum alacrem insueto iugo oneravit, causâ religionis. quasi Christus nostrâ mæstitudine fruatur, & cultus sit ingenuè Christianus refugisse hominum conspectum. Quamlibet infirmum corpus affligeret obstinato silentio,

*lento, vigiliis inedia: vita tamen exemplo pluribus, inter homines agens, profuisset. Totus paret iam pauculis mulierculis, quibus anxie desudabit, se illis præbens promptum ad omnia, cum discipulum præceptoribus, quibus, mi Philippe, opus est præceptore: & quas iustius ferre, quàm exercere imperium dixeris: ut nihil aliud certè propter sexus imbecillitatem. Est enim monasterium, cui se mancipant instituti, D. Brigidæ, ubi mulieres viris in caput habentur, ordine præposito. At ferendum est, quando mutari nequeat.*

CASPAR Hedlo Etlingæ in Marchionatu Badensi natus, Basileæ Theologiæ Doctor creatur, & summo apud Moguntinos templo præficitur, Evangelii lumine iam tum collustratus.

Quo loco Basileæ res Christi fuerit hoc anno, Capito narrat. *Hic, inquit, res semper in* Epistolæ  
M. S. *melius vergit. Theologi & Monachi nobiscum faciunt. Enarranti modò Matthaum operam dat auditorium frequentissimum. Lutherio quidam diriminantur. Sed receptior est opinio, quàm qua ullà vi queat evelli. Sunt qui me favoris Luheriani reum agunt: tametsi sedulò dissimulo.*

Mense Aprili V Volfgangus Fabritius Capito, favore Ulrici Huttenii ab Archiepiscopo Moguntino in aulam vocatus est, Principis Concionator, & Consiliarius, quâ ille conditionē ideo suscepit: ut Moguntia

Christianismum plantaret, Sic enim ille ad Huttenum anni superioris mense Novembri: *Iuris Pontificii, ut vocant, Doctoratum suscipiam: propter auctoritatem videlicet comparandam: scopum subolefcus, præ cateris multis sacrosanctum. Licet interim sint aliqui, qui vitio vertunt, Theologum esse, & unâ simul Civilem: quasi Theologus necesse habeat omnem exuere humanitatem.*

Ex Moguntia mense Decembri Capito iterum hortatur Lutherum ad modestiam, ubi inter alia, *Cupio, inquit, reflorescere Christum, armis an patientiâ reflorescat, comperitum habes. Nata est Relligio: aucta est: firmata est, ab innocentibus, ab imbellibus; tolerantia gladios furiosis è manibus excusserunt inermes. Quæ verò gens ab Hoplomachis cruentis candidam Relligionem suscepit, non observavi. Quamquam haud ignorem veterem legem, cui nos videmur persimilimi, assertam esse manu sapius: & à nostris revocatum interdum, non dico, quàm feliciter, neq; quàm piè, quia interim decrevit res nostra. Idcirco vehementer deterres deditos tibi significantia præsidiorum & armorum, etiamsi intelligam fortè rationem consilii tui: quæ apud me prope alia est. Nam quod altè haret, non semel evellitur, sensim est, & subinde labefactandum: ut tandem sequatur trahentis manum.*

Ex Archi-  
vis Tiguri-  
næ Ecclesiæ.

SENATUS Tigurinus de consilio Zwinglii omnibus ditionis suæ concionatoribus mandat:

dat: ut, missis hominum commentis, liberè, doceant, quidquid autoritate Propheticarū & Apostolicarū literarū adstrui possit. Cives Tigurini concionibus & libello Zwinglii de discrimine ciborū mense Aprili edito moti, legem Papæ de vetito carniū esu percurrunt. Hugo Episcopus Constātiens per editū publicū singulos, per legatos verò Tigurinos hortatur: in fide Romanæ Ecclesiæ ut maneāt tantisper, dum Conciliū celebretur. Zwinglius ad legatos se suaq; defendit, Tigurini Episcopum orant: ut cogat synodum, in qua viri docti colloquantur, & quid populo credendum, definiant.

Fuit Zwinglio idem animus qui Luthero, fortis nimirum & intrepidus. Sic enim hoc anno ille de se: *Ego quod ad me attinet, dudū* Epistolā ad Myconiū. *devotus expecto omne malū ab omnibus, Ecclesiasticis dico & laicis: hoc unum Christum obtestans, ut masculo omnia pectore ferre donet, & me figulum suū rumpat aut firmet, ut illi placidum sit. Si excommunicabor, memor ero Hilarii doctissimi & sanctissimi viri, qui è Galliis in Africam relegatus fuit: & Lucii, qui à Romana sede exturbatus cum multa gloria redijt: non quod me illis comparē, sed quod his me sim solaturus, ut longē meliorib. nobis, ita longē indignissima passis: & si forsan gloriari expedit, gauderē pro nomine Christi cōtumeliā pati.*


Inter primas regiones, quibus Evangelii Ubbo Em̃  
mius histo.  
Fris. lib. 50. lumen affulsit, Frisia Orientalis fuit: in qua

Idem Ub-  
bo lib. 53.  
hist. Fris.

Princeps ipse Edsardus, primis Lutheri scriptis magno studio lectis & relectis, haustisq; inde lucis primitiis, superstitiones abiecit: eadē scripta Lutheri venire in Bibliopolitiis, lectitariq; ab omnibus, quib. animus esset, sine metu ac discrimine ullo sivit: imò exemplo suo ad hoc ipsū præcipuos ex nobilitate patria, atq; alios doctrinā & iudicio valētes, excitavit. Primi Evangelii doctores fuēre, apud Auricanos Henricus Brunius, apud Leranos Lubbertus Cantius, apud Nordanos Joannes Stephanus, apud VVeneranos Joannes Scultro, quanquam hic deflexerit postea, sed omnibus præluces Georgius Aportanus apud Emdanos. Hic Suollis in ædibus Fratrum, uti nuncupāt, cum minor annis esset, literis imbutus, deinde adultior in docēdis bonis artibus ibidem in schola versatus aliquandiu: inde ab Edsardo vocatus, & instituendis filiis ipsius præfectus, cum veritatis primū lumen hausisset, exarsit studio: ut, quod ipse intelligeret verū, id alios quoq; doceret: ideoq; sacerdotium, ut sibi aditus ad suggestū pateret, iniit. Inde cum Emdanos doctrinæ cupidos, sed bonorum doctorū inopes videret, templis exclusus à Sacerdotibus, quib. odio erat, permissu Comitum, patenti in campo, concurrente magna multitudine, cōciones habuit. Mox civium studio, ne quidq̃ obnitentibus sacerdotibus, in templum urbanū ductus, & in suggesto collocatus est, Principe, ut à se-

nibus,

nibus accepi, Bernhardo Campio, publicum munus gerente (scriba enim prætorii præfecturæ suburbanæ erat) qui apparitoribus stipatus, dabat operam, ne quid turbarum per sacerdotes cōciretur, aut immodestè fieret à populo. Datus Aportano collega primus, Hermānus Henricus, ex sacrificorū oppidanorū numero, abiectā idolomaniā ad veritatem cōversus. Reliqui sacerdotes sc̄n̄s al-  
tarib. & suggesto amoti, quotquot eorū concedere aliō nolueret, retentis censib. suis unā cum civiū parte, quib. Papatus nondū fastidio erat, apud Frāciscanos exercitiū religionis solitæ sustentabāt. In quib. Poppo Man-  
ninga locū nomenq; suum tenuit ad annum Christi 1530. & defuncto Unicone Ripperda, qui Hicconi Cankenio in honore successerat, Præposituræ census prioribus quoq; adiecit. Nec aliter factum in tota regione, stetitq;  
aut concidit Papatus, prout plebs, aut sacris initiati, huc illucq; inclinarunt: quippe cum cogeret neminem, neminem loco moveret Edsard⁹, plebi verò libertatem in hac re, atq;  
arbitriū omne relinqueret: nisi q; causam piā, quantū poterat, favore iuvaret, atq; hoc præstaret, ne qd immodestè aut turbulentè usquā ob religionem fieret. Deniq; sine imperio religionis forma, verbi divini vi, brevi tempore sub ditione Edsardi cōversa est; superstitioq;  
vetus aut privatis parietib. hic illicq;, aut Monachorum Monachorūq; cœnobiis cōclusa,



## ANNVS CHRISTI M D XXI.

**A**NNUS vicesimus primus Lutheri confessione coram imperio editâ : origine sectæ Anabaptisticę: Henrici VIII. Anglorū Regis adversus Lutherum libro: & aliquot in Germania Ecclesiarum reformatione est insignis.

**Cochleus.** LUTHERUS ut à Cæsare audiretur, Fridericus Saxoniz Elector effecit. Sexto igitur Martii literis Cæsaris, fidem publicam promittētibus, per Caduceatorē Casparū Sturmium, vocatur VVormatiam: comitantur eū Justus Jonas præpositus: D. Hieronymus Schurffius Juriscōsultus, & Nicolaus Ambsdorsius Theologus. Ex scholasticis unum sibi comitem adiunxit, Petrum Suavenium Danum, qui postea in aulam Regis Daniz Christiani accitus, studia literarum & Ecclesiz multum iuvit.

**Therns in  
incrimatio-  
nibus Phi-  
lippi.**

**Asta wor-  
matiensis.** Erant qui hominem in itinere dehorrerentur: VVormatiam ut ne ingrederetur: alii, qui exustione librorum ipsius iam damnatum Pontificiorum calculo crederent: alii, qui Joannis Hussi, alii, qui Savanorolæ exemplis terrerentur. Franciscus etiam à Si-



à Sickingen à Cæsaris intimis rogatus , per Martinum Bucerum ad se invitat Lutherum, subinnuens : in arce sua Ebernburga commodiùs , quàm in strepitu Comitiorum causam ipsius posse disceptari. Quibus omnibus acriter Lutherus restitit , & non Ebernburgam sed VVormatiam quia à Cæsare esset vocatus, eò se iturum dixit : etiamsi sciret, tot sibi Diabolos esse oppositos, quot sunt in omnibus urbis tectis regulæ.

Venit VVormatiam xvi. Aprilis, quæ erat dies Martis post Misericordias Domini. Erantq; tum nonnulli autores Cæsari : perinde ut cum Husso, agendum cum Luthero. Sed Cæsar securitatem publicam minimè violandam censuit : & Ludovicus Elector Palatinus dixit : eam rem , si ita fieret, pertinere ad Germanici nominis labem & dedecus sempiternum. Bis comparuit coram Cæsare & Principibus : semel coram Trevirensi.

Coram Cæsare xvii. Aprilis ad duo respondere iussus est. Primùm. An librorum, qui nominabantur, se profiteretur autorem. Deinde, An quicquam in iis retractare , an omnia vellet tueri.

Scripta sua statim agnovit. Ad retractationis quæstionem priusquam responderet, venià Cæsaris noctem in consilium adhibuit. Decimâ octavâ igitur Aprilis, non unius generis libros esse à se publicatos , respondit :

corum alios de pietate & moribus : alios contra Papam & ejus doctrinam : alios contra privatos adversarios scriptos. Nullos se retractare posse : non primigenis : quia ipsi adversarii eos utiles & innoxios esse fateantur. Non secundi, non tertii generis, quamlibet calidiùs scriptos : ne tyrannidem Antichristi, & ejus asseclarum corroboret. Deniq; ex scripturis solis se revincendum offert.

Cæsar XIX. Aprilis missâ in Senatum epistolâ, se fidem Luthero servaturum, sed finito salvi conductûs tempore, proscripturum illum, significat.

Treviriensis XXIV. Aprilis primùm præsentem Electorem Brandenburgico, deinde privatim Lutherum tentat. Sed nihil ab eo extorquet, nisi repetitione consilii Gamalielis. Dimissus Lutherus XXV. Aprilis Wormatiâ abijt. Fridbergâ scribit ad Cæsarem : Acta VVormatiensia repetit : confessione suam inserit : gratias agit pro data fide publica : vim deprecatur. Eiusdẽ argumenti literas ad status Imperii exarat.

Cæsar VI. Maij Lutherum proscrit : quem Leo Pontifex 28. Martij die cœnæ Domini iteratò excommunicarat. Omniũ animi tum erant arrecti, quid illa Cæsaris & Põtificis fulmina essent effectura. Mirare hîc mecũ bonitatem iuxta & sapientiâ Dei. Lutherus Fridrici Electoris prudentiâ ex oculis hominũ abripitur, & in arce VVartberg, prope Isennacũ  
ab-

absconditur: ubi menses deciem circiter latuit.

LEO Papa Kal. Decemb. moritur. Cæsar in Hispaniâ ob excitatas ibi seditiones vocatur: bello deinde Gallico implicatur. Et sic persecutionū venti sedati, & in turbido renascentis Ecclesiæ mari tranquillitas est facta. Falsus fuit Hieronymus Aleander, qui ad Marinum Caracciolum, legatum Pontificum, fertur dixisse: *Eia, mi Caracciole, si nihil adeo præclari his Comitibus effecimus: tamen certum est, nos magnam hoc edicto in Germania lanienam concitare, qua Alemanni ipsi in viscera sua savientes, propediem in proprio sanguine suffocabuntur.*

Joh Wolf.  
hus Tom.  
2. Lektion.  
memor.

De ipsa proscriptione Cæsarea diversa diversorum (ut fieri solet) erant judicia: aliis zelum Caroli collaudantibus: aliis Prophetiū illud identidem ingeminantibus: *ve terra, cujus Rex puer est.* Erasmus quid de bulla Papæ & Cæsaris proscriptione senserit: epistola ipsius docet: in qua hæc leguntur: *Semper in hac fuit sententia: tragædiam hanc nullâ ratione melius consopiri posse, quàm silentio. Idem sentiunt, qui sunt inter Cardinales & magnates cordatissimi. Prodiit savissima bulla à Pontifice. Nihil aliud quàm exacerbavit incendium. Sequutum est etiam savius Cæsaris edictum, qui totus in hanc rem propensus est. Ea res linguas quorundam & calamos coercet, at non mutat animos. Laudatur quidem pius Cæsaris animus: sed judicium huius rei adscribunt ijs, quibus eruditi non multum tribuunt.*

Cochlæus  
in vita Lu-  
theri.

Basileæ III.  
Non. Sept.  
1522.

Erant

Erant qui dicerent: edictum VVormatiē-  
se plus profuisse Cæsari, quàm nocuisse Luthero. Nam ut edictum illud Papam Cæsari, à Gallo alienatum, ita Luthero multorum hominum corda conciliavit.

Lamber-  
tus Hor-  
rensius.

ORIGO fanaticæ Anabaptistarum sectæ huic anno debetur. Cum inter cæteras Martini Lutheri theses liber de libertate Christiana in lucem editus, toto orbe spargeretur, mox Germanicâ linguâ jactari omnium manibus cœptus, incredibili dictu est, quos plausus apud homines literarum ignaros excitârit. Is certè liber materiam vulgo ad memorabilem rusticorum seditionem, sed non bene intellectus, præbere visus fuit.

Nicolaus Ciconia (Claus Storch) Marcus Stubnerus, Martinus Cellarius, Thomas Müntzerus, primi huius sectæ nominantur autores.

Camerari-  
us in vita  
Philippi.

CICONIA vagabatur passim, seq; imperium literarum esse penitus simulabat, prædicans sibi divinitus scientiam salutarem contingere. Is ex plebe imperita & simplice plurimos deceptos falsitate opinionis perniciosæ complebat.

MARCUS literatus erat: & sibi à Deo hoc esse datum tributumque eximium, gloriabatur: ut ipse interpretando explicandoq; scripta sacrarum literarum excelleret. Hūc apud se fovebat VVittembergæ Melancthon, vel  
iana-



innatâ sibi bonitate: vel ut certiùs cognosceret: quid istud genus doceret.

MARTINUS Cellarius Suevicæ gentis, cum Philippo Melanchthone Tubingæ usum quendam habuerat: ideo VVittembergam venienti tradidit Melanchthon discipulos institûendos in privata Schola. Hunc Marcus amicum, socium & adiutorem nactus, cum patrocinio Andreæ Caroloostadii, & favore Melanchthonis niteretur, demolendum statim censuit, quicquid perperam in Ecclesiam introductum esset.

THOMAS Müntzer Saxo erat, homo (ut Lambertus Hentzsis. aiunt) illiteratus, sed, ut apparebat, in libello Lutheri de libertate Christiana egregiè exercitatus, & scripti interpretes parum candidus, primùm Cygneæ Pastor inuentoribus Ciconiâ & Stubuero cœpit res novas moliri: inde profligatus, Alsteti (oppidum est Ducum Saxonix in finibus Thuringiæ & Saxonix) concionatoris officium sibi arrogavit: ubi editis etiam libris errores suos in universam Germaniam disseminavit. Semelatque iterum cum Luthero VVittembergæ privatim contulit: sed pias Lutheri commonefactiones susq; deq; habuit. Alsteto igitur ejectus in superiorem Germaniam, & inde in Helvetiam proficiscitur, ubique feminibus furoris sui sparsis. Sed mox in Thuringiam reversus Mulhûsum sibi delegit. Bullingerus de Anabaptistis.

git, ubi novam conderet Ecclesiam, Luthe-  
ro frustra Mulhusinos monente, à lupo isto  
ut sibi caverent.

Camera-  
rius.  
Bullinger.  
Hortensius.

De Ciconia & Marco quid factum sit, quique  
exitus vitæ eorum fuerint, non constat. Cel-  
larius sectæ isti diu sanè adhæsit, cumque  
anno xxv. in Prussiam venisset, liberam cu-  
stodiam Principis iussu datus, multa scripsit  
de doctrina illa. Postea animadvertens, laba-  
scere partes, & spem se frustrari, Basileam se  
contulit, uxorem duxit, quietè vixit, sacra  
professus est, Latinoque nomine Cellarii  
in Græcum commutato, se Borrhaum no-  
minavit. Leguntur commentarii eius eruditi  
in Pentateuchum, & alios Bibliorum libros.  
Müntzerus, quod notum, in prælio captus, à  
Duce Saxoniz ferro percussus est anno xxv.  
Hoc hominū genus nil nisi LIBERTATEM in  
ore habebat: Colloquia cū Deo jactitabat: in  
Ecclesiasticos & Politicos detestabat: omnia  
esse corrupta, ideoque instauranda, Ecclesiam-  
que novam condendam, & illius cives denuo  
Baptismo initiandos, clamabat.

Annales re-  
rum Angli-  
carum ad  
annum  
1521.

HENRICUS VIII. Rex Angliæ dogmatum  
Lutheri commotus novitate, pulcrum simul  
& honorificum sibi futurum existimabat: si  
scripto aliquo eruditionem suam & cultūs di-  
vini piam curam omnibus faceret testatam.  
Hinc prodiit libellus ille, adeo perfectioris æ-  
tatis, & exercitato aliquo Theologo dignior,  
quàm

quàm adolescente Rege (cui, quanquam maximè voluerit, non licuerit tamen in literarũ studio ætatem terere) ut alii Thomæ Mori, alii Fisherii Roffensis, plurimi verò alterius alicuius summi viri opus id fuisse, haud sine causa suspicarentur. Ut ut fuerit, edito libello sic respondit Lutherus, ut multi sanè, qui sanctum hominis zelum laudarent, modestiam tamen, spiritu sancto dignam, in eo haud immeritò desiderarent, regiæq; dignitatis magis reverentem. Enimverò Papæ hæc Regis opera navata tam grata fuit: ut eum, successoresq; suos, honorifico titulo (Defensores fidei) postea semper appellandos decreverit, quemadmodum antea Hispanus per Alexandrum sextum Catholici, Gallus per alium, nescio quem, Christianissimi Regis nomine cohonestati sunt, quæ omnia in hunc usq; diem ab eorum singulis usurpantur.

Hætenus renascentis Evangelii doctrina intra V Vittembergæ parietes conclusa videbatur. Et si enim Lutheri scripta non solum in Germaniam superiorem & inferiorem, sed in remotissima etiam regna fuerunt sparsa: tamen rari cœtus alibi erant (Frisiam Orientalem excipio) in quibus abjecto Papismo Evangelium purè doceretur. A Comitibus autem V Vormatiensibus, contra quàm Cæsar & Papa existimârant, Ecclesiæ variis in locis sunt cœptæ reformari.

VVOR-

Ex Archi-  
vis.

VVORMATIENSES, visâ Lutheri in Comitibus Imperii constantiâ, nil territi horribili Cæsaris edicto, concionatores Evangelicos vocant, quibus cùm aditus ad Pontificiorum templa intercluderetur, portatilem suggestum confici curant, & ad audiendum Dei verbum in aliis atque aliis urbis locis conveniunt. Quod ubi Lutherus rescivit, anno vicesimo tertio scriptâ ad ipsos epistolâ consolatoriâ, mirificè bonorum zelum confirmavit. Anno autem xxv. Pontificii territi metu rusticani belli, liberum Evangelicæ religionis exercitium in omnibus urbis templis civibus permiserunt.

ERFURTI jubar Evangelicum hoc ipso anno exortum est: Lutherus in itinere VVormatiensi concionem ibi habet in æde Michaëlitana, Dominicâ Quasimodogeniti, de verbis Christi, *pax vobis*. Facta est paulò post vis in sacerdotum domos, quod Lutherus valde improbat epistolâ ad Melancthonem scriptâ.

Tom. I. epistol. Luth.

Ex Archi-  
vis.

Primi Evangelii præcones illius urbis laudantur, Doctor Joannes Langus, pastor Michaëlitanus: Georgius Forchemius, qui propinato sibi à Pontificiis veneno, obiit: Joannes Culschamerus, qui in suggestu veneno illito extinctus est: M. Petrus Geltnerus: M. Melchior VVedman: Justus Menius, pastor ad D. Thomam. Totus senatus tum  
fuit



fuit Pontificius: tamen Ministerium Evangelicum & reveritus est, & defendit. Papistici autem Doctores Evangelicos odio Cainico prosequuti sunt, & promotionem etiam Magistrorum suspenderunt, ne Lutheranorum filii gradu Magisterii ornarentur. Crevit autem tantopere Evangelicorum ibi numerus: ut anno 1523. octo templa illis vix sufficerent.

Prefatio  
Langi in  
Catechis-  
mum Lue-  
theri.

GOSLARIÆ (urbs est Imperialis in Saxonia) primus hoc anno purius Evangelium docere cœpit Joannes Kleppen in suburbio in templo ad S. sepulcrum. Cui cum Senatus à Clericis instigatus, & Cæsaris indignationem reveritus, silentium indixisset, prodit Theodoricus quidam Smedeken Goslariensis, & sub dio, in loco quem vocant *den Linsdenplan* / maximo hominum concursu docuit. Sed captus à Senatu, & Episcopo Hildesienſi missus, diuturniore carceris & vinculorum molestiâ fractus, turpem palinodiam cecinit anno 1523. VI. Octobris. Iterum igitur à civibus in publicum protrusus est Joannes Kleppen, & in æde D. Jacobi docuit ad annum usque 1524. quo Senatûs permisso in illa ipsa æde Joannes V Vesselus, vir doctus & eloquens, Evangelium liberè profiteri, & sacramenta secundum Christi institutum administrare cœpit.

Ex Archi-  
vis.

HALBERSTADII ſinceriores Evangelii

Chytræus.  
Dresserus  
Hamel-  
mannus.

doctrinam primitradiderunt. Joannes V Velselius Brunsvicensis, & Henricus Gebhardus Helmstadiensis, ad S. Martinum. Quibus per Canonicos ejectis, duo Doctores Theologiæ, Eberhardus V Videnſee, Præpositus D. Joannis, & Valentinus Musteus Carmelita, pro concione, & V Videnſeus etiam in schola ſui Monasterii, puriùs docebant. Et in ſenatu Henricus ſcriba Cos. plurimùm ſuâ autoritate Evangelium adiuvabat. Hunc Prætor urbis, & Capitaneus Episcopi, captum in ſalinas ducunt, ubi capitis damnatus ægrè tandem ſe pecuniâ redemit D. Valentino Musteo, inſtinctu ſuffraganei & Capituli oppreſſo noctu & ligato virilitas exciſa eſt: qui, ſanato vulnere, V Vittembergam proſectus, in ea vicinia, Lutheri commendatione, functionem accepit. Eberhardus etiam ab Episcopo ad carcerem perpetuum damnatur. Sed in itinere noctu elapſus ea cuſtodiâ, Magdeburgam pervenit. Ubi ad S. Jacobum paſtor factus, fideliter propagationem Evangelii adiuvit: donec ab optimo Principe Chriſtiano, poſtea Daniæ Rege, in Holſatiâ vocaretur. Halberſtadii interea Henricus V Vinkelius, & poſtea Joannes V Vimmenſtedius uſq; ad ann. 1529. inter varias perſequutiones Eccleſiam puriorem plantârunt.

Chytræus.  
Hamel-  
mannus.

HAMBURGI M. Ordo Stifelius, vel, ut alii, Stemmeliuſ, paſtor ad S. Catharinam, primus  
hoc

Hoc anno indulgentias vanitatis arguere, fidē  
justificantem hominib. cōmendare, deq; legi-  
timo claviū usu, earundemq; Pontificio abusu  
differere cōepit. Sed ætate, morbis, & Cleri p-  
sequutionibus fractus, exacto biennio M. Ste-  
phano Kempe Ecclesiam erudiendā reliquit.

VVITTEMBERGÆ Augustiniani cōeperūt Sleidanus  
omnium priuī Missam privatā abrogare. Lu-  
therus, ut & vacillantes erigeret, & peritiores  
confirmaret, confecit illis in Pathmo librum  
de abroganda Missa privata. Fridericus Ele-  
ctor totius Academiæ sententiam super hac  
re exquirat: quæ Principem orat: ut impie-  
tatem Missaticam non in uno solū tem-  
plo, sed omnibus in locis aboleat, & verum  
usum cœnæ juxta Christi & Apostolorum  
mandatum instituat, & adversariorum calu-  
mnias omnes fortiter contemnat. Optima  
semper placuisse paucis.

BASILEÆ V Vilhelmus Roebelinus Pastor ad Vratislavi-  
Chronico  
Basiliensi.  
S. Albanū impugnat Romanam idolomaniā  
& in Christi morte vitam quærendam docet.

Ideo sacrificulorū instinctu in exiliū pellitur.

In VALLE JOACHIMICA, quæ Boëmum a- Chronicon  
Vallis Ioa-  
chimicæ.  
gnoscat Regem M. Philippus Eberbachius,  
scholæ Rector, in ipsō ludo literario ad utri-  
usq; sexūs hōines cōcōnes Evāgelicas habet.

ANTUERPIÆ Jacobus Præpositus, Prior Ex Germa-  
nica histo-  
ria ab ipso  
Iacobo  
scripta.  
Augustinianus, Lutheri discipulus, bienniū, &  
amplius, Christū purē docuerat. Hoc aut an-

no duclitur Bruxellas , ubi mirè divexatus, metu ignis recantat, & in Flandriam dimissus, Christum iterum prædicat , captus denuo. Brugas primùm, inde Bruxellas missus in carcerem conijcitur , ex quo ope fratris Minoritæ elabitur. Edidit ipse historiam lapsûs sui, in qua Bruxellas nominat macellum Christianorum: literas etiam publicat ad auditores suos Antuerpianos : quos rogat , ne lapsum suum doctrinæ, sed humanæ imbecillitati adscribant: nec ullius hominis , sed solius verbi Dei auctoritatem in negotio religionis respiciant. Hic Jacobus Bremæ Saxonum deinceps multos annos fructuosè Evangelium docuit.

*Chytræus.*

In POMERANIA mutatio religionis alicubi gliscere, & purioris Evangelii doctrinæ semina sensim spargi, ac inde in Livoniam & alias gentes propagari ex Collegio sacerdotum Treptoviensi, per Episcopum dissipato, primùm cœperunt. Florebat tum Treptoa ad Regum & Collegio sacerdotum, & scholâ literarum celebri, quam Joannes Bugenhagius, & Andreas Cnophius Custrini ad Viadri & VVartæ conflatus, regebant, quorû tantopere in docendo industria, dexteritas & fides celebrabatur: ut nō solum ex vicinis oppidis, sed Livonia etiam & VVestphalia exciti scholastici, eò confluerent. Accidit autem anno 1520. exeunte: ut inspector Ecclesiæ,



clesiæ, Otto Slutovius, ex patritia oppidi illius familia natus, cum Rectorum scholæ & collegas convictores aleret, librum Lutheri de captivitate Babylonica, recens ab amico Lipsiâ missum, proferret, & Rectori scholæ Joanni Bugenhagio, cujus præ cæteris ingenium & judicium limatius, & doctrina ac facundia in lectionibus & concionibus sacris spectata probabatur, perlegendum traderet. Qui mox, paginis aliquot inter cænandum prælustratis, præcipitatâ sententiâ, *multos à passo Christo salvatore Hæreticos Ecclesiam infestasse, ac duriter exercuisse, sed nullum, eius libri auctore, pestilentiore unquam extitisse*, pronunciat: commemorans, quæ adversus recepta Ecclesiæ dogmata ab eo assererentur. Post aliquot dies libro attentius lecto & relecto, ac singulis accuratius pensitatis, reversus ad Collegii sodales, & palinodiam canens: *Quid ego vobis, inquit, multa dicam? Univer- sus mundus cacutit, & in Cimmeriis tenebris versatur. Hic vir unus & solus verum videt*. Ac singulis libri illius capitibus diligenter disputa- tis ac defensis, plerosq; in suam sententiam adduxit: ita ut Collegæ pastores, Joannes Kyrichius, & Joannes Lorichius (qui ad extre- mam senectam Ecclesiæ illi deinceps servi- vit) cum Diacono, qui vicini cænobii Bel- burgensis frater erat, Christiano Kettelhut, nec non Abbas ipse, Joannes Boldewinus

publicè Papatûs præstigias detegere, & à superstitionibus & abusibus traditionum humanarû, ad dogmata & cultus verbo Dei mandatos, & à fiducia Missæ ac operum humanorû, ad unicum solius Christi meritum auditores traducere, magno zelo instituerant. Ut autem in articulis mutationum multa incommodiùs ac turbulentiùs, non tam doctorum, dextrâ veram doctrinam tradentium, quàm vulgi sinistrâ accipientium, culpâ geruntur: ita tum quoque accidit: ut S. Antonii sacrificulos per plateas usitato more cum nolis vagantes injuriosius petulantes quidam juvenes, cæno injecto, tractarent, & ex æde S. spiritus statuas, noctu ablatas, in vicinum puteum conijcerent. Quo comperto Episcopus Caminensis, recens electus, Erasmus Mandûel, cui in Pomerania Orientali sacrorum cura incumberebat, seditiosâ specie offensus, & zelo avitæ religionis ardens, atrocem persecutionem in multos sacerdotes ac cives & scholasticos movit: & in vincula multis coniectis, cæteri præmoniti fugâ sibi consuluerunt. Ac Bugenhagius VVittembergam, absente tum Luthero in Pathmo (Petrus Vincentius oratione de vitâ Bugenhagii affirmat, ipsum paulo ante iter Lutheri VVormatiense VVittembergam venisse) concessit, & Psalterium privatim legendo scholæ innotuit, & reverso Luthero statim

Tom. 3.  
Declamat  
Philippi.

statim in defuncti pastoris D. Simonis Bäckii locum suffectus est. Joannes Kyrichius, cum Christiano Kettelhut, Sundium migravit. Andreas Cnophius cum Joachimo Mollero, adductis scholasticis Livonis, Rigam ad Fratrem Jacobum, Canonicum profectus, mox ad ministerium illius Ecclesiæ in æde D. Petri vocatus est, ubi exemplo pastoris Treptoviensis, acriter in fœdas nundinationes, idola & mores sacrificorum Pontificiorum invehit, doctrinam de Justitia fidei, seu remissione peccatorum, & vita æterna gratis, non propter ulla opera aut merita nostra, sed propter solū Christum pro nobis passum & resuscitatum, credenti donanda, præcipuè urfit. Sed ad ritus publicos, & abusus inveteratos aliquantisper connivit, donec per secutos collegas, Sylvestrum Tegetmeier, & alios, turbulentius quædam isthic quoq; in rebus Ecclesiasticis administrata sunt. Sic persecutio Treptoviæ mota, in plures civitates ac gentes pios Doctores, inde eiectos, dispersit.

In BELGIO Carolus Cæsar dira edicta contra sectas, quas sic vocant omnes & singulas edit, & quorannis ferè renovat, quorum vi im-  
Meteranus  
lib. 2. Chro-  
nici Belgi-  
perante Carolo, in solo Belgio capite truncata, submersa, suspensa, defossa, exusta, aliisque mortis generibus extincta ultra quinquaginta hominum millia scribuntur: primò plurimis ob leves admodū causas (nempe vel car-

nium esum diebus certis vetitum: vel servatos aut lectos libellos, quorum tamen doctrinam non probarent.) Sacerdotibus quoq; & Monachis obductas, fornicationis causâ, uxores, vitâ privatis.

Ex charac-  
teribus.

JOANNES OECOLAMPADIUS quid in cœnobio delitescens de Luthero senserit, iudicium eius ad amicum loquitur: *Iam de Martino liberè loquor, ut sape antehac: quod Evangelica veritati propius accedat quàm adversarii sui. Et poteritne humanus spiritus, vel ab auditu, vel à promulgatione Evangelii suis minacibus mactatis avertere? Mirum, cum meliora non offerant, quod omnibus Sole clarius est, condemnare tamen non verentur, quod improbare, quantum satis est, non possunt. Verè dicit Ennius:*

*Pellitur è medio sapientia, vi geritur res.*

*Viderint Episcopi, si ve me damnent, aut parcant condemnanti. Non de omnibus, quæ scripsit Martinus, laquor: non enim omnia legi. Sed quæ legi, adeo immerito reiiciuntur: ut fiat etiam injuria sacris literis, quas ipse sincerius exponit: pleraque ab eo dicta tam certa sunt apud me: ut, si etiam cœlestes Angeli contradicant, non me sint à sententia mea depulsuri. Vbi articulos condemnatos legero; quid sentiam de quovis, libenter tecum agam.*

Capito in  
vita Oeco-  
lampadii.

Idem Oecolampadius præter conciones certas, quas edidit, scripsit etiam de confessione librum, quò magis pium, hoc minùs cere-



ceremoniarum nundinatoribus ferendum. Huius enim occasione Glapio Franciscanus, qui tum Cæsari Carolo à Concionibus, ingens viro periculum creavit. Qua de causa sollicitantibus amicis, & consentientibus fratribus in cœnobio, tutò discessit.

MARTINUS BUCERUS Selestadiensis, mense Martio, ætatis trigésimo, hortatu Francisci à Sickingen, & Ulrici Hutteni, relinquit Ordinem Dominicanorum, in quo vixerat annos quindecim, & ad Franciscum Sickingum se confert. Franciscus Friderico Palatino, Præsidi Senatûs Imperii cum commendat: cuius Ecclesiasten aulicûm integrû annum egit, donec vacante parœciâ Landstallensi à Francisco volens revocatus fuit, aulæ supra modum pertæsus.

ABSENTE Luthero in Pathmo, Monachi Augustiniani VVittembergenses Missam privatam abrogandam censent, idque ideo, quia execrabilis sit abusus cœnæ Dominicæ, quæ in Sacrificium propitiatorium commutetur: deinde quia non uno sed duodecim Apostolis præsentibus Christus, & Apostoli conveniente Ecclesiâ, Eucharistiam celebrârint: postremo quia in Missâ una tantum species laicis porrigatur, contra institutionem Christi. Elector consilium Academiæ super hac re requirit: Academici, Justus Jonas Præpositus, Joannes Dolcius, D. An-

Epistola  
Buceri M.S.  
ad Capito-  
nem.

Acta exstât  
Tom. 2.  
Jca. Germ.

dreas Caroloſtadius , D. Hieronymus Schurffius , D. Nicolaus Amsdorffius , Philippus Melanchthon , rationes Auguſtinianorum comprobant. Elector decreta ipſorum rata habet : Miſſa privata primum in monaſterio , deinde in templo parochiali , tandem in templo arcis abrogatur.

Mathaeus  
in vita Lu-  
theri.

In vita Lu-  
theri,

Mutata deinde ſunt & alia , de quibus Melanchthon : *Illud, inquit, commemorare hoc loco nolo, qui primi publicè prabuerint utrâq; partē cœna Domini, qui primi omiſerint privatas Miſſas: ubi deſerta ſint primum monaſteria. Nam Lutherus de his materiis ante convētum, qui fuit in urbe Vangionum anno 1521. tantum pauca diſputaverat. Ritus non mutavit ipſe ſed eo abſente Caroloſtadius.* Idem Caroloſtadius templis imagines eiicit , confeſſionem auricularem tollit, ſymbola ſacra laicis in manus dat , in foro non ex iure humano, ſed ex lege Moſis pronunciandum eſſe contendit: edit librum de coniugio ſacerdotum, & de votis monaſticis reſcindendis, vigefimâ quartâ Junii: qui liber etſi non per omnia Luthero probaretur, ſcripſit tamen: *ⁱ Sinendum eſſe Caroloſtadium, quia nolit fortè ſuum curſum remorari.* Vastavit etiam Scholas, literarum cultum abiecit, & ad labores manuum cunctos hortatus eſt.

ⁱ Ad Geor-  
gium Spa-  
latium 15.  
Auguſti.  
b Bulhol-  
cerus Dref-  
cerus.

ERASMUS offenſus periculofis tumultibus

bus & perniciosis clamoribus, quibus negotium Evangelicum agebatur, aut potius turbabatur, cœpit trepidatione quadam nutare ac vacillare, & à causâ Lutherana longiùs se remove-re atq; subducere, & quasi in locum tutiorem extra telorum iactum secedere. Sentiebat autem, de rebus tam arduis censuram & iudicium deferendum ac permit-tendum esse Ecclesiæ, quæ auditâ viro-rum aliquot piorum & eruditorum sententiâ. communi consilio ac deliberatione de dogmatibus statueret, decreta verbo Dei consensientia cōderet, controversias tolle-ret, & pacem Ecclesiasticam sanciret ac stabiliret. Ut itaque lectori ob oculos po-namus specimen sapientiæ huius viri, vel secum luctantis, vel cum utraque parte quodammodò conflictantis, verba quæ-dam eius, ex epistolis, hoc anno scriptis, subiungemus, non ut lectori inde Erasmi de Religione sententiam ( quæ vel per-plexitatibus involuta, non mox cuilibet sese pandit, vel suâ quadam lubricitate elabi, mentemq; legentis prætervolare potest) venetur ac discat: sed ut ex his de ad-mirando illius ingenio, dum inter partes ferè medium sese gerere studet, coniectu-ram faciat, & dissidii inter ipsum & alios exorti fontes propius aspiciat. Sic itaq; ille hoc anno scripsit Petro Barbirio 13. Augusti.

Epist. lib. 1.  
epist. 2.

*Ini-*

*Initio, inquit, dici non potest, quàm multi, qualesq; viri Luthero fauerint. Ego è pauculis pagellis degustatis visus sum mihi subodorari, rem exituram in tumultum. Et mihi sanè adeo est inuisa discordia ut veritas etiam displiceat seditiosa. Primus omnium admonui hominem literis: ut rem Evangelicam Evangelicâ mansuetudine moderationeq; tractaret &c. Equidem, ut mihi videre videor, esse quadam in Ecclesia recepta, qua magno Christiana religionis bono mutarentur. Ita nihil placet, quod huiusmodi tumultu geritur. Si communicato inter ipsos consilio, docti obsequatis libellis, utriusq; ditionis Proceres admonuissent, qua iudicassent ad Evangelicâ doctrinâ sinceritatem attingere, fortassis & ipse fuisset unus, qui sedulo, quod potuissem, consuluissem. Nunc quid furiosius, quàm rem tantam maledicis libellis & clamoribus agi? Quo quidem in negotio primùm utriusq; peccatum est. Meâ sententiâ, nimium calidis consiliis hinc atq; hinc res gesta est, &c. Porro quod dicitur, Lutherum quadam hausisse è libris meis, mihi in manu non erat, prestare, ne quis scriptis meis in posterum abuteretur, quando hoc nec Evangelista, nec Apostoli prestare potuerunt. Scripsi eo seculo, qua tum videbantur ad bonos mores conducere: fortassis quadam scripturus circumspicius, si præsiscirem exoriturum hoc seculum plus quàm Tragicum.*

*Idem die 23. Augusti anno eodem. Video*

1670-



tempestatem esse periculosissimam, in qua mihi  
 sentio cursum sic esse moderandum: ut nec homi-  
 nibus adulando, Christi negotium deferam: nec  
 me frustra in discrimen aliquod coniciam. Lu-  
 therus veluti malum Eridis misit in mun-  
 dum, cuius nullam omnino partem non turba-  
 tam video. Nemo non fatetur, vehementi quâ-  
 dam Medicinâ fuisse opus Ecclesie, nimium colla-  
 psis moribus: sed video propemodum usu venire,  
 ut pharmacum parum dextrè adhibitum, morbi  
 vim exacerbâre verius quàm expulerit. Atq;  
 utinam verum esset, quod Danorum Rex Chri-  
 stiernus, mihi simile quiddam dicenti respondit,  
 ludens opinor, levibus pharmacis nihil agi, sed  
 illud esse remediorum efficacium, ut primum cor-  
 pus omne concutiant. Ego certè nullum exitum  
 video bonum, nisi Christus ipse temeritatem no-  
 stram bene versat, quemadmodum ferunt Miner-  
 vam  $\delta\upsilon\sigma\beta\alpha\lambda\acute{\iota}\alpha\varsigma$  Atheniensium bene fortunatè  
 solitam.

Et ad Montioium: Nec cum Luthero, nec Lib. 17.  
 cum ullo Lutherano fœdus clancularium inii, & epist. 26.  
 adeo non addidi cuiquam animos, ut omnes, quos  
 potui, deterruerim ab instituto periculoso. Tan-  
 tùm improbâbam quorundam precipites tumultus,  
 præsertim apud populum, priusquam satis appare-  
 ret, quorsum iret Lutherus. Nemo non fatetur,  
 disciplinam Ecclesiasticam longè prolapsam esse  
 à sinceritate Evangelica, populum Christianum  
 multis modis gravatum esse, conscientias hominũ  
 variis

*variis tricus illaqueatas. His malis Lutherus bonis ac doctis videbatur remedium allaturus. Et passim faventibus omnibus, solus extiti monitor, ut stylum verteret, ac negotium tractaret Evangelicâ mansuetudine. Iactant aliqui, Lutherum quadam è meis libris hausisse. At quo pacto queam prestare, ne quis meis scriptis abutatur, cum plurimi sint abusi libris Evangelicis? Et tamen, si quis Deus mihi pradiisset, hoc seculum exoriturum, quadam aut non scripsissem: aut aliter scripsissem: non quod perniciose scripserim, sed quod non omnia quovis tempore rectè dicantur, &c. Nec technis quorundam, nec pollicitis, nec odiis aliorum unquam percelli potui, aut potero, ut alius sim quàm Christianus. Malè sit omnibus, qui gaudent diffidiorum vocabulis.*

Exstat. 1.  
Tom. Lat.  
oper. Luth.  
Witteber-  
gensium.  
Exstat 2.  
Tom. ope-  
rum Phi-  
lippi.

PARISIENSIBUS Lutheri libros damnantibus, opposuit Melanchthon scriptum publicum, cuius inscriptio hæc: Adversus famosorum Parisiensium decretum Philippi Melanchthonis pro Luthero Apologia.

Prodiit item liber à Melanchthone scriptus titulo Didymi Faventini, quo respondit Thomæ Placentino, id est Emsero.

Hoc anno primus Sacerdotum Bartholomæus Bernhardus Feldkirchius, Præpositus in oppido Kemberg, prope VVittembergam, duxit uxorem, & facti sui rationem Archiepiscopo Magdeburgico primùm, deinde Electori Saxonico publicis literis reddidit:

didit : quæ Tomo secundo Operum Lutheri Lat. Jen. leguntur, Hunc sequuti sunt, Justus Jonas , Præpositus VVittebergæ , Joannes Bugenhagius , Andreas Carolostadius , cui facetus quidam Morio , Epithalamii loco ; ut opinor , scripsit novæ Mixtæ nuptialis formulam , multo sale respersam.

Leo Decimus, Kal. Decembrib. moritur, violentiâ, ut creditur, toxici consumptus , ætatis 46. celebrandus iis virtutibus , quæ à Christianis ne nominari quidem debent. Aëtius Sincerus Sanazarius lusit in eius obitum hoc disticho :

*Sacra sub extrema , si fortè requiritis , hora  
Cur Leo non potuit sumere ? vendiderat.*

Sub finem anni nova super indulgentiis tragœdia oritur. Albertus Archiepiscopus Moguntinus post obitum Tecelii novas indulgentiarum Papalium mensas Halæ Saxo-  
num erigi iusserat. Lutherus rei indignitate commotus, ex Pathmo vigesimâ quintâ Novembris non solum acerbas , sed etiam minaces literas ad Albertum scribit , in quibus ipsum hortatur : ut idolum illud veniarum Papalium removeat , nâ alia graviora velit experiri. Deinde , ut missos faciat sacerdotes illos , qui vitandæ scortationis ergo matrimonium  
vel

*Epistola  
Germanica  
exstat To-  
mo I. oper.  
Luth. Jen.  
Germ.*



vel inierunt, vel inire velint. Nî fecerit, ea se de ipso aliisq; Episcopis divulgaturum, quæ perpetuo mallet silentio sepulta.

Ex auto-  
grapho.

Commendavit tum Melanchthon hanc ipsam causam Capitioni, Alberti concionatori & Consiliario dignissimâ lectu epistolâ hac: *Mittuntur ad vos optimi & sanctissimi hominis, Lutheri, litera, quibus, quod à te fieri oportuit, officii Princeps tuus admonetur: eas quia contemnent, opinor, nonnulli apud vos, non enim ignoro, quid de Luthero sentiat mundus, referre putavi, quod in rem esset Principis tui, tecum privatim commentari. Modis omnibus efficiendum est tibi, ne contemnatur Lutherus, & ut eius hoc tempore litera apud tuos valeant: id quod abs te impetrabit pietas cum erga Evangelium, tum erga Principem tuum. Primum enim, si Lutherus, id quod multi sentient, divinitus missus est, qui mundum ad Evangelium revocet: cavendum est: ne non tam Lutherum, quam illum, cuius hic Ἀπόστολος agit, contempsisse videamini. Sibi factum interpretatur Christus, quicquid acciderit minimo ex suo grege. Phariseos γὰρ Νομικὰς, qui Baptistam aspernati erant, Dominus queritur, consilium Dei sprevisse. Quid si idem his cause-tur, ubi contentus fuerit Lutherus? Scio hunc partim stultum, partim malum videri mundo, sed oportet Ἐαγγέλιον stultitiam esse Gentibus, scandalum Iudais. Negare non potestis, quin Evangelium doceat: id reiicitis, si Lutherus rei-j-citur.*



ajcitur. Nec ignoro, te acerbitate offendi. Sed quid, si divinius accendatur? εὐαγγελίσαιδα. Obsecro vide, qui rerum ac temporum status sit, quo sale opus sit istis tam pinguibus Dominis. Nunc tibi contigit qui saliat, vos ne conculcabit? Paulus cavere praecepit, ne Spiritus extinguatur: quod ne a vobis praestetur, adnitere. Pluribus hac agerem, nisi & Fabritio & Theologo scriberem, ut videri hac quoque nimis multa possint. Deinde, quod privatim ad Principem tuum pertinet: proscindeur acerbissimo scripto, nisi dextrè responderitis. Hoc ut prematur, quantillo incommodo efficere potestis. De indulgentiis, credo, agitur, quae cum iam olim deplorata sint, minimo negotio abrogari possunt. Nam vel hinc Lutheri candorem aestimes, qui praeter indulgentias nihil attingit. Quid enim si commoveat reliquam vitiorum ac imposturarum ἀρχὴν & Camarinam, id quod iure queat. Cedite hoc uno loco recta monenti tanto cum commodo vestro, si consultum vultis τῇ ἑπισκόπῃ ἀξίᾳ. Ego hactenus sedulò praestiti, ne quid contra vos ederetur, & porro prestare cupio, modò recta velitis. Vale. VVittembergae, sub Brumam.

Favebat Fabritius Evangelio tacitè quidem, sed impensè, & Cardinalem Moguntinum ad favendas Lutheri partes pertrahere satagebat. Huius igitur suasu Archiepiscopus Albertus demissè respondit Luthero vigesimâ primâ Decembris: summa responsi

Exstat Ger- erat : gratiosè se literas Lutheri accepisse,  
manicè existimareq; , illum causam ampliùs non ha-  
Tom. 1. o- bere de se conquerendi : acturum se vitam  
perum Lu- Christiano Principe dignam , idque tum  
theri Jen. suarum , tum aliorum precum interventu,  
quandoquidem agnoscat , solius Dei gratiæ  
hoc esse : non diffiteri se, miserrimum se es-  
se peccatorem, qui quotidie peccare & errare possit; adeoque peccet & erret. Scire etiam , absq; gratia Dei nihil in se boni esse, imò se fœtidum stercus esse : fraternas admonitiones se ferre posse: Luthero denique propter Christum bene velle.


Ex Biblio-  
theca Ca-  
pitonis.

Addidit his literis Capito suas quoq; , alteras ad Philippum , alteras ad Lutherum. Philippū hortatur, curet, ne subolescentem spiritum Alberti Lutherus laceffendo extinguat: se autore Principem hætenus clam cū Luthero fecisse, illiq; vires atq; auctoritatem confirmasse: si quid ille peccet, magis peccare amore religionis , & studio ad verum cultum, quàm malitiâ: videre ipsum, Lutherum non solùm non contemptum, sed illi habitū honorem , tanquam Evangelistæ, cuius reprehensionem ambabus, quod aiunt, amplectantur.

Ex Biblio-  
theca Ca-  
pitonis.

Lutherū graviter monet ; ne nominatim magnatum Ecclesiasticorum vitia notet : quia id sit facturus sine exemplo , multa que præter verum necessario ficturus , cum vel spiri-

Spiritus hominis nesciat quæ sunt in homine : quod si pergat aliorum inservire affectibus, experturum, Moguntinos quoque esse homines, quod sibi seriò dictum putare debeat, ne in necessitatem inducat pusillos, ut animum exasperent. Hoc Capitonis responsum, quo animo acceperit Lutherus, sequentis anni historica docebunt.



ANNVS CHRISTI  
M D XXII.

**I**N huius anni historia Ecclesiastica duo, mihi quidem commemoranda, lectori verò observanda. Nempe, quid Pontificii contra Evangelium : quid Deus pro Evangelio fecerit.

Quæ Pontificii contra Evangelium hoc anno moliti sunt: hæc habet. Adrianus Pontifex Romanus Principes Imperii Norimbergæ conventum celebrantes, per legatum adversus Lutherum incendit. PRINCIPES NO- De his Stei-  
danū lege. rimbergæ edicta contra Lutherum cudunt. ADRIANUS P. P. ultimo Novembris BREVE, quod vocant, sive literas ad Senatum Bambergensem scribit, quibus illum à Lutheri doctrina dehortatur, &, ne vendi, mul-  
tò minùs imprimi libros ipsius sinat, monet.

**Epistola** Idem **ADRIANUS** Erasmum Roterodamum hortatur, ut contra Lutherum stylum stringat.  
**exstat lib.**  
**23. epist.**  
**Erasm.**

**Sleidanus** **FERDINANDUS** Austriæ Princeps latam adversus Lutherum anno superiori sententiā vehementer urgebat, & in Ducatu VVirtembergensi, quem tunc tenebat, gravissimū proposuit edictum xxvi die Novembris, ac præmium delatoribus constituit, & passim in suis provinciis graviter in eos, qui Pontificiis legibus non parerent, animadvertit.  
**lib. 2.**

**Leguntur** **HENRICUS** junior, Dux Brunswicensis: **GEORGIUS** Dux Saxoniae: **PHILIPPUS** Episcopus Frisingensis & Naumburgensis, contra Lutherum & eius libros publicis programmatibus fulminant.  
**illa Tom.**  
**2. Germ.**  
**operum**  
**Luth. Jen.**

**Curzus.** **LYDOVICUS** Rex Hungariæ & Bohemiæ Uratislavienses vi armata in obedientia Papæ & cultu doctrinæ Pontificiæ retinere annititur.

**Sleidanus.** **HUGO** Episcopus Constantiensis Senatū Tigurinum interpellat, & cuiusmodi querelas audiat de Zwinglio, qui novum doctrinæ genus invexerit, ostendit. (ad iurisdictionem enim illius Ecclesiasticam Tigurini pertinebant.) Idem Hugo deinde literas dat ad Collegium Canonorum, in quibus etiam erat Zwinglius, & de novis doctoribus, qui perturbent Ecclesiam, multa loquutus, hortatur ut ab illis diligenter sibi cave-

caveant, Cum apud Tigurinos nihil profi-  
ceret literis suis, in conventu Badensi de  
Tigurinorum inobedientia conquestus est,  
& omnium pagorum Helveticorum o-  
pem, ad tutanda sua de religione publicata  
mandata, imploravit. Mox igitur Urbanus  
VVys, pastor in pago VVislitzbach, prope  
Badenam, qui de nova fide suspectus erat,  
capitur, Episcopo Constantiensi mittitur, à  
quo diu in carcere est detentus. Atq; hoc  
est initium persecutionis Evangelii, à pagis  
Helveticis susceptæ.

Ex indicio  
CL. Casp.  
Waseri,  
Theologi  
Tigurini.

Erant in urbe Tigurina tres Menachorū  
familix, Augustinianorum, Franciscanorum,  
Mendicantium. Hæ ad Senatum accusant  
Zwinglium, quod illius concionibus in con-  
temptum adducerentur, rogant, huius-  
modi sermonibus Zwinglio interdicat, ne  
par pari cogantur reddere: & ut sibi ex  
Thoma & Scoto deinceps quoq; liceat con-  
cionari, de quo Senatus recusavit.

Bullinger  
Chronico  
M. S.

ERASMUS ad Jodocum, Senatus Mechli-  
niensis Præsidem: Ego, inquit, & hic (Basileæ)  
& istic partim dictis, partim epistolis, multos alie-  
navi à factione Lutherana. Nec ulla res magis de-  
iecit Lutheranorum animos, quàm quod palam  
editis libris declaravi: me adharere Pontifici Ro-  
mano, & Lutheri negotium improbare.

Basileæ pri-  
die Idus Ju-  
lias 1522.

ADMINISTRATOR PRAGENSIS ad Lu-  
dovicum Regem Ungariæ & Boëmiæ accu-  
presso.

fat religionis innovatæ Ioannem à Saulhausen, Tetschini Dominum.

Sleidanus.

In Boëmiæ quoq; conventibus erant, qui Pontificis & Ecclesiæ Romanæ auctoritatem suaderent recipiendam: alioqui dissidiorû & offensionum nullum esse futurum finem.


Lutherus,  
Thom. 2.  
epist. pag.  
28.

ANTUERPIÆ Frater Henricus Sutphaniensis propter professionem Evangelicam in vincula conicitur: mulieres vi illum liberant, monasterio expelluntur Fratres, alii aliis locis captivi tenentur, alii, negato Christo, dimittuntur. Vendita omnia vasa monasterii, templum & monasterium ipsum clausum: Sacramentum cum pompa in templum B. Virginis translatum, tanquam è loco hæretico, susceptum honorificè à Domina Margareta: cives aliquot & mulieres vexatæ & punitæ.

Hæc contra Evangelium. Pro Evangelio quæ Deus fecerit, videamus.

Tom. 2.  
epistolârũ  
Lutheri,  
fol. 41. b.

MARTINUS Lutherus Philippum Melanchthonem, per novos Prophetas nonnihil turbatum, erigit epistolâ, in qua docet, quomodo eorum vocatio & Spiritus probari debeat, antequam audiantur: *Non probo, inquit, tuam timiditatem, cum & maiori tam spiritum quàm eruditione polleas, quàm ego. Ac primum cum testimonium perhibeant de seipsis, non statim audiendi sunt, sed iuxta consilium Ioannis, spiritus probandi. Habetis consilium Gamalielis*

*lietis differendi, nihil enim adhuc audio ab eis dici & fieri, quod Satanas non queat prestare vel amulari. Tu autem ex mea parte hoc explores, an vocationē suā possint probare. Neq̃ enim Deus unquam aliquem misit, nisi vel per hominem vocatū, vel per signa declaratū, ne ipsum quidē filiū, Propheta olim ex lege & ordine prophetali ius habebant, sicut nos modò per homines. Prorsus nolo eos recipi, si nudā revelatione sese vocatos adserāt: cum nec Samuelem quidem vellet loqui DEVS, nisi per auctoritatem consciam Heli. Hoc primum ad publicam docendi functionem pertinet. Iam verò privatim spiritum explores etiam, queras, num experti sint spirituales illas angustias, & natiuitates diuinas, mortes, infernosq̃. Si audieris blāda, trāquilla, deuota (ut vocāt) & religiosa, etiamsi in tertium cælum sese raptos dicant, non approbabis. Quia signū filij hominis deest, qui est , probator unicū Christianorū, & certus spirituum discretor. Vis scire locum, tempus, modū colloquiorum diuinorū? Audi, sicut leo contriuit omnia ossa mea. Et proiectus sum à facie oculorum. Et repleta est malis anima mea, & vita mea inferno appropinquauit. Nō sic loquitur maiestas, (ut vocāt) immediate, ut homo videas, imò nō videbit me homo & viuet. Et stellam parvā sermonis eius nō fert natura. Ideo .m. per homines loquitur, quod loquētem ipsum ferre non possumus. Nam & virginē turbauit Angelus, sic & Danielē, sic & Ieremias queritur, corripe me in iudicio, & nō sis tu mihi formidini.*

*Et quid plura? Quasi Maestas possit cum veteri homine loqui familiariter, & non prius occidere, atq; exsiccare, ne fœteant odores eius pessimi, cum sit ignis consumens. Etiam samvix & visiones sanctorum sunt terribiles saltem postquam intelliguntur. Tanta ergo, & ne Iesum quidem audias gloriosum, nisi videris prius crucifixum.*

Eundem Lutherū ita Deus in Pithmo animavit: ut nec Principis sui indignationē, nec Cæsaris proscriptionē, nec Norici conventus edicta moratus, VVittēbergā reverteretur, Epistola, quā Saxonix Electori reditum suum excusat, cū admirabilem fidei Lutheri *πληροφορίαν*, & pectus verā pietate ardens, & instinctu ac impetu planē divino velut *ἐκστασισμῶ* ad gloriam Dei, & Evangelii Christi propagationem inflammatum, & omnia pericula præ pietatis & Evangelii amore, magno & excelso animo cōtemnens, demonstraret, digna esse visa est, quæ hoc loci

Tom. 2. o-  
perum.  
Germ. Jen.  
pag. 57.

apponeretur. *De mea causa*, inquit, *C.V. novit, aut si ignorat, nunc cognoscat, me Evangelion non ab hominibus, sed tantū de cælo per Dominum nostrum Iesum Christum habere: ita ut meritō potuerim, (ut deinceps faciā) me Dei servū & Evangelistam profiteri. Quod autem ad causæ cognitionem me obtuli, & aliorum iudiciis subiecti: id non, quod ego de mea doctrina quidquam dubitarē, sed modestia causā feci, ut alios invitare. Postquā verò*  
*videa,*



*video, nimiam modestiam meam vergere ad detrimentum Evangelii: & Satanam, cum vix palmum ei cedo, totum campum velle occupare: cogor, conscientiam meam urgente, alias rationes inire. Satisfeci, ut spero, C.V. quod hoc anno cessi, tantum ut C.V. gratificarer. Nam Diabolus bene scit, non metu aut diffidentiam hoc à me factum esse. Cum enim VVormatiam ingrederer, ita animo constitutus eram: ut etiamsi scivissem tot Diabolos, quot in omnibus adium tectis tegula sunt, in me intentos collimare: tamen lato & alacri animo in medium eorum insidissem. Et postea. Redeo VVittebergam munitus presidio multo sublimiore & firmiore, quam ab Electore Saxonia mihi prestari possit. Neque in animum unquam induxi, a. C.V. defensionem petere. Imò judico C.V. plus à me presidii & tutela habituram esse, quam mihi prestare. Praterea si scirem C.V. velle & posse me tueri, planè non redirem. Huic causa nullus gladius consulere, aut opem ferre potest. Solum Deum hic gubernare & agere oportet sine ulla sollicitudine & auxilio humano. Itaque in hac causa, qui firmissimè Deo fidit, is fortissimè se & alios defendit. Cum igitur videam C.V. adhuc valde imbecillâ fide pradam esse, nullo modo tantum tribuere C.V. possum, ut ab illa me defendi aut liberari ex periculis posse statuam. Ego C.V. animam, corpus, & fortunas, omnis damni & periculi expertes in hac mea causa servabo, sive id credas C.V. sive non credas, Sciat etiam C.V. & nihil dubitet, longè aliter in cælo quam Noriberga de hoc*

*negotio conclusum esse, videbimus enim, eos, qui se jam putant Evangelion totum devorasse, & extinxisse, nondum Benedicite absolvisse. Longè alius & potentior Princeps est, quàm Dux N. cum quo mihi negotium est. Is me, & ego ipsum mediocriter novi. Si crederet Illustrissima C. V. tum magnalia, & gloriam Dei videret, Cum autem nondum credat C. V. nihil etiam eorum vidit, Deo gloria & laus in æternum.*

Epistola ad  
Saxoniz  
Electorem

Causas sui ad VVittembergenses reditûs

Lutherus ipse commemorat. *Vocatus sum, inquit, literis Ecclesia & populi VVittembergensis: deinde, me absente, Satanas irruit in gregem meum, & eas excitavit turbas, quæ præsentiam meam necessario requirunt: præterea metuo, ne qua magna seditio in Germania oriatur, quam coniunctis cum*

Tom. 1.

epist. p. 44.

*Ecclesia precibus, aut avertere, aut aliquandiu differre cupiat. Ad Melanchthonem literis octavâ Epiphaniæ huius anni scriptis, aliam causam narrat. Para mihi, inquit, hospitium, quia translatio (Bibliorum) me urgebit ad vos reverti.*

Rediit autem VVittebergam feriâ quintâ post ESTO MIHI, sextâ Martii.

Absente Luthero in Pathmo Theologi & Professores VVittembergenses, Justus Jonas, Andreas Carolostadius, Melanchthon, Nicolaus Ambsdorfius, D. Schurfius, D. Dolcius, Missam privatam abrogâ-

rant,

rant, idola removerant, cœnam sacram sub utraq; specie celebrârant, confessionem auricularem, preces ad sanctos, discrimina ciborū, & id genus alia sustulerant. Lutherus domum reversus ilico scribit ad Spalatinum, &, quâto pere sibi mutatio ista displiceat, ostendit. Damnare se, ait, Missam Papistarum tanquā *βδέλυγμα*, imagines, quæ colantur, leges deniq; Papæ, de Confessione auriculari, de jeuniis, festis, invocatione sanctorum: sed damnare hæc omnia per verbum prædicatum, non abrogationem violentam.

A Dominica deinde Invocavit usq; ad Reminiscere singulis diebus singulas conciones habet: & quos anno superiori in libello de abroganda Missa privata ob abrogatam Missam collaudârat, eos publicè perstringit, usus inter alia his verbis: *Der halben haben alle die geirret / die darzu geholfen vnnnd verwilliget haben / die Mess abzuthun / nicht daß es nicht gut gewest / sondern daß es nicht ordentlich geschehen. Du sprichst: es ist recht / auß der Schrift. Ich bekenne es auch / wo bleibet aber die ordnung / Dann es ist in einem frevel geschehen / ohn alle ordnung / mit ärgernuß des nechsten. Vnd wann es nicht so ein böß ding were vmb die Mess / wolte ich die wieder auffrichten. Dann ich weiß ewer fürhaben / kan aber dasselb*

Tom. 7. o-  
per. Luth.  
Latin. Wit-  
temberg.  
fol. 274.

dasselbige nicht vertheidigen / vor den Papisten  
vnd andern unsinnigen Köpffen wüß ichs gleichs  
wol zuvertheidigen / aber vor dem Teuffel wüßte  
ichs nicht zu suchen. Hoc est: *Quamobrem o-  
mnes illi errârunt, qui operâ suâ, aut consilio Mis-  
sarum abolitionem iuverunt. Non quòd hoc im-  
pium fuerit patrare, sed quòd non recto ordine  
factum est. Tu quidem obijcis, hoc rectum esse, ipsâ  
scripturâ etiam patrocinate. Hoc sanè & ego fa-  
teor: at ubi interim ordo locum habet? Nam hac  
ausu temerario & precipiti citra omnem ordinem,  
atque cum proximi offendiculo acta sunt. Quod  
si non ita abominanda res esset Missa, rursus  
eam instituere vellem. Nam vestrum factum pro-  
pugnare & excusare commodè non possum. Coram  
Papa & inflatis illis turgidisq; capitibus facilè qui-  
dem pro vobis causam dicerem. Sic enim istis di-  
cere vellem: Quid scis, an hoc recto spiritu vel se-  
cus actum sit, quando opus per se bonum est? At-  
qui Diabolo vos purgare non ita proclive mihi  
est.*

Ibid. fol.  
275.

Concione secundâ docet: impiam Mis-  
sam non per bipennem, sed Evangelii præ-  
dicationem abrogandam, quemadmodum  
ipse Indulgentias evetterit Verbo, quod  
Verbum se dormiente aus: cum Philippo suo atque  
Amsdorsio Zythum VVittembergicum bibente  
Papatum ita laborare fecerit, ut nullus unquam  
Principum, aut Caesar ipse tantum ei derogave-  
rit.

Con-

Concione quartâ inter res liberi usûs refert simulacra. Sie sollen abgestellet seyn/sagt er/wann sie angebettet sollen werden / sonst nicht / wiewol ich wolte / sie weren in der ganzen Welt abgethan von wegen des mißbrauchs. Hoc est:

*Idola, si quis ea adorare velit, abolenda sunt: alioquin autem ferenda. Quauquam optarem ex toto orbe ea esse profligata, propter eorum abusum,*

*quem certe dissimulare non possumus.* Et paulo pöst: Man kans nicht läugnen / daß die bilder böse seyn / wegen ihres mißbrauchs / noch haben wir sie nicht zuwerwerffen. Dann es sind viel menschen / die die sonne vnd sterne anbeten / wolten wir darumb zufahren / vnd die sternen vom himmel werffen? Hoc est:

*Quauquam verum sit, & inficias ire nequeamus: idola noxia esse, quod ijs multi abutuntur, ob id tamen nobis non licet ea damnare. Nam multi sunt homines adeo vecordes, ut Solem & stellas adorent: nosne igitur & hac cælo deijciemus?*

CAROLOSTADIUS, cuius præcipua nominis, absente Luthero, fuerat auctoritas & celebritas, concionibus istis aculeatis offensus, actiones suas publico scripto contra Lutherum defendere voluit. Rogat illum *privatim supplex Lutherus: ne quid contra se edat, ne ipse cogatur in vitis mutuis carnibus congregari.*

Carolostadius nihil se contra Lutherum scribere penè sanctè dejerat, quauquam sexterniones aliud loquerentur, qui tum sub manu Rectoris & Indr-

cum

Ibidem  
fol. 277. b.

Ibidem  
fol. 278.

Tom. 2. c.  
pist. Luth.  
ri pag 60.  
& 61.

*cum cognoscebantur, & libelli etiam editi per Rectorē inhibebantur.*

Hæc fuerunt initia dissensionis illius inter Lutherum & Caroloſtadium, quæ poſtea in bellum Eucharifticum exiit.

Judicatum eſt tunc à viris prudentibus, utrumq; privatæ ſtudio gloriolæ pluſculum indulſiſſe, & idcirco Lutherum, cum videri vellet modum agendi Caroloſtadianum tantum damnare, doctrinam non item, turbine tamen affectuum eò abreptum fuiſſe,

Tom. 2. e-  
piſt. pag. 56.

ut RES NIHILI vocaret communionem ſub utrâque ſpecie, Miſſam, abolitionem imaginum, & id genus alia, utq; etiam ea auderet dicere *inordinatè eſſe facta*, quæ deliberato Theologorum & Jurisconſultorum VVittembergensium conſilio facta, & à Principe Electore fuerant approbata. Nec difficile fuerit ex ipſorummet ſcriptis hoc divinare. Hoc enim nomine Caroloſtadius Lu-

Caroloſt.  
libello ger-  
manico de  
execrabili  
Euchari-  
ſtiz abuſu  
pag. 1.  
Tom. 2. e-  
piſt. pag. 56.

therum accuſat, *quod omnes alios ſua auctoriſati quaſi mancipatos velit, neque iis permiſſere, ut aliquid vel ſcribant, vel faciant, ſe non præeunte.* Lutherus contra: *Ille* (de Caroloſtadio loquitur) *cupiebat fieri ſubitò novus Ma- giſter, & ſuas ordinationes in populo, PRESSA AUCTORITATE MEA, erigere.*

Fuerunt è diſcipulis Martini, quibus minimè ille probaret, quod odio Caroloſtadii Pontificios ritus & elevationem etiam

iam Papisticam aliquam multos annos retineret, quam tamen *fassus est, esse nervum illius persuasionis impia, fingentis, sacrificulos offerre Christum pro vivis & mortuis, & hac oblatione mereri sibi & aliis remissionem peccatorum.*

Melanchthon epistolâ ad Prædicatores Franciæ apud Manlium.

Eodem tempore Lutherus confligit cum fanaticis hominibus, Nicolao Storck, Thoma Müntzer, & aliis novorum Prophetarum antesignanis, qui jactabant arcanas revelationes Angelicas, & colloquia cum Deo: baptismum quoque parvulorum primi impugnabant. Hæc fuerunt semina doctrinæ Anabaptistarum, sparsa per Prophetas illos, qui ex urbe Cygnæa VVittembergam, absente Luthero, venerant, & non solum Carolo stadium, sed etiam Melanchthonem nonnihil turbârunt, teste gravissimo viro Joachimo Camerario.

Vita Philippi.

Post hæc librum edit Lutherus adversus Sleidanum falsò nominatum ordinem Episcoporum. In eo graviter invehitur in Episcopos, quod Evangelii doctrinam damnent & persequantur: neq; tamen toties ab ipso ad cōtroversiarū disceptationem provocati, purâ Evangelii doctrinâ refutare, neq; Pontificios errores defendere possint. Tyrânide nihil ipsos effecturos: neq; se vel Papæ excōmunicatione, vel Cæsaris p̄scriptione moveri, ut veritatis Evāgelicę professionē abiiciat: sed potius Evangelicâ doctrinâ

doctrinam subinde latius in orbe terrarum propagaturum: idq; tantò animosius, quantò ipsi magis sæviant: neque oppressum iri Evangelion, etiamsi ipsum occidant: Deum autem ipsos, si insanire perrexerint, gravissimè puniturum.

Philippus  
Eberbachi  
us ad He-  
dionem  
epistolâ  
M. S.

Hoc libro lecto, Episcopi, Abbates, Monachi, totaq; procuratorum Antichristi multitudo, conspiratione factâ, ab Electore Brandeburgico petiverunt: hunc, aliosq; Lutheri libros congestos ignis flammis absumeret. Idem sacerdotes Magdeburgenses, Comitem à Stolberg, Cardinalis absentis vicarium, rogârunt.

Tom. 2.  
epist. Luth.  
p. 37.

Respondit etiam VVolfgango Fabritio Capitoni, qui sæpius Luthero moderationis autor fuerat, & cujus suasu Archi episcopus Moguntinus amicam ad Lutherum epistolam dederat, nescio quid non de se pollicens. *Quantum, inquit, litera Cardinalis tui animum meum crexerunt, tantum litera tua dejecerunt, mi Fabriti. Deijcit fortè & vultum tuum exordium hoc triste & ingratum. Sed tuâ culpâ, qui & fidem & auctoritatem literis Cardinalis tam intempestivâ Rhetoricâ ademeris. Inter multa enim, qua me moverunt, hoc erat unum, quod scribis, eum juvandarum Evangelii partium diversam à nobis inijisse rationem. Hoc enim quid aliud est, quàm tuam aut nostram rationem damnablem esse: cùm necesse sit, ministerium spiritus sibi*



sibi ipsi quàm minimè pugnare? Paulus enim iisdem vestigiis incedentem Timotheum Corinthiis commendat. Atq; ego quidem pro meo in te cando: & verbum hoc diversitatis tuæ aliquà ἡπιεικεία lenissimè, nisi tu ipse tuus interpres sic cœgissis intelligendum, Evangelium tunc promoveri, si Principibus conniveatur, parcat, eorum facta excusentur, & ut tua verba sonant: ne procaces ad pugnam provocemus. Hac tua ratio est, quæ juxta nostram rationem pulchra adulatio, & veritatis Christiana abnegatio est, & ipsissima ἀνωμολογία, quam scriptura sic detestantur ut nihil vehementius. Ego nec inimicis optārim hunc amicum probari, & tantum abest, ut optem hac tuā ratione juvari Evangelium, ut nihil vehementius deprecet. Et faxit Christus, non ut nihil promovens, sed ut servet te nobiscum, ne noceas. Mansuetudinem & benignitatem Christianam exis, sed quid Christianis & adulatori? Res aperta est, & simplicissima, Christianismus, rem sicut habet, cognoscit, ita fatetur. Malè valere volunt etiam Gentiles eos amicos, qui vitiis amicorum blandiuntur; & veritas Christi vitiis & impietati simul blandiri poterit? Nos autem nostram quoque rationem exponemus, & cum fiducia sub judicium tuum, & totius orbis proponemus, nihil veriti, quod scribis, offendi vulgi judicium mordacitate. Quem autem non offendebat Christus, aut quem non arguebat? Et si spiritus veritatis arguit, non blanditur. Arguit vero non ali-

quot, sed totum mundum. Igitur nos sic sapiamus, omnia prorsus esse reprehendenda, arguenda, confundenda, nihil parcendum, nihil conivendum, nihil excusandum, ut medio stes campo libera, & aperta, & pura veritas. Porro aliud est, eos, quos corripueris summâ mansuetudine suscipere, tolerare, juvare. Hoc jam ad charitatis & officii exemplum pertinet, non ad ministerium verbi. Nam & Christus cum acerrimè omnes argueret, tamen optat gallina illis esse, & sub alis illos colligere: Charitas est, qua omnia sustinet, omnia suffert, omnia sperat. Fides verò, seu verbum prorsus nihil sustinet, sed arguit, devorat, seu ut Ieremias dicit, evellit, destruit, & dissipat. Et maledictus, qui facit opus Domini fraudulenter. Aliud est, inquam, mi Fabriti, vitium laudare, vel extenuare: & aliud, benignè & suaviter curare. Primum enim dicendum est, quid rectum & non rectum erit: deinde, ubi id auditor suscepit, tolerandus, & ut Paulus ait, infirmus fide suscipiendus. Tua verò ratio id efficit, ut nunquam veritas cognoscatur, & tamen interim blanditiâ & fictâ humanitate presumatur vitium sanari.

Extat epist.  
Tom. 2. c.  
pist. Luth.  
pag. 85.

Ad Boëmos deinde tertio Kalendas Augusti dat literas, quibus gravissimè eos ad constantiam in agnita veritate cohortatur: & ne vanâ spe pacis ab Evangelica puritate ad Papam Antichristum rursus deficient: dehortatur, ne reos se faciant innocentis san-

sanguinis Joannis Hussi & Hieronymi Pragensis. Quod autem sectæ illis exprobrantur (erant enim in Boëmia Papistæ, Hussitæ, sive Calixtini, & Fratres, falsò nominati Picardi.) respondet, infinito plures sectas esse inter Papistas, & quomodo huic malo rectè consulatur, docet.

MENSE Julio Lutherus Henrico Regi respondit calamo asperiore: cuius scripti vehementiam non omnes amici Lutheri probârunt. Erasmus ea de re ita: *Si Lutherus collaudato pio Regis studio rem solidis argumentis fortiter peregisset, non violatâ regiâ dignitate, rectius opinor consulisset suæ causæ.* Idem. *Quid invitabat Lutherum, ut diceret in libello adversus Regem Angliæ: Veniatis, Domine Henrice, ego docebo vos? Certè Regis libellus Latine loquebatur, nec ineruditè.*

Uc autem Lutherus in Saxonia, ita Zwinglius in Helvetia negotium Christi cordatè egit. Ac primùm causam suam ad Senatum Tigurinum contra Episcopi Constantiensis legatos defendit: deinde cum in Eremum divæ Virginis ad festos Visitationis dies ad concionandum cum M. Conrado Schmidio, & M. Leone vocatus fuisset, scripsit ibi amicam ac piam parænesin ad communem Helvetiorum civitatem: ne Evangelicæ doctrinæ cursum impédiant, nec licitis sacerdotum connubiis sese offendi

Exstat To.  
1. operum  
Zwinglii  
pag. 110.

Tom. I.  
Zwinglii  
oper. pag.  
120.

Chronicon  
Bullingeri.

patiantur. Scripsit ibidem suo & Fratrum nonnullorum nomine supplicationem ad R. D. Hugonem Episcopum Constantiensem: quâ illum rogant: ne se induci patiatur, ut quicquam in præiudicium Evangelii promulget: neve scortationis scandalum ultra ferat, sed presbyteris uxores ducere permittat, aut saltem ad eorum nuptias conniveat. Subscripserunt, M. Balthasar Trachselus, Pastor in Ardsuitia: M. Georgius Calybeus, pastor Vvimigensis: M. VVernerus Steiner, Pastor ex Tugio: M. Leo Judæ, Pastor Eremiti, sed designatus pastor D. Petri Tiguri: M. Erasmus Schmid, Canonicus Tigurinus: Simon Stumpfius, prædicator in Honeck: Jodocus Kilchmeier Canonicus Lucernensis: Huldricus Pistoris, pastor in Ufer: Caspar Megander, Nosocomii Tigurini, Joannes Faber, & Huldricus Zwinglius, summi templi Tigurini pastores.

Exstat To.  
I. oper  
Zwinglii  
pag. 124.

Idem Zwinglius vicesimâ secundâ Augusti hujus anni ad Parænesin Episcopi Constantiensis ad senatum Præposituræ Tigurinæ (Capitulum vocant) missam, respondit Apologetico, quem Archetelem nuncupavit, hoc est, principium & finem, idque ideo, quod speraret initium & finem, hoc est, summam controversiæ, inter ipsos hoc moderato scripto compositum iri. Monet eo libro Episcopum; ne aurem accommodet

veri-

veritatis oppugnatoribus : & respondet ad  
LXIX. Articulos, in Parenzsi Episcopi com-  
prehensos : deniq; offert se ad uberiolem  
in colloquio aliquo declarationem.

URATISLAVIENSIBUS, ut & aliis Curzus.  
Crantz-  
heim.  
purioris doctrinæ cultoribus in ipsa Regis  
Ludovici aula suscitavit Deus patronum,  
Illustrissimum Principem Georgium, Mar-  
chionem Brandenburgicum, magnum aulae  
Regiae magistrum : qui cum jam tum veri-  
tatis Evangelicae gustum haberet, in beni-  
gniore partem interpretatus est, quæ ad  
Regem Ludovicum deferbantur, quere-  
las.

Hic igitur annus initium est reformationis  
Ecclesiarum in Silesia. Nam & Lignicii sub Crantzhe-  
mius.  
Duce Friderico circa Pentecosten Fabianus  
Eckelus, Sebastianus item Schubartus Ev-  
angelium prædicarunt: & Carolus Dux Mun-  
sterbergensis & Osnensis scriptis ad Luth- Exstant  
Tom 2.  
Germ. ope-  
rum Luth.  
Jenens.  
rum literis, quid de Papa & eius brutis ful-  
minibus, quibus Georgius Podiebracius, ex  
quo Carolus ortus, percussus fuisset, sentiret  
non obscurè significavit. Jucundum autem  
Christiano homini spectaculum est, quasi co-  
ram cernere certantem Christum cum An-  
tichristo. Quicquid enim Papa, quicquid  
Cæsareani molirentur contra Evangelium, id  
omne Christus in Evangelii commodum cō-  
vertit, Bulla Papæ, fulmen Cæsaris, non con-

sternârunt, sed animârunt homines ad Evand-  
gelium amplexandûm.

E NOBILITATE Germanica acerrimi fidei orthodoxæ propugnatores erant, Ulricus Hüttenus, Franciscus à Sickingen, Hartmundus à Cronberg. Huttenus multa pro Luthero contra Papam scripsit.

Ex chartis  
impressis.

Franciscus à Sickingen Theodorum ab Hentschuchsheim, socerum suû, erudit literis, quæ publicatæ, de communione sub utraque specie, de Missa, de Monachis, de invocatione sanctorum, de abrogatione imaginum. Joannes Schwebelius præmittit præfationē, quâ ait: Mirum esse rerum conversionem in hoc tempore: olim à sacerdotibus Laicos didicisse legem Domini: nunc sacerdotibus à Laicis discendum esse. Olim Episcopos gladio verbi usos fuisse ad salutem animarum: nunc eosdem uti gladio corporali ad opprimendum Dei verbum.

Hartmundus à Cronberg, ut superiori anno ad Leonem Papam, ita hoc ad cives Cronbergicos, & Monachos Mendicantes, Luthero argumenta suggerente, scribit, gravissimēq; omnes & singulos ab idolomania Pontificia dehortatur.

ARGENTINÆ viro optimus Matthias Zellius extitit, qui Pontificis auctoritatem ausus fuit contemnere, & doctrinā populo Argentinensi explicare Domini nostri Jesu Christi.

Magnam

Magnā Resp. Argentinensis eo nomine fortitudinis & constantiæ laudem merita est. Nam undique Pontificiis, ut videbatur, Religionis tum hostibus circum circa cincta, ad pericula quæ expavescere debebat, non extirpavit, & cū posset intercedere, noluit: & Zelium passa est, propter innocentiae & simplicitatis existimationem, in eo, quod bene coeperat, perseverare: & de re ipsa cogitans, quanti momenti ipsa esset, periculorum non maximam rationem habuit. Adversabatur enim huic instituto, quantum potuit, V Vilhelmus Episcopus, ex familia Hohensteniorum Comitum: unā cum toto Canonorum Collegio primariæ ædis: cum omnibus totius urbis, Canonorum, & Abbatissarum & Monachorum collegiis, quorum interpellationibus dimoveri se de statu suo Argentinenses minimè siverunt. Urbes etiam vicinæ, clientes Archiducum Austriæ: ut Haganoa, Schledstadium, V Veissenburgum, cæteræq; in Alsatia, hoc exemplum avversabantur. Marchiones Badenses, vicini, & his proximi Palatini Comites, majorum suorum atq; parentum ceremonias deferendas non esse ducebant. Tota Lotharingia minabatur, rusticana etiam seditio hunc metum augebat. Et tamen perstitit Respublica, & pericula subire maluit, quàm luci veritatis fenestras suas claudere.

Ioh Stür-  
naut An-  
napo 4.  
pag. 3.

Scurmius  
ibidem  
pag 6-7.

PRIMUS igitur in concionibus Ecclesiæ erat Matthias Zellius, cui sese non longo intervallo Symphorianus adiunxerat, presbyter ætate grandis, pastor in æde Martini, quæ illo tempore in foro piscario erat, cui tum adhuc firmâ & recenti memoriâ liberior fuerat initio vivendi ratio, in conviviis hilaris, in rebus periculosis omnium primus. Ubi Rhenus erat altissimus, ibi pede sinistro dimidio extra marginem pontis posito, dextro toto præposito, absque ulla vertigine stabat. In æde primarii templi supra primam fornicem cursu in transfennam insiliit, & stans atque erectus, subiectas plateas intuebatur, absque ulla non solum vertigine, sed etiam vertiginis metu. Hic vir ex primis fuit, qui doctrinam Evangelii amplexus, non absque multorum, propter vitæ mutationem, admiratione: ita, ut quibus primis annis fuerat familiaris, ad se plerosque attraxerit: quos huius exemplo motos, pœnitere vitæ antea actæ statim cœperat. Populares hi magis concionatores erant, quàm literati: sed insignis in Matthia probitas: quibus sese paulo post applicabat Antonius Firnius, pastor tum ad D. Thomam: qui primus in urbe ista sacerdos uxorem duxit. Neque longè ab hoc initio aberant Martinus Bucerus, Capito, qui apud Cardinalem Moguntinensem



sem intra cancellos Consiliariorum primas tenebat, & Doctor Caspar Hedio, summi templi Moguntini pastor, qui, simulac Argentinam anno vicesimo tertio venerunt, firmiora coeperant fundamenta poni Evangelicæ Ecclesiæ.

AUGUSTÆ Vindelicorum Joannes Fro- <sup>Gassarus, Hennin-</sup>  
schius, Theologiæ Doctor, Carmelita, inter <sup>gus.</sup>  
primos fuit, qui Evangelium sincerè prædi-  
carent.

NORIMBERGA Andreas Osiander pri- <sup>Buchol-</sup>  
mam concionem puriorem habet die Do- <sup>ccrus.</sup>  
minico 23. Februarii de semine.

Ibidem GALLUS KORN, Monachus <sup>Ex ipsius</sup>  
Franciscanus, cum gustum religionis veræ <sup>Confessio-</sup>  
haberet, nec id dissimularet in concionibus, <sup>ne.</sup>  
in odium Fratrum venit. Aperienti autem  
forte Cyprianum occurrit dictum Apostoli  
*Denuntiamus vobis, fratres, in nomine Iesu Chri-*  
*sti, ut vos subtrahatis ab omni fratre ambulante*  
*inordinatè, 2 Thess. 3, 6.* Percussus hoc effato,  
cum sensum illius ex Ambrosio didicisset,  
Monasterium deseruit 12. Junii.

FRANCOFURTI ad Mœnum, Domi- <sup>Ex Archi-</sup>  
nica Invocavit Hartmannus Ibachius, exul <sup>vis.</sup>  
Christi, in Cœnobio S. Catharinæ, Amādo  
ab Holtzhausen, & Joanne Froschen, Pa-  
triciis, Scabinis & Senatoribus, dictiq; Cœ-  
nobii patronis (connivente Senatu) curan-  
tibus, Evangelium purè docere coepit.

Ex Actis  
publicis.

VVEISSENBURGI (oppidum est in Alsatia & Palatinatus confinio) Henricus MOTHERERUS Pastor evangelizat, à quo Martinus BUCERUS, qui impetratâ à Francisco Sickingensi propter tumultus belli aliquantisper se cedendi veniâ, VVittebergam cogitabat, invitatus, dimidiūq; ibi annum subsistens, ad D. Joannem prædicavit. Sed à Vicario Spirensi uterq; inde pulsus est. BUCERUS sub initium anni 1523. Argentinam venit, editaq; summâ eorum, quæ VVeissenburgi docuerat, in veritate Evangelica animos civium mirificè confirmavit.

Herbrandus in vita  
Brentii.

HALAM Suevorum de consilio D. Joannis Isenmanni vocatur Joannes BRENTIUS, ex Academia Heidelbergensi, ubi in contubernio Realium Matthæum Evangelistam in frequenti auditorio explicarat, hausto sincerioris doctrinæ lacte ex pectore Lutheri anno 1518. Heidelbergæ de Justificatione disputantis. Specimen pro publica concione edit' VIII. Septembris. Nec quicquam in eo, nisi grandior ætas, desideratum. Natus enim tantum erat annos viginti tres. *Et si igitur iuvenis erat: tamen gravitate, vita sanctimoniâ, morum integritate, quodque officium sibi demandatum, ad quod divinitus erat vocatus, fideliter, & cum auctoritate faceret, tantum per Dei gratiam effecit, ne quis propter iuventutem eum contemneret, sed ut omnium non solum*

Verba  
Herbrandi.

*solum ora & oculos in se converteret, verum animos etiam verbo Dei inclinaret, quod pristinis erroribus & doctrinis Scribarum & Pharisaorum, quos secum hactenus aluerant, valedicerent, qui & ipsi paulo post partim iniussi, quod sua execrata sacra in vacuo theatro. ab auditoribus & spectatoribus destituti, facere erubescerent, in alia se contulere loca, partim vero conversi, partim etiam morte sunt abrepti. Magna autem in concionibus popularibus usus est prudentiam & modestiam, initio cum haberet adversarios vehementissimos, inter quos praecipui erant Guardianus, Theologiae Licentiat, & Lector Monasterii ordinis Minorum, qui conspirantes saeviebant importunis suis clamoribus, & Sophisticis errores suos defendentes. Quae cum indefinenter facerent fulminando, & virus suum evomendo, Dominicis & festis diebus, matutinis concionibus in magna populi frequentia: à prandio multò confluebant frequentius, sperantes Ecclesiasten suum eadem usurum vehementiam in suorum dogmatum defensione, & par pari relaturum. Verum ille prudenter dissimulabat ad tempus, & suo more docere pergebat, doctrina Christiana fundamenta iaciendo, meritumq; Christi unici redemptoris fide apprehendendum, sedulo & fideliter inculcabat: deinde ubi commoda se offerebat occasio, brevissimè & modestè, perspicuis sacrae scripturae testimoniis adversariorum dogmata & clamores, hac pugnare cum illis, ostendens,*

*Ita*

*Ita ut tandem plerique Papisticam idolomaniam, dogmata & superstitiones detestarentur. Interea ipse quoque Missam celebrabat, sed non pro defunctis offerebat, verum tantum Angelicam, quam sic vocant, legebat Missam.*

**Chytræus**  
oratione  
de Greich-  
ga.

In regione GREICHGÆA, ad Neccanorum sita, hoc & superiori anno 1521. errores & idola Pontificia primi voce Evangelii taxare & abolere cœperunt, Erhardus Snepffius, qui in oppido Guteberga, sub ditione & patrocinio Theodoricæ Gemmingen, & postea VVimpinæ, semina veræ Evangelii doctrinæ sparsit: M. Bernhardus Grublerus, Gemmingæ: M. Martinus Germanus Furfeldæ: & Joannes Gallus Solisfeldæ. Hos sequuti sunt VVolfgangus Busius, Gemmingensis Ecclesiæ Pastor, & collega ipsius, Franciscus Irenicus, qui Germaniam descripsit. Docuerunt eodem tempore in vicinis oppidis M. Joannes Rudolphi, & Matthæus Chytræus, Davidis Pater, Menzingiæ: Nicolaus Trabantius Flehingæ: & postea Joannes Siderocrates, Brettæ: Georgius junior, M. Petrus Erberman, & Thomas Rana, in oppido Eppingen. M. Melchior Hipporius (qui primum Academiæ Regiomontanæ initia docendo adjuvit) in oppido Bischoffsheim.

**Chronicon**  
**Bremense.**

BREMENSIS civitas inter cæteras Saxoniz inferioris urbes, prima mutationem Reli.

Religionis admisit, ubi hoc anno, rogatu Henrici Esichii Senatoris, Eberhardi Speckhantii, & aliorum Patriciorum, permissu Senatûs, Henricus Sutphanienſis, Monachus Auguſtinianus, recens Antuerpiâ ex adveſſariorum manibus elapſus, primûm in ſacello prope S. Anſgarium, deinde in templo Anſgarii biennium concionatus eſt. Conticeſcebant enim Canonici, quod in loco ſacro per tumultum civis quidam vulneratus, eoque templum interdicto Eccleſiaſtico ſubjectum eſſet. Quàmprimûm autem Clerus animadvertit, Henricum ſibi plauium populi conciliare, rogarique ut maneret, indignari cœpit, & primò Magiſtratum, ne in urbe ferret hæreticum, qui doceret contra Eccleſiam, & cum hoc illi non perſuaderet, Archiepiſcopum Chriſtophorum, ut ſe interponeret, precibus fatigare: Archiepiſcopus monachum ſibi tradi per legatos fruſtra poſtulabat, tandemque ut eum condemnaret, Concilium provinciale Buxtehude indicébat: Henrico doctrinæ ſuæ deſenſionem ex ſacris literis offerente, & emendationem pollicente, ſi erroris convince-  
retur,

MAGDEBURGÆ Melchior Miricius, Chytræus. Theologiæ Doctör, Auguſtinianus, & alii puriùs docere, & Pontificias invocationes Sanctorum, fiduciam operum humanorum.

Vota

vota Monachorum, sacrificia Missæ privatæ, purgatorium, taxare hoc anno cœperunt.

Ex Archi-  
vis Anhal.

SERVESTÆ Anhaltinorum Domini-  
câ Cantate Martinus Lutherus in Augusti-  
nianorum Monasterio, (Nosocomium ho-  
die est) primam concionem habet Evange-  
licam. Ab hoc tempore celebris hæc urbs  
Papatui valedixit.

Ex Actis  
publicis.

MILTEBURGI ad Mœnum sub ditio-  
ne Moguntina Joannes Draco Carlstadius  
Theologiæ Doctor, Christi crucem & glo-  
riam volentibus annuntiat, non sine fremi-  
tu sacrificulorum missaticorum.

Chytræus.

IN POMERANIA cum deferbuisset per-  
sequutio Treptoviæ mota, & Princeps Bogis-  
laus, etsi edictum VVormatiense in Pomer-  
ania ordinib. promulgaverat, tamen execu-  
tionem non admodum severè urgeret, dehor-  
tantibus eum Valentino Stoientino, & Jacobo  
Wobeser, & aliis piis ac eruditis Consiliariis,  
qui puriorem doctrinam amabant: STET-  
TINENSES omnium primi VVittebergâ Do-  
ctores Evangelicos, Paulum à Rheda Qued-  
liburgensem, & M. Nicolaum Curientem ac-  
cesserunt. SUNDII etiam, Christianus  
Kettelhut, Treptoviâ pulsus, taxare Religio-  
nis Pötificiæ vanitatem & superstitiones cœ-  
pit. Sic connivente Bogislao, Evangelii se-  
mina, paulatim in Pomerania, extremo vite  
illius tempore, spargebantur. Ipse Noribergâ  
ad

ad Comitia profectus, etsi Ferdinandus, Caroli Imperatoris frater & locū tenens, denuō controversiam cū Marchione cognoscebat: tamen re non compositā rediit, ac in itinere cum Electore Saxonie Friderico egit, ut filio suo Barnimo, sororis Friderici & Henrici Luneburgensis filia, Anna, connubio iungeretur. Interea Sundii quidam ex fece vulgi & opificum, invito & repugnante Senatu, imagines ex templis seditiosè eiecerant, & Sacerdotes ac Monachos omnes unā die ex urbe fugārant. Et in Belbugiensi cœnobio Monachi ipsi superstitiones veteres abiecerant. Itaque in patriam reversus, & à sacrificulis incitatus, Abbatem captum postea ex ditione proscripsit ( qui prope Vittebergam deinceps in oppido Belzig pastoris officium gessit. ) & cœnobium una cum redditibus omnibus suo præfecto administrandum tradidit. Id primum initium occupandi Monasteria in Pomerania fuit. Sundenſibus etiam graviter ob iniuriam, non religioni solum & Ecclesiæ, verum etiam sibi, patrono illatam, comminatus est. Sed statim in tabem lentam & lethalem incidit, quā prid. Kalend. Octobr. extinctus est: duobus filiis, Georgio & Barnimo relictis, qui in gubernatione ipsi successerunt.

STOLPÆ verò ( quam Eoꝝ Pomeraniæ metro-

metropolin ad fl. eiusdem nominis sitam; bonorum ingeniorum feracem, honestâ gubernatione, civium frequentia & commerciiis, & Ecclesiâ & schola benè constitutâ, hoc tempore florere cernimus) prima purioris doctrinæ semina sparsit Petrus Suavenius, vir nobilis, in ea urbe natus, & Luthe- ro familiaris & charus, qui in privata ad forum domo, civibus aliquot literatis & scholæ præceptoribus Pauli ad Romanos epistolam interpretatus est. Ab hoc excitati scholæ moderatores, studia sacrarum literarum non modò apud Scholasticos urgebant, verùm etiam concionibus, in schola habendis, plurimos ad purioris doctrinæ studium invitabant.

**Chytzus.**

LIVONICÆ civitates, Riga, Derbatum & Revalia Pontificiæ religionis ritus mutare cœperunt, autore emendationis Ecclesiæ Rigensis primò Andreâ Cnophio Custrinensi: quem Trepoviæ in Pomerania Joannis Bugenhagii, Scholæ Rectoris collegam, & persecutione Mandweliæ inde eiectum, Rigam venisse, & mox administrum Ecclesiæ D. Petri vocatum, modestè initio doctrinam de Justificatione peccatoris gratuita per & propter solum Christum pro nobis passum & resuscitatum, auditoribus inculcasse, & abusibus cum hac doctrina pugnantibus graviter taxatis, ritus tamen ipsos



ipſos nondum mutaffe, paulò antè commemora-  
 vimus. Accessit autem poſtea collega  
 turbulentior, Sylveſter Tegetmeierus, qui  
 Roſtochio, ubi Eccleſiæ Dei Jacobi miniſter  
 fuit, nuper effugerat, & adeundæ hereditatis  
 fraternæ cauſâ Rigam profectus, exeunte  
 hoc anno, in æde Divi Jacobi docere cœpit,  
 & maiore impetu Pontificiorum ſuperſtitio-  
 nes & idola palàm coarguit ac detexit: ad-  
 eo ut vulgo abominationi eſſe cœperint, &  
 paulò poſt ſtatuas omnes è templis eiicerèt,  
 & lapides ſepulcris impoſitos removerent:  
 ut ſolent inprimis mutationũ articulis multa  
 inconfideratiùs & turbulentiùs geri. Quare  
 Lutherus ad Rigenſes ſcribens, graviſſimè  
 monet, religionem veram & pietatem Chri-  
 ſtianam, in fide, rectè Deum agnoſcente, &  
 propter unicum Servatorem noſtrum Jeſum  
 Chriſtum, non propter ulla externa opera  
 aut merita propria, ſed Deo placere, & æter-  
 nam ſalutem conſequi ſtatuerent: in charita-  
 te ſeu officiis dilectionis erga proximum à  
 Deo mandatis: in ſpe ſalutis, non ſuccūben-  
 te cruce & afflictionibus, fidei conſeſſionem  
 comitatibus: non in externorum rituum hu-  
 manorum obſervatione aut abolitione, quæ  
 libera ſit extra caſum ſcandali, & ædificatio-  
 ni veræ pietatis ſervire debeat ſitum eſſe.

SCAPHUS II Sèbaſtianus Hoffmeiſter,  
 Minorita, D. Theologus, in templo Franci-

a Ex indi-  
 cio Jo. Cū-  
 rado Co-  
 chii Theo-  
 logi Sca-  
 phuſiani.

scanorum magno zelo contra abominatio-  
nes Missę fulminat, & quod chartæ nuper in  
Bibliotheca quadam inventæ, manuq; ipsius  
scriptæ, testantur, auditoribus suis hæc axio-  
mata diligenter inculcavit.

*Christi præsentiam corporalem non esse,  
nec esse posse secundum scripturam post  
ascensionem illius in cælos.*

*Carnem & sanguinem Christi non percipi  
corporaliter in pane & vino Sacra-  
menti.*

*Christum nullo loco tanquam corporaliter  
præsentem, esse adorandum.*

*Carnem & sanguinem Christi spiritualiter  
fide percipi.*

Docuit de his & aliis magno populi con-  
cursu & applausu, & nonnullos ex urbis con-  
cionatoribus in sententiam suam pertraxit.  
Accusatus ideirco à sacrificulis, decreto Se-  
natûs mittitur Basileã, doctrinæ suæ consen-  
sum à viris doctis petitû: sed malè ibi à non-  
nullis acceptus, re infectâ rediit, habuitq; in  
animo VVittebergam proficisci; à quo con-  
silio Tigurini & Sangallenses ipsum revocâ-  
runt, tum itineris periculum, tum corporis  
eius imbecillitatem causati. Apologiam igi-  
tur doctrinæ suæ, scripturæ dictis munitam,  
confecit: sed propter infensissimos sibi sacri-  
ficulos apud Senatum parum effecit: nec ad  
docendi munus ampliùs est admissus. Fre-  
mente

mente populo Abbas cœnobii ordinis Benedicti, quod est intra urbis mœnia, ex Bavaria vocat virum doctum & eloquentem, Erasmi Ritterum, qui doctrinam Evangelii oppugnaret, & errores Romanæ Ecclesiæ defenderet. Is ut populum demulceret, Missam vernaculâ linguâ celebravit: sed populus eo non contentus, plenam Cœnæ Dominicæ restitutionem flagitabat.

In oppido S. GALLI Benedictus Burgarus & Wolffgangus Weterus, concionatores, lectis Lutheri de indulgentiis disputationibus, & aliis libris, illuminati, & Joachimi Vadiani Medici Acta Apostolica in ipsorum gratiam enarrantis, divino zelo, confirmati, reiecto Papa Christum profitentur.

Historia  
reforma-  
tionis Sa-  
gallensis  
M. S.

BERNATIBUS Bertholdus Hallerus, Helvetius, Zwinglii discipulus ( qui postquam Colonix gradum Theologiæ primum adeptus esset, Canonicus simul & concionator Bernæ constitutus est ) Christum prædicat, sed timidiusculè. Zwinglius igitur per literas illum confirmat, & modum agendi cum Bernensibus ostendit. Tu, inquit, quod a me requiris, ipse strenuè exsequere: ut ursi tui ferociusculi, auditâ Christi doctrinâ mansuescere incipiant. Quod negotium summâ lenitate adgrediendum puto. Nec enim apud tuos sic agere convenit, ut apud nostros: tuorum enim aures etiamnum teneriores cum sint.

Tom. I. e.  
perum  
Zwinglii  
p. 415.

*non sunt protinus tam mordaci vero radenda: quod & Christum sensisse puto : cum vetuit margaritas ante porcos dissipari , qui fortasse in te conversi , magna te savitiâ discerperent , ac in perpetuum Evangelium Christi horrerent. Palpanda igitur sunt hæc fera lenius , & ad eorum insultum paulisper cedendum , donec patientiâ nostrâ , intrepidâque pectoris constantiâ superata , cicures reddantur. Dedit & Petrus aliquid , cum dixit : Sed nunc scio , fratres , quia ignorantes fecistis : dedit Paulus , dum Galatas lacte , non solido cibo aluit. Cesserant omnes Apostoli savitia , dum non pervicaciter Senatui obstrepuerunt , vibicibus etiam lividi : Sed à predicatione non cessarunt : sic rogo , fias omnia omnibus , ne tecum Christus excludatur : serva nobis Christum apud tuos , & te nobis , Christoꝝ. Ex Tiguro 4. Kal. Januar.*

Chronici  
Schutzi.

**DANTISCI** Monachus quidam , Alexander dictus , in monasterio , ubi hodie Gymnasium , irradiatus luce Evangelii , à Senatu & civibus in templum Marianum translatus est.

Chronici  
Thuringie,  
M. S.

**ISENNACI** in Thuringia duo Monachi , unus Franciscani , alter Carthusiensis ordinis , abusus & errores Pontificios publicè perstringunt , & Missam idololatricam , confessionem auricularem , inutilem , invocationem Sanctorum frivola esse , docent.

V I E N -

VIENNE Paulus Speratus, nobilis Sue-  
vus, in templo Stephani docet: & abusus  
Pontificios liberè refutat. Inde pulsus Iglaviam venit, Moraviæ urbem.

Rabus lib.  
4. Marty-  
rologii.

MOGUNTIAE quotidiana Evangelii incrementa audiebantur, quæ per D. Casparum Hedionem, cōcionatorem in primaria æde, per Capitonem, & alios, spiritus operabatur, ac fovebat. Quanquam Oscolampadius modestiam Hedionis tacitè reprehendere videtur: quando sic scribit ad Hedionem.

*Quam gratiam, vel quem locum apud adversarios inveniant veritas & pietas, tute ipse, non dubito, experiris: cum illorum putida ulcera tangis vel extremo digito, texeris adhuc impendio parcens. Sed tu vide sis, an Evangelici sermonis libertati ad amussim hac tua respondeat modestia.*

Lib. 1. epist.  
Oecolam.  
& Zwinglii.

Ad constantiam eundem Hedionem inflamat epistolâ ipso die Parasceues hoc anno exaratâ dignissima, quæ hic apponatur:

*Salve, Hedio Charissime, Declamavimus hodie uterq, tu ad Ecclesiam gravem, ega ad unum & alterum, quo robore Christus hostibus suis ierit obviam: quod nobis modestia, patientia, ac longanimitatis exemplū retulerit. Verum quid profuerit, vel ad ravim boare? hoc faciunt & qui ultima regni cælorum classis sunt. Enitendum nobis, ut infractus sit animus, si quando bella ingruant, & sævire cæperit solutis vinculis Lucifer. Usque in hunc diem non nisi exilij praludia experti*

Lib. 4. epistol. Oecolampad. & Zwingli.

*sumus: nempe agrè ferunt quidam homunculi, parva autoritatis, minorisq; Christianismi, libertatem Evangelicam, cui parum assueverunt: nondum ventum ad sentes, flagella, crucem, fel, atq; catenæ. Paremus animos, imò oremus, ut quacunque horâ nos vocarit Christus, non cessemus, & ne verbo quidem; certi, felicitatem præcipuam vitæ huius, periclitari nomine Christi. Sat scio, nihil opus apud te eiusmodi inhortatione: sed patere, ut me interim confirmem.*

U L M Æ Joannes Diebolt Evangelizat, & habitas ibi conciones, unam de Dei verbo, alteram de tribus libris, scripturæ, naturæ, conscientiæ, divulgat; docetque, Christum esse patronum nostrum, & conscientiam hominis quietari per fidem Christi & spem divinæ misericordiæ,

*Crusas.*

V V I L Æ Imperii oppido Diepoldus quidam hoc anno docebat;

*Virginem Mariam non esse Mediatrixem, nec  
Ceteros Sanctos.*

*Christum esse Mediatorem,*

*Nullum esse purgatorium.*

Sed monitus Senatus à Regiis moderatoribus è Sturgardiâ, illum removit, agrè id ferente, & pauca ad altaria offerente, plebe.

Legi epistolam ad Senatum populumque VVilensem à Theobaldo à Bellican die omnium Sanctorum huius anni scriptam, quâ proficitur, se primum fuisse VVilensium Evangelic-

angelistam, eosq; porrò instruit, & ad constantiam hortatur. Est igitur Theobaldus is ipse, quē Crusius cū vulgò Diepoldū vocat.

In oppido CREILSHEIM ADAM VVEIS docebat, cuius hæc sunt ad Casparē Hedionē de statu Ecclesię illius verba: *De ministerio verbi sic accipe. Si tam molestus ac ingratus essem populo meo, quàm sum mihi ipsi, non rectè succederet, at Christo autore dici vix potest, quanto ardore, quàm intentis aurib. ac animis avidissimè verbum Domini excipiant, quàm volentes ducantur, demiror ipse, ac sequacissimè, huius, ut rectè vocas, plebecula, etiam lacrymis excipio piam facilitatem, qua tam imperitum, & ineloquentem me ferunt: spero optima omnia fore: fastidiunt & tam citò veterem concionandi ritum, suspecta & iam hominum traditiones, Christus paulo familiarior eis fit, hæcenus ignotus fermè, Paulus Aristotelem è suggesto pepulit.* xvi Martii.

Ex Epistola  
M. S.

COTBUSII Lusatiorum Doctor Joannes Griesman, Minorita, Evangelium docet in Monasterio, & inde sequenti anno V Vittebergam profectus, summā doctrinæ Evangelicæ Cotbusianis à se præpositæ, typis divulgat.

Ex Germania  
necis pagellis.

ARNSTATUM cum fortè venisset Caspar Guethell Augustinianus Islebiensis, rogatus à civib. in foro aliquot cōciones habet, quas in sequenti anno V Vittembergæ publicat, Gunthero Comiti Schwartzburgico & Arnstati Domino inscriptas.

Ex pagellis  
auctoris.

Ex auto-  
grapho, in  
reliquiis  
Bibliothecae  
Hedionae.

DELPHIS Hollandiae quis fuerit Ecclesiae status, loquatur epistola Friderici Canirmii, hoc anno ad Casparem Hedionem Monguntiam missa. Sic autem illa: *Multa moriuntur adversarii per mandata, epistolas, legationes etiam, sed insatuat Dominus consilia Abitophel, & fit, ut mōte parturiente nascatur ridiculus mus, tantum scio, si vel semel liceat in publico concionari, res monachorum, (quae hic infestissima sunt veritati) planè ad nihilum redituras, cum magna ex parte labefactata sint pauculis in gymnasio nostro sermonibus à me habitis. Sed expectanda patienter voluntas ac beneplacitum Domini, qui cum videat, usq; adeò fervere nos, consultò diffimulat auxilium, ne nostris conatibus aut laboribus quidquam arrogemus, si omnia simpliciter cadant, cum non tam habeat rationem vocandorum, ut ad gratiam perveniant, quàm iam vocatorum, ut in gratiâ permaneant, sed ubi viderit nos cessare, imò desperare salutem Israel, ac totis animis inde pendere, ut ipse solus operetur iam in medio terra: tum demum ex improvviso aderit Ecclesia sua, qui insperata fereq; auxilia: ut tantum Deo sit laus & gloria, Amen. Erasmus indies magis frigescere, & quantum ego indicare possum, retractare latèter, quae videatur olim liberius vel dixisse vel scripisse, agerrimè fero, & agnosco puerile meum, qui plus veretur hominum gloriam quam Dei. Caterum tales Nicodemi apud nos in magno sunt numero, sed qui firmitus starent baud dubie.*



*dubiè si detur publicare gloriam Christi, quo uno  
fortificantur agrè conscientia.*

In aula FRANCISCI à Sickingen Missam  
repurgat Oecolampadius: qua de re ipsum  
met audire juvat: *Quoniam Franciscus à Sickingen, Clarissimus Germania Eques, & Imperatorii  
exercitus Capitaneus, me accersivit, ut familiam  
suam in templo Christianè instituerem, imò jam  
pridem institutam sermonibus spiritualibus pasce-  
rem: nihil tam muneris mei putavi, quàm ut illi  
lex Evangelica, familiaris, cognita, & in promptu  
esset, unde postea per seipsam ad vera sinceraque  
Christianismi studia tenderet, nempe pacem, man-  
suetudinem, modestiam, charitatem, pietatem, &  
ante omnia egregiam in Deum fiduciam. Et per  
dies quidem quadragesimæ, quibus aderam, nihil  
obstabat, quin lætè Latinè Evangelium mox in-  
terpretari possem, & familiariter ad pietatis stu-  
dia inhortarer. At post pascha id minus com-  
modum fuit: non enim familia vacat: ut mul-  
tam temporis partem in templo transmittat, aliè  
vocantibus negotiis. Et sunt, quibus, quantumvis  
parva illic mora, fastidium parit. Pleriq; ut fermè  
ubiq; mos est, amant quotidie audire, imò videre  
sacrum: imò audire non intellecta nostra murmu-  
ra, & spectare caeremonias, adesse benedictioni,  
& interim perfunctorie sese Deo commendare: at-  
que ita se, illo, quo hæc observant, die, satis pios  
esse putant. Quod sanè exigui fructus est, & creda  
pleriq; interim conducibilis, vel arare, vel texe-*

Lib. I. epist.  
Oecolamp.  
& Zvingli.

re, vel ligna incidere, vel aliud quiddam opera. Templum enim Christianis totus orbis est: & nusquam non orare, & Deum colere, spiritu & veritate, (ut scilicet coli vult) atque etiam preculis labiorum & laudibus convenis. Tempia Christianorum maximè extructa sunt, ut in eis commodius ad audiendum verbum Dei & mysteria celebranda conveniretur: non adeo propter preces & cantilenas. Tametsi nunc nullis non tumultibus (ita enim à Prophetis cantus quorundam dicuntur) verbum Dei cedere, & esse loco postremo cogitur. Itaque de ea recum Francisco Decurione & patrono egi, ut quotidianà aliquà sacrâ lectione in templo sui pascerentur: visumq; est ipsi (ut acris est iudicij) nec non & nobilibus & clarissimis viris, Diethero à Talburg, & Hartmundo à Cronberg: quos tu scis, quâ verè Christiani sint: visum, inquam, est eis, esse in rem rudium & piorum, si invertatur vulgaris ille mos, quo solemus Dominico tantum die verbum Domini annuntiare, & per integram hebdomadam Missas habere: ut potius omnibus diebus annuntietur verbum Domini, & solis Dominicis ac festis diebus fiat sacrum, siquidem utroq; potiri non datur. Qua sententia & mihi probabatur. Attentata tamen est via alia per me nempe ut Epistola, Evangeliumq; vernaculo nostro idiomate legatur. Posse autem & licere hoc Pauli testimonio docebam: & ita semper affore pabulum verbi Dei, & non de fore sacrum, neque plus solito temporis insumi. Non est repugnatum, sed assensum ab omnibus qua-

*quorum intererat. Ebernburgo mense Junio.*


De hoc suo hospitio Occolampadius hoc Lib. 4. epist. Occolam. & Zwing.  
 eodem anno ita ad Hedionem: *Curarum plenius sum, nec dulcis hic mora, nec abitio decreta. Imò manendum & agnoscenda hospitalitas, quoad evocer, (utinam id brevi fieret) ad conditionem quantulamcunq; honestam, ne tam fugere quam transire existimer. Hic enim in petra sementem facio.*

GEORGIUS Comes VVertheimicus, Ecclesias ditionis suæ reformaturus, petit à Tom. 2. epist. Luth. pag. 92. Luthero Evangelistam, stipendio annuo centum aureorum, & convictus in mensa sua promissa.

IN HUNGARIA sparsa de correctione abusu-  
 suum, & emendatione doctrinæ Pontificiæ  
 fama, incredibilem in multis accendit ar-  
 dorem, non modò ad ipsam veritatem am-  
 plexandam, sed etiam ad videndum Luth-  
 erum, ex quo cœlestis doctrina feliciùs hauri-  
 ri, & studium veritatis puriùs cognosci posse  
 judicabatur. Itaq; hoc anno, Rectore Aca-  
 demix Philippo Melanchthone, primus o-  
 mnium Martinus Cyriaci de Leutforia, ad  
 Lutherum VVittebergam se contulit: quem  
 anno 1524. Dionysium Lincium Pannoniũ,  
 & Balthasarem Glebam Budensem, atq; in-  
 de alios atque alios subsequutos fuisse,

ex publicis Academiae matricu-  
 lis constat,

ANNO



# ANNUS CHRISTI M D XXIII.

**A** N N O vicesimo tertio doctrina Evangelii non solum latius propagata, sed multorum etiam fidelium persecutione, & nonnullorum morte fuit obsignata.

Ad latius propagandam doctrinam Evangelii duobus hoc anno mediis Deus usus est: dispersione Fratrum Sickingensium, & mitigatione Edicti VVormatiensis.

Vita  
Schwebelii.

Vixerant eodem penè tempore in aula Francisci à Sickingen, Joannes Oecolampadius, Martinus Bucerus, Caspar Aquila patritius Augustanus, Joannes Schwebelius Pfortzhemensis. Francisco verò infelici bello implicato, in quo septimâ Maii periit, ex aula illius, tanquam Academia quadam, Bucerus VVeisseburgum, & inde Argentinam, Oecolampadius Basileam, Aquila Isennacû, Schwebelius Bipontum concesserunt, & veluti novi Apostoli singuli singulas eorum locorum Ecclesias reformârunt.

a Acta Comitiorum  
Norimbergensium  
Germanicè edita, cum præfatione  
Lutheri  
1538. Wittebergæ.

In Comitibus porrò Noricis absente Cæsare, sextâ Martii Edicto VVormatiensi, singulari Senatusconsulto fuit derogatum. Legato

enim

•nim Pontificis Adriani Principes incusanti, quod ex formula decreti Cæsareani non fuerit de Luthero sumpta pœna : postulanti deinde consilium, quomodo malum hoc sanari possit : respondent Principes : de Luthero non sumptam pœnam : quia omnes Ordines gravissimè conquerantur de Curia Romana, & pleriq; Lutheri libris atq; concionibus ita jam sint eruditi : ut, si decretum illud adversus illum valere debeat, plurimi id sic interpretaturi sint, quasi id eò fiat, ut oppressâ veritate, & extinctâ Evangelii luce, manifesta vitia, quæ tolerari aut dissimulari diutius nequeant, defendantur. Consilium suum hoc esse : ut per liberum Concilium, in Germania primo quoque tempore celebrandum, controversiæ Religionis dirimantur. Interim.

*Nullos novos libros edendos.*

*Evangelium purè juxta probatas, & ab Ecclesia receptas interpretationes docendum.*

*Ab Episcopis deligendos homines idoneos, qui concionatores exorbitantes leniter castigent.*

*Sacerdotes, qui uxores ducant, juxta leges Pontificias multandos.*

LUTHERUS datis ad Principes literis, invehitur in corruptores mandati. Cæsarei, & decretum Noribergense, quod alii aliter accipie-

cupiebant, pro se interpretatur. Et primum quidem *de novorum librorum prohibitionem* non se recusare, scribit, modò non intelligatur de libris scripturæ, quorum editio prohiberi nequeat. Per *interpretationes ab Ecclesiâ receptas*, non Thomæ aut Scoti, sed Hilarii, Ambrosii, Cypriani, Augustini, à plerisq; intelligi: sed Patribus quoq; longè præferenda Biblica scripta. *Deligendos ab Episcopis idoneos concionum censores*. Rectè id quidem, sed illos viris doctis carere, sophistis non item. Postremum *de multandis sacerdotibus*, qui vel uxores ducunt, vel ordinem suum deserunt, nimis durum esse, & si purè sit docendum Evangelium, omnino mitigandum. Titulus literarum est: *Wieder die verkehrer des Kaiserliche Mandats* Martinus Luther.

CÆSAR per literas cum Principibus de facto hoc Decreto iracundiùs exposculavit, & per legatum prorsus id infringere conatus est.

Sed nec Cæsaris & Pontificis rigor, nec Principum moderatio cursum Evangelii remorari potuerunt. *Longè enim aliter in cælo, quàm Norimbergæ de hoc negotio fuisse conclusum*, scribit Lutherus ad Fridericum Saxonie Electorem. Itaque certatim Principes & civitates Pontificiæ religionis mutationem admiserunt.

FRIDERICUS I. Rex Daniæ ministris  
Evan.

Evangelicis, quos in regno jam tum à Christi-  
 tierno vocatos & defensos reperit, liberam  
 concionandi potestatem facit, & Monachis  
 conjugium secundum Dei verbum permittit.  
 Historia compendiosa Regum Daniæ, per  
 Erpoldum Lindenbruch edita, refert hæc ad  
 annum 1524. his verbis. *Fridericus corona-  
 tus doctrinam Ecclesiæ, à D. Martino Luthe-  
 ro repurgatam, publicè in templis proponi man-  
 dat Anno Christi M D XXIII.*

Chronicon  
 Daniæ  
 Huicfeldii

CHRISTIERNUS Rex Daniæ, regno  
 pulsus, cum Elisabetha conjugē, Caroli V.  
 sorore, exulat V Vittembergæ, & Lutherum  
 diu concionantem audit.

Sturmius.  
 Chytræus.

LUDOVICUS Comes Palatinus Rheni  
 Bipontinus, Dux Baviaræ, feces fermentili-  
 Papistici ex Ecclesiis Palatinatûs Bipon-  
 tini, Joannis Schwebelii ministerio expur-  
 gat, Missificos omnes eliminat, nihil  
 moratus vicinorum Episcoporum mi-  
 nas.

Vica  
 Schvvebe-

ALBERTUS Marchio Brandenburgicus  
 Magister ordinis Marianorum Teutonico-  
 rum in Borussia Orientali post Comitio-  
 rum Noribergensium exitum, consilia e-  
 mendandæ religionis Pontificiæ, & insti-  
 tuendæ purioris doctrinæ, cuius ab Andrea  
 Osiandro, qui Noribergæ tum publicè do-  
 cere cœperat, semina imbibit, primùm su-  
 scipit, & per Georgium à Polentia, Episcopū  
 Sam-

Chronicon  
 Saxoniz  
 Chytræi.

Sambienſem, ipſe ex Boruſſia abſens, per-  
 texuit, Itaq; ex Academia VVittebergenſi  
 doctorem pium, gravem, eruditum & mo-  
 deratum, *Ioannem Briſmannum*, Cotbuſii in  
 Luſatia natum, Lutheri familiarem & a-  
 micum, evocat, qui exeunte anno Regium  
 montem appulit, & inter varias ac multi-  
 plices Commendatorum, ſacerdotum, &  
 aliorum, Pontificias perſuaſiones pertina-  
 citer retinentium, adverſationes & inſidias  
 magno & constanti animo, & pietate ac pru-  
 dentiâ ſingulari, emendationem Eccleſiarũ  
 paulatim provexit: donec accedente publicâ  
 Principis auctoritate, & ordinum cæterorum  
 approbatione, forma doctri-næ & rituum  
 certa & æquabilis, ubique in illius partis Bo-  
 ruſſiæ Eccleſiis conſtituta eſt. Huius laboris  
 ſocios & collegas fideles & præclaros habuit  
*Paulum Speratam*, qui anno 1524. & *Ioannem*  
*Polyandrum*, qui anno 1525. eò venit. Qui tres  
 diſci-puli ſeu conditores & lumina Eccleſiæ Pru-  
 tenicæ, ab erroribus & idolis Pontificiis re-  
 purgata, præcipua, coniunctis animis &  
 conſiliis, ſumma cum pietatis, conſtantiæ,  
 moderationis, & prudentiæ laude annos am-  
 plius viginti Eccleſias illas, puritate doctri-  
 næ, & diſciplinæ ſanctitate & concordia flo-  
 rentes & tranquillas rexerunt & conſervâ-  
 runt.

Joannes Breiſmannus vigintiſimâ ſeptimâ  
 Septem-



Septembris Regiomonti in summo templo Kneiphhofii, in veteri autem urbe Dominus Chronicon Henneber. gii.

Amandus Dominicâ Adventûs concionem Evangelicam primam habuêre.

JOHANNES Princeps Anhaltinus favere Tom. 2. e-  
pistolârum  
Luth. pag.  
121.  
jam tum cœpit Luthero: ideoq; per Docto-  
rem Hieronymum, & Franciscanum quen-  
dam Lutherum monuit, ut purgaret se ab  
ignominia, quâ à Ferdinando Austriaco  
Norimbergæ fuisset notatus, quod novo ex-  
emplo doceret, Christum esse semen A-  
brahæ.

CAROLUS Sabaudia Dux sincerio-  
ris religionis studiosissimus esse ferebatur.  
Quod cum Lutherus ex Annemundo Co-  
cto, Equite aurato Gallo intellexisset, septi-  
mâ Septembris huius anni Sabaudum pet-  
literas, in quibus fidei suæ confessionem  
breviter repetit, in pietatis zelo confirmavit.

In harum fine, *Macte*, inquit, *Princeps Illu-  
strissime, & heros generosissime, suscita eam, quæ in  
te cœpit ardere scintillam, & fac ut ignis egredia-  
tur de domo Sabaudia, ceu de domo Ioseph, & sit ei  
rota Gallia quasi stipula, & ardeat sanctum illud  
incendium Christi, imò flagret, ut verè tandem  
Francia possit dici ab Evangelio regnum Christia-  
nissimum, quod hætenus ab impio in Antichristû,  
propter effusum sanguinem, officio, impiè dictum est  
Christianissimum. Anno 1523. 7. Sept.* Tom. 2. e-  
pist. Luth.  
pag 159.

De LIVONIA sic Lutherus ad Spalatinum Tom. 2. e-  
pist. p. 121.

K

viceſimâ quintâ Januarii: *M. Livonia ex me  
petiit per nuntium & per Cancellarium, eruditum  
virum, ut libellum ad ſuos populos ſcriberem de re  
Chriſtiana, aluntq; ibi verbi prædicatorem, & gau-  
dēt ſe Evangelion habere. Sic à Iudaïs tranſiſ Chri-  
ſtus ad Gentes, & de lapidibus fiunt filij Abrahæ  
quem ſui nepotes perſequuntur.*

Tom. 2. e-  
piſt. Luth.  
pag. 122.

Eosdem LIVONOS Lutherus epistolâ ſa-  
lutat, quâ gratulatur illis patefactam Evan-  
gelii Chriſti doctrinam, cuius oppreſſionem  
plerosq; in Germania Tyrannos pertinaciter  
mōliri queritur, eiudemq; generis perſequu-  
tiones atrociffimas ipsis quoq; expectandas  
præmonet, ad quas ſuſtinendas ut ſeſe præpa-  
rent, animumq; obſirmatum habeant, atq; in-  
agnita veritate Evangelica fortiter perſeve-  
rent, graviter ac piè cohortatur, de fide juſtifi-  
cante, & tandem vera ratione bonorum ope-  
rum, breviter & perſpicuè eos erudiens.

Stumpfius  
lib. 6. Sim-  
lerus in vi-  
ta Bullin-  
geri.

VVOLFGANGUS JONERUS Abbas Ca-  
pellæ, qui ex Zwinglii concionibus errores  
Pontificiæ religionis agnoverat, ſcholam in  
cœnobio inſtituit, cui præficit M. Henricum  
Bullingerum, octodecim annorum juvenem,  
qui & ipſe veritatis Evangelicæ guſtum, ex  
ſcriptorum Lutheri & Melanchthonis lectio-  
ne Colonia perceperat.

Tom. 2. e-  
piſt. Luth.  
pag. 140.

ABBAS HIRSCHFELDENSIS hoc anno  
permisit quibulvis liberum exitum, tam  
Monachis quàm Monialibus. Pastor Hirsch-  
felden-

feldenſis defunctâ uxore primâ, duxit ſecundam.

In SILEſIA plenior Evangelii lux affulſit Uratiſlaviſibus, & Lignicenſibus.

URATISLAVIÆ Canonicus erat Joannes Heſſus Norimbergenſis, Theologiæ Doctor, vitæ inculpatæ, doctrinæ eruditæ, eloquentiæ raræ.

Cum igitur ab obitu Oſwaldi VVimleri paſtoratus ad D. Mariam Magdalenam quadriennium vacaſſet, pro more temporum illorum de obtinendo eo nonnullis coram politico Magiſtratu cõtendentibus, ſenatus moræ pertæſus, conſentiente populo univerſo, probante Jacobo à Salza Epiſcopo, decimo nono Junii Joanni Heſſo, vocatione ſoleni, Eccleſiæ Magdalenanę gubernationem commēdat. Is vigeliſimâ quintâ Octobris Domini cā XXI. Trinitatis primam ibi concionem habet in maxima populi frequentia.

Adrianus Papa ægerrimè hoc tulit, & datis ad ſenatum literis à propoſito eum revocare conatus eſt. Sed fruſtrâ. Senatus enim facti ſui cauſas reddidit graviffimas, editâ Apologiâ, quæ quia vivam habet deſcriptionem & ſtatûs Eccleſiaſtici ſub Pontifice Romano, & Pontificis in illo, neceſſariò hîc inferenda & à poſteritatis oblivione fuit vindicandâ. Sic igitur illa:

*SENATVS POPVLVS Q. VRATISLAVIENSIS*

piis lectoribus salutem in Domino. Non ambigimus, viri Christiani, qui & corde & ore Christum profitemini, quin vobis (etiam sine ullo nostro encomio) summè placeat novi pastoris nova electio, cum imprimis vestra professioni conveniat, niti & exemplo & doctrina Apostolorum, qua sanè & basis & fundamentum vera fidei, eo vobis commendatior esse debet, quod à spiritu sancto profecta est, signata sphragismate sanguinis Christi & electorum Dei. Verùm cum multi sunt quibus post huius mudi honores & carnis voluptates nihil quicquam divini aut sancti per se est, ne illis ansarelinquatur improbandi hoc nostrum adeo laudabile ac frugiferum institutum, breviter eius consilij rationes explicabimus: ne, si fortè pleriq; firmamentum roburq; rei non acceperint, aliqui ex eis tyrannide & maiestate adversariorum in sensum non verum traducantur: tum etiam, ut inter nos mutua dilectio conservetur, quam alioqui, scissà in diversas partes Ecclesià, labefactari necessum esset. Primum ergo non immeritò nos, quibus summa Reip. concredita est, vehementer commovit animi, quod ades Diva Magdalena tot jam annis sine sponso & paracho consenuit & eviluit, quam adeo pro uno sponso multi appetivere, ut etiam illis ad tribunal sapè deventum est, atq; ita alij alios mutuo semper eycerent contendentes de animarum nostrarum salute, nihil secus atq; ij, qui tesseris colludunt, porro utrique fortunam sine virtute experiuntur. Quod contendendi studium ab Ecclesia praefecto alienissimum esse

debet. Oportet enim Episcopum inculpatum esse, tanquam Dei dispensatorem, non praefractum, non iracundum, non vinosum, non percussorem: non turpiter lucro deditum, non ambitiosum, cum ea dignitas non ambitione sed consensu Ecclesia comparetur, & non numinario pretio, sed oneroso honore constet, ijs artibus denique parandum sit verum sacerdotium, quod nisi coactus aliquis rite capessere non potest, ut in C. de. Ep. & Cl. Lc. si quinquam Divus Leo Augustus super acceptando sacerdotio sanctissime statuit hisce verbis, tanto & Christiano Principe non indignis. Nemo gradum sacerdotii venalitate pretii meretur, quantum quisque mereatur, non quantum dare sufficit, aestimetur. Profecto enim quis locus tutus, & quae causa poterit esse excusata, si veneranda Dei templa pecuniis expugnentur? quem murum integritatis aut vallum fidei providebimus, si auri sacra fames penetrabilia veneranda proserpit? Denique, quid caustum esse poterit, aut securum, si sanctitas incorrupta corrumpitur? Cesset altaribus imminere prophanus ardor avaritia: & à sacris adytis repellatur peculare flagitium. Itacastus & humilis nostris temporibus eligatur Episcopus, ut locorum quocunque pervenerit omnia propriae vitae integritate purificet, non pretio sed precibus ordinetur. Antistes tantum ab ambizu debet esse sepositus, ut quaratur cogendus, rogatus recedat, invitatus effugiat, sola illi suffragetur necessitas excusandi. Profecto enim indignus est Sacerdotio, nisi fuerit ordinatus invitatus. Qua de re haud

ita longius standum nobis esse ducimus illorum  
 disceptationibus, qui tam importunè sacerdotia  
 quærunt, ac passim aliorum injuria sese consecrāt,  
 ne scilicet illos expectando interim status nostra sa-  
 lus periclitaretur. Proinde aliquot jam annis nō  
 aquè Evangelium hic annuntiatum est: quippe alij  
 pro Christi Evangelio Thomam, Scotum, Aristot-  
 telem, Christianis auribus summa cum indignitate  
 instillarunt: alij oculis & marsupio consuluerunt,  
 predicando non gratuitam fidei, sed pronundinam  
 fiduciam operum: alij item in operculum sua carnis  
 & impietatis sacras literas detorserunt: quo factū  
 est, ut multi nesciant quam viam sequantur, at-  
 que ita dubij errent, ut navis in medio mari guber-  
 natore destituta. Quod malum ne indulgentia ni-  
 mia aut irritando tanquam excetra illa Lernæ  
 vires acquireret, aut latius serperet, summa cum di-  
 ligentia è nostrorum animis tollere, & ad usq; vi-  
 vam radicem averruncare studuimus: quarendo  
 scilicet nobis & Ecclesia nostra eum pastorem, qui  
 incredibili fiduciâ & alacritate verbum Domini, &  
 impervestigabiles ab humana prudentia divitias  
 ejus & communionem mysterij, quod erat abscondi-  
 tum à seculo, ideo nobis decantabit secundum spem  
 nostram, quam in illum habemus repositam in Do-  
 mino, qui omnibus innocentia vita & modestia cha-  
 rus est, qui antea à Reverendissimo D. Episcopo no-  
 stro ad Evangelizandi munus, & nunc quoq; à no-  
 bis unanimi consensu vocatus & accensus est, ac e-  
 lectus in Domino juxta consuetudinem ab Apostolis  
 vulga-

vulgatam, & Ecclesia, qua in Christo est, rece-  
 ptam. Siquidem Ecclesia est vocare & eligere pasto-  
 rem: Episcopi autem, siue presbyteri, manus im-  
 ponere. Nunc cum ipsa electio canonicè & debite  
 celebrata sit, ac secuta iudicium & eulogium Re-  
 verendissimi nostri Antistitis, qui summâ curâ  
 nos ad amorem praesentis pastoris invitavit, atque  
 primus illi calculum ac suffragium suum detulit  
 ad annunciandum Evangelion de Christo, non pas-  
 siss, uti sub modio tam bona lucerna perderetur, aut  
 ipse talentum, quod à Domino accepit, intra terra  
 penetrabilia, ceu parum fidelis servus infoderet ac  
 reconderet: verum in verbi ministrum nobis eum  
 constituit: qua Evangelizandi functio inter re-  
 liqua Ecclesiae munia prima & maxima est. Pro-  
 inde cum in maximis nobis datus esset magister,  
 minoribus quoque eum Ecclesiae officiis, qua de ju-  
 re parochiali dicuntur, praefecimus: rati, par ac de-  
 bitum esse, minima illi concedere, qui in maxi-  
 mis esset fidelis, cum etiam non liceat alium habe-  
 re verbi ministrum, alium dispensatorem mysterio-  
 rum Dei: ita enim scinderetur & ordo & dignitas  
 sacerdotij. Nam quid magis absurdum esse queat,  
 quàm eum habere dispensatorem mysteriorum Dei,  
 qui ita institutus esset, ut verbum ministrare nō  
 possit? Quomodo autē aliquis dispensaret mysteria,  
 quorum cognitionem per verbi scientiam nō habet?  
 cum ne in mechanicis quidem rudis adhuc opificij  
 admittatur. Ad hac ita constituit Deus, aequitatis le-  
 gem dispensans: ut in corpore nostro alia sunt mēbra

quæ regunt corpus, atque omnibus moribus eius præfident, alia item sunt quæ reguntur ac obsequiû rectoribus præbent, in Ecclesia quoq; alii gubernarentur ac regerentur, quibus hoc utilissimum est, ut verbo & opere rectorum ad id quod expedit, imbuantur, alios verò pastores dedit & doctores, ad perfectionem Ecclesiæ, eos scilicet, qui præ cæteris virtute animi præditi familiariter Deo assylat, & id officii in Ecclesia gerant, quod anima in corpore, ut utraq; pariter compaginata, & sibi invicem mixta, in quo quid deest & in quo abundat, velut in membrorum diversitate consonantia facta, per spiritum perfectum & integrum atq; aptum ad omnia corpus existat & dignum, quod Christum habeat caput. Ergo idem ex scriptura & verbi minister, & dispensator mysteriorum Dei (hoc est, ut Paulus ait, alios dedit pastores & doctores) esse debet, atq; in ipso totum sacerdotium comprehenditur potius quàm in supercilio Ephor, cidari, tiara, anclabri atq; aliis nõ eo usq; exigendis ab Ecclesia Christi. Iustè igitur verè piû ac Christianum hominem D. Ioannem Hessum, Theologia Doctorem in parochum nobis elegimus, ad ministerium verbi ante vocatum ab Episcopo, commisimusq; ei curam & vivorum & mortuorum: ut vivos immarcescibili fructu verbi Domini pascat ac nutriet: defunctos verò in Domino pie sepeliat, nõ, ut prædecessores parochi, quibus una opera erat inhiare lucro. Nam si ve nasceretur, si ve moreretur aliquis, omnes erant tributarii, & vectigales parochi, ut etià multa millia gratiarum ac indulgentiarum nomina, remissionem peccatorum præseferentia, atq; id genus alia parochorum



storum commenta taceamus. Quod verò omnium miserrimum, mortui plus vivis censebantur: ut credibile sit, poëticum illum Charonta in transportandis multis mitiorem fuisse, quàm nostros parochos in sepeliendo. Cum autem sine iis nundinationibus cum suis Diaconis & hypodiaconis verus pastor sese de nudis Ecclesia redditibus sustentare non possit, ut sæpè nostris auribus inter concionandum inculcavit sinceriter nobis in Christo dilectus eximius vir, D. Magister Ioachimus, qui aliquot iam annis sive per locationem, sive per aliam rem quampiam dicta parochia præsuit, atq; ita inter concionandum nos admonuit, ut augeremus censum Ecclesia, ne cogeretur eam egestate & penuriâ rerum deserere: consilium quasi- vimus, ne ita perpetuùm & vivi & mortui vegetigales & in pradam essemus: & ut sine hoc censu pastorem quoq; nostrum honestè ac liberaliter, pro persona & dignitate sacerdotii alere possimus, quo is modo in salutem nostram occupatus sit, non autem turpibus illis rationibus: tot hodiè, tot heri, tot nudius tertius funera, atq; utinam etiam aliquid in crastinum, perendie, & sic deinceps. Quam rem adeo indignam ad sacram & augustam Regiam Maiestatem D. Ludovicum Hungariorum & Bœmiæ Regem, Dominum nostrum Clementissimum, tum per legatos, tum per litteras retulimus, & summis laboribus & precibus obtinimus: uti pro nobis Maximus Rex apud summum Pontificem intercederet, quo is ius eligendi

& presentandi pastorem Ecclesia nostra nobis  
 conferret, quod & ipsum à sua sanctitate, tan-  
 tã humilitate, quanta par est, nos exposula-  
 vimus. Ad quam postulationem neq; Regia Ma-  
 iestati, neq; nobis quicquam responsi datum est.  
 Cum aliqui nobiscum Summus Pontifex de Lu-  
 theranismo (negotio non identidem periculoso) sa-  
 tis copiosè per longum Breve ageret, Ecclesia  
 verò nostra rei ad salutem animarum nostrarum  
 vel maximè necessaria, prorsum non commemi-  
 nit. Sentientes itaque apud Romanum Pontifi-  
 cem, nec Regia Maiestatis, nec nostras preces va-  
 luisse, non oscitanter, nec imprudenter ad pra-  
 sentem electionem accessimus, & pastorem no-  
 bis elegimus, quem tanquam obedientes filii, pri-  
 mum Vicario in spiritualibus generali, deinde  
 Episcopo coràm constitutum, ac iterum Vicario  
 generali presentavimus, quo eum iuxta morem  
 huius diœceseos, in possessionem Ecclesia solenni-  
 ter investirent. Sed & hic repulsam passi su-  
 mus, non quod hunc nobis negarent pastorem,  
 aut de eius integritate dubitarent, quem tanto-  
 pere, & tot titulis paulò antè commendave-  
 rant, & in verbi ministrum profecerant: sed  
 quod illorum indignationem veriti sunt, qui  
 unà inter sese pro ea Ecclesia contendunt & di-  
 litigant. Nos autem nihil minus eundem ele-  
 ctum nostrum in possessionem parochiae institui-  
 mus. Ordinata proinde in statum optimum re  
 Ecclesia & pastoralis, ne identidem animarum no-  
 strarum

strarum cura, atque antehac saepe factum est, ulli sub pensione, vel alia Simoniaca conditione locanda veniret, ac subindè multi, in extremis constituti; negligerentur, neve essent nobiscum partita munia sacerdotii, quod utiq, unum & simplex esse par est, perinde eius Christus unus, & auctor & magister est: Vos omnes obtestamur in Domino, ne quis vestrum nobis malè vertat, tanta rei tam subitam mutationem, multis etiam non auditam seculis. Neque mirum, si vobis res nova, (licet in Christi Ecclesia semper fuerit usitatissima) videatur, qui nati estis, & coaluistis sub imperio conductitiorum pastorum: quorum artificio in Ecclesia Dei omnia Sacramenta venalia facta sunt, tanquam ab illis ipsis vita aeterna emenda esset, quam quisq, secundum aestimationem suam licitatus est, neque satis esset eam per fidem dono & planè gratuito accepisse à Christo Iesu, qui fallere nec potest, nec didicit. Horum profecto pastorum imposturas & prestigias inhibistis à teneris, nescientes adhuc lac Apostolicum, & dulcedinem Evangelicam. Si qui autem sunt, qui nobis calumniari non desinent, Spiritu fortitudinis in Domino illorum sycophantias tolerabimus. Nam ab auditione mala non timebit iustus, qui, si homines timeret, Christi servus non esset. Sed quid sollicitamur, ac si hac nostra electio ulli non placeat? cum secundum scripturam & consuetudinem Ecclesia celebrata sit, cuius Ecclesia & caput & spem.

*& sponsus est Iesus pro nobis crucifixus, qui ait: qui mecum non est, contra me est: & qui mecum non colligit, spargit. Nunc si Deus pro nobis, quis contra nos. Quis intentabit crimina adversus electos Dei? Deus est qui iustificat, quis ille qui condemnet? Christus est, qui mortuus est, imò qui & suscitatus est, qui etiam est ad dexteram Dei, qui & intercedit pro nobis. Exultate ergò & gaudete nobiscum, qui pro parte Evangelij statis, cum in commune vobis seritur ac metitur, gratias agentes Deo, quod nobis de eo pastore prospexerit, qui & Episcopo nostro, & nobis iuxta charus est, & piè exercitatus in sacris literis, cui satis mercedis erit, excolere vineam Domini, & nos lucrificare Deo per verbum Iesu Christi. Caterum abstinebit à spoliandis tum vivis tum mortuis. Nostrum autem, imò totius communitatis erit, & illius curam vicissim agere liberè, non coactè, & pro sepultura & aliis officiis mittendo in gazophylacium, ut cuiusq; pietas & facultates tulerint. Nam qui Evangelio servit, etiam de Evangelio vivat: duplici enim honore dignus est, ut ait Apostolus.*

Crantzheii-  
musChro-  
nologîa  
Germanica.

LIGNITII iussu Principis Friderici Valentinus Crautwald publicè epistolas Paulinas exponit.

GOLDBERGÆ eiusdem Principis cura illustris scola erigitur, professoribus VVitembergâ evocatis Valentino Trocedorffio, & M. Joanne Helmerico.

E BOE-

DE BOEMIA profecti ad Lutherum legati Fratrum, quos vocant, fidem illi suam de sacramento Eucharistiæ exposuerunt : de quibus ita ille ad Nicolaum Hausmannum :

*De Pighardis iam non malè sentio, auditâ eorum, presentibus ipsis, fide circa Sacramentum Eucharistia. Bohemos, qui parvulos communicant, non probo, quanquam non in hoc hæreticos censeo. Et ad eundem alibi : Pighardi sic de sacramento sentiunt, quod Christus sub pane non sit corporaliter, quomodo aliqui dicunt, se vidisse ibi sanguinem & puerulum, &c. sed spiritualiter seu sacramentaliter, hoc est, qui panem accipit visibiliter, verè accipit naturaliter eius sanguinem, qui à dextris patris sedet, sed invisibiliter. Ultra hoc non possum eos damnare. Deinde quod non adurant, ad idem referunt, quod non sit ibi visibiliter, ut visiones habent, sed invisibiliter, hoc est ad dexteram patris.*

Tom. 2. e-  
pist. Luth.  
p. 133.

Tom. 2. e-  
pist. Luth.  
pag. 167. b,

IN GALLIA gratia Evangelica annuntiabatur hoc anno publicè Gratianopoli & Meldis.

GRATIANOPOLI in Delphinatu Petrus Sebevilla religionem puriorem docet, quem Zwinglius decimâ tertiâ Decembris die per epistolam monet ; ut in Galliis Christianâ armaturâ munitus in publicum prodeat, sublatâque, instar tubæ voce, Evangelium Christi, invitis omnibus puppis & Papis prædicet. *Christum*, inquit, *Classi-*

Lib. 4. e-  
pist. Occol.  
& Zwing.

CHM

cum cecinit, impressionem in Phariseos, Scribas & hypocritas factururus. Quis dexteram ad praelium non armabit? Leo rugiet, inquit Prophetæ, quis non metuet? Christo per ministros suos detonante, quis ex hostibus non pavebit? imò disspeream, si non in totis castris illorum trepidatur: adeò vertuntur, rotantur, ambigunt, ut quid consilii sequuturi sint, nondum exploratum habeant. Nam si Christi gregem mactare per seductos Principes cæperint, verentur, ne sic aperiat fenestra, ut in se quoq; paulò post irruatur. Si verò scripturâ obsistere tentent, conscij sibi violentiæ, quam ei faciunt, toti frigent ac concidunt. Quid igitur in ignavos non irruimus, uno illoq; satis forti verbi DEI prasidio fulti? Is enim Antichristum interficiet spiritu oris sui. Stet à nobis Christus, quis contra nos? Simus licet Samia vasa, nemo tamen confringere nos poterit, quandiu nobis Dominus adest: aderit autem ex verbi sui certâ promissione, quâ pollicitus est, se nobiscum mansurum usque ad mundi consummationem: iussitque securos esse, cum ad Reges & Principes illius causa trahamur: daturum enim esse sapientiam & eloquentiam, cui omnes adversarij non poterint resistere. Quid igitur adhuc cunctamur? Victoria in manibus est, an eam decerpere piget? Et paulò post: Non modò cum Antichristo sed cum universo simul orbe certamen tibi subeundum est, si quidem cælestia ambis: ea enim

*enim solis eis eveniunt , qui terrena negligunt. Antè omnia igitur opus est , ut te ipsum abneges , ac quotidie moriaris. Id autem tuopte Marte non poteris : ad unam igitur Dei misericordiam confugiendum , & illic flagitandum , ut vias tuas dirigat , mentem illustret , cor excitet , ut illius gratiâ nihil non tum audeas , tum , quo pacto fieri oporteat , scias. Proderit & illud , Evangelium Christi predicare molienti , ut reiectis omnibus præsumptis opinionibus & doctrinis , hoc consilio ad literas verè sacras accedat , ut eas præceptorem habiturus sit , non discipulum.*

MELDA, oppidum est in Galliis, decem à Parisiorum Lutetia miliaribus. Eius Episcopus hoc anno fuit Guilielmus Brissonn<sup>Steidanus.</sup> nettus , qui cum doctrinæ purioris esset admodum studiosus, idoneos etiam doctores populo præfecit , exclusis Monachis. Lutetiâ Jacobum Fabrum , Guilielmum Farel<sup>Raymundus de Re-</sup> lum , Arnoldum & Gerardum Ruffum vo-<sup>mund.</sup> cavit , qui magnâ alacritate populum erudi-  
diere. Quum autem hoc nomine periculum Episcopo crearent Theologi Sorboni-  
stæ, non præstitit constantiam , & ab incepto destitit. Tamen multorum animis religio implantata , & cum doctores pariter & auditores nonnulli inde fugati in alia atque alia Galliæ loca se recepissent, mirabili Dei consilio, unius Ecclesiæ destructio , multarum fuit ædificatio.

HAM-

Chronicon  
Saxoniz  
Chytizi

HAMBURGUM M. Stephanus Kempe Franciscanus hoc anno venit, ingenio & facundiâ & magnitudine animi M. Ordonem Stifelium superans, qui à præfectis Cœnobij Mariæ Magdalenzæ ad docendi Evangelii munus in eo templo vocatus, inter acerrimos cum Sacrificulis cœnfectus, magno concursu & applausu civium triennium ferè solus æstum & laborem diei sustinuit, donec Joannes Zegenhagius, Magdeburgoad Ecclesiam D. Nicolai, & paulo post Joannes Frizius Lubecâ, ad parochiæ D. Jacobi gubernationem vocati, fideliter in Evangelii propagatione Stephanum adjuverunt.

HALAM Suevorum Joannes Isenmannus Halensis à Senatu vocatur, ut defuncto pastori succedat. Is non solùm eadem cum Brentio docebat, sed impias Papismi ceremonias abrogare incipiebat. In odium igitur multorum incurrit: præsertim cum Brentius hucusque Missas celebrasset. Ibi tum Brentius publicè se excusavit, rationem sui consilii exponens in hanc senten-

Verba Herbrandi in  
vita Brëtii.

tiam: *Optimi auditores, audio quosdam verstrum nostris actionibus offendi: & quidem verum est, ego quoque aliquoties Missam hic apud vos celebravi, sed non per omnia sacrificulorum more, impietate horrendâ, sacrificij scilicet pro vivis & defunctis oblatione, omisâ: idq; propter vos*



*vos à me factum est. Nam cum primum huc à vobis essem vocatus, in profundum idololatriæ vos immersos reperi, ideo aliquid erat faciendum: & ad vos in lacum descendi, ut vos educerem, & liberarem paulatim erudiendo, & nonnihil etiam, exemplo Apostoli, ad tempus cedendo & simulando. Iam verò rectius ex verbo Dei à me estis instituti, & horrendam Missæ abominationem, & cæna Dominica prophanationem intelligitis. Ideo abroganda.*

Cæterum Missa anno demum 1527. abro- Crusius.  
gata est: nisi quod Joannitæ missificârunt us-  
que ad 1534. annum: ad quos multi patritii  
exiverunt: donec & hæc Missa silere iussa  
est, templo concluso: ut 1540. omnis Missa  
in ipsorum ditione extra urbem.

AUGUSTÆ Joannes Speiserus Theolo- Achilles  
Gassarus.  
Hëningus.  
giæ Doctor, Parochus Augustanorum cœ-  
pit verbum Dei concionari sincerius, tanto  
concurso & fructu, ut meretrices quoq; eius  
concionibus motæ, ad meliorem frugem re-  
dirent, ac prostibulo, quod tunc publicè pro-  
pe Geggingensem portam tolerabatur, de-  
serto, aut honesta coniugia quærent, aut  
aliò inde diffugerent. Sed rediit Speiserus  
ad Pontificios, & miserè periisse dicitur.

LUTHÆRUS ad Augustanos consolato-  
riam mittit epistolam, quæ exstat Tom. 2.  
Germ. Jenens.

ESLINGÆ Imperii oppido Michaël

Stifelius discipulos Christo colligit, quibus cum Parochus Pontificius articulos aliquot opponeret, Lutherus per epistolam Eslingenses docuit, quomodo articulos psychotyranni sui deberent confutare.

ARGENTINAM hoc anno veniunt Martinus Bucerus, VVeissenburgo, Caspar Hedio & VVolfgangus Fabritius Capito Moguntiâ: tria non solum Ecclesiæ Argentinensis, sed orbis Christiani lumina. De his Nicolaus Gerbelius ad Joannem Schwebelium mense huius anni Decembri ita scribit: *Evangelio mirificè prodest Hedio. Nam sinceritate vita, & gravitate docendi reliquorum sententias corroborat. Neq; hætenus atrocioribus odiis res acta, sive quòd accesserit Hedio, sive quòd actum esse de rebus suis timeant, nescio. Bucerus Colossensem epistolam profitetur, Latine modò, & Germanicè, accurrentibus, ligonibus, cerdonibus, Danistis, omniq; generis hominibus. Hesternâ die Capito Præpositus noster innumeraibili conveniente turbâ Colossensium epistolam enarrare cæpit ad S. Thomam. Interim Papista in caligas & calceos &c. Non credis, quantum autoritas Capitonis in populo efficiat. Deus incrementum det; ego optimè spero.*

In eadem urbe Kal. Decembribus Senatus mandat concionatoribus omnibus & singulis, ut Evangelium liberè & publicè prædicent: & auditoribus Dei ac proximi amorem im-

f- epistolis  
Schwebel-  
ianis.

implantent: mittant autem scommata in alios iacta, & omnia ea, quæ vel scandalo esse infirmioribus, vel ad seditionem commovere animos possint.

LANDAVII Imperii oppido Joannes Baderus Pastor Ecclesiæ variorum errorum Pontificios coarguit, & reiectis hominum cõmentis, solius Dei iussa auditoribus suis proponit.

ISENNACI Doctor Jacobus Straus Kal. Januarii cõcionari, & non ita multò post idola demoliri, Missam Latinam abolere, & vehementi spiritu contra errores Pontificios detonare cœpit. Itaq; à Decano & Capitulo aliquoties ad Joannem Saxonix Ducem est accusatus. Docuit ibi in tertium annum.

VINARIÆ disputatio habita fuit de questione: *An Missa sit Sacrificium?* Conclusum quod non.

VVITTEMBERGÆ Lutherus formulam Missæ & communionis edit: in qua omnes ritus usitatos, introitum ex Psalmis; Kyrie, collectam, Epistolam, Sequentiam, Evangelium, Symbolon, Concionem, Preces, Præfationem, Sanctos, Præcationem Dominicam: Verba cœnæ: Elevationem: Agnus Dei: Gratiarum actionem retinet. Canonem verò Missæ, transformantem cœnam Domini in sacrificiũ pro vivis & defunctis prorsus omittit. Hæc fuit prima reformatio rituum Missæ & communionis, etsi Carolostadius

Acta Baderi.

Chronico Thuringia M. S. Idem Acta Jacobi Straus & Capituli in Archivis Ecclesiæ Isennacensis.

Chronico Thuringia M. S.

Acta Chytrus Bucholcerus.

tale quid etiam ante hoc tempus ausus fuerat. Revocata item est in usum Confessio auricularis, & privata absolutio, quam Carolostadius aboleverat.

Ad Fridericum Saxoniz Electorem vir quidam doctus libellum scribit Germanicâ linguâ, quo docet: tres esse capitales errores, quibus in Papatu Christiani fuerint seducti.

1. *De libero arbitrio, quod revera sit servum arbitrium.*
2. *De meritis operum, quæ potius sint fidei.*
3. *De traditionibus hominum, cum in solo Dei verbo fuerit acquiescendum.*

Nicolaus Ambsdorffius præfationem præfixit libello isti, quâ demonstrat è scripturis: *Papam esse Antichristum.*

Hoc eodem anno publicabatur & alius libellus, suppresso auctoris nomine, in quo docebatur, quàm horribiliter doctrina Christi, de castissimo Dei cultu, precatione, depravata fuerit in Papatu: dum à vero Deo ad venerationem creaturarum homines sunt avocati.

Huius generis complures alii libelli Germanicâ linguâ prodierunt hoc anno, quibus velut è profundo somno sensim suscitabâtur, qui in idolomania Pontificia indormierant.

In HELVETIA Basileæ, Bernæ, Tiguri, in oppido San-galli circa religionis negotium hæc facta.

Vita Pell-  
eani.

BASILEÆ Senatus Lectores Theologiæ ordina-

dinarios constituit, Joannem Oecolampadium, & Conradum Pellicanum: & quoniam <sup>veritatis.</sup> Antonius Zanckerus, Pastor ad S. Martinum, officii sui munia obire tum non potuit, Curatorum Ecclesiæ illius rogatu Oecolampadius vices illius supplevit: qui inter alia epistolam Joannis Apostoli Catholicam primam interpretatus est, quam anno 1524. typis descriptam, Christophoro Basiliensium Episcopo nuncupavit.

BERNÆ Magistratus 15. Junii edictum publicat in causa Religionis, cuius summa: Cū <sup>Ex mandato ipsa</sup> discrepantes de fide sententiæ audiantur pro cōcione, & alii in alios fulminent, velle Magistratum, ut concionatores ad unum omnes Evangelium, hoc est, doctrinam à Deo revelatam, & quæcunq: ex scriptis Prophetis & Apostolicis defendi possint, in clara luce suorum auditoriorū enūcient. Quicquid autem scripturis sacris adversatur, sive illud à Luthe-ro, sive ab aliis dictum, scriptumve sit, ne attingant. Seditiosa ne loquantur: Qui secus fecerint, iis pœnam iustam decretam.

TIGURINI cum Zwinglii sui doctrinam Sleidanus. passim ut impiam traduci intelligerent: ministris omnibus suæ ditionis mandant: ut ad 29. Januarii diem, dissidii religionis causâ Tiguri conveniant: fore enim, ut omnes ibi, quantum satis est, audiâtur. Constantiensem quoq; rogant Episcopum per literas amâter

ut aut ipse veniat, aut è suis aliquem eò mitterat. Quum igitur ad constitutum diem venissent frequentes, adesset etià Episcopi Vicarius, Joannes Faber, consul verba facit: & quoniam de doctrina sit ortum valdè grave dissidium, idcirco decretum hunc esse conventum, ait, ut si quis omnium sit, qui contra Zwinglii doctrinam aliquid habeat, libere illud nunc proponat. Zwinglius iam antè certis locis atque thematis doctrinam suam inoluserat, numero ad LXVII. & ut instructi venirent omnes ad eum conventum atque disputationem, evulgârât, Nunc ergo cum finem sermonis consul fecisset, rursus illa proponit, & ad congressum eos invitat. Ibi Faber posteaquam suæ missionis causam explicasset, conatur persuadere, certamen hoc non esse huius loci, verùm ad Concilii notionem pertinere, quod brevi sit futurum. Urgente autem Zwinglio, & postulante, si quid habeat, ut ne dissimulet, ille scripto se refutaturum ipsius dogmata, proficitur. Post multa utrinque commutata verba, cum ex omnibus nemo prodiret amplius in aciem, dimisso conventu Senatus per suos fines edicit: ut traditionibus hominum omissis, Evangelium purè doceatur, è veteris & novi Testamenti libris,

LEO Judæ sub initium Februarii præfici-  
tur templo Petrino, nuptias celebrat decimâ  
nonâ

nonâ Septembris, cum hoc eodem anno primi Sacerdotes uxores duxissent. Wilhelmus Rublinus, & Joannes Faber. Jam ergo non in urbe tantum, sed & in agro aunūriabatur Christus, qui & antea quoq; nō à paucis fuerat prædicatus parochis. Ecclesia aut ita verbo veritatis imbuta est; ut maxima eius pars iam non tantum contemneret abusus & superstitionem, quæ nondū erat deposita, sed cuperet etiā omnia ea, quæ cerneret præter & contra scripturā verbi Dei in templis Dei vigere usurpari; penitus abiicere atq; conculcare. Id cum intelligeret Magistratus, ne quid rursus præproperè & immaturè, parūve religiosè geri videretur, denuo in urbem alteram convocat Synodum. Ad hanc vocati sunt Episcopi, Constantiensis, Curiensis, Basiliensis unā cū schola sive Universitate Basiliensi, vocati sunt confœderati omnes: sed non venerunt omnes, neq; quenquā miserūt Episcopi. Nihilominus posterior hæc priore multò fuit celebrior, Confluebāt enim docti & clari viri non pauci, confluebāt Ecclesiarū antistites & sacerdotes plus min⁹ DC. Fiebat è scripturis collatio, & præcipuè disputabatur cōtinuis trib. diebus, de tollendis ex Ecclesia imaginibus, & de abroganda Missa Papistica. Iterūq; vicit veritas, ac exactis aliquot diebus, solūta est Synodus. Utriusq; disputationis acta inveniet lector ad finem Tom. 2. operum Zwinglii,

Bullinger  
in prima ad  
Joannem  
Cochlæum  
responsio-  
ne cap. 29.  
Verba Bul-  
lingerii.

MONIALES Psalmorum libros Latinos de manibus deponere, habitum religiosum exuere, & Monasteriis valedicere cœperunt, contractoq; matrimonio, factæ sunt matres-familias. Leonhartus Köppen, civis Torgensis, feriâ tertiâ Paschatis, 7. Aprilis novem Moniales, genere nobiles, ex Monasterio Nimptschen extractas, V Vittebergam adduxit, inter quas fuit Catharina à Boren, postea nupta Luthero.

URATISLAVIÆ primus Hieronymus Rachemels uxorem duxit, Reginam Nimbisiam.

ARGENTINÆ Parochus S. Thomæ idem fecit, qua de re hæc leguntur Nicolai Gerbelii ad Joannem Schwebelium verba :

Centuria  
epistolarū  
ad Schwe-  
belium.

*Hodie apud nos mira & inaudita res acta, mi Ioannes. Nam quæ Christiana sunt, rara apud nos hæctenus fuere. M. Antonius, Parochus olim. S. Stephani, nunc S. Thomæ, aliquot annis scortillum apud se habuit, elegans sanè & non vulgari formâ: hæc diebus superioribus uxorem duxit, ductamq; è suggestu palàm populo vulgavit. Hodie verò 21. Aprilis, cum hæc scribimus, subq; hanc horam, in templi foribus apud D. Laurentium, per M. Matthiam Zellii, habitâ concione ad plebē, in matrimonii cōmexdationē, publicè introducitur, ducentib. sponsam duab. honestissimis matribus familias: sequentib. verò omnīs generis hominibus, mirificèq; applaudentibus. Est autem hora diei 8. qua ingens homi-*



*hominum multitudo ad rem novam, inauditamq;  
accurrit: fremunt Papista: exultant Christiani. E  
media plebe acclamat unus: Er hat ihm recht ges  
than! Gott geb ihm tausent guter jahr. Tu, cre  
de, multos hunc secuturos esse.*

Sic igitur doctrina Evangelii hoc anno  
fuit propagata. Recognosce nunc mecum,  
Lector, quomodo fidelium accusationibus,  
divexationibus, morte deniq; fuerit confir  
mata, obsignata.

ACCUSABANTUR, Fridericus Elector Sa  
xonix, Lutherus, Zwinglius, Pellicanus, ci  
vitates, Augusta, Argentina, Norimberga:  
Concionatores item, Norimbergenfes, &  
Argentoratenses.

FRIDERICUM Saxonix Electorem Adri- Bulla ex-  
stat Tom. 2.  
oper. Luth.  
Jen. Germ.  
anus Papa publico scripto (Bullam vocant)  
graviter accusat neglecti officii in puniendo  
vel ejciendo Luthero: Monet, rogat, obse  
crat, ut vel tandem id faciat. Nî pareat, gla  
dium Pontificium & Cæsareum expertu  
rus.

LUTHERUM ad conventum Noricum ac- Acta Co-  
mitiorum  
cusabat legatus Pontificius, quod Mahome  
to esset similimus, siquidem, ut ille per po  
lygamiam, ita hic per dissolutionem voto  
rum castitatis frena laxet cupiditatibus: quod  
statum Ecclesiæ convellat, & idcirco ne  
quidem auditus damnandus sit: quod deni  
que, ut nunc in Ecclesiasticos, ita paulo

pòst in politicos sit sàviturus. Cui quid rē-  
sponsum, supra retulimus.

Tom. 2. o-  
per. Luth.  
Germ. Jen.

Accusabant eundem ad Electorem duo  
potentissimi Reges, Henricus VIII. Angliæ,  
& Ludovicus, Hungariæ & Boëmiae Rex.  
Quibus nihil aliud ab Electore responsum,  
quàm, Lutherum in concilio prius audien-  
dum, quàm damnandum.

Vide oper.  
Zvvingl.  
Tom. 1.  
pag 147.

ZWINGLIO in publicis Helvetiorum  
Comitiis, Bernæ celebratis, crimen hoc  
intentabatur, quod pro concione dixisset  
non semel: Helvetios, qui cum exteris inijs-  
sent fœdus, Christianorum sanguinem ven-  
dere, & vesci carnibus humanis. Quod u-  
bi ille, legatis Tigurinorum domum rever-  
sis, rescivit, ilicò per apologiam se purga-  
vit.

Vita Pelli-  
cani.

CUNRADUS PELLICANUS, Joan. Kreis,  
& Joan. Luthart, ut propter fidem novam  
monasterio ejciantur, Provincialis Setzger-  
tus à Senatu Basiliensi petit. At ille decer-  
nit: si hi ejciantur, omnes ejciendos. Erant  
autem numero quadraginta.

Sticlanus.

Legatis CIVITATUM Imperii Hispaniam  
missis, Cæsar liberaliter respondit: sed Pon-  
tificem apud se quæstum ait per literas de Au-  
gusta, Argentorato, Norimberga, quasi do-  
ctrinæ Lutheri faveant, nec suis & Pontifi-  
ciis edictis obtemperent. Cui illi, nihil à suis  
prætermitti diligentia, quò ipsius voluntati  
satisfiat.

No.

NORIMBERGENSIS Ecclesiæ Ministros <sup>Slcidania</sup> legatus Pontificius in conventu Norico accusaverat, tanquam impia docerent, & ut in vincula conjicerentur, postulabat. Principes autem existimare se dicunt, falsò quædam ad ipsum esse delata: illos etiam in honore esse, ac placere populo: si quid in eos admittatur, fore, ut sic illud omnes accipiant, quasi consultò fiat, veritatis opprimendæ causâ, quæ quidem res motum excitare queat. Se tamen delecturos esse, qui de re tota perquirant in posterum, & quod æquû est, statuant.

ARGENTINENSES Concionatores, Zeli-  
lius, Capito, Firnius, non uno modo exagita-  
bantur.

MATTHIAS Cellius à patrono fisci Episco-  
palis hæreseos accusabatur. Is justo volumine  
publicato, in quo summam religionis & fidei  
suz complexus est, innocentiam suam defen-  
dit.

*Exstat illud  
scorsum.  
Insertum  
est etiam  
Martyrolo-  
gio Ludo-  
vici Rabi*

CAPITONI Præposito Thomano tria  
intentabantur crimina: quod adscribi se  
in civitatẽ Argentinensium voluerit: quod  
publicè concionatus sit: quod in oculis urbis  
totius cum Pontificiis super Religionis ne-  
gocio differere unicè cupiverit. Is editâ A-  
pologiâ Germanicâ, responderet. *CIVE M se*  
*factum*, & Prælatorum multorum exemplo,  
& salvo jure Episcopi: idq; ideo, quod omnis  
ani-

*Apologia  
Germani-  
cè exstat*

anima potestati civili subiecta esse debeat, & æquum sit, ut, qui iisdem cum civibus gaudent commodis, onera quoque cum iis portent. Cumq; sibi insidientur nonnulli è clero, jure se ad Magistratûs urbici patrocini-um confugisse. *AD CONCIONAN-  
DVM* se protractum, tum dissidio civium, quorum alii Matthiæ Cellio, concionatori Evangelico, alii Pontificiis doctõribus adhæserant, tum rogatu multorum, sinistro deniq; plurimorum de se iudicio, quasi Evangelii ipsum suppudeat. Postremo *AD DIS-  
PUTATIONEM* publicam prius non provocasse, quàm Matthias Cellius hæreseos, ipse Capito & hæreseos, & nequitia à pastore quodam pagano fuisset damnatus.

ANTONIUM FIRNIUM Parochum S. Thomæ, quod uxorem, & quidem primus duxisset, ab officio removet Capitulum Thomanum. Antonius Senatûs opem implorat. Idem faciunt cives nonnulli per libellum supplicem, in quo indignissimum esse conqueruntur: improbari honestum coniugium, scortationes & fœdas libidines probari.

DIVEXATI ob professionem Evangelicam fuere plurimi.

MILTENBERGA ditionis Moguntinæ est oppidum ad Mœnum. Audierunt eius incolæ Doctorem Joannem Draconem Karolo-  
stadium, sinceræ fidei præconem, annum in-  
tegrum,

Rabus in  
Martyrolo-  
gio Germa-  
nico.

integrum, & quidem magnâ devotione. Fremit & frendet, quicquid est sacrificulorum in oppido: acculatur Joannes ad præfectos Moguntinos: à sacrificulo quodam etiam excommunicatur. Sed sacerdos ille periculum vitæ vix effugit, à Joanne adversus furem populum defensus. Præfecti Miltenbergenſibus mandant, ſi vitam, ſi bona ſalva velint, Paſtorem dimittant. Parent illi, Diaconum Evangelicum retinent. Abit Draco, & cum eo, metu plebis, omnes ſacrificuli urbem deſerunt, ſecuritatem vitæ à Præfectis petentes. Illi oppidum vi armatâ invadunt, Diaconū capiunt, civibus lectionem pomorum ſarcaſticè mandant, lectione Bibliorum interdiciunt, & imposito præſidio omnes ad Papifticarum ceremoniarum uſum cogunt. Qui ad capiendum Diaconum in viduæ cuiuſdam domum miſſus erat ſatelles, in eius amplexus irruens Diaconus, *ſalve*, inquit, *mi frater: frater enim verò meus es: en adſum, transfode me, vel ſuffoca me*. Cui ſatelles, quaſi cœlitus immutatus: Domine, à me quidem nihil mali exſpectes. Cumq; ruſtici accuriſſent, Diaconum perempturi, illorum quoque impetum ſatelles ille prohibuit. Milteberga igitur prima inter Germaniæ civitates propter Evangelium vim paſſa eſt.

Lutherus Miltebergenſes epiſtolâ conſolatur, argumentis: quod ferant iſta in cauſa Dei:

Epist. legitur  
Tom. 2.  
oper. Luth.  
Jen. Germ.

sa Dei: quòd momentaneæ sint afflictiones, & quidem corporis bonorumq; fortunæ, nō animi: quòd vindicta optima sit Christianorum, gloriari in cruce: quòd etiam in illis adimpletum illud: *Ex ore infantium & lactentium fundasti virtutem, ut aboleret inimicum & ultorē.*

Deniq; quod sub pœna capitis & bonorum Miltebergensibus interdictum erat colloquiis de Dei verbo, consulit illis, ut qui fortes spiritu sunt, mandatum illud floccitaciant: qui infirmiores sunt, tacitè in Domino gaudeant, Deumq; rogent: ut animet se quoq; ad publicam veritatis professionem.

Exstat scriptum edictum.

Eosdem Miltenbergenses epistolâ plenâ spiritu Erfurto missa solatur D. Joannes Draco Carlstadius, primus illorum Evangelista. Proponit illis considerata: voluntatem Dei: osculum crucis sponso Christo apud sponsam suam solenne: *σάουροφόνον* Christū ipsum: crucem perpetuam Evangelii prædicati & crediti sociam: baptismum in conformitatem crucis & gloriæ Christi: persecutionis fructum: fidelitatem Dei, nō onerantis nos supra vires: preces multarum Ecclesiarum pro ipsis.

HARTMUNDUS à Cronberg, capto oppido Cronberg à Ludovico Electore Palatino, Richardo Trevirensi, Philippo Hassiæ Landgravio, in exilium pellitur. Solatur autem seipsum Epistolâ ad Argentineneses: quod præviderit hanc Evangelii sortem: quòd Dei volunt.

voluntate, quòd innocens denique, quippe propter solam Evangelii professionem, hæc talia patiatur. Lutherus feriâ quartâ post Invocavit (verbis ipsius utor) ad Georgium Spalatinum, D. Hartmannus Cronbergius, inquit, jū- Tom. 2. e-  
*Etus Alberto Comiti à Mansfeld, nobiscum est,* pist. Luth.  
*& utrumq; in monasterio prandio excepimus, vir* pag. 116.  
*tanta passus, adhuc satis firmus in fide stat.*

JOANNES OECOLAMPADIUS de se, & ULRICO Hutteno ad Hedionem 21. Januarii hoc scribit: *Sunt hic (Basileæ) ex Sacerdotib. & Theologis, qui de me pessimè loqui cupiunt: nec desistunt, ubi clam conveniunt. Tantum machinati, ut Hutteno non fuerit tutum diutius hic agere: unde & nudius tertius hinc discessit: quorum autem, nescio.*

ARSATIUS Schoverus juvenis à Theologis Ingolstadianis squalore carceris & mortis propositæ metu ad canendam septimâ Septembris palinodiam, adactus fuit. Quam Historiam  
habet Lu-  
dovicus  
Rabus in  
Martyrolo-  
gio Ger-  
manico  
lib. IV. rem indignissimè tulit nobilis fæmina, Argula de Grumbach, & per literas super ea cum Baviaræ Duce expostulavit. Arsatius pœnitentiâ ductus, è monasterio, in quod detrusus erat, profugit, V Vittebergam venit, lapsum confessus absolutus, & in Prussiam missus est, ad docendum Evangelium, unde reversus in Ducatu V Virtembergico 1536. Lenbergæ, & postea V Vinedæ ad annum usque 1542. docuit, editâ Postillâ, & fidei suæ confessione.

JOAN-

Rabus ibi-  
dem.

JOANNES VOIGT Monachus Franciscanus Vinariæ in Thuringia propter purioris doctrinæ professionem duriter à fratribus suis tractatur.

Rabſſib.

JOANNES APPEL & FRIDERICUS FISCHER, Canonici & Conſiliarii Episcopi VVürtzburgensis, quod uxores duxissent, & Evangelio faverent, incarcerantur, & post trium mensium captivitatem, interveniente Cæsarei regiminis petitione, ægrè ab Episcopo dimittuntur.

CASPAREM HEDIONEM antequam Argentinam abiret Moguntia cum fratribus nonnullis Pontificii acerrimè prosequuntur. Joannes Reiffenstenius Hedionem ad Constantiam hortatur divino hoc epistolio :

Ex Biblio-  
theca He-  
dionis.

*Gratissimum mihi est, quod Sacerdotes Papistici te, Eberbachium, M. Andream, usque adeo persequantur. Eâ enim ratione palàm sit, doctrinam vestram esse Evangelium, atque adeo ipsum Christum, quanquam hac tantùm praludia sine futura vestra persecutionis. Vos viros esse decet, tantoq; libentiùs, quantò promptiùs innocentissimus ille Christus, cujus Evangelium vos predicatis, amarissimam mortem, pro omnibus nobis pertulit. Fecit itaq; Dominus, ut filii sui dogmata predicatorum sanguine stabiliantur. Quid enim aliud vobis expectandum est, doctrinam Christi profitentibus, nisi crux Christi? Hac hac vera est benedictio, quâ benedixit Dominus suis, hanc Martinus sitit,*

nes



*nec dubium, quin sensurus sit. Quod superest, vos  
admoneo, ut magno & infracto animo in vinea Do-  
mini laboretis. Deijcite verbi gladio opera illa Pa-  
pistica, Missas, indulgentias, caterasq; cauponatio-  
nes Monachorum, sacerdotum Baal. Prædicate  
fidei justitiam, qua non ex nobis, sed ex Deo est. Eri-  
gite magna fiduciâ signū illud Iona, quo solo omnes  
justificamur, quoq; omnia alia Pharisaorum signa  
pessundantur. Neque hac tam liberè admonco, quod  
verear, ne prædicetis Evangelium, sed ut alacrius  
subinde liberiusq; prædicetis, nec more Erasmi  
tergiversemini, ac per cuniculos vos volvatis, ut  
ne intelligentes quidem intelligant. Veritas enim  
fuce non indiget.*

PAULUM SPERATUM, nobilem Suevum,  
qui Augustæ, Herbipoli, Saltzburgæ & Vien-  
næ constanter & intrepidè Pontificios ab-  
usus taxârat, ex Iglavia urbe ad dicendam  
causam evocatum, Episcopus Olomucensis  
in tetrum carcerem condit, ex quo divinitus  
elapsus, V Vittebergam venit, ætatis 40.

Chytræus.  
Dresserus.

Nobiles virgines Misnicæ, numero tres,  
Hanna à Draßwitz, Milia ab Olsnitz, & Ur-  
sula à Feylitzin ex aula Friburgensi Ducis Sa-  
xonie Henrici oblectionem librorum Luthe-  
ri ejiciuntur. Has Lutherus, monitu Nicolai  
Ambsdorffii, epistolâ solatur.

Tom. 2. e-  
pist. Luth.  
pag. 137. b.

HENRICUS Sutphanienſis, Bremensium  
Evangelista, ut tanquam Cæsaris captivus  
(Antuerpiâ enim, vim metuens Papicolarū,

Ibidem p.  
152.

profugerat) sibi dedatur, Margareta Austriaca à Bremensibus postulat.

Tom. 2 e-  
pist. Luth.  
Chron con  
Faulingen.  
M.S.

FRANCISCUS LAMBERTUS Monachus familiae Franciscanae, qui superiore anno Avinionem Tigurum profectus, cum Zwinglio de invocatione sanctorum contulerat: & vi veritatis victus, cucillum exuerat, VVittembergæ hoc anno exulat, & liberalitate Principis Electoris tantisper sustentatur, dum ductâ ibidem uxore, Argentinam se recepit.

ACCUSATIONES & divexationes audivimus hæctenus. Nunc virgas & mortes fidelium intuebimur.

Historia  
Ecclesiasti-  
ca Gallica  
lib. I, p. 6.

JOAENES Clericus Meldensis, quod schedulam Meldis affixerat valvis summi templi eius urbis contra indulgentias, à Papamissas, in qua scripserat, eum esse Antichristum, virgis cæditur, & imprelsâ in fronte notâ ignominiosè afficitur. Mater hæc videns, animum ei addit, exclamatq;: *vivat Christus, eiusq; insignia*. HENRICUS Voes, & JOANNES Etch, Monachi Augustiniani Antuerpienses, sub inquisitore Jacobo Hogostrato Dominicano, ob Evangelii doctrinam Kal. Julii Bruxellis exusti, primam martyrii gloriam in Germania meruere. Historiam vir quidam doctus, qui incendii spectator fuit, eleganti complexus est epistolâ, quam, quasi de novo primis Germaniæ Martyribus post annorum nonaginta quatuordecursum, parentaturi, lectori pio meditantam

tandam subiicimus: Sic igitur autor: *Exhibitū fuit nobis hisce diebus spectaculum, miserabile dicerem, si ij. quorū miseret et spectatores, miseri sibi, & non beatissimi visi fuissent. Si vacat, & lubisum est audire, accipe paucis rei summam. Ex cætu illo Augustinensium, qui ex civitate Antuerpiæ Vilfordiam capti vi perducti fuerunt, tres numero in heresi sua perstiterunt, cateris palinodiam canentibus. Nihil non tentatum est, ut ij eandem, quam fratres cecinerant, canerent cantionem. Vbi viderunt se, quibus id negotii datum erat, cum omnia agerent nihil agere, decrevere nimium pertinaces extremo tradere supplicio, Transportantur Bruxellam, asservantur in carcere diligenter. Conveniunt eodem M. N. Lovanienses. Fama quia nulla ferè diem supplicij præcesserat, paucos alios aliunde huc pertraxit. Pridie Visitationis Deiparæ Virginis concurritur in forum. Conveniunt ordines Mendicantium tres, neg, enim plures, uti nosti, hic sunt, præeunte vexillo crucis, veluti solent, cum solenni pompa incedunt. Confidentibus ordine jam sacra Theologia Professoribus, Abbatibus, mitris & gemmatis pedis conspicuis, qui loco Episcoporum aderant, & alijs nōnullis in pulpito. Nam pulpitum erectum erat per amplum ante Basilicam, quam vulgo Senatoriam domum vocant. Sub horam undecimam ducitur per forum è tribus natu minimus, qui, ut annis ab alijs superabatur, ita doctrinā & facundiā præstabat. Ductus intro in ibiq, paululū moratus, prodit in pulpitum, indutus sacerdotali panopliā. In medio col-*

locata erat mensa, instar altaris ornata & instrata, ante hanc flexis genibus procumbit: ibi omnes, veluti stupentes, oculos defixere in eum. Nullam trepidationis, aut perturbati animi significationem cernere licuit. Atergo consistens concionem incipit *Minoritarum Gardianus*, ex adverso ceremonias, aperto codice, auspicatur *Episcopus*. Horam totam, dum hic ceremonias peragit, ille concionatur, eodem corporis habitu, vultuq, eodem juvenis durabat. Ego cum concionatorem præ turba intelligere nequire, quod & aliis accidebat, totus intendebar in reum. Quod verum esse constat, quorsum dissimulemus? Vultus compositus & placidus, non modò mortis contemptum, verum etiam summam modestiam ac mansuetudinem præ se ferebat. Precationibus & sacris contemplationibus intento assimilis videbatur. Postea jussus nunc hoc, nunc illud facere, mirum quàm promptè, quam non gravatè paruerit. Ferunt dixisse obiter, se fore obedientem usq, ad mortem. His peractis ceremoniis, ubi ex sacerdotibus factus fuisset, quem vulgus laicum, aut secularem vocat, mutato vestitu intrò abit. Post prodeunt duo reliqui, facie horridiores, nimirum barbati: cum juvenis ille, quem memoravi, mento non esset hirsuto, sed formam mirum in modum decenti & satis venustà: sed prodeunt vultu eandem constantiam & alacritatem attestante. Quid multis? Et his adimitur sacerdotium, ac Monachatus sacramentum: ex sacris prophani effecti, relinquunt pulpitem. Post paulum educuntur duo, primus ille, & alter è posterioribus. Iter ad ignem,

qui in eodem, ubi hæc acta sunt, foro, parabatur. Interea dum ducuntur, dum exuunt sese vestibus, multa audiebantur ex illis, qua argumenta clarissima omnibus fuissent sanarum & piarum mentium, & veluti gesticientium cum Christo coniungi soluto corpore, nisi persuasum fuisset, hærescos esse convictos. Subinde testificati sunt, se mori Christianos, se credere in sanctam Catholicam Ecclesiam. Aiebant, hunc esse diem, quem diu expectassent. Iam vestibus nudati, relicto tantum indusio, stetere diu, magis ipsi palos amplectentes, quam alligati. Ignis lentius succedebatur, id consilio factum sit an casu, equidem affirmare non ausim. Quid? inquis, non languescebant tam diuturnâ morâ vexati? non demittebant animos jam fumo subvolante, mox flammâ subsequuturâ? Quod si ex gestibus, fronte, oculis, denique ex toto vultu judicare convenit, quæ omnia veluti loquuntur, & non rarò certius & meliori fide animum aperiunt quàm lingua: fiducia, constantia atque alacritas, quæ summa fuerant semper, incrementum sumere videbantur: tum potissimum emicabat, nescio quæ hilaritas, adeò ut multis ridere viderentur. Præter alia recitabant symbolum fidei, & canticum Ecclesiasticum: Te Deum laudamus, idque alternis dicebant. Alter dum ignem succendi sub pedibus aspiceret, agebat, videri sibi rosas substerni. Tandem exorta flamma vocem utriusq; interceptit. Ego semper ab eiusmodi spectaculis naturâ abhorruì, & lubenter abstinui, neque

hic spectator esse potuissem, nisi ipsi, de quorum capite agebatur, mihi, qui otiosus in tuto spectabam scrupulum omnem suâ magnanimitate & vultûs hilaritate eiecissent. Tertius productus non fuit, id quare factum sit, compertum non habeo. Quidam hunc resipuisse narrant, verum quando ad populum reductus non fuit, publicè recantaturus, omnibus id persuaderi non potest. Quidam suspicantur, clam necatum. Vtut se res habet, diu latere non potuit. Postridie cum dies esset sacer Diva Virginii, Minorita hic in concione populum admonuit: ut, si forè rogaretur ex ipsis, quis fuisset exitus eorum, quos concremari vidissent, dicerent, obÿsse in fide erronea Lutheri: accepisse ex quibusdam, dictitâs, se, in extremomomento defecisse eos ab erroribus, quod quidem precibus quorundam, & D. Virginis beneficio, qua miraculum edidisset, factum ajebat. Idem ferè asseverabat Lovaniÿ, nam redierat cò M. N. Nicolaus Egmondanus, narrans à prandio in concione, se horâ undecima literas accepisse à probo & optimo viro. Francisco ab Hulst, cui provincia à Casare demandata est investigandi & persequendi hæreticos, quibus significari ajebat, Augustinianos illos, hæreseos damnatos & exustos, redÿsse cum jam flamma submoveretur, rejectis erroribus, ad sanio rem mentem. Quod quia constanter hoc negant, quotquot proxime ignem astiterunt, tacuisse fortassis præstiterat, nisi si quis id ex abundantia charitatis, qua omnia sperat, factum existimet. Benè vale. Bruxellæ sexto Idus Julij.

Lu.

LUTHERUS hos Monachos ob confessionis constantiam, cantico, quod in multorum est ore, celebravit, & ut sui temporis primos martyres canonizavit. Et sanè mors istorum fuit vita Ecclesiæ. *Bruxella*, inquit Erasmus, *duo Augustinenses publicitus affecti sunt supplicio. Quaris exitum? Ea civitas, antea purissima, cæpit habere Lutheri discipulos, & quidem non paucos. Savitum & in Hollandia. Quid multis? Ubicunq; fumos excitavit nuntius* (Aleandrum intelligit, quem & διπλωματοφόρον nominat, vi bullæ Lutheri libros incendentes) *ubique savitiam exercuit Carmelita, ibi diceres factam hareseon sementem. Et alibi. Bruxella primum exusti sunt duo. Tum demum cæpit civitas favere Lutheri.*

Lib. 16. o.  
pist. 13.

Lib. 21. o.  
pist. 7.

Obiit hoc anno Adrianus Romanus Pontifex, non sine veneni suspitione, decimâ tertiâ Septembris, & obiit (quem admodum Guicciardinus loquitur) *parvâ sui sive ob temporis, quo regnavit, brevitatem, sive quod rerum esset imperitus, opinione relicta, & cum totius Curia incredibili voluptate.*

Hic Pontifex dubiū posteris reliquit, simulatene an seriò Romanæ Ecclesiæ reformationē meditatus sit. Qui in benigniorem sententiâ inclinant, ut <sup>a</sup> Vergerius, <sup>b</sup> Pontanus Isacius, & alii, non credunt, hominem Hollandum à Batava simplicitate ita repente deflexisse: credunt autem eius legato in con-

<sup>a</sup> Annotationibus ad Catalogum Hæreticorum Romæ editum anno 1559.  
<sup>b</sup> In vitis Pontificū Lydii.

ventu Norico ingenuè Romanæ Curia peccata confitenti, emendationem pollicenti, gravaminum, quibus Principes se à Pontificibus Romanis gravari putent, catalogum poscenti. Moventur & eo, quod Papæ Adriani successores tum omnem illam Adriani legationem, tum centum illa gravamina inter hæretica scripta rejecerunt, grave supplicium comminantes omnibus, qui illa legerint, aut domi habuerint. Nec dissimulant, hanc rem fatum accelerasse Adriano, quippe qui suspectâ morte vix secundum Pontificatûs annum ingressus, obierit, & cuius tumulo Romæ in æde quam Teutonum vocant, hæc verba inscripta legantur: *O in qua tempora optimi cuiusque virtus incidit! Qui contrâ sentiunt, Sleidanus, Balæus, Lydius, &c. Pontificum hanc ajunt esse technam, quando Conciliû & notionem causæ tardare volunt, ut liberaliter & prolixè polliceâtur, quò spatium intercedat comparandi Regum gratias, & alia tentandi. Nec abludit ab his Erasmus. Huic, ait in epistolâ quadam, (Adriano puta) per certum hominem significavi, me libenter communicaturum quod videretur, modò liceret impunè. Exegit, ut id facerem brevi. Non offensus est, sed tamen non respondit. Vndè facile divinavi, non idem illi placere, quod mihi videbatur expedire. Mens Adriani quæ fuerit, Deus novit.*



FRANCISCUS à Sickingen Eques Caspar Sturmius.  
 Germanus , Lutheranæ hæreseos capita- Caduceator, Historiâ Germanicâ debellati Franci-  
 sci.  
 neus à nonnullis dictus , infelici bello im-  
 plicitus, quod gesserat anno superiori con-  
 tra Archiepiscopum Trevirensensem , obside-  
 tur à Palatino, Trevirensi, & Hassio in arce

Landstall / decussoque ex bombardarum ictu  
 tramite, læditur, & septimâ Maii, ætatis an-  
 no 42. moritur , salutatus paulò antè quàm  
 animam ageret, à tribus Principibus, hosti-  
 bus suis. Mira hinc Pontificiorum tripudia,  
 miræ ovationes subortæ. Videbatur enim Chytræus.  
 Franciscus Brutus quidam esse, qui Germa-  
 niam ab Episcoporum tyrannide esset vin-  
 dicaturus. Sed desertus fuit ab iis , qui se  
 polliciti erant adversus quosvis illi opem la-  
 turos esse: nec audiit Lutherum, genus hoc  
 bellorum planè improbantem.

ULRICUS quoque Huttenus , acerti- Bullinger  
 Chronico  
 M. S.  
 Camera-  
 rius in vita  
 Melanch-  
 thonis.  
 mus Lutheri patronus, Nobilis Francus,  
 mense Augusto in insula lacûs Tigurini,  
 Helvetiis Biffnort dictâ, quæ Eremitæ Abba-  
 tem Dominum agnoscit , apud Joannem

Schneckum , felicem *εὐδαίμωνος* cu-

ratores , moritur æta-

tis 36.



## ANNVS CHRISTI M D XXIV.

**A**D subvertendam Evangelii doctrinam omnes hoc anno machinas adhibebant politici æquè ac Ecclesiastici.

E Politicis, Cæsar, Imperii Principes in conventu Norico, Ferdinandus, solus, & cum confœderatis, Henricus VIII. Rex Angliæ, Ludovicus Rex Ungariæ & Boëmiz: Duces, Bavarus & Lotharingus: Mentenses, Diethmarsii, Antuerpiani, Duodecim deniq; Pagi Helvetiorum, in opprimendo Evangelio toti fuerunt.

**Sleidanus.** CÆSAR per Joannem Haunartum Principibus mandat: ut edictum Vormaticense de exterminandis Lutheranis magno studio fervent.

**Acta Con-  
ventus Ne-  
nici.**

PRINCIPES Imperii Noribergæ congregati, se, quantum eius præstare possint, facturos pollicentur. Quod ubi Lutherus rescivit, dentato scripto de Germaniæ cœcitate conquestus est, oblatam sibi salutem repudiantis.

**Martyro-  
logiū Rabi.**

FERDINANDI Austrii permissu Vientiæ Caspar Tauberus civis Viennensis, constans Christi confessor, capite truncatur, mense Septembri.

Idem

Idem Ferdinandus M. Jacobum Otterum Nicolaus Gerbelius ad Schwebelium.  
 ex oppido Kenzingen, quod supra Argentinam trans Rhenum aliquot milliaribus situm, mense Julio pellit: expulsus concionatorem centum & quinquaginta auditorum ad proximum pagum comitatur honoris atque pietatis causâ, ibique per aliquot dies moratur: postea ad uxores liberosque redituri, ingressu oppidi prohibentur, Navibus igitur Argentinam descendunt. Interim Friburgo, & Ensisheimio advolans manus armata, oppidum occupat, Evangelii reos in vincula quaestionesque coniicit. *Ferunt*, inquit Gerbelius, Epistolâ ad Schwebelium. *hesterno die Archigrammatem, illic strenuum virum, capitis supplicio punitum: quod contra decretum Ecclesiae, Bullam Pontificis, & Caesaris Mandatum, proximis mensibus utramque partem iuxtaeque sumpserit. Quindecim adhuc superesse dicunt, eodem supplicio puniendos, Argentinæ feriâ 4. post Ulrici.*

Idem FERDINANDUS, Caesaris frater, Sleidanus, Campegius, Salisburgensis, Bavari fratres, Tridentinus, Ratisbonensis Episcopus, itemque Episcoporum, Bambergici, Spirensis, Argentinensis, Augustani, Constantiensis, Basiliensis, Frisingensis, Passaviensis, Brixinensis, legati, à conventu Noribergico Ratisbonæ conveniunt, decernuntque:

1. *Ex Caesaris & Leonis X. iudicio, secundum VVormaticense edictum, Lutheri doctrinam, ut haeticam, damnandam.*

2. *Edi-*

2. *Edictum illud per fines suos servandum.*
3. *In Missa nihil mutandum.*
4. *Traditionum Pontificiarum violatores mul-  
tandos.*
5. *Lutheri libros non vendendos.*
6. *Qui VVitteberga discant, domum revo-  
candos.*

Qui mirantur, inter Germaniæ Principes, solos ferè Bavaros Pontificiæ doctrinæ tam constanter adhæsisse, causam in hunc conventum reiiciant, astutiâ Campegii institutum; ut, quod in generali Principum conventu non potuit, in particulari perficeret.

HENRICUS Anglorum Rex Erasmo Roterodamo persuadet, ut stylum stringat adversus Lutherum. Prodit igitur mense Octobri *Diatribæ de Libero Arbitrio*. Invitus in hanc arenam descendit Erasmus. Testatur ipse ad Emserum. *Quid meâ Diatribâ civilius? Quid profecit tamen, nisi quod Lutheranos excitavit ad maiorem insaniam? Id non ignarus futurum, tamen morem gessi Regi & Cardinali Angliæ (VVolfxo) Pontifici (Clementi) & doctis aliquot amicis: non tacens interim, quid esset sequuturum.* Et ad Melanchthonem clariùs: *Miraberis, inquit, cur emisim libellum de libero arbitrio. Sustinebam triplex agmen inimicorum. Theologi & bonarum literarum osiores nullum non movebant lapidem, ut perderent Erasmus,*

Epistolarū  
libro xviii.

Epistolarū  
lib. xix.

smum, cum, quòd attacti essent libris meis, tum quòd collegium illud florentissimum invexerim Lovanium, eamq; regionem totam infecerim linguis ac bonis literis, sic enim illi loquuntur. Hi Monarchis omnibus persuaferant, me iuratissimum esse Lutherò. Itaq; amici, videntes me periclitari, spem prabuere Pontifici & Principibus, fore ut aliquid ederem in Lutherum. Eam spem & ipse pro tempore alui. Et interim isti, non expectato libello, cœperant me libellis lacessere. Nihil igitur restabat, nisi ut ederem, quod scripsissem, alioqui & Monarchas habuissem infensos, quibus visus fuisset dedisse verba, & isti tumultuosi clamassent, me metu premere, & atrocius aliquid expectantes impotentius savissent. Postremò quoniam epistola Lutheri iam est in manibus, quâ pollicetur, se cohibiturum calamum in me, si conquiescam, viderer ex pacto non edere. Adhuc qui Romæ profitentur literas Ethnicas, ipsi Ἐθνικώτεροι, mirè fremunt in me, invidentes, ut apparet, Germanis. Itaq; si nihil edidissem, prabuisset ansam & Theologis & Monarchis, & illis Romanensibus figulis, quorum Alpha, ni fallor, est N, ut facilius persuaderent Pontificibus ac Monarchis, quod persuadere conabantur. Postremò hos furiosos Evangelicos habuissem iniquiores. Nam ipse rem tractavi modestissime: & tamen quod scribo, non scribo adversus animi sententiam, quanquam ab hac quoq; libenter discessurus, ubi persuadebitur, quod rectius est.

In

In hac *Agrippin* sive collatione præmonet Eras-  
 asmus: non expedire ad pietatem, materiã  
 hanc altius scrutari, & quærere de præscien-  
 tia Dei cõtingenti: An purè passivè se volũ-  
 tas hominis in spiritualibus habeat, nec ne?  
 An omnia merã necessitate faciamus; Dein-  
 de tacitè confert veterum Patrũ, qui liberũ  
 arbitrium agnoverunt, multitudinem, cum  
 novorum Doctõrum, qui servum arbitrium  
 prædicãt, paucitate, laudatq; veterum pie-  
 tate, eruditione, miraculis, novorum autori-  
 tatem non sine sarcasmis minuit. Tum post-  
 quam definivit *liberum arbitrium*, quod sit *vis*  
*humana voluntatis*, quã se potest homo applicare  
*ad ea, quæ perducunt ad æternam salutem, aut*  
*ab iisdem avertere*, recenset loca sacræ scri-  
 pturæ, quæ ipsi visa sunt liberum arbitrium  
 statuere: diluit ea, quæ ex adverso stare vi-  
 dentur: incommoda & absurda enumerat,  
 quæ consequantur, si semel funditus tollatur  
 liberum arbitrium: placere sibi ait, senten-  
 tiam illorum, qui *nonnihil tribuunt libero ar-*  
*bitrio, gratia plurimum*: docet, hac sententiã  
 receptã, nihil perire eorum, quæ Lutherus  
 piè quidem & Christianè disseruit, de sum-  
 ma charitate in Deum, de abiicienda fidu-  
 cia meritorum, operum & virium nostrarum,  
 de tota fiducia transferenda in Deum & il-  
 lius promissa.

Tom. 2. c.  
 pñ. pag.  
 238.

Lutherus quid de libello hoc senserit, ex  
 cpi-

epistola ipsius ad Spalatinum videre est. Sic autem ibi: *Incredibile est, quàm fastidiam libellum de libero arbitrio: nec dum ultra duos quaterniones eius legi. Molestum est, tam erudito libro respondere, tam eruditi viri.* Feriâ terciâ omnium Sanctorum.

LUDOVICI Ungariæ & Boëmiæ Regis, <sup>Boëmiæ</sup> juvenis bonitate abutebantur Pragenles in <sup>piz lib. xii.</sup> Boëmia, & Budenses in Ungaria. Pragenles decretis, carceribus & exiliis in Lutheranos, & Fratres. (quos Picardos vocant) hoc anno sæviebant. Et persuasus ab illis Rex Ludovicus Carolo Duci Münsterbergensi, Georgii Podiebracii nepoti, Boëmiæ gubernatori mandabat: ut omnes Lutheranos & Picardos in exilium proliceret. Budenses in Ungaria Georgium quendam, Bi <sup>Tom. 2. e.</sup> bliopolam, unâ cum libris Evangelicis exul- <sup>pist. Luth.</sup> <sup>pag. 243.</sup> serunt.

DUCIS BAVARIÆ tyrannidis meminit Lutherus epistolâ ad Lamberrû Thorn. <sup>Tom. 2. e.</sup> Et alibi: *in Bavaria, inquit. multum regnat* <sup>pist. Luth.</sup> *crux & persecutio verbi, etiâ nō palàm seminati.* <sup>pag. 236. b.</sup> <sup>Sleidanus.</sup>

DUX LOTHARINGIÆ Antonius factô decreto, quoniam doctrina Lutheri damnata sit à Pontifice Romano, & à Cæsare, & à celeberrimis Academiis, mandat suis, ne quis pro concione aliquid eius generis doceat. Item, qui libros habent ullos à Luthero scriptos, intra certû diem exhibeant:

melius audiri posset, ascendit, & Evangelium de quinque panibus & duobus piscibus pie explicavit. Postero autem die sacco indutus propter metum populi, subito in profluentem coniectus est.

HELVETIORUM Pagi duodecim xxvi. Chronicon Bullingeri. Siedanus.  
 Januarii in conventu suo Lucernensi decernunt: Pontificiam religionem retinendam: reliquias Sanctorum à nemine ridendas: qui contra fecerint, Magistratui esse deferendos.

Vigesima prima Martii Tigurum veniunt Chronicon Bullingeri.  
 eorundem Helvetiorum legati, articulos bene multos Tigurinibus proponentes, rogantesque, ut missa reformatione Ecclesiarum suarum, in maiorum decretis persistant. Qui iidem, si Tigurinibus grave sit iugum Pontificum, Episcoporum, Abbatum &c. operam se duros promittunt, ut gravamina ista tollantur. Quibus humaniter & benigne dimissis, Tigurini scriptum ad Helvetios mittunt, in quo protestantur, multa de quibus accusentur (ut de contumeliis Virginis Mariæ, & similia) in ipsorum ditione non fieri: quæ autem mutata sint in melius, ea reprehensionem non mereri, quia talis reformatio cum verbo Dei minimè pugnet: neque se ab Episcopis, ad quorum iurisdictionem Ecclesiasticam Helvetii pertineant, neque ab Academia Basiliensi, ullius erroris esse convictos. Respondet



etiam speciatim ad singula accusationis capita : Et se per conscientiam suam non posse aliter agere, nisi error demonstretur : idq; ut fiat ab ipsis, ab Episcopis & ab Academia Basiliensi, ante finem mensis Maii, vehementer orare : cum enim terminum sese expectaturos.

HÆc Politicorum in Evangelicos hoc anno fuit sævitia. Non minore in eisdem adhibuerunt Ecclesiastici, Papa, Cardinalis Lotharingus : Archiepiscopi, Moguntinus, & Rigenfis : Episcopi Danici, Spirensis & Argentinenfis, Provincialis item Augustinianorum, Conradus Trögerus.

**Sleidanus.** PAPA Clemens VII. ad Comitata Noribergensia, hoc anno continuata, Cardinalem Campegium mittit : qui absentem Fridericū Saxoniz Electorem Papæ & suis literis, amanter admodū scriptis, hortatur : ut populi licentiam & sacrarū legum atq; ceremoniarū mutationem graviter & masculè ulciscatur. Deinde Principes ipsos in Comitibus rogat, ne ullam in Religione innovationem fieri patiantur, dissimulans, sibi de responso Principum superiori anno legato Adriani Pontificis dato, quicquam constare, nisi quod privatim ad se scriptum, sub titulo Principum delatum sit, quod ille existimet, odio privato à quibusdam adversus Romanam Rempublicam confectum.

CAR-

CARDINALIS LOTHARINGIUS Franciscus  
 su Joannes Castellanus Thornacensis, Do- Läbertus,  
 ctor Theologus, ( qui in Campania, in prefatione  
 regione Partensi, in Urbe Vicensi, Epi- in Michä  
 scopi Metensis sede, tandemque Metis & Oseam,  
 magno zelo Evangelium docuerat ) in itine- Prophetas.  
 re interceptus quartâ Maii carceri manci-  
 patur, in quo crudeliter novem menses ha-  
 bitus, duodecimâ die Januarii anni sequen-  
 tis ab ordine sacerdotali degradatus, ab ur-  
 bis Vicensis magistratu vivus crematus  
 est.

ALBERTUS Archiepiscopus Mogunti- Tom. 2 epi-  
 nus ut superioribus annis Halberstadii & pist. Luth.  
 Miltenbergi, ita hoc anno Halæ Saxonum pag 181.  
 in cives Evangelicos sævit.

JOANNES Blanckefeld Berlinensis, Ar- Chytræus.  
 chiepiscopus Rigenfis, Jurisconsultus cele-  
 bris, & Revalienfis ac Derbatenfis in Livo-  
 nia Episcopus, Casparo defuncto succedit,  
 & à civitate Rigenfi missis in urbem inter-  
 nunciis, & confirmatione privilegiorum ge-  
 nerali, iuramentū subiectionis debitū exigit.  
 Cū autem religionis emendatæ, qualē ci-  
 vitas experebat, mentionem nullā in specie  
 faceret, ac insuper duo templa & *παροικίας*  
 civitatis sibi suisque reddi flagitaret, re in-  
 perfectâ illi dimissi sunt. Paulò post Kaken-  
 Rhusiâ Archiepiscopus Rigenfis arcem & opi-  
 dum ingressus, contra fidem civibus datam

pastorem Bernhardum Bruggemannum, & collegam illius Paulum Bloshagium, & scholæ moderatorem Gisebertum Schofferum, idola Pontificia improbantes, oppido pellit, & non ditione modò suâ, sed & urbe Rigâ, nondum ei subiectâ, iis interdicit. Lemsalem postea ministro Ecclesiæ pio, ac erudito, eiccto, nobilitatem diœcesis omnem iuramento sibi astringit. Hinc ad Rigensem civitatem legatos, iuramentum fidelitatis ac subiectionis debitum flagitantes, denuo mittit. Quæ simpliciter respondet, nisi de religione & doctrina Evangelii instaurata, quam privilegium & ornamentum civitatis præcipuum ac summum censeant, & de templis omnibus rectè sibi cautum sit, non posse se iusiurandum, quod flagitet, dare. Cùm enim videant, Archiepiscopum omnes ingenii ac potentiæ suæ nervos, ad extirpandam funditus puriorem religionem, quam ipsi vel cum vitæ periculo retinendam ducant, intendere, parum se de Archiepiscopi gratia, amore & fide sibi posse polliceri aut concordiam sperare. Quod si in fidem eius concesserint, perpetuas animorum distractiones, inimicitias, bella & clades, atque adeo interitum animæ & corporis, bonorum & fortunarum omnium suarum, totiusq; urbis exitium sequuturum se prævidere: cui occasionem præbere incōfide.

sideratâ iuramenti præstatione non decreverint. Sic gravius etiam exacerbato Archiepiscopo civitas Rigensis, à Magistro ordinis, VValtero Plettenbergio auxilium & defensionem contra Archiepiscopū petit, eumque solum Dominum se agnituram esse profitetur: (antea enim Rigenses Archiepiscopo & Magistro ordinis ex æquo iuramentum fidelitatis præstare, & provocationes à sententiis Senatûs ad utrumq; pariter fieri solebant) Is receptis in tutelam Rigensibus initio sequentis anni, urbem illustri & solenni pompâ de novo ingreditur. Quâ occasione primùm reformatæ religionis liberè in tota urbe exercendæ privilegium ab hoc Livoniæ Magistro, illiusque deinceps successoribus, impetrârunt. Canonici verò Rigenses benevolentiam & fidem suam erga civitatem Rigensem multis verbis prædicantes, cum partem urbis quam tenebant, se suo sumptu munire velle, & omnia summa polliciti essent: paulatim præmissis omnibus suis fortunis, ex urbe discedunt, & machinas ac tormenta ex tûrribus ac mœnibus detracta clam subducere conantur. Quâ eorum perfidiâ animadversâ, Senatus omnes eorum domos, molendina, agros, & fundos urbi vicinos occupat, & suis civibus colendos distribuit, & partem illam urbis aggeribus & valis cinctâ firmissimè munit, cōcessa tamē

Canonicis liberâ urbem ingrediendi, & hospitio civium utendi, cùmque illis commercia exercendi facultate. Gravissimè autem exacerbatus his Rigensium actionibus Archiepiscopus, & cum Magistro ordinis, cuius patrocínio illi nitebantur, similitates & odium immane exercens, cum Moschis consilia communicare adversus Livoniæ Magistrum, in vulgo spargebatur. Itaque universâ nobilitate, collegiis & populo adversus eum inflammato: publica Livoniæ Comitia V Volmariz instituta sunt, in quibus suam innocentiam omnibus ordinibus Archiepiscopus demonstrare conabatur. Sed tandem communi consensu res eò deducta est, ut deinceps Archiepiscopus cum omnib. suis suffraganeis Episcopis, collegiis, iuribus, sessione, &c. Magistro ordinis eiusque successoribus se perpetuò subiiceret: ac deinceps nihil vel iure vel armis, inscio Magistro, contra Rigenses se moliturum promitteret. Ut enim ob communicata cum Moscho adversus Livoniam consilia, præsentissimum vitæ & famæ periculum declinaret: conditiones omnes, ab ordinibus propositas, se, accepisse apud suos ostendit.

• Nicolaus  
Hemmin-  
gius, præ-  
fatione epi-  
scolarum  
Pauli com-  
mentationi  
præfixâ,

• DANICI EPISCOPI, qui in senatu regni præcipuum & summum locum obtinebant, cursum Evangelii in Dania ad aliquot annos intercluserunt. Etsi enim Fridericus

ricus

ricus Rex ut exemplo multos in regno isto ad pietatem invitavit, ita autoritate regiâ eos defendit, qui puriora religionis semina primi ibi iecerunt: tamen per Episcoporum refragantium sibi potentiam Ecclesias reformare, & idola, Antichristi insignia, abolere non potuit.

SPIRENSIS Episcopus Joannem Baderum, Concionatorem Landaviensem per Vicarium suum excommunicat, quod auricularem Confessionem, purgatorium, Missas pro vivis & mortuis, invocationem Mariæ, vota monastica, discrimen dierum & ciborum, &c. ex scripturis ausus fuerit impugnare. Literæ excommunicationis Dominicâ Cantate Spiræ valvis summi templi sunt affixæ. Baderus per Notarium publicum confecto scripto ab excommunicatione ista illegitima, atque ideo nulla, appellat ad Concilium, quod brevi celebrandum esse in Germania Principes Imperii nuper in conventu Norimbergenfi decreverant.

ARGENTINENSIS Episcopus quàm subdolè prædicationi Evangelicè in urbe Argentina insidiatus sit, ex Capitone libet audire: *Episcopus Argentinensis suprema autoritatis est, quam tuetur dexteritate quâdam in rebus agendis, ut in Ecclesiastico rarâ & singulari. Ad hæc sibi aliquis esse videtur, & nihil iniquius fert,*

Acta Germanicè edita sunt anno 1524.

Capito epistolâ ad Ambrosiû Baurerum & Mail.

quàm se negligi. Iam verò crescente Christo sua putat aestimationi fieri detrimentum, quòd hinc cadit inanis formido de Episcopali stomacho, terribili quodammodo, dum stultitia & error vulgum possideret. Is negotium fecit maritis Sacerdotibus, quos pro tèplis palàm devorvit diris, idq̃ tum, cum omnia tuta sperassemus. De industria enim quiddam placiditatis præ se tulerat, ut sic incautos, & quod aiunt, in utramq̃ aurem dormientes opprimeret. Summa consilii fuit, inter se cives committere, dum pars fulmen istud Episcopale horrerent, pars magnificè contemnerent. Sub idem tempus à Senatu per dolos Canonici ad D. Petrum impetrârunt, ut à Parochia illorum providendâ me abstinere iuberent. Præterea via instituta fuit, quâ maritos fratres ex urbe deturbandos omnes putassent, inprimis autem Bucerum. Subornatus est Comes de Lynigen senior, qui mihi præsentì toties manus inferre tentaret, dictis prius in os multis contumeliis atrocissimis, idque intra urbem, intra ades Papistici Prelati. At nos omnibus ex his periculis Christus eripuit. Nā ubi Episcopus excommunicationē publicasset, nos intra eandem noctem appellationem fratrum nomine effinximus. Postridie appellatum est præsentè Notario, mox excusa omnia prædierūt. Quo remedio, populus ne quid super excommunicatione disceptaret, cavimus: expectârat enim nostrâ in se vicissim sententiâ Episcopus, quâ se cum complicitibus damnaremus, quares ad manifestam desisset seditionem. Talia sunt  
inge-

ingenia, ha artes Episcoporum, tranquillos inter se committere. Quarta die ejus hebdomada mihi per Senatum Paochia renunciatur, qui mihi videbar Senatûs autoritate pridem ingressus. Statim fit rumor, eijciendos verbi pracones, concurritur, quiritatur, incusantur vulgo sacerdotes, jaciuntur convitia etiam in senatum, sed ab extrema tantum plebe. Proceres aliqui à minis agrè temperabant, quin sacerdotibus pessima quaq; si nos excludi contingeret, denunciarent. Tot rebus simul conclusis tamen adnitor omnia expedire, do negotium ijs quos gratos populo noram, verbis tranquillis plebem ab inquietudine contineant, me esse curaturum apud Senatum, ne quid Evangelio decedat, nec rem tam esse deploratam, ut imperitis videri possit: rescindi sapius levi momento sententias aequiores, & perspicuum satis, Curtisanos tanti non haberi, ut in illorum gratiam Senatores velint posthabere suos cives in causa tam pia, atque alia id genus. Quibus peraetis studia paulisper continuimus, quoad super certioribus consiliis dispiceremus. A Consilio igitur agendi apud Senatum facultatem impetro. Statuitur dies sabbathi. Interea ecce nova tragœdia, Capitulo meo S. Thoma datur spes, ut ferebat, à Senatu, Bucerum non fore tutum apud templum Aurelia, quod maritus. Ibi curâ nostri opus fuit, ne quid hinc incommodi. Porro Comes de Lynigen crudelia magis commovit, sed aliunde, ut videtur, incitatus. Nam ut eram causâ conficienda componendaq; litis ad illum adman-



datus, die Iovis ejus septimana, placide, satis re-  
 spondit, & remperduxit in diem posterum. Iterum  
 me fissa intra curiam Domini ab Henneberg. Tum  
 ille mox iracundâ multa, Domino adium cum nepo-  
 ze & tota familia inspectante, infandis contumeliis  
 petitiû & clamoribus furiosis audiendo defatigatum  
 interficere admolitus est, nemine omnium prohibente,  
 quoad me Deus tandem eriperet. Periculum, mihi  
 crede, fuit anceps. Sed præter animi formidinem vul-  
 tum non mutavi, iisdem fortiter vestigijs inhaesi, re-  
 cordatus in eodem articulo, omnes capitis mei capil-  
 los numeratos, casurum aut evasurum, ut patri vi-  
 sum esset: qui filio nihil incommodi velit, neq; quàm  
 velit, illi posse quicquam incommodius, accidere.  
 Appetebat sabbathum, magnâ libertate ago cum Se-  
 matu, rejectis adversariis argumentis, qua conjice-  
 re oportuit. Magnum erat omnium silentium, ut  
 fit, dum quisq; sibi deploratâ causâ carvet. Deliberâ-  
 runt itaq; in horam prope quintam, neq; sine Deo de-  
 liberârunt. Nam qui nudius quartus Parochiâ me  
 abdicârunt, illi ydem iterum addicunt, ad natalem  
 usq; Iohannis Baptista: nam aliter mihi addicta nō  
 erat. Præterea convenerat cum Parochiis omnibus  
 Christianè providendis. Nec tamen interim, dum  
 parochijs potiti sumus, eluctati sumus, ut liberè ab  
 adversariis Christum liceat asserere. Mira muta-  
 tio: Curthisanis, qui missis undique literis nos pri-  
 die expulsos gloriati sunt, vultus mærore concidit.  
 Pys ex dispensatione mens erecta. Civium & Sena-  
 tûs concordia facta, qua tamen revera nec dum dis-  
 suta

*suta fuerat. Propter excommunicationem Episcopi nemo sacrificulus, nulla mulier commota est: tam commodè cecidit appellatio, Senatus agit causâ meî cum Comite, neque aliud captamus, quàm utcunq; diluerim objecta crimina: omnia mihi salva, sed inquieta satis, etiam post fatalem illam septimanâ, in quam tanta negotia simul inciderunt. Iam expectamus interdictum novum Imperij, vaticiniû Casareum, vim Cacodæmonis universam, qua spero inania concident, & in nervum erumpent. Nam propius, si perget, cum Episcopo agemus, siquidem ultima experturus videtur, & nos ceu cum devoto hoste decernemus.*

CUNRADUS TRAEGER Provincialis Augustinianorum, ut Ecclesias Helveticas & Argentinensem turbaret, centum paradoxa Argentinæ edidit, & Friburgi Uchtlandiæ disputanda proposuit pro Traditionibus hominum contra Traditiones Dei: tacitè, ut multi opinabantur, opposita disputationi Zwinglii de verbi Dei auctoritate.

INTER has tot & tantas doctrinæ purioris persecutiones mirabilis negotii Evangelici successus est conspectus.

FRIDERICI Daniæ Regis laudatissimis conatibus etsi, ut supra dictum, Episcoporum potentia obstabat, ita tamen favit Deus, ut nō solum præcipuæ civitates, Hassnia, Malmoia, Ripæ, & alię nō paucae, verū etiā tota ferè diocesis *Fibergensis*, freta Regis patrociniis, abiecto Papismo

Ex Actis.

Chronicon  
Haitfeldii  
Danicum.

**Præfatione** Papismo Evangelismum amplexarentur.  
**Commen-** Hemmingius celebrat etiam Magnum Gbie  
**tarii in epi-** Dominum de Krenkerup, qui, secundum  
**stolam ad** Regem primus in regno Danico revocatæ  
**Romanos.** doctrinæ autor fuerit, per literas à Luthero  
 rectè instructus, & patrocínio suo primos  
 Evangelii præcones contra vimaliorum de-  
 fenderit.

**Epistolâ ad** In LIVONIA *Evangelion*, inquit Lutherus,  
**Spalatinû** *oritur, & procedit, præsertim apud Rigenses feli-*  
**Tom. 2. c** *citer quorum literas ac legatum nuper suscepi, sic*  
**pist. p. 183.** *mirabilis est Christus. Sed & Episcopus tandem nu-*  
*nus Christo nomen dedit & Evangelizat in PRUS-*  
*SIA, nempe Sambiensis, quem fovet ac erudit Io-*  
*annes Brismannus, quem illuc misimus abjecto cu-*  
*cullo: ut & Prussia regno Satana valedicere inci-*  
**Ex Archi-** *piat.* Episcopus iste fuit GEORGIUS de Po-  
**vis.** lentia, cui Lutherus commentarium suum  
 in Genesin inscripsit, quiq; hoc ipso anno ci-  
 vibus Braunsbergicis petentibus cõcionato-  
 rem Evāgelicum misit Christophorum quen-  
 dam, cumq; per Illustrem D. Petrum Burg-  
 gravium & Baronem à Dhona, Capitaneum  
 Braūsbergensem, populo præsentavit, additâ  
 hac clautulâ, in sua ad Capitaneum episto-  
 lâ: *Wir verschẽ vns/ es soll/ ob Gott wil/ Christe-*  
*liche liebe vnd alles guts darauß entstehen. Dien-*  
*stag nach Jubilate.*

**Chronicon** REGIOMONTI in Borussia, feriâ tertiâ post  
**Henneber-** Invocavit, statux in templo cathedrali per  
**geri.** pueros

pureos & senes deiecit, & tabulæ altario-  
rum ablatae sunt, idque de consilio Pauli  
Sperati.

MEGAPOLITANUS Ducatus gubernaba-  
tur hoc tempore ab Henrico & Alberto fra-  
tribus, MAGNI Ducis Megapolitani filiis. Lut. Tom.  
2. epist. pag.  
205.

Uterque hoc anno à Luthero petunt Evan-  
gelistas, alter per Joannem Loser, alter per  
Priorem Sternbergensem. Et si autem Al-  
bertus Papisticam religionem in sua Duca-  
tûs parte retinuit: tamen Henricus cum fi-  
lio Magno Principe literatissimo in sua ditio-  
ne Ecclesias reformârunt, operâ M. Gerhar-  
di Oemekenii, & aliorum usi. Mortuo au-  
tem Alberto Henricus suos ex fratre nepo-  
tes Joannem Albertum & Ulricum piè, insti-  
tui voluit, qui defuncto patruo Henrico, to-  
tum Ducatum à reliquiis fermenti Papistici  
repurgarunt. Floret hodie Joannis Alberti ex  
filio Joanne Nepos, JOANNES ALBERTUS;  
orthodoxæ doctrinæ strenuus propugna-  
tor.

VVIS MARIÆ in Ducatu Megapolensi Chyrurus  
primus taxare, abusus Pontificios & regnum  
Antichristi revelare cœpit Henricus Mol-  
lensius, quem Albertus Dux Megapolitanus.  
Magni filius, maritus novus, celebratis pau-  
lò ante Berolini cum Joachimi I. Electoris  
Brandenburgici filia Anna nuptiis, aulicum  
Ecclesiasten secum adduxerat, cumque toto  
Qua-

Quadragesimæ tempore, & in feriis Paschæ concionari in templo Georgii, & Sacerdotū ac Monachorum hypocrisin retegere ac redarguere sinebat. Huic consona, sed maiori cum libertate & facundiâ, in Franciscanorum cœnobio, Henricus Neuerus custos seu inspector vicinorum in tota provincia eiusdem ordinis cœnobiorum, paulò ante electus, in feriis Paschæ magno hominum concursu & admiratione, ac Principe ipso, cum recens ducta coniuge conciones illius frequentante, prædicare incipiebat, ac quò acerbioribus odiis suorum Monachorum & patrum ordinis expositus erat, eò ardentiori zelo ac constantiâ cursum prædicationis semel susceptæ urgebat, præsertim cum aulæ & civium plurimorum, ac senatorum etiam aliquot patrociniotectus esset.

Hamelmā-  
nus parte  
secundā hist.  
Ecclesiast.

MAGDEBURGÆ Melior Mericius, Eberhardus VVidensee Doctor, & Johannes Fritzhans, edunt publicè themata octodecim adversus traditiones Pontificias, vota monastica, sacrificium Missæ, primatum Papæ, purgatorium, vigilias, iustificationem operū, &c. eaqu; ad disputandum proponunt. Sed nemo Pontificiorum disputationis aleam subire voluit. Consuligitur Nicolaus Sturm, & plurimi cives sincerioris doctrinæ cupidi, Lutherum VVittenbergâ evocant. Is, eū Augustinianorū templū angustius videretur, ad D. Joannē docuit:

Chytræus.

cuit: & paucos dies ibi moratus, cum consiliū de emendatione Religionis suū Consuli & delectis civiū exposuisset. Nicolaum Ambsdorffium se ipsis missurum pastorem ostendit, cui non secus ac sibi ipsi omnib. in rebus cōfidere possent. Ambsdorffius igitur de sententia Lutheri Magdeburgenses Ecclesias piē & pręclare à se institutas, cum quidem collegā fidū Doctorem Ebethardum VVydenseiū aliquādiu haberet, doctrinæ suæ voce & consiliis salutaribus, totos octodecim annos rexit, donec Naoburgensis Ecclesiæ Episcopus crearetur.

BREMAM autore Henrico Sutphanienti, Chronicon  
Bremense.  
Chyrano. qui bienniū jam ibi docuerat, Jacobus Prępositus Theologiæ Licētiatus, Augustinianus Antuerpiensis, qui ex Belgico se ad Lutherū contulerat, vocatus in templo Mariano, & paulo pōst Joannes Timannus Amsterdamus, vi re loquens, in æde Martini pastor constitutus est: qui anno 1525. demū Pontificias Missas, in omnibus parochiarum & monasteriorū tēplis, solo cathedrali excepto, aboleverūt.

BRUNSWIGÆ nō sine magnis motibus, qui Ev Archi.  
vis. trienniū ipsum durārunt, doctrina Papæ abjecta, doctrina Christi fuit admissa. Minoritis hoc anno Concilium ibi celebrantibus, & ppositis publicis ppositionibus, invocationem sanctorū, & sacrificium Missę tueri conantibus, non solūm viri docti, sed cives etiam aliquot se acriter opposuere. Monachi eorum nomi-

nomina deferunt ad Unionem (sic enim vocabatur consistorium Ecclesiasticorum Prælatorum, in quo erant decem Prælati, ut Abbas Ægidianus, duo Decani, ad S. Blasium, & ad S. Cyriacum in suburbio, & deinde septem pastores, Unio ad Senatum urbis. Is plerosq; qui accusati, eiicit, lectione librorum Lutheri omnibus interdicit, in libros novi Testamenti à Luthero versi, ostiatim inquirat. Tamen hoc ipso anno Joannes Copmannus Sacellanus ad D. Virginem, & Conradus Trutenbellius graviter pro cõcione contra Pontificios disputant, civibusq; amorem Evangelii instillant. Novæ igitur turbæ. Præsides Unionis volunt Sacellanos remotos: cives volunt retentos. Senatus nolens reluctari Unioni, discedit ex urbe. Cives illum revocant, obedientiam promittunt in omnibus: modò Evangelii libera prædicatio concedatur. Reddit Senatus: Dominicanos & Minoritas, disputationem cum concionatoribus detestantes, eiicit: Præsidibus Unionis, dimissionem concionatorum petentibus, respondet: culpam huius rei ipsis præstandam, quod otiosi ventres substituerint sibi, quos modò accusent Sacellanos. Si nunc illos amotos velint, perdituros eos & se, & urbem, & Senatum.

Hamelmannus.

ETIMBECCA urbs est Ducum Brunsvicensiû in Grubenhagen. Hanc benigno oculo adspexit

spexit hoc anno Deus, ministerio M. Ernesti Burmeisteri, & D. Godeschalei Croppii, aliorumq; & indulgentiarum Papalium vanitatem, & gratiæ Jesu Christi efficacitatem populo commonstrans.

Incidit in hunc annum & COMITATŪS <sup>Hamelmannus.</sup> HOYENSIS Ecclesiarum reformatio, quam Jodocus Comes inchoavit, & quatuor filij ipsius Albertus, Ericus, Otto, & Fridericus, ultimi istius stemmatis Comites, continuârunt. Legerat Jodocus, Comes in summo mærore suo submissos sibi à socero Comite VVolfango de Gleichen, Lutheri & Melanchthonis libros, contuleratq; de iis cum aulico concionatore, sacrificio & confessore suo Cōrado Drudekeno, quem instigatus ab Ernesto Duce Luneburgensi V Vittebergā misit, accersitū virū aliquē eruditū, qui monachos Terminarios, & alios missificos cōpescere posset. Lutherus misit Adrianū Boxschotium Antuerpiensem, qui Antuerpiæ cucullū exuerat & V Vittebergam profectus fuerat, virum in Latina lingua facundum, & in Belgico sermone suavem, qui de voluntate Comitis templum ingressus Neoburgi (quod est amplissimi Comitatus primarium oppidum) Monachū in Lutherum ex suggestu fulminantem, ita adortus est: *Ego ad hoc vocatus sum ab inclyto Comite Hoyensi, Domino Iodoco, ut te & tuos mendacii arguerem: ideo dic tu perverse monache, idq; palam corā*



*tota Ecclesia hac, ubi, quando, & quibus in locis erravit Lutherus?* Obmutuit Monachus, & clam de suggestu descendens aliò profugit, nunquam in Comitatum istum reversus. Adrianus proximâ concione suggestum cõscendit, disputatione publicâ se Pontificios errores confutaturum, Lutheri dogmata probaturum, edicit. Sed Monachis disputationẽ refugientibus Comes Jodocus per hunc Adrianũ Missas, Vigiliis, Invocationes sanctorũ, & totum abominationum Pontificiarũ chaos abolet, Adriano Ecclesiæ in oppido Hoya pastore declarato, Cyriaco Hesso ab Alberto Mansfeldico Comite ad se missõ aulici concionatoris, M. Jodoco Crammio à Duce Luneburgico missõ, urbici pastoris Neoburgii, officio demandato.

Tom. 2. c.  
pitt Luth.  
pag 136.

CELLAE in aula Ernesti Ducis Luneburgensis Evangelium hoc anno docebat Gotsaligus quidam, cui Lutherus epistolâ quãdã gratulatur de conditione ista, ac monet, ut pusillanimitatem conjugis Ernesti Margarethæ, sororis Electoris Friderici Saxonis ferat, dum illa verbum ferat & non persequatur.

A&a Mar-  
tyrum.

MELTZAE (duobus ab Antuerpia milliaribus) quidam parochus fuit, qui sæpius in patentibus locis & campis propter audientium multitudinem concionabatur, cumque illi sermo de Missa esset, *nos quidem*, inquit, *sacrificuli, Iuda proditore sumus deteriores. Is enim Chri-*

# ANNUUS M D XXIV. 211

*Christum Dominum vendidit & tradidit. Nos  
verò eum vobis vendimus & non tradimus.* E-  
rat & Antuerpiæ & in finitimis locis hoc  
tempore magnus numerus hominum omnis  
generis, qui tum primum aliquem verbi Dei  
gustum capiebant.

In ditionem IHEVERENSEM sincerioris Hamel-  
mannus. doctrinæ faciem intulit hoc anno prius,  
Henricus Cramerus Esensis, p̄stor in urbe  
Iheverana, multū adiutus auctoritate Romeri  
Zedichii, Quæstoris & Cōsiliarii Iheverensis.

ANNAEBERGAE in Misnia Fridericus My- Vita My-  
conii. conius die Palmarū docere cœpit Evangeliū.  
Die igitur passionis Domini ibidem excom-  
municatur, in monasterio Franciscanorū, My-  
conius publico scripto ad Rempubicam &  
cives Annemontanos edito, Deo gratias egit,  
quod ex Ægyptiaca servitute liberatus sit: læ-  
raturq; quod Dominicā Palmarum Christū  
Hierosolymam ingredientem sit comitatus:  
hortatur deniq; Annemontanos: ne metuant  
Papistas, & si Magistratus eos persequatur,  
quid facto opus sit, indicat.

CYGNÆAE in Misnia cœpit hoc anno ex Vita My-  
conii. audiri cœlestis tuba renascentis Evange-  
lii, ex qua urbe *εἰς αὐτὴν* Fridericus Myconius  
ad Annamontanos ea scripsit quorum modò  
mentio facta.

GOTHAM vocatus Myconius, Cygnæā Vita My-  
conii. pulsus, ad gubernandas Ecclesias Thuringia-  
cas annos 22. ibi docet.

VRATISLAVIÆ Doctor Joannes Hessus vigesimo die Aprilis theses ad disputandum proposuit, quibus comprobaturum se promisit:

*Soli Deo esse inharendum.*

*Missam non esse sacrificium, sed solum meritum Christi.*

*Blasphemos esse in Deum, qui conjugio interdicant Sacerdotibus.*

Disputavit in templo S. Dorotheæ ipsum ostiduum, & interrogantibus quibusvis respondit.

Tom. 2. e-  
pist. Luth.  
pag. 105.

Lutherus ad Spalatinum: *Vratislavia disputatio Ioannis Hessi processit feliciter, frustra resistentibus tot legatis Regum & technis Episcopi.*

Crantz-  
hemius.

LIGNICII Silesiorum in templo S. Joannis cœna Domini sub utraq; specie exhibetur. Idem fit in altero urbis templo primario. Joannes V Verner aulæ concionator designatur.

NORIBERGÆ, cum Georgius Pesler ad S. Sebaldum, & Hector Pömer ad S. Laurentium Præpositi biennium & amplius Evangelium docuissent, & de abusibus Papisticis populum erudiissent, hoc anno abrogarunt

*Abusus missaticos.*

*Missam pro defunctis.*

*Cantum, salve Regina &c.*

*Salem*

*Salem & aquam consecratam.*

*Matutinas & Complectorias cantiones.*

Et facti sui rationem ex sacra scriptura publico scripto divulgârunt 21. Octobris. Titulus scripti est: Grund vñ vrsach auß der heiligē schrift/wie vnd warumb beyder Pfarckirchen zu Nürnberg Proßste die mißbreuche bey der heiligen Mess/Jahrtag/geweihet salt vñ wasser/same etlichen andern ceremonien abgestelt/vnterlassen vnd geändert haben.

NOERDLINGAE, quæ Imperii civitas est, Crusius.  
Evangelium hoc anno purius annunciat, verbi præcone Theobaldo Billicano.

ARGENTINAE Magistratus ubi satis diu Ioh. Sturm-  
ius An-  
tipappi  
quarti pan-  
te primâ.  
omnia spectasset, omnia considerasset: ubi animadvertit hominum, qui concionatores sequebantur, copiam, & in concionibus frequentiam: cùm sentiret mores civium emendari, & magis quàm antea mitescere: cùm parsetiam Senatûs non minima doctrinam hanc amplecteretur: libertatem in omnibus suis templis Evangelii concessit: locum scholis apud Dominicanos dedit: stipendia decrevit: qui cœnobia deserebant Monachi, iis jus civitatis dedit: uxores ducere concessit: qui in cœnobiis reliqui erant, iis pecuniam annuam, dum viverent, constituit: facultates Ecclesiasticas cœnobiorum Quæstoribus cōmisit: quæ adhuc integræ cōservatæ, aut pauperibus, aut ministris Ecclesiæ, pro multitudi-

Chytrus.

ne& proportione, & functionib. distribuuntur. Theologi Argentinenses fundamenta & causas susceptæ à se mutationis rituum Missæ, seu cœnæ Domini, Baptismi, dierum festorum, imaginum, cantionum in publicis Ecclesiæ cōgressibus, ex sacris literis edito libro, quem Friderico Palatino dicârunt, exeunte anno 1524. exposuerunt: cui subscribunt VVolfgangus Capito, Caspar Hedio, Matthias Zellius, Symphorianus Pollio, Theobaldus Nigler, Joannes Latomus, Antonius Firm, Martinus Hag, Martinus Bucerus. Iidem communi nomine commonent Pagos Helvetios: quàm impia sint paradoxa à Conrado Trægero ad disputandum proposita: in quibus Ecclesia scripturæ, hominum commenta verbo Dei præferantur.

Acta publica.

CASPAR HEDIO contrarias aliquot Theses Conrado opponit: Bucerus ad paradoxa prolixè respondet. Capito virulentam commonitionem Cunradi ad Helvetios, superiori oppositam confutat. Omnes Cunradum ad disputandum in urbe Argentina provocant. Senatus contra vim omnem atq; pericula ipsi cavet. Sed Trægerus varia causatus, tandem, quod cupidè velit, id sibi facere per Episcopum non esse integrum, ait.

Scurmius  
Antipappo  
quarto.

Tanta autem statim fama erat Theologorum, Argentinensium, Capitonis inprimis & Buceri; ut Jacobus Faber Stapulensis & Gerardus Rufus clam è Gallia profecti, Capito-

nem & Bucerum audirent, & de omnibus doctrinæ præcipuis locis cum his differerent, missi à Margaretha Francisci Regis sorore, Navarræ Reginâ. Atq; ita Evangelica vitiis in Gallicis Ecclesiis aliquid etiam germinis ex urbe Argentina accepit. Caterum multos cives Argentinenses in fide vera hoc anno confirmavit Doctoris Sebastiani Meieri Revocatio. Fuerat is ante hoc tempus Concionator ad Franciscanos Argentinæ, & Papista Papisticè docuerat. Illuminatus autem spiritu, hoc anno ad inclytam Argentinensium Rempub. libellum typis descriptum mittit, quo retractatæ quæ docuerat,

1. de Missa quod esset sacrificium, quo nos Dea aliquid offerimus.
2. de pœnitentia, quod tres eius partes, contritio, confessio, satisfactio.
3. De Papa: quod sit caput Ecclesiæ; interpretari scripturam ex suo ingenio possit: reservare sibi peccata possit quæ velit &c. &c.
4. De indulgentiis: quod septem, & plurium annorū pœnas in purgatorio sustinēdas tollāt.
5. De purgatorio, ad quod stabiliendum abusus sit scriptura dictis Matth. 5. & 18. & 12. & 1 Cor. 3.
6. De sanctis, quod invocādi: quod illorum intercessione à peccatis abstineamus; à morbis liberemur.
7. De libero arbitrio, quod in hominis potestate sit, bona vel mala operari.

8. *De bonis operibus, quòd sint meritoria vitæ æternæ & quòd sit meritum congrui, digni, & condigni, ex lacunis scholasticorum.*

9. *De votis monasticis, quòd sint alter Baptismus, in quo de novo regeneretur homo, unde & nova nomina, velut in baptismo fieri solet, monachis & monialibus imponantur.*

10. *De Ecclesiasticis: quòd jure divino non teneantur tributum & vectigalia solvere: nec à Magistratu politico possint capi, aut carceribus includi.*

Hæc omnia retractat, & ex verbo Dei cōvellit, nihil veritus vocularum malevolorum & calumniatorum. Præfatio scripta est Bernæ Helvetiorum vi. Septembris huius anni.

Vr̃stifius.

BASILEAE Joannes Oecolampadius magno zelo, nec minore fructu in propagando Christi regno laborat, quem frustra Joannes Cochläus, missis Stutgardia literis, amplissimis promissis à veritate agnita avocare conatur. Adiungunt se Oecolampadio M. V Volfgāgus V Veissenburgius, Marcus Bersius, Frater Joannes Luthardus, Frater Thomas Geierfalck, primi reformatæ doctrinæ apud Basilienses præcones. Hoc ægerrimè ferebant sacrificuli, ideoque detonabant in ipsos diris & maledictis, hæreticorum pessimorum poenas eos commeritos esse clamitantes. Senatus igitur Basiliensis omnibus ditionis suæ concionatoribus mandat: ut eloquia Dei, nō homi-

hominum populo proponant, à convitiis & maledictis abstineant, edicti violatoribus severas pœnas minatur.

Februario mense venit eò Guilielmus Fa-  
rellus, ex Gallia profugus. Is contra traditio-  
nes humanas publicè disputaturus, à Vicario  
Episcopi, & Rectore Academiæ impeditur.  
Senatus verò urbicus Farello, quod thema-  
ta eius Evangelio viderentur conformia, li-  
beram disputandi, aliis liberam opponendi  
facit potestatem: editum à Vicario & Re-  
ctore Academiæ mandatum, quo & auscul-  
tatione & oppositione interdicebatur, in au-  
toritatis suæ imminutionem accipit, contra  
decretum suum peccaturis usu molendino-  
rum, furnorum, & mercatûs interdicat.

Ex Actis  
disputatio-  
nis Germa-  
nicè editis.

Erant autem articuli à Farello ad dispu-  
tandum propositi, tredecim, quorum sum-  
ma ista:

1. *A Christo perfectam vivendi regulam nobis præscriptam.*
2. *Matrimonium incontinentibus esse licitum.*
3. *Discrimen ciborum, vestitus, cremoniarum, esse Iudaicum.*
4. *Periculosas esse preces multorum verborum.*
5. *Sacerdotum esse prædicare verbum Dei.*
6. *Mandata Dei non esse in consilia conver-  
tenda,*
7. *Qui non liberè Evangelium docet, illum Christi pudere.*



8. *Qui non fide iustificari se credit, illum se-  
ipsum Deum facere.*
9. *Sacrificandum soli Deo.*
10. *Laborandum manu bene valentibus.*
11. *Ieiunia hypocritica & idola fugienda.*
12. *Iudaicis ceremoniis renunciandum.*
13. *Videndum, ut Christus nobis alluceat, sic  
omnia fore pagata.*

Wrtitius.

Oecolamp.  
lib. 4 epi-  
stolarum.

Disputatæ sunt hæ Theses in magna ho-  
minem frequentia 15. Februarii. Sed non  
multò post Vicarius Episcopi & Academiae  
Rector vi & factione suâ Farellum Basileâ  
exegerunt.

Hos Evangelicorum persecutores per-  
stringit Oecolampadius epistolâ, quâ men-  
se Junio huius anni Christophoro Episcopo  
Basiliensi inscriptam, suis in primam episto-  
lam Johannis Demegorii præfixit. Vindicat  
ibi Evangelicos à crimine seditionis, novi-  
tatis, contemptûs Patrum, & tandem *nostrâ*,  
inquit, *doctrinam innoxiam esse opinor, bonâ par-  
tem plebis, quæ audit, testificaturam. Tantum lupi  
nos odere, qui inclamari timent, quò Christi oves  
vobis concreditas, impune deglubant. Est autem,  
quod illorum auctoritatem confirmant superciliosæ  
quidâ à Senatu Universitatis Basiliensis, qui publicis  
ediçtis, aliisq; machinationib. nobis in reb. piis ne-  
gotium fecerunt impiè: eandem tamen quam illi,  
merentur fidem. Verus est enim syncretismus. Tra-  
ducitur quippe & illorum inscitia tota orbe, quod*  
Evan-

*Evangelium ne à limine quidem rectè salutârint, & feliciter neq; docuerint, neq; docere potuerint: cūq; de clave glorientur scientia, ipsi in regnū scriptura nec intrēt, nec alios intrare sināt. Iam nemo est, qui non improbet in eis, quod ad reddendā rationē fidei publicè semper terga verterint provocati. Nemo dignam Theologis crediderit excusationem, quā Romana Sedis obedientiam prætulerunt, contemptā fratrum & plebis expectatione.*

Consimilem, imò illustriorem Evangelicorum Apologiam idem Oecolampadius commentariis suis in Daniele præposuit.

LICHTAL oppidum est ditionis Basiliensis. Evangelizabat in eo M. Stephanus Stoer, quem ob ductam uxorem alii ridebant, alii convitiis proscindebant.

Auditores id ægrè ferentes, petunt à Senatu Basiliensi, pastori suo potestatem faciat, factum suum publicè in urbe Basiliensi ex Scripturis defendendi. Senatus annuit. M. Stephanus omnibus templis & monasteriis affigit hæc themata:

1. *Coniugium nulli hominum ordini in scriptura prahibitum est.*
2. *Adulterium & scortationem omnes leges omnium ordinum hominibus prohibent.*
3. *Vitanda libidinis & scortationis causā extra matrimonium, coniugium omnibus hominibus mandatum est.*

4. *Scor.*

Acta disputationis  
Germanicè edita.

4. *Scortatio nullum hominum ordinem minùs decet quàm Ecclesiasticum , idq; propter scandala.*

5. *Publicus scortator secundum legem Dei verè est excommunicatus , & idcirco non idoneus ad munus sacerdotale.*

Dies disputationi dicta decimâ sextâ Februarii: confluit maxima hominum turba: surgit Stephanus, rationem reddit, cur uxorem duxerit: themata sua scripturæ dictis firmat: postremò, si quis vel ab Episcopo, vel à Capitulo, vel ab Academia, ad opponendum missus sit, obsecrat, ut se erroris ex scriptura convincat. Altum ibi silentium. Compellat igitur sacrificulos præsentés. His quoque tacentibus Oecolampadius rogat, suum super thematibus istis iudicium exponat. Is, se idem hætenus docuisse, affirmat. Idem se sentire Conradus Pellicanus, Professor Theologus, Hartmundus à Cronberg, Nobilis exul, M. VVolfgangus VVeissenburgius, M. Bonifacius VVolfshartus, aliique profitentur. M. Stephanus, dissolutis eruditè argumentis contra matrimonium Sacerdotum à M. Bonifacio ex mente Pontificiorum præpositis, magno cum honore ad Ecclesiam & uxorem suam rediit.

Urtisius.

OECOLAMPADIUS qui hætenus vicariam operam Ecclesiæ Basilicnsi præstiterat, circa-

creatur Pastor, ad S. Martinum. Jubet igitur Diaconum infantes linguâ vernaculâ baptizare: Cœnam sacram utrâq; specie, assensu Senatûs, distribuit missaticum sacrificium: purgatorium, & id genus alias Pontificias traditiones pro concione ex scripturis sanctis refellit. Unde sensim Missa, circumcisiones ceteræq; Papisticæ ceremoniæ corrumpuntur.

Et si igitur Capito & alii nonnulla purioris doctrinæ semina audientium animis aliquot annos ante iniecerant, Oecolampadius tamen iure primus Basiliensium Apostolus nominatur: cui in Ecclesiæ illius gubernatione ordine successerunt, Oswaldus Myconius, anno 1532. Simon Sulcerus, anno 1552. Joannes Jacobus Grynæus λόγῳ καὶ τέλει Theologus, anno 1586. quem nos mense Maio proximo, ætatis annum septuagesimum septimum agentem, cupidè invisimus, cupidius vidimus, cupidissimè de variis iisq; ἀξιολόγοις rebus loquentem audivimus.

TIGURINI cum quinquenniū à Zwino Stumpfius lib. 6. glorio fuissent informati, visum est Magistratui reformationem aggredi. Hoc igitur anno mense Junio processiones inhibitæ, è præcipuis urbis templis tumbæ Martyrum sublata: idola in urbe, & quàm latè patet ditio ipsorum, ablata, & flammis abolita. Catharina de Cimmern Abbatisa, tradito

dito cœnobio in manus Consulis, viro nuppsit, honestis redditibus annuis à Magistratu dotata. In hoc cœnobio aluntur nūc & institutūtur à fido præceptore aliquot adolēscētes.

Vicesimā Decembris Præpositura quoque reformatur, è cuius bonis Pastores, Professores, Ludimagistri modò aluntur.

Waserus.

Zwinglius secundā Aprilis huius anni uxorem duxit: Annam Reinhartam, viduam nobilis viri, Joannis Maieri.

CONSTANTIÆ ad locum Bodamicum Joannes Zwiccus evangelizat. Ambrosius Blaurerus parænesin Germanicam ad Senatū urbicum scribit. Hunc ad concionandum VVolfgangus Capito hortatur: *Parænesin*, inquit, *tuam mirabundus legi. Quod si ad verbū dicendū te demitteres, quid prestares, obsecro? Neque est quod iures, seu parum suffecturus causeris. Sub tali provincia nemo vocatus desciat, cū divinitus adiuvetur. Gaudeo deniq; ausuros vos innovare foris, qua verbo in cordib; piorū instaurata nostis. Nā evanescit Spiritu, si, qua asseverat, cessas re prestare, etiamsi cunctatione tuā magnū argumentū præbes incomparabilis tua prudētia. Nobis tamen hīc multa præter spem, præter consilia acciderunt: profuit, inquam, à Matthia Zellio præsertim totā sentinā abominationis Pontificia motam, me inscio. Nam posteaquā rescirē exploratis auditorū animis, facile animadverti, eò loci nos redactos, ut necesse esset, aut progredi fortiter, quāvis exitum*

*exitum praevidere non potuimus, aut referre gradum non sine deiectione piorum, qui frigent, qui enecantur, ubi nos duces languere senserint. Pergo igitur bonis avibus & auspice Christo. Sine Deo enim praesente nihil moliri contingeret.*

SCAPHUSIANI qui anno superiori disputationi Tigurinae interfuerant, cum domum reversi Abbati & reliquis Canonicis indicassent, ex omnibus praesentibus neminem unum fuisse, qui sacrae scripturae locis, & idoneis argumentis, themata Zwinglii refellere posset: & Abbatem & Erasmodum Ritterum ad oppugnandum Evangelium à Bavaria vocatum, ita immutarent, ut, quod antea oderant Evangelium, amarent, & de Ecclesiae reformatione serio deliberarent. Oecolampadius de reformationis modo consulitur: Senatus, ut auctoritatem suam interponat, rogatur: Abbas & reliqui monachi monasterio egrediuntur, abiiciunt cucullos, ducunt uxores, privatas instituunt familias, decimas, & omnes Ecclesiae redditus Magistratus potestati & administrationi committunt hac conditione, ut vitae necessaria ad vitae dies suppeditentur. Idem fecit Abbatisa cum tutoribus suis, ordinem relinquunt, Magistratui omnia tradunt, ducunt viros, fiunt verè matres, quae ante sic dicebantur. Inter has fuit nobilis virgo, postea mater optimi & doctissimi viri Joannis Conradi Cochii qui

Ex Archi-  
vis Ecclesiae  
Scaphu-  
sianae.

qui hodieque Scaphusianos pane vitæ cœlestis cibatur. Erasmus, qui prius Evangelii doctrinam oppugnaverat, Evangelium nunc magno zelo propugnat, cui collegæ adiunguntur doctissimi viri VVolfgangus Biderman Rotvilanus, M. Beatus Gerinus Tigurinus, Benedictus Burgoverus Sangallensis. Imagines, picturæ, ornatus Papisticus, altaria ad tempus fuêre relicta. Consultius enim visum ista prius ex animis, quàm oculis hominum tollere.

Historiarum  
formatio-  
nis Sangal-  
lensis Ger-  
manica  
M. S.

SANGALLENSIBUS veritatem cœlestem demonstrat Joannes Kesler VVirtembergâ domum reversus, & VVolfgangus Ullmian, nuper monachus Curienfis. Eisdem in veritate ista mirè confirmant Leo Judæ Tigurinus, & Sebastian Hoffmeister Scaphusianus Ecclesiastes, qui illac transeuntes rogatu civium sunt concionati. Non ita multò post de voluntate Senatus per certos homines statuar noctu sine turba sunt ablata. Quæ præterea in commodum pauperum, & Ecclesiæ decorem ordinata sunt, de iis legere licet librum Joannis Kesleri *de ritibus & institutis Ecclesiæ Sangallensis*.

IN MONTE BELLICARDI Guilielmus Farellus vineam Domini plantat, Basileâ ex-  
Lib. xviii. actus. Fuit hic Farellus zeli in promovendo  
epistolarum. Evangelii vehementissimi. Erasmus in epistolis Phallicum nominat, & scribit, sæpe ab  
Oeco-

Oecolampadio, etiam literis, sæpe à Pellicano etiam fuisse obiurgatâ illius vehementiam. Et ita est. Oecolampadius enim teritiâ Augusti literis exaratis ad Farellû, revocat illi in memoriam monita Basiliensia : deinde hortatur illum, ut Christum etiam vita exprimat, exemplo videlicet docendi. Rursum decimâ nonâ Augusti huius anni aliis literis ad moderationem hominem revocat, in quibus legantur ista: *Evangelizatum non maledictum missus es : laudo Zelum, modò ne desideretur mansuetudo. Vinum & oleum in tempore suo infundendum. Evangelistam non tyrannicum legislatorem prestes.*

Exstât epist.  
Roiz lib. 4.  
monum. car.  
ti insinuat  
te religio-  
nis pag.  
916. & 956

WALDSHUTUM oppidum est Austriaci domini ad Rhenum. In eo Balthasar Pacimontanus fructuosè hætenus Evangelium docuerat. Cives igitur aliqui Tigurinorû exemplum imitaturi cogitabant & ipsi de reformatione: quibus alii refragabantur. Ferdinandus Austrius civibus mandat, quieti sint, nihil innovent: nî pareant, dira minatur. Tigurini cives nonnulli suo in oppidum adventu animos Waldshutensium recreant. Sed statim domû revocantur, vel quòd Balthasar Anabaptistica deliria spargeret, quod scribit Zwinglius: vel quòd Senatus Tigurinus à Ferdinandicis Lucernæ violatæ confederationis hæreditariæ esset accusatus, quam causam Bullingerus adfert. Quâquam utrûq; fieri potuit.

Epist. ad  
Cunradum  
Somium.

Chronica  
M. S.



Lib. XIX.  
Epist.

Erasmus scribit ad Henricum Strömerum:  
*Tigurinos omnes divos eiecisse è templis, VVals-*  
*hutenses etiam è vitreis fenestris privatarum æ-*  
*dium.*

CÆTERUM hoc anno UBIQUITAS  
in Gallia nata, BELLUM SACRAMEN-  
TARIUM in Germania ortum est.

Erasmus  
Rudinge-  
rus de ori-  
gine Ubi-  
quitatis.

Nativitas UBIQUITATIS ita habet. A  
Berengarii inde tempore usq; & ulterius  
multò ultra quingentos annos præsentia cor-  
poralis corporis Christi in cœna, tribus tan-  
quàm columnis fundata est: 1. falsâ in-  
terpretatione τῷ πρῶτῳ. 2. transubstantiatione  
per virtutem magicam verborum. 3. dupli-  
citate corporis Christi, visibilis & invisibilis.  
Joannes Gerson Academiæ Parisiensis Can-  
cellarius, intelligens, futilia hæc esse omnia,  
sub tempora Concilii Constantiensis rea-  
lem communicationem naturarum primus  
omniũ dogmaticè introduxit. Docuit enim.  
Christũ, quatenus creatura est, nō posse cor-  
pore suo uno & eodem tempore in plurib.  
& diuersis locis esse, à divina tamen natura,  
in unam personã cum ipso unitam humanã  
naturam accipere hanc prærogativã, & hanc  
ei communicari, ut in cœna saltem sua (& in  
hac quidem tantũ & sola) simul esset in plu-  
ribus, omnib. nimirum cœnæ suæ locis. Quæ  
propriè non est πανταχούσσια, sed πληθυντία. Hoc  
autem anno M. D. XXIV. Jacobus Fa-  
ber

ber Stapulensis, quam Gerson ex unione personali realem idiomatum communicationem in omnibus cœnæ locis sibi finxit, eam pari ratione & eadem operâ in omnia mundi loca introduci posse iudicavit, & sic Ubiquitatem Parisiis in Sorbona primus asseruit, & accusante quodam Natali Beda postero anno M. D. X X V. à Sorbona propter hoc dogma Ubiquitatis, & realis idiomatû cōmunicationis è Gallia relegatus exulavit apud Margarethâ Navarrenam. Hæc est celebris illa Ubiquitas, quam è Gallia relegatam Lutherus in Ecclesias Germaniæ reduxit ( in Sole etiam & in pane tabernæ pistoriæ corpus Christi esse docens ) Brennius excoluit, Jacobus Smidelinus multis etiam invitis obtrusit, unde Apostoli Ubiquitatis cognomen meruit.

SACRAMENTARIAM causam Andreas Bodenstein, Sacramentarium bellum Martinus Lutherus primus commovit.

ANDREAS BODENSTEINIUS, Ca Estromus Rudingerus de origine Ubiquitatis.  
 roloftadius extra Helvetiam in superiore Germania & ditione Septemvirali Saxoniz, cum Archidiaconus adhuc esset V Vittembergæ, offendi se sermonibus quibusdam Lutheri de Eucharistia, ostendit, illis potissimû, quib. dicebatur Christus in pane sacro Cœnæ esse tantus, quâtus in cruce pependisset. Ac tum primû ab alienari nōnihil animi inter ipsos cœperunt.

Camerari-  
us in vita  
Philippi.

Acta Orla-  
mundensia.

Cum autem *ἰκονομαχία* ipsius à Luthero improbata esset, indignè ille id ferens, hœc 24. anno VVittebergam reliquit, ita ut simultatem sibi cum VVittebergensibus esse fateretur, & præ se tamen ferret studium de dubiis suis cum Luthero aliisque differendi, seque, si scrupuli sibi eximerentur, cum iis denuo coniūgendi. Recepit autem se Orlamundam, quod Thuringiæ oppidum est, per Ecclesiam loci illius legitimè vocatus ad Pastoratū, ubi Iconomachiā suā novas dedisse turbas iudicabatur. Revocatus ab Academia VVittebergam ad ordinariū munus obcundū in schola & Ecclesia, stitit se, promissiq; de reditu, si Orlamundani assentirentur. Rebus autem ad Salam Thuringiæ in peius ruentibus, decreto Electorio Lutherus primum Jenam, deinde Orlamundam venit.

JENÆ XXII Augusti horā septimā matutinā concionatur Lutherus contra fanaticū Spiritum Munceri. Eiusdem spiritūs ait esse *ἰκονομάχας* & Sacramentarios. Interest concioni Caroloostadius: pūgi se arbitratur, quippe qui primus quædā notasset & reprehendisset, quæ Lutherus de cœna sacra docuisset. A concione igitur Lutherum convenit in hospitio, cui insignè *niger ursus*; ibi post multos nō gravissimos inter ipsos sermones habitos, Lutherus datā arrhā ad scribendū publicè contra se de sacra cœna Caroloostadiū pro-

provocat, & belli sacramentarii, quod, pro dolor, adhuc durat, imprudenter initium facit. Narratio Germanica de congressu Lutheri & Caroloſtadii Tom. 2. Germanico operum Lutheri Jenenſiũ inſerta eſt: quam etſi mendaciis mixtam cum veritate ſcribit <sup>a</sup> Lutherus: tamen non negat ſe pactum fuiſſe cum Caroloſtadio: de cœna ſacra diſputare. Sed affirmat id etiam <sup>b</sup> alibi. Quin imò <sup>c</sup> gloria-  
tur: ſe Prophetas illos, qui dudum muſſitâr-  
int, aureo nummo ad pugnam eliciuiſſe, cuius facti necdum ſe pœniteat.

<sup>a</sup> Tom. 2.  
epiſt. pag.  
234.

<sup>b</sup> Tom. 2.  
epiſt. pag.  
203.

<sup>c</sup> Initio lib.  
2. contra  
cœleſtes  
Prophetas.  
<sup>d</sup> Hiſtoria  
exſtat T. 5.  
2. oper.  
Luth. Ger-  
man. Jenẽ.

<sup>d</sup> ORLAMUNDAM 24. Auguſti venit Lutherus: à Caroloſtadio Paſtore loci ne quidẽ ſalutari vult: cum auditorib, aut eiſ de *εὐνο-  
νομαχία* diſceptat, & illis factum ſuum ex ver-  
bo Dei defendentibus, obiecta; ex eodem  
verbo reſellentibus, penè cõfuſus inde abiit.

<sup>e</sup> Non ita multò poſt Caroloſtadius Lutheri inſtinctu, & Joannis Friderici Saxoniz Ducis iuſſu Thuringiz finibus exigitur. lubetur loco cedere Martinus Rheinhardus, prædicator Jenenſis, qui Acta Jenenſia & Orlamundenſia ediderat: mittitur in exiliũ Egranuſ.

<sup>e</sup> Lutherus  
contra cœ-  
leſtes Pro-  
phetas.

<sup>f</sup> Caroloſtadi<sup>9</sup> literas Orlamũdẽ ſcribit, alte-  
ras viris, alteras ſcœminis, quẽ publicẽ vocatis  
per cãpanas lectæ ſunt, omnib. ſimul ſtenti-  
bus. Erat aut ſubſcriptio talis: Andreas Bo-  
denſtein unverhõrt / vnd vnüberwunden / durch  
Martinum Lutherũ vertriebẽ / h. e. nec audi-

<sup>f</sup> Tom. 2.  
epiſt. Luth.  
pag. 236.

Tom. 2. e-  
pist. p. 237. tus nec convictus per Lutherum eiectus. *Vides, ait Lutherus ad Ambsdorsium, quòd ego, qui martyr debui fieri, eò perveni, ut martyres ipse faciam. Vix credas, quàm latè serpsit iam etiam dogma Caroloistadii de Sacramento.*

Ibidem  
pag. 247.

Desertâ Thuringiâ Caroloistadius rectâ petit Argētīnā, ubi in suas partes pertraxit Otonem Braunfelsium, quem & solū ibi allocutus est. Inde tēdit Basileā: ubi libellos quos per breves de Cœna Domini confecerat, recum nemine communicatâ, solis Anabaptistis eius loci cōsciis, edēdos curavit. Erasim. ad Henricum Stromerum 4. Idus Decembr. *Caroloistadius hic fuit, sed vix Oecolampadio salutato. Edidit sex libellos: duo, qui excuderunt, nudius tertius cōiecti sunt in carcerē iussu Magistratūs, ob id potissimum, quòd ut audio, doceat, in Eucharistia non esse verum corpus Domini. Hoc nemo fert. Indignantur laici sibi eripi Deum suum, quasi nusquam sit Deus nisi sub illo signo. Docti commoventur verbis scripturae sacrae, & Ecclesiae decretis. Hac res excitabit nobis magnam tragediam, cū tragediarum plus quàm satis sit.*

Lib. xix.  
epist. pag.  
604.

Summa doctrinæ Caroloistadianæ de Cœna sacra hæc est: corpus Christi nec esse nec comedi in cœna oraliter, sed celebrari ibi corporis pro nobis traditi, & sanguinis pro nobis fusi, memoriā. Tropicam igitur locutionē in verbis institutionis agnoscit, & vocabulum τῶν non refert ad ἄρτον (cum hoc mascu-

masculini, illud neutrius generis sit) sed ad ipsum Christi *σῶμα* sive *corpus*, ut hæc sit verborum Domini sententia: *accipite, edite panem hunc in mei memoriam, hic enim sedet corpus, quod pro vobis traditur*. Addit, ad tropum necessario confugiendum esse; ne cogamur asserere, panem pro nobis crucifixum esse: carnis esum, quod tamē falsum, in scripturis mandatū esse: carnem, quod item falsum, aliquid prodesse: corpus ipsū, quod etiam falsū, in usu Cœnæ frangi & pro nobis tradi. In libello, quem inscripsit, *von dem widerchristlichen mißbrauch des Herzen brodt und felch/* hoc est; de abusu panis & calicis Domini minimè Christiano, impugnat etiā erroneum dogma, quo iubentur homines remissionem peccatorum in Sacramento quærere. Docet: frequentandā Cœnam sacrā, ut annunciemus ibi mortem Domini: annūciationem mortis Dominicæ ex memoria Christi: memoriā Christi ex vera diiudicatione corporis traditi, sanguinis fusi, fluere: diiudicari corpus, nō panem, sive Sacramentū, quando discernimus corpus & sic sanguinem Christi ab aliis corporib. & sanguinibus: discretionē corporis & sanguinis Christi fieri, quādo cōsideram⁹, corpus Christi pro nobis in mortem traditū, sanguinem pro nobis fusū: qui hæc nō considerāt, eos fieri reos corporis Christi æquē ac latrones, à quib. decisis est, p̄sertim

quando tales de pane Domini edunt, & de calice bibunt. Itaq; hominē seipsum probare debere, an scil. Christi mortem rectē secum pensitet, & talis sit, qualem Christus esse vult. Negat etiam, sacramentum esse arrabonem, arram, & pignus redemptionis per Christum, siquidem, quod solius Christi & Spiritūs S. proprium est, id pani & vino minime sit tribuendum, nec usquam scriptura testetur, per panem & vinum conscientias tranquillari: quin contra Apostolus, præcipiat: hominem prius se probare, & sic de pane sacro edere debere, quæ probatio supervacanea esset, si homo per Eucharistiam de remissione peccatorum suorum certior redderetur.

Lavaterus  
histor. Sa-  
crament.

SENATUS Tigurinus rei novitate turbatus, cavebat, ne publicè libelli Carolostadii in urbe sua venderentur. At Zwinglius & Oecolampadius multò antè in verbis cœnæ tropū inesse agnoverāt, quàm viderēt, quib. verbis eum expedirent. Itaq; Zwinglius pro suggestu hortatus est Senatū, ut libellos illos, sicutq; & alios, ab omnib. legi pateretur, totāque Ecclesiam ad lectionem eorū incitabat, ut eò magis esset ingenua veritatis victoria: Carolostadio idem accidisse dicēs, quod tyroni, cui animus & arma ad pugnandū non desunt, sed armorū peritia. Qui nescit quæ corporis pars, quib. armis munienda sit, ga-  
leam

leam pectori thoracis loco præfigit, armillis crura tegit, ocreis tempora: ex thorace clypeum facit, &c. Ita Caroloſtadium veritatem quidem agnoſcere: ſed quia troporum vim non habeat perſpectam, verba non recto ordine collocare atq; diſponere.

Oecolampadius verò hinc inde ſcripſit ad amicos, ne Caroloſtadium propter libellos ſuos infamarent. Tametiſi enim non aſſequutus eſſet quod voluiſſet: tamen rei ſummam improbandam non videri.

Anabaptiſtæ quoq; tametiſi Zwinglii ſententiam, quam non ignorabant, nequaquam probarent, Caroloſtadii tamen probabant, & libelles eius longè lateq; ſpargebant. Et Bal-

Zwvnglii  
operum  
Tom. II.  
p. 244. b.

thaſar Pacimontanus Paſtor in VValtſhut, vir eloquens, quem Thomas Muncerus, ex Thuringia eò veniens, corruerat, Oecolampadio tantum non gratulatur, quod illi non diſpliceant libelli à Caroloſtadio ſuper Eu-

Epistolâ 1.  
lib. 2. epi-  
ſtolarum  
Zwvnglii  
& Oecol.

chariſtia editi. *Tametiſi, inquit, non eſt aſſequutus quod voluit, id tamen res eſt, quod ſcripſit. Hanc ſententiam jam pridem libens ex te evulſiſſem: ſciebam etenim, aut fortè divinabam, te à nobis nihil diſſidere. Verùm tum ſemper reſpondebas mihi ſub quodam velamine, & quidem non incircumſpectè: nam ita poſtulabat temporis opportunitas. Sed nunc eſt hora, quâ palam & ſuper tecta predicamus, quæ antehac muſſitabamus in penetralibus.*



Mox ut Caroloſtadii libri p̄dierūt, Zwinglius Epistolam ſcripſit ad Matthæum Albertum, Reutlingenſium Eccleſiaſten, quem cū fratre quodam de Euchariftia diſceptationē inſtituiſſe intellexerat: in qua ſcribit: haſtenus longè à ſcopo fuiſſe aberratum: Caroloſtadii ſententiam Leoni Judæ, fratribus aliis & ſibi non improbari: ſed offendi multos tum obſcuritate verborum, tū ſcommatis intempeſtivis, Tigurinos imprimis ſuos eo, quòd ab ea via, quam ipſe ingreſſus fuiſſet non nihil Caroloſtadius abhorreret. Deinde docet: edere Corpus Chriſti, nihil aliud eſſe, quàm credere corpus Chriſti pro nobis eſſe mortuum, idq; demonſtrat:

1. *Ex ſexto capite Iohannis, ubi de ſpirituali manducatione agitur, cujus in cœna ſacra inſtitutum ſit ſignum.*
2. *Ex verbis institutionis, ubi EST exponit per SIGNIFICAT: quia Cœna Domini ſit ſignum corporis Chriſti pro nobis traditi: id quod evincant verba addita: Hoc facite in mei memoriam.*
3. *Ex verbis Luca: Hoc eſt novum Teſtamentum in meo ſanguine. Ergo non ipſe ſanguis,*
4. *Ex verbis Pauli 1. Cor. 10. qui manifeſtè docet, quod, qui panem edunt & poculum hauriunt, cum reliquis fratribus in unum corpus coaleſcant; quod quidem corpus Chriſti ſit, eò, quod corpus Chriſti,*

*hoc est, quòd carnem auctoris sui pro se ma-  
ctatam, & sanguinem ejus pro se fustum  
esse credant.*

In calce adjurat Alberum per omnes vivos  
& mortuos, ut ne cuiquam mortalium hanc  
epistolam communicet, nisi quem constet  
in fide Christi Jesu sincerum esse. Tiguri 16.  
Novembris 1524.

ARGENTINENSES quoq; Theologi, VVolf-  
gangus Fabritius Capito mense Octobri, &  
Martinus Bucerus, cui cæteri ministri omnes  
subscripserunt, mense Decembri huius anni,  
publicis scriptis docuerunt: mittendas esse cõ-  
tentiones, & cogitandum de usu sacræ cœnæ,  
h. e. ut Capito loquitur, fidem nostram pane &  
vino Domini per memoriã carnis & sanguinis  
illius tantum pascendam: vel, ut Bucerus no-  
mine omniũ Pastorum loquitur: panem ibi  
edendum, vinum bibendum, & illico ad spiri-  
tuale deveniendum, memoriam mortis Chri-  
sti. Sic enim edendũ panem, vinum bibendũ,  
ut traditionis corporis & sanguinis semel fa-  
ctæ recordemur, atq; ita spiritualiter, verèque  
carnem illius edamus, sanguinem bibamus.

LUTHERUS successu doctrinæ Carolosta-  
dianæ perturbatus mense Decembri ad Ams-  
dorffium scribit: *Nobis nihil est, nisi unde*  
*humiliemur. Nam Carlstadii venenum latissi-*  
*mè serpit, accessit ejus sententia Zwinglii*  
*Turegi, & Leo Indani, alijsque multi*

Agēda Ec-  
clesiæ Ar-  
gentinen-  
sis anno  
1598. ed. ra.

Tom. 2. c.  
pist p. 246.

con-

CASPAR Schwenckfeldius Nobilis Sil- Bucholce-  
fius Kal. Januarii edidit librum inscriptum rus.  
Jacobō Episcopo Vratislaviensi, quemhorta-  
tur, ut puram Evangelii doctrinam ample-  
ctatur. Sed eo tempore adhuc sensit cum Lu-  
thero.

Idem undecimâ Junii scribit ad Fridericū Crantz-  
Lignicensem Ducem de abusu Evangelii ad hemius.  
securitatem carnis.

LUTHERUS Dominicâ x x. Trinitaris  
die nono Octōbris deponit cucullum Mo-  
nasticum.

Idem hoc anno edidit,

*Psalterium Davidis Germanicè.*

*Librum contra seditiosos.*

*Epistolam ad Principes Saxoniæ adversus  
Iconomachos & Enthusiastas.*

*Librum de exaltatione Benonis, cum ossa  
Benonis Episcopi Misnensis more solenni  
Misna effossa, exaltata atque collocata  
essent in tumbam marmoream, XIV.  
Maij: quæ res alijs religioni fuit, alijs  
joco & risui.*

THOMAS Müncherus Stolbergensis & Cō-  
cionator Alstetensis edidit scripta quædam  
adversus Lutheranos, quibus meram effudit  
rabiam. Liber adversus Lutherum ab eo scri-  
ptus, dedicatus & nuncupatus est Christo,  
Principi, ut ipse loquitur, Illustrissimo, &c.  
Item Lutherum flagellat, quod Enthusiasti-  
co spi-

co spiritu careat, & nihil nisi carnalia sapiat. Idem ad Melanchthonem scribit epistolam feriâ quintâ post Annunciationis, cui hæc verba inseruit: *Non in solo pane vivit homo: sed in omni verbo quod procedit de ore Dei. Videte, de ore Dei, & non ex libris proficiscitur. Testimonium quidem verbi veri ex voluminibus est. Nisi enim in corde oriatur, verbum hominis est, damnâs scribas versipelles, qui furantur oracula sancta Ieremia 23. Nunquã eis Dominus loquutus est, & ipsi usurpât verba ejus. O charissimi, operam navate, ut prophetetis, alioqui Theologia vestra nō valebit obulum. Considerate Deum vestrum è vicino, & non à longè.*

Idem hoc anno edidit protestationem suã unã cum Apologia de fide & baptismo, ex quibus apparet, eum fuisse hominem fanaticum, qui semina doctrinæ Enthusiastarum sparsit, & incautos homines prodigiosis *νενοφωμίαις* fascinauit & dementavit.



## ANNUUS CHRISTI M D XXV.

**C**UR sum doctrinæ Evangelicæ etsi multa sunt hoc anno remorata, tamen sparsa illa subinde latius, & ut à multis hostibus oppugnata, ita non paucorum cōstantiâ quasi de novo fuit confirmata. Cur-

Cursum Evangelii remorata sunt in Germania & extra Germaniam, bellum rusticarum & Sacramentarium: in Helvetia & Moravia secta Anabaptistica: in Silesia, secta Schwenckfeldica: in Boemia, Apostasia Caroli Ducis Monsterbergensis: quibus adde, si placet, nuptias Lutheri, alienissimo tempore celebratas.

BELLUM RUSTICANUM multum nocuit Evangelio. Nam qui in Suevia coierant rustici, Articulorum Magistratibus propositorum primo liberam Evangelii praedicationem sibi concedi armatis precibus postulabant. Et qui motus in Thuringia plebeios rusticosque suscitavit Thomas Muncerus, praeco fuerat Evangelicus, sed ab Evangelio Christi ad somnia Diaboli, & à somniis ad seditiones publicas dilapsus. Hinc passim in Germania Pontificiorum in Evangelicos auditæ vocalæ: *Hinc nova doctrina, hinc Evangelij Lutherani fructus?* <sup>a</sup> In Gallia etiam clarissimam Reginam, Francisci Regis captivi matrem, quidam in hanc sententiam pertrahere conatus est, ut obstaret doctrinae Evangelii, tanquam pacis turbatrici. *In Germania enim omnia esse mixta, neminem audire Principum imperia, & turbata prorsus esse omnia.*

<sup>b</sup> LUTHERUS ut scandalo huic occurreret, gliscente adhuc diffidio, antequam plebei arma sumpserent, edito scripto, omnes à seditione,

<sup>a</sup> Zvingli-  
us præfatio  
ne cōmen-  
tariode vera  
& falsa  
religione  
ad Franci-  
scam Gal-  
liarum Re-  
gem, præ-  
fixa.

<sup>b</sup> Sequen-  
tia scripta  
Lutheri re-  
periuntur  
Tom. ter-  
tio operū  
eius Germ.  
Jen. Sum-  
ma verò  
eorundem  
Latinè le-  
gatur apud  
Sicid. lib. v,

velut

velut flagitiosissimo scelere, non solum externo facto, verum etiam verbis & cogitationibus fugiendo, dehortatur. Deinde articulis agricolarum respondens, præcipue sibi postremum caput, quod verbo Dei meliora edocti, cedere veritati cupiant, probati ostendit. Postea ordine eum verbo Dei plerosque pugnare ostendens, concludit: etsi omnia postulata iustissima essent: tamen per seditionem & arma, scelerate adversus Magistratum sumpta, rapi non debere, & gravissimas poenas, præsentis ac æternas, in proposito perseverantibus, comminatur.

Eodem tempore ad Principes & Nobilitatem scribit: Ipsos Principes esse seditionis hujus causam, Ecclesiasticos in primis, quippe qui Evangelii sinceram prædicationem impediant, & opprimere atque eradicare cupiant & subditos oneribus intolerabilibus, & exactio- nibus iniustis gravissime premant: quas opes inique corrasas, postea luxu turpissime profundant. Itaque necesse esse, ut à persecutionibus Evangelii, & ab iniusta oppressione subditorum desinant: &, quæ emendanda sint, corrigant, nisi gravem Dei iram, & vindictam experiri, & impendens à subditis suis exitium incurrere velint. Et monet Principes præterea: ut omnia pacis media prius quærant, quàm armis decernant: incertos enim esse belli eventus & arma facilius sumi quàm deponi.

Tan-

Tandem utrisq; sigillatim commonefactis, communem illis epistolā scribit: & quòd malam utriq; causam tueantur, monet, ut ab armis discedant, & disceptatione causam finiant. At rusticis nihilominus progredientibus, & non Pontificiis solùm, sed Nobilitati bellū facientibus, Lutherus alio evulgato scripto, hortatur & instigat omnes, ut velut ad commune restinguendum incendium, sic ad istos consceleratos latrones trucidandos accurrāt. Qui libellus, ut nimis acer, à multis vituperatus, sed à Luthero prolixè fuit defensus.

Prodibant passim & aliā Evangelicorū scripta in Germania, quibus retundebantur eorū clamores, qui motuum & seditionum causam in renati nuper Evangelii doctrinam conferebant. Inter alia, nihil novi esse, Evangelici docebant, doctrinæ puræ adscribi, quod hominum peccatis promeritum sit. Romanos temporibus Apostolicis universales calamitates sibi immitti, propter religionem Christianam, putasse; cum tamen ipsi essent rei publicorum incommodorum, & malorum illices, apud quos Deus sperneretur, statuq; adorarentur; id quod ex Tertulliani Apologetico, ex Cypriano contra Demetriū, ex Augustino de civitate Dei, ex Orosio deniq; clarū sit.

\* PHILIPPUS quoq; Melanchthon à Ludovico Electore Palatino super articulis Rusticorum consultus, confutationem articulorū

a Exstat confutatio 2. Tom oper. Luth. Ger. Wittenbergæ editorū fol. 97.

Q

illorum scripsit, & consilium adjecit. Incendium hoc Rusticorum non aquâ sed sanguine multorû milliû in bello hoc cæsorû, restinctum est.

BELLUM SACRAMENTARIUM continuaverunt Saxones, Helvetii, Suevi.

In SAXONIA Lutherus Caroloſtadium, Joannes autem Bugenhagius Ecclesiæ VVittebergensis Pastor, Zwinglium, publicis scriptis adoriuntur.

Lutherus statim sub initium anni respondet ad libellos Caroloſtadii, libro, quem inscribit, *Contra cælestes Prophetas* (Prophetas enim tum VVittebergæ nominabant Anabaptistarû primitias, de revelationibus arcanis & spiritu prophetico gloriantes, Ciconiam, Müncherum, Cellariû, & qui his familiaris fuerat, Caroloſtadium) Librum illum Lutherus in duas secatur partes: primâ de imaginibus, Caroloſtadio, & Missa agit, affirmaque Imagines in veteri Testamento prohibitas esse, non in novo: Caroloſtadium à se non fugatum: Missæ nomen etiam ab Apostolis, sacramento tributû, & alia: Alterius materies est Eucharistia: ubi primûm exaggerat expositionem Caroloſtadianâ pronominis *ἵνα*, *HOC*: deinde respondet ad Caroloſtadii argumenta: aitq; verba, *quod pro vobis traditur*, hunc habere sensum, *corpus quod in pane editis, paulò pòst, quando non edetur, pro vobis tradetur*. Et sicut non scriptû est,  
accipi-



*accipite corpus & edite:* ita nec scriptum esse: *accipite panem & edite.* Dictum Christi, *Caro non prodest quicquam*, non de carne Christi, sed de sensu carnis, qui mors est, Rom. 8. esse intelligendum. Fractionem esse distributionem corporis: sanguinem Christi, qui pro nobis effusus, nunc sedere ad dextram Dei: sed efficaciam illius effusionis esse perpetui temporis. Deniq; nesciri, quomodo panis fiat & sit corpus Christi. Verbis Christi inhærendum.

JOHANNES BUGENHAGIUS Pomeranus epistolam Latinè & Germanicè edit de cœna Domini, in qua pro orali manducatione pugnat contra Zwinglium, argumentis: quod Zwinglii doctrina nova sit: ex somniis probetur: Evangelistis nullibi EST pro SIGNIFICAT usurpetur: dictum, *caro non prodest quicquam*, non de carne Christi, sed de carnali intelligentia accipiendum: secundum Paulum 1 Cor. 10. cōmunicetur corpus & sanguis Christi: & indigni rei fiant, non panis sed corporis 1. Cor. 11.

IN HELVETIA Zwinglius & Oecolampadius causæ sacramentariæ, à Carolo studio mortæ, patrocinium suscipiunt, repudiata tamen violenta interpretatione Carlstadiana particulæ Hoc: quam Carlstadius ipse abjecit Zwinglii & Oecolampadii scriptis lectis.

ZWINGLIUS rogatu Italicorum & Gallicorum, ut ipse fatetur, summam doctrinæ

Exstat

Tom. 1. o.

per. Zwinglii.

næ Christiænæ libello eo complectitur, quem *de vera & falsa religione* inscripsit : in quo suâ quoque de Eucharistia sententiam explicat : nempe esse eam gratiarum actionem, & communionis gratulationem eorum, qui mortem Christi annunciant. Deinde multis probat, Christum capite sexto Johannis non loqui de manducatione sacramentali : Tum ex scriptura locos adducit, in quibus negari non potest, vocem **EST**, pro **SIGNIFICAT**, esse positam : Postremò evidenter demonstrat, etiam in verbis cœnæ **EST** pro **SIGNIFICAT** necessario accipi : & coronidis loco ex Patrum testimoniis manducationem oralem destruit, Lavaterus. spiritualement adstruit. Hoc Cōmentariō Zwinglii non pauci sic moti sunt, ut, cū ante nihil de hac sententia audire vellent, postea mitigati, eam diligenter perpenderint.

Quia vero Zwinglio festinanti quædam in hoc Commentario exciderant, ideo mense Augusto Subsidium de Eucharistia scripsit : in quo novis argumentis tropum stabilit in verbis cœnæ, & sex objectiones adversariorum diluit. Triumphare videtur hîc Zwinglius. *Vide Tom. 2. operum Zwinglii.* hoc argumento :

*Si propria esset locutio HOC EST CORPUS MEVM, corpus aut pro corpore Christi naturali & patibili, aut pro corpore glorioso, aut pro corpore mystico, nempe Ecclesiâ, acciperetur,*

At non

At non pro corpore naturali & patibili.

1. *Sic enim edi non posset nisi dentibus: à qua manducatione ipse Christus avocatur Iohann. 6. Caro non prodest quicquam,*
2. *Et sic discipuli aliter edissent quam nos: tum enim nondum erat in cruce Causus.*
3. *Quomodo potuisset corporaliter edi, qui in cruce corporaliter debebat extendi?*

Nec pro corpore glorioso:

1. *quia sic discipuli aliter edissent quam nos.*
2. *quia à resurrectione adscendit cælos.*

Nec pro corpore mystico, quod est Ecclesia:

*Quia sequitur: quod est traditum.*

Ergo.

Tandem vigesimâ tertiâ Octobris Zwinglius respondet epistolæ Joannis Bugenhagenii, Docet autem: sententiam suam de cæna novam non esse, sed fuisse Christi, Apostolorum, Patrum. Scriptores cum tropis utantur, non addere Commentarium, quo tropos exponant: se vidisse quidem, tropum inesse verbis cænæ, sed in qua voce, non vidisse, donec epistolam Batavi cuiusdam legerit: Dictum Christi, *Caro non prodest quicquam*, non loqui de carnali intelligentia: quia contextus aliud urgeat, & qui statuit, *carnem prodesse*, is duas salutis vias statuatur:

Exstat responsio  
Tom 2 op-  
perum  
Zwinglii.

Deniq; *κοινωνία* apud Paulum non passivè accipi, ideo communionem rectiùs verbi quàm communicationem: sensum esse: Poculum cui benedicimus, esse symbolum & protestationem, quod habeamus communionem in sanguine Christi, hoc est, quod Christiani sumus, sive loci Christi, cœtus ille, qui est corpus Christi, & cuius Christus est caput. Verbis illis, *reus erit corporis Christi*, Paulum non velle aliud, quàm, Christi institutum prodi ab eo, qui non eâ mente accedit, qua oportet. In Epilogo deprecatur certamina cum Evangelicis fratribus: monet, ut & Pomeranus & alii à convitiis sibi temperent, ac causam solis scripturis & rationibus, non clamoribus tribunitiis agant: sat hostium habituros se in grege Pontificio: concluditq; , *Non posse ex integro Antichristum profligari, nisi & errore Consubstantiationis profligato corruat.*

OECOLAMPADIUS Basileæ cum collegis nonnullis idem docebat quod Zvvinglius. Cum igitur passim audiret Carolostadianus, & ab amicis etiam rogaretur, ut publico scripto sententiam suam de Eucharistia explicaret, libellum hoc anno edidit *de genuina verborum Domini, HOC EST CORPVS MEVM, expositione*: in quo originem manducationis oralis refert ad Petrum Lombardû Sententiarum cōfartiatorem, quem & ipsum, scribit, errorem suû Rapsodo alii, uti Damasc.

vel

vel Gratiano, affricare posse. Lombardū enim distinctione 10. l. 4. proscindere & insectari tāquam insanos hæreticos, qui asserunt, Christū eo tropo dixisse, *hoc est corpus meū*, quo Paulus dixerat: Petra est Christus: nec animadvertere Lombardū, se hæreseos hac ratione arguere præcipuos & antiquissimos Doctores, qui in hac sententia fuerint: Deinde diluit argumētum: *Quæ captū transcendunt, non sunt virib. humanis indaganda. Ergo de sacramentis nihil inquirendum.* Ac probat sacramenta non esse ex genere ἀκαταλήπτων & incōprehensibilium. Nec esse in Eucharistia quòd vel miraculum sit, vel captū hominis excedat. Diluit calumnias cōcionatorū, qui vociferantur, negari ab iis Evangelia & Deitatem Christi, & totū Christianismum everti, qui oralem manducationem carnis Christi negant. Docet etiā, non fuisse grave spiritui sancto, ita moderari verba, ne alicubi ansam seducendi accipere potuissent, sed αἰνιγματικῶς nonnulla esse voluisse, ut videntes nō videant, & ἀποκάλυψις misericordiæ Dei donum cognosceretur. Tandem trāsit ad statū causæ, probatq;, verba cœnæ Dominicæ, *hoc est corpus meum*, eodem tropo dici, quo illa Apostoli, Petra erat Christus. Neq; enim insolutam, nec ignotam scripturæ hanc esse expositionem, cū nihil alienius sit Synusiastarū interpretatione: tropū necessariò hic statuendum: absurda infinita sententiam

rique alii: Num tu aliis vis sapientior esse? Credendum est, quod alii credunt. Sæpe numero seipsum accusabat, quid in aliorum pectoribus lateret, non cogitans, Tunc solus tam abiectus es à facie Domini, ut illic repugnes, ubi ferè nemo? Sæpe antiquorum Doctorum lectione infirmitatem suam vincere conabatur, sed principio non occurrebat, quo iuvaretur. Crebrò erat obvium: *corpus Domini & sanguis Domini*: sed *qualiter* corpus, *qualiter* sanguis rariùs explicabatur, & valde obscurè. Pendens itaq; ab aliorum iudicio, parum rectè sentiebat. Tandem semotâ autoritate hominum veritas ei fulgidior affulsit, ut ultra Papisticam sententiam inferre opus non esset. Suam verò hinc inde cum amicis contulit. Integrum iam annum sermo de cœna Domini per ora omnium volarât, priusquàm quicquam hac de re evulgasset.

Misit Oecolampadius libellum suum Fratribus per Sueviam Christum annuntiantibus, rogavitque ne sibi succenserent ob veritatis indagationem: scriptum suum iudicarent, at non secundum faciem: charitatem primo loco commendatam sibi habeant, addito hoc epiphonemate: *Error condonari potest, modò fides adsit in Christum. Discordiam, neq; si sanguinem fundamus, expiabimus.*

Hac occasione arreptâ duodecimâ Octo-

Utrumque  
scriptum  
coniunctim  
est editum  
Basileæ  
1526.

bris ad Oecolampadii libellum respondent  
doctores Suevici numero quatuordecim,  
Halæ congregati, edito libello, cui titulum  
fecerunt *Syngrammatos*, quod à pluribus con-  
scriptus esset. Afferunt in isto libello argu-  
menta 1. contra tropum, 2. pro literalis  
sensu, 3. pro præsentia corporali. Estq; sen-  
tentia Suevorum: Quemadmodum ad serpen-  
tem æneum sanationem attulerunt verba il-  
la: *Qui percussus aspexerit eum, vivet*: ita verba  
cornæ, *Hoc est corpus meum* ad ferre ad panem  
corpus, & ita in pane iam corpus realiter ex-  
istere. Scripserunt inter alios Erhardus Sne-  
pfius VVimpinensis, & Joannes Brentius Ha-  
lensis Ecclesiæ minister, qui *Syngrammatos*  
auctor fuisse creditur.

His Oecolampadius statim ac eodem hoc  
anno Antisyngramma opposuit, in quo o-  
stendit ille ministris Suevicis, ipsos quæ e-  
vertere studerent, argumentis suis propriis  
incogitantissimè stabilire & asserere.

ZWINGLI de Suevorum syngrammate  
iudicium in calce epistolæ ad Theobaldum  
Billicanum legitur hoc: *Nihil hac tempe-  
state in lucem prodixisse video, quod commenda-  
tione esset indignius, cum propter vim, qua in eo  
libro sacris literis fermè toties intentatur, quoties  
adducuntur, ac immodicum fastum: tum propter  
novum exemplum, ac immodestiam. Oecolampa-  
dium virum innocentissimum, ac omnis turpitu-  
tatis,*

*tatis, tum eruditionis specimen, adeo impurè tractant, à quo pleriq; tamen hauserunt, qua in linguis sciunt, ut non obiurgatione, sed execratione dignum sit, hoc pacto ἀντιπαραγιν.*

LUTHERUS ubi rescivit Caroloſtadium Tom. 3. o.  
per. Germ.  
Jen. Et  
Tom. 1. c.  
piſt. Luth. Argentinæ ~~adhuc~~ hærere, prolixam ad Argentinenses scribit epistolam, qua illis lucem doctrinæ Evangelicæ gratulatur, eosdemq; ad constantiam & concordiam, & ad tolerandas calumnias, iniurias & insectationes hortatur: inprimis autem, à Caroloſtadii veneno sibi caveant, monet, renovatâ memoriâ colloquii Orlamundici, quo in loco Caroloſtadiani etiam vitæ suæ essent insidiati.

Contra, Argentinenses Gregoriū Caseliū, Tom. 2. c.  
piſt Luth.  
pag. 392. Hebraicæ linguæ Professore, VVittebergam mittunt, rogatum, ut ne Lutherus charitatem fraternam & unionem Ecclesiæ propter controversiâ Eucharisticâ violet, Zwinglium & Oecolampadium, viros doctos & integros pro fratrib, agnoscat: de cœna scribat & edoceat, quæ vera esse credat. Quibus Lutherus per Caseliū respondet: pace nihil esse optabilius: silere aut perpetuò, non esse integrū: responderi non posse, si dampari nō liceat: & damnandi verbū pro convitio rapiatur: se à modestissimis illis, ut carnivoram, & esculenti Dei, impanatiq; cultorem traduci: consilium Argentinensium sibi non probari, quod fideles advocandi sint, à quæstione  
corpo-



corporis & sanguinis præsentis, & solo verbo & fide sint exercendi: alterutros esse Satanæ ministros, vel ipsos, vel se, ideo hic nulli consilio aut medio locum esse: rationes, quæ pro tropo adferantur, nullas esse. Probandum, verbum est, non alicubi in scripturis, sed in isto loco pro *significat* accipiendum. In illo, *Petra erat Christus*, Paulum non de corporali, sed de spiritali loqui, siquidem addatur: *bibebant de spiritali petra*. Manifestum etiam lapsum esse in illo: *agnus est transitus Domini*. Hanc enim phrasin nusquam in scriptura haberi. Per Christum igitur se rogare fratres, ut ab hoc errore abstineant.

Tom. 2. c.  
pist. p. 280.

Erhardus  
Schneppius  
in Confes-  
sione sua.

CAROLOSTADIUS sub initium huius anni vagabatur passim per superiorem Germaniam, & tandem consedit Rotemburgi ad Tubarim, tumultuans more suo, ut loquitur de eo Lutherus, imaginibus, Sedato autem tumultu rusticorum cum ministri Evangelici Rotemburgenses securi percuterentur, & ingens civium numerus, erutis luminibus, ad extremam mendicitatem redigeretur, elapsus Caroloostadius per sportam de muro Rotemburgensi, dimissus est.

In his angustiis positus, libellum efficit, quo se diligenter ac sollicitè purgat, & ab iis, qui ipsum inter seditionis authores ponant, iniuriam sibi fieri demonstrat:  
& scri-

& scriptis literis valde orat Lutherum, ut hunc libellum edat, & suam innocentiam tueatur, ne indictâ causâ vitæ ac bonorum discrimen sibi sit adeundum immerenti. Lutherus editâ epistolâ, tametsi graviter à se dissentiat ille, tamen, quòd in his difficultatibus ad se confugiat potius quàm ad alios, qui ipsum in se concitârint, nolle se spem illius atque fiduciam fallere, dicit, præsertim cùm hoc etiam proprium sit hominis Christiani. Rogat igitur Magistratum, & in universum omnes, quandoquidem & crimen intentatum à se removeat, & notionem non recuset, & legitimo iudicio parere velit, ut hoc ipsi concedatur. Hoc enim esse plenum æquitatis & officii. Pòst hæc Carolostadius alterum mittit Luthero libellum, quo profitetur, ea quæ de cœna Domini scripserit, non definiendi, sed disputandi, & veritatis eruendæ causâ scripisse. Lutherus excusationem accipit: monet tamen homines, quonium ipsemet dubitare se testetur, nec certum quid definiat, ut ab eius opinione sibi caveant, aut, si fortè & ipsi dubitent, eòusque differant, donec, quid certò sequantur, appareat. Nam in iis, quæ nobis credenda sint, minimè hærendum, aut vacillandum esse: verùm adeo certam cognitionem esse comparandam, ut potius quàm à sententia discedamus, millies mori

Exstat T6.  
3. oper. Jen.  
nen. Germ.  
pag. 102.

Exstat T6.  
3. oper.  
Germ. Jen.  
pag. 155.

Vide supra  
ad annum  
XX.

mori non recusemus. Atq; in hoc quidem sui ipsius immemor fuit Lutherus, quippe qui initio reformationis, ad Leonem Papam & Episcopum Brandenburgicum scripserat, *inter propositiones suas de indulgentiis esse quasdam, de quibus dubitet, nonnulla ignoret, aliqua neget, nulla pertinaciter asserat.*

De Caroloostadio sic tum fuit iudicatum: aut seriò illum ad Lutherù ista scripssisse, aut simulatè. Si seriò, improbandà esse adhibità priùs ab illo in defendenda thesi, de qua dubitaret, vehementiam: sin simulatè, levitatem ingenii culpandam. Quicquid sit, per Lutherum ab Electore Saxoniz tandem impetravit, ut fide publicâ in Saxoniam sibi redire liceret. Quin antequam Elector assensisset, apud Lutherum in monasterio, nemine, nisi VVolffgango, Lutheri famulo, conscio, Caroloostadium latuisse, sunt qui affirmare non dubitent.

Erasmus  
Alberus  
contra Ca-  
roloostadia-  
nos.

INTEREA Argentinenses Theologi, quamvis moderatissimi, tamen hæreseos nomine passim traducebantur, inprimis Norimbergæ. VVolffgangus igitur Capito 18. Novembris ad Andream Osiandrum scribit: *Audio quibusdam in causa esse, cur adversa de nobis suspicentur, quod imperiosis factionum capitibus non subscribamus. Ecquid, hoc, obsecro, rei? Num decet Christi professores ab humano pendere die? Coram Deo tibi atque Domi-*  
*ne no-*

no nostram profiteor fidem. Credimus Christum Iesum pro nobis crucifixum, per quem Dominus salutem orbi promisit ac prostitit: hoc unum predicamus omnes & omni tempore. Rebaptizatores non recipimus, qui ad elementum aqua vim Christianismi alligant, contra verum scriptura sensum. Deinde Christum, qui est via & veritas, tenemus in materia Eucharistia. Sunt enim, qui articulum fidei faciunt, dicentes: corpus Christi corporale verè in pane & vino esse. Rursum qui necessarium aiunt, ut nudum credamus panem. Neutrum recipimus, quia uterque puritatem fidei inficit, concordiam Ecclesiarum scindit, laqueos ponit animis simplicium, ianuam novæ tyrannidi aperit. Nam sunt scriptura mysteria haud rapienda protinus ad necessitatem credendi. Mihi liberum est, quod tibi, tanquam peritiori articulus esse poterit. Scio, si quid amplius fuerit necessarium, Dominum esse revelaturum. Regulam fidei certam retinebimus mordicus, & perstabimus in libertate ad quam nos Christus redemerit.

HÆC Evangelicorum certamina iucundum animi pabulum erant Pontificiis, qui se Lavacrum. Zwinglii & Oecolampadii adversariis iungebant, eos collaudabant, in precio habebant, ac tantum non ignoscebant eis, quicquid etiam iacturæ hætenus ab eis fecissent.

IN HELVETIA rem Christi plurimum hoc anno

**Chronicon** anno remorata est secta Anabaptistica. Cum  
**Bullingeri**, enim superioribus annis Thomas Müncerus  
**M. S.** venisset in Helvetiam, corripit Balthas-

**Tom. II.**  
**operum**  
**Zwinglii**  
**exstat.**  
**Chronicon**  
**Bullingeri**  
**M. S.**

rem Hubmaierum Pacimontanum, disertis-  
 simum VV alshutensium Evangelistam, Fe-  
 licem Manzium, Cunradum Grebelium,  
 Tigurinos & plures alios. Balthasar circa  
 Pentecosten huius anni edit librum de Ana-  
 baptismo, quo multos seduxit. Zwinglius  
 Nonis Novembrib. ei publico scripto respō-  
 det. Manzium & Grebelius inhiabant in Re-  
 formatione Ecclesiæ Tigurinæ Canonicati-  
 bus & professionibus linguarum. Voti sui  
 cūm per Zwinglium non statim fieri possent  
 compotes, amore in odiū converso, Zwin-  
 glii actiones vituperarunt, multa in illius re-  
 formatione, præsertim restitutionem Ana-  
 baptismi desiderantes. Senatus gliscenti ma-  
 lo occursurus, die decimâ septimâ Januarii  
 Zwinglium & Manzium cum assedlis in Cu-  
 riam vocat: Manzium rationibus Pædoba-  
 ptismum oppugnat, quod pueri non sint  
 baptismi capaces, mysterium non intelli-  
 gant: fide careant: & quod Apostoli nullos  
 infantes baptizârint. Zwinglius ordine ad  
 singula respondet eo modo quem expressit  
 libro de baptismo Senatui San-gallensi de-  
 dicato. Finito colloquio, Senatus edicit, ut  
 omnes quieti sint. Anabaptistæ contra, Deo  
 magis quàm hominib. obediendū, clamant.

**Tom. H. o-**  
**per. Zwin-**  
**glii fol. 57,**

Vicci-

Vicesimâ igitur Martii de voluntate Senatûs Zwinglius iterum cum illis congreditur. Anabaptistæ cum disputationibus nihil proficividerent, & non deessent, à quibus Evangelii doctrinam prorsus exterminatâ volentibus, in furore suo confirmarentur, ad alia conversi, veritatem dogmatis sui se sanguine suo obsignaturos, vociferabantur. Itaq; hinc inde in urbis angulis aliquos rebaptizabât, per compita etiam clamabant: *Va Tiguro, va Tiguro! Age pœnitentiam, Tigurum: brevi interibis.* Magistratus, ne quid Respublica detrimenti caperet, alios in carceres coniicit, alios proscribit. Novæ hinc audiri querelæ, *qui puro puto Dei verbo vel stare vel cadere velint, illos carcerib. & exilio multari.* Rogatu igitur Zwinglii Senatus ad solennem disputationem, mensis Novembris die sextâ habendam, Anabaptistas vocat. Cōparent. Triduû disputatur. Tandem profilit Anabaptista quidam, & Zwinglium per Deum vivum adiurat, ut sibi veritatem dicat, (persuaserat enim sibi Zwinglium in conscientia conviêtum tacitè favere Anabaptismo) Cui Zwinglius: Ego verò faciam. Dico te rusticorû seditiosorû in ditione Tiguriâ esse Principem. Ad quæ verba Anabaptista obmutuit, cæteri riserûnt.

Disputatione finitâ Senatus Felicem Mâzium, Grebelium, & cæteros Anabaptistarum patriarchas in curiam vocat, & iis Ana-

baptismo graviter interdicat. Qui cùm se minimè obtemperaturos præ se ferrent, in custodiâ quidè ducti, sed statim fuere dimissi, cum comminatione pœnæ severioris. Ediētū etiam promulgat Senatus die Andree Apostolo sacrâ, quâ Acta disputationis paucis repetit, Anabaptistos convictos esse, cōfirmat: subditis igitur mādāt: ut Pœdobaptismum retineant: ab Anabaptismo sibi caveant. Omnia frustra. Sancitū igitur, ut deinceps Reipublicæ pœnas præsentī morte penderent, qui vel Anabaptismum professuri, vel huius Professores hospitio accepturi, aut quoquo modo essent adiuturi.

Acta collo-  
quii.

BASILEÆ hoc anno Oecolampadius quoq; cum Anabaptistis cōgressus est. Cūq; passim isti de victoriā ab Oecolampadio reportatā gloriarentur, edidit ille Germanicè colloquii cum Anabaptistis habiti Acta.

Historia  
formatio-  
nis San-  
gallensis.

WALSHTI Balthasar Hubmeier, Pacimontanus, primus illorū Evāgelista, Anabaptismum strenuè hoc anno propagabat calamo & voce: atq; ut in casses suos, quos veller, pertraheret, simulabat, se Ecclesiam istā deserturū, quippe qui ibi sementē in petra faceret. Noverat autem, se efflictim ab auditoribus suis amari. Accurrit igitur magna multitudo, denuò tingitur: cōminuuntur baptisteria. Cives nonnulli à novitate istā abhorrent: dislidiū animorū oritur, quod Austria-

cis

cis oppidum sine sanguine, & Episcopo ordinario imperium Ecclesiasticum sine vi restituit, religione Pontificiâ postliminio illuc reducta.

Balthasar ex oppido elapsus, Tiguri apud Zwingli<sup>us</sup> viduam quandam subiit. Senatus ubi id rescivit, <sup>us epistolâ ad Petrum Gynorzi.</sup> suspicatus hominē idem monstrum aliturum, quod reliqui Catapaptista, eò quòd clam in urbē irrepsisset, stringi hominem iubet, ac in pratorio liberâ custodiâ servari. Post tertium verò, quartum, aut nescio certò, quem diem, iubet subito Engelhardum, Leonē, Myconium, Sebastianū, Megandrū, alios, & me adesse: ubi venimus, exponunt, qui à Senatu ad hoc constituti fuerant: quomodo Balthasar ducē ad se literas dederit, quibus pollicetur, se Zwinglium suis scripturis superaturum de Baptismo. Quid multa? Congrediuntur. Ibi obiicit cæcus homo, quod ante annos aliquot de Catechumenis docendis tradideramus in 67. Conclusionum: non enim intellexerat, nos istic in hoc esse, quod pueri etiam nū aequè atq; olim fidei rudimenta doceantur: quod ipse ad Baptismum retulit, parum prudenter: quasi dixerim meum esse consilium, ut mos non tingendi infantes postliminio reducatur, cū ego de more imbuendi pueros fidei rudimenta latus sim. Vbi se hac parte videret erravisse, blandulus fuit. Processimus post multam conflictationem, in qua Testamentum istud perpetuum agnoscere noluit. Ventum est ad caput secundum Actorum, ex quo probavi, Christianorum liberos inter



principia censos esse ad Ecclesiam: cumq; multa responsaret, ad claram atq; disertam responsionem eliciebam, ut diceret: anne concederet pueros istos in Ecclesiam fuisse, nec ne: at ne quicquam, omnia tentabam. Ibi ingenuè fateor, cum & istum locum 1. Corinth. 10. Patres nostri omnes in Moysen baptizati sunt &c. admoverem, ad compellendum eum, ut agnosceret pueros contineri, etiamsi eorū nulla prorsus mentio fiat: illeg; nollet dicere, vel non, vel etiam, me vehementius in-vexisse in hominem: sed non aliā re, quā quod Catabaptismo suo miseros cives suos traxerit in dissidium, quod iam ipsos perdiderit. Hoc ad magnū temporis modum ubi duravit, sic homo redargutus ac superatus, artem novam orditur: postulat, ut Leo, Myconius, & Sebastianus sibi dentur, ut cum illis solis conferat: sperabat arrogans homo, istos ad se blandiloquentiā suā pertracturum. At ubi neq; sic videt procedere consilium, eosdem iterum impetrat, ac post multas versutias huc descendit, ut dicat, se recantaturum. Id autem Senatus non cogebat, nisi non voluisset ab urbe abire: nihil enim gravius statuebat in eos, qui Catabaptismi causam deferere noluissent, quā quod relegaret. Veniunt interim legati Imperatorii, postulantes hominem ad supplicium: qui eis breviter negatus est, per legem, quā cavetur, ut qui ob aliquam noxam civis in nervum conticiatur, ob eam solam reus fiat. Sic peccavit in hominem istum Senatus, defendit ab impetitione Caesaris, tanquam civem. At  
hic

hic succurrit, cum fuisse in nervo, antequam in liberam custodiam sit positus: utcumque res habeat, liber tum erat, cum congregareremur, diuque postmodum in Pratorio liber adservatus fuit. Scribitur ergo revocationis forma, non ex præscriptio Senatus, aut quorumcunque, sed suâ ipsius manu. Cumq; ipsam in templo, cui Abbatia nomen est, praelegisset, finito sermone, quem nos ad populum habueramus, protinus abnegat revocationem coram totâ concione: occasionemque dicendi natum esse putans, multa adducit contra Baptismum infantium, & Catabaptismum munit. Hic fama constans fuit (sed ego divinationem arbitror) clam eum hoc doctum esse, quo motus aliquis fieret: spem enim habebant, me protinus, absoluto sermone, abiturum. Coniicitur denuo in nervam, tenetur istic mensem, aut longius. Ibi tandem sic ait: Dicit se prorsus ignorare, quod revocationem vitia verit: ac si aliter sit locutus quàm promiserit, se aliquid à Dæmone passum esse. Concinnat novam revocationem. Nos ad amicos ubique adcurrere, orare, ut misericordia homini impertiatur, deturque Senatus: datus est. Offerentique sese ad palinodiam decretum per misericordiam, ut disertam revocationem faciat: quâ factâ, ocyus è sinibus facescat. Hic ego, ego inquam, Engelhardum, Leonem, Megandrum, coëpiscopos adeo, ac oro, ut pro homine precibus apud Senatum velint nobiscum intercedere, Nam si protinus post revo-

cationem eiiciatur , periculum imminere hominī tam ab Helveticis nostris , quàm à Casare. Audivit Senatus pręces nostras , ac post revocationem quàm ex animo facere simulabat , cum nihil minus esset , spatium latendi immerenti dedit , donec occasione inventā. tutus abire posset. Quā datā , per Senatorem quendam , virum in Evangelio Christi fidelissimum , allegatus est clam , ut eius abitionem ne cives quidem senserint. Vide , mi Petre , quo candore simus hominem persequuti , quāq; perfidiā nobis responderit. Nam ut primum Constantiam venit apud ministros verbis sic nos calūniatus est , victoriāq; suam de Catabaptismo iactavit , ut nesciam , an nullos in odium nostri traxerit. Tam incauti sunt quidam ad hypocrisis deprehensionem. Nos omnia dissimulavimus. Abiens bonos istos viros sic movit , ut 10. aureis eum donaverint : quum ipse plus auri secum aut cum uxorcula habeat , quàm omnes isti argenti. Sic abutuntur nostrā simplicitate , qui pietatis simulatione questum faciunt. Nos dexteritatem spectamus in homine , ac mediocritatis studium : In eo autem homine ( falli cupio ) nihil quàm immoderatam rei gloriaque sitim deprehendisse visus sum ipse mihi. Cæterum Balthasar iste dimissus in Moraviam venit , Anabaptistis se associavit , ubi cum novos motus sulcitallet , captus & cum uxore Viennam ductus , ipse quidem igne exustus , uxor verò eius aquis submersa periit.

SANGALLENSIS Ecclesia per Anabaptistas

ptistas variè fuit exercita, Anno 1524, venit cò Laurentius quidam, discipulus. Cunradi Grebelii, & Joannis Kesleri auditorium ingressus, prælegentem VI. caput D. Pauli ad Romanos, publicè interpellavit, errorisque arguit de Pædobaptismo, hoc argumento: quod perinde esset, infantem, ac felem baptizare, cum inscitia rerum divinarum in utroque sit eadem. Cui responsum à Keslero: magnum esse discrimen inter bruta animantia & infantes. Hos enim ad vitam æternam creatos, brutà animantia non item. Horum esse fœdus gratiæ, illorum non item. Laurentius alterum Lectorem San gallensium VVolfgangum Ulmian privatim aggressus, veneno suo infect. Hic Ulmian hoc anno 1525. Scaphusii incidit in Cunradum Grebelium ipsum, à quo in Anabaptismo ita confirmatus fuit: ut non nisi in Rheno nudus submergi, atq; ita more Apostolico baptizari vellet. Domum reversus iactat revelationes divinas in itinere sibi factas; rogatus à civibus, ut in templo illas exponeret, renuit, forum, aut quécunq; alium locū delegit: in templo (nondū dum remota erant omnia idola) veritatem nec dictā, nec dici posse, ait. Obiectū, *ab uno*, magnis precib. à Senatu locum illum obtentū: levitatis fore, eū deferere. *Ab alio*, Apostolos, non coëgisse homines in certo loco cō-

venire, sed gavisos fuisse, si audiri possent, si-  
ve in synagoga, sive in templo, corā Diabo-  
lo & inferno: eosdem per verbū prædicatū  
Diabolos & idola eiecisse, non per Diabolos  
& idola eiectos fuisse. Hæc omnia nihil ille  
moratus, cum suis in civium ædibus, in pra-  
tis, in montibus conventicula celebrat, reli-  
quos pro Ethnicis habet. Quæ prima fuit  
Evangelicorū in oppido San gallensi scissio.

Ulmian, propter seditiosas conciones ca-  
ptus, oppido eiicitur: anno autem 1527 cum  
~~quinq;~~ aliis Walsæ cum quinq; aliis in con-  
stanti fidei Anabaptistice professione à Pon-  
tificiis est occisus.

Venit mox in oppidum San-gallense Gre-  
belius ipse, concionatur ibi Dominicā Pal-  
marum: venit eo & Hippolytus quidam ru-  
sticus facundus, multa propter Evangelium  
passus: is per festos paschatos dies de insigni  
Anabaptismi fructu disserit: multos lectæ ad-  
iungit: exacto octiduo domum reversus à  
Suitensibus captus, & vivus, gestibus mo-  
riendi alacritatem testantibus, est crematus.

Videbantur sibi Anabaptistæ parvā He-  
rosolymam invenisse in oppido San-gallensi.  
Apostolos igitur imitaturi in omnem terram  
egressos, quotidie manè & ipsi in vicina loca  
egrediebātur, pastores Evāgelicos auditorib;  
suspectos reddebant, loco movebant: &, ne  
propter imperitiam literarum autoritas sua  
vile-

vilesceret, exordiebantur conciones suas à dicto Christi: *Gratias ago tibi, pater, Domine cæli & terra, quòd hac occultaveris sapientibus & intelligentibus, & ea detexeris infantibus.* Deinde protestabantur, nihil se loquuturos, nisi quod divinitus sibi esset revelatum. Tum vitæ integritatem præ se ferebant; frugales in victu: viles in vestitu: in sermone parci: in disputatione autem supra modum erant vehementes: parati mori potius quàm cedere. Justitiâ operum urgebant majore zelo quàm Papiæ: quare conscientia Evangelicorum plurimum perturbabantur: ut qui non ita pridem didicerant, in fidei justitia vitam quærendam.

Laboranti Ecclesiæ Sangallensi succurrit Zwinglius libellò de Baptismo edito. Opposuit se quoq; Anabaptistis Joachimus Vadianus, Reipublicæ Medicus. At illi à defensione thesæos de Anabaptismo progressi subinde longius in alios atq; alios errores in fide & vita delapsi sunt.

Venit ad Sangallenses Joannes Denckius Bavarus, Norimbergensis dictus, quod aliquândo ludum literarium Norimbergæ gubernerasset, is in ea erat hæresi: neminem hominû, neminem etiam Diabolorum in æternum perditum iri: siquidem *Deus velit omnes homines salvos fieri*: & Christus dicat: *unum pastorem & unum ovile futurum.* Vir fuit doctus,

demissi animi, Hebraicæ linguæ peritus: qui Prophetas cum Ludovico Hetzero in Germanicam linguam transtulit. Resipuit tandem, conversus ab Oecolampadio, quo præsentente peste quidem, sed piè obiit Basileæ 1528. Rediit etiam eò Antonius Kursner, qui docebāt, Christiani veri nomen tueri neminem posse, nisi qui publicè peccata sua confiteretur, abusus dicto Apostoli Jacobi: *Alij alijs peccata sua confiteantur.* Cœperunt igitur plurimi enormia sua delicta profiteri, alius furta, Alius adulteria, alia alius, non sine admiratione audientium, non sine stomacho conjugum, maritis talibus nihil non imprecantium.

Hunc proximè excepit Anabaptista alius, Aurifaber dictus, qui fretus enunciato Servatoris, sed Nicodemice accepto: *Nisi fiat is ut parvuli, nequaquam ingrediemini regnum cælorū,* monebat homines passim in pagis, præsertim in ditione Abbatis-Cellæ: ut pueris se moribus, gestibus, sermone cōformarent. Vidisses ridiculas puerorū & puellarum imitationes: fœminas præsertim, exilientes manibus plaudentes, nudas in terra sedentes, lusitantes,

In ipso oppido ad S. Gallum Magdalena Mollerina, virgo erat castis moribus. Illa rebaptizata venditabat se modò pro Christo ipso, secundum illud: *Eritis sicuti Dñj:* modò promeretrice illa magna, Antichristum paritura,

tura, de quo Apoc. xii. scriptum esset. Sedit nuda in conspectu suorum, & surgens. Qui ingredi vult in regnum Dei, me, ait, sequatur. Anabaptistæ illam sequuntur: foris non inveniūt: paulò pòst comparet madida ad umbilicum usq; in lecto collocata post bihorium horrenda eloqui incipit: proculdubio Spiritu Pythonis à Marone sexto Æneidos celebrato agitata.

Non multò pòst Anabaptistæ omnem vitæ prioris rationem immutârunt. Quos antea quælibet vestis paulo cultior, quælibet cœna lautior, quilibet sermo hilarior tantopere offenderat: ij nunc utuntur vestibus Phrygiis, acu pictis, scutulatis, holosericis & bombycinis; in vino quærunt commestationes & scorta: &, quod planè Diabolicum, turpissimis factis nomen, voluntatem, iussa Dei prætendunt. Erat qui honestissimi civis filia pudicitiam eripuerat: voluntatem Dei prætexebat. Thomas quidam fratrem Leonharum in præsentia parentum decollabat: Abraham, Isaacum imolaturi exemplo se defendebat. Ad hæc atrocía facinora, cum connivere Magistratus amplius non posset, edictis & pœnis hominum istorum petulantiam compressit.

Atq; hæc de Anabaptistis Helveticis.

In reliqua Germania cum nullibi tuti essent, MORAVIA venali illos hospitio excep-  
cepit.

Annales Si-  
lesia Jo-  
achim Cui-  
razi.



cepit. Illuc catervatim confluit quicquid è plebe & infima multitudine fraudibus, dolis, & imposturis suis irretitum tenebant Anabaptistæ. E Bavaria eò profecti Jacobus Hutterus, & Gabriel Scherdingus, primi Ecclesiæ Anabaptisticæ in Moravia conditores celebrabantur. Hi consiliorum suorum ministros habebant, quibus in provincias vicinas, Silesiam, Poloniam, Austriam, Boëmiam, missis, colligebant maximam hominum multitudinem, qui bonis suis divenditis, & in manus Gabrielis, Hutteriq; traditis, durissimâ in Moravia servitutem servierunt. De Huttero quid factum, ignoro. Gabriel Moraviâ eiectus; in Poloniæ finibus obiit: quatuor è primariis doctoribus emissariis, Glogoviæ capite multati sunt: Hutterianorum reliquæ hodiè que in Moravia durant, sed quæ Gabrielistas damnant.

SILESIACAS Ecclesias ex alto superstitionum Papisticarum somnio vix expergefactas illicò turbabat Caspar Schwenckfeldius, nobilissimo genere in Ducatu Silesiæ Lignicensi natus, ad restringendas incendiî Sacramentarii flammæ non aquâ sed oleo allato. Negabat ille, corpus & sanguinem in pane & vino esse: sed verba institutionis ita interpretabatur: *Corpus meum est hoc*, id est, cibus animæ, panis cœlestis, qui est ipsemet Christus: cum tamen Christus, ut panis cœlestis, non sit

sit

ἡ ζωὴ τοῦ Χριστοῦ, quod dicitur manifestè de  
 pane fracto : & non benedicamus Christo,  
 quod manifeste dicitur de calice. Negabat i-  
 dem : *naturam Christi humanam esse creaturam ;*  
 tum quod originem à Deo traheret , tum  
 quod deificata esset caro Christi : qui contra  
 sentiunt, *Creaturista* illi vocabantur. *Scripturā,*  
*sive verbum Dei,* aiebat. *literam mortuam esse , in*  
*qua neque vita est, neque salus.* Qui secus doce-  
 bant, eos Vocalistas & Literalistas nomina-  
 bat. De justificatione idem sentiebat , quod  
 postea Andreas Osiander : horum enim sen-  
 tentiæ sunt eædem , modi tantum loquendi  
 diversi. Fides ipsus est ipse Deus inhabitans.  
 Præterea multus erat in commendatione  
 novæ vitæ , in detestatione malæ : ardentes  
 ad Deum preces creberrimè fundebat, vitā  
 agebat sobriam & castam , adeo ut magni  
 nominis Chronologus Abraham Bucholce-  
 rus sæpe dixerit : *Schvvenckfeldio non defuisse*  
*cor bonum, sed caput regulatum.* Dementabat  
 multos magnificis istis verbis, quæ semper illi  
 in ore : *erleuchtung / offenbarung / vergöttung /*  
*innerlicher geistlicher mensch.* Hoc est : *illumi-*  
*nationis, revelationis, deificationis hominis inte-*  
*rioris & spiritualis.* Sic fascinavit Valentinum  
 Crautwaldium & Joannem Sigismundum  
 Wernerum, Pastores & Professores Lignicē-  
 ses. A Friderico Duce Silesiæ in exilium abire  
 jussus anno 1527. oberravit passim in supe-  
 riori.

riori Germania , Argentina ( ubi Capitonius imposuit, qui libellum eius quendam præfatione ornavit ) Ulmæ , ( ubi cum Martino Frechto coram Senatu de doctrina sua conflictatus est, ) Augustæ ( ubi clam conventus egit & concionatus est, ) Norimbergæ, & hinc inde in Nobilium, Baronum, Comitum aulis. Scripsit multos Tractatus, plurimas epistolas Germanico idiomate : Refutatus à Theologis in Helvetia, Suevia, Hassia, Saxonia, Silesia, à Luthero autem anno 1545. planè rejectus. Summam omnium dogmatum Schwenckfeldii, eorundemque confutationem Lector reperiet in Joannis VVigandi Schwenckfeldianismo, cuius vitulâ Schlüsselburgius in Catalogo suo Hæreticorum aravit. Obiit Caspar in Suevia anno millesimo quingentesimo sexagesimo primo, ætatis septuagesimo primo, errorum suorum fautoribus hinc inde in claris familiis Nobilium & Patriciorum relictis. De discipulis eius in Silesia hoc invenio in chartis meis Abrahami Bucholceri, qui sæpe cum illis congressus est, iudicium *Schwenckfeldiani ter sunt miseri : nec se nec alios intelligunt. Non se : quia non intelligunt se dicere pugnantia, & quod non sit firma consequentia in eorum ratiocinationibus. Non alios, idq; non tam naturali sua tarditate ingeniorum, quàm eò, quòd tenentur irretiti suis quibusdā Enthusiasticis laqueis, unde se extricari summam putant impietatem.*

BOEMICI Regni gubernator Carolus <sup>Romfæ</sup>  
 Dux Mönsterbergensis Lutheri doctrinæ fa- <sup>Piz lib. vii</sup>  
 verat hætenus. At in conventu Pragæ acto  
 circa finem Januarii huius anni, Romanam  
 fidem præfiteretur, Lutherum damnat. Idem  
 fecerat paulò ante Gallus Caherus Admi- <sup>Ibidem.</sup>  
 nistrator, ex summo Lutheri amico sum-  
 mus eius hostis factus. Horum usi auctori-  
 tate Pontificii, vicesimâ quintâ Januarii hos  
 articulos condunt:

1. *Compactata* (sic vocârunt capita quædam,  
 secundum quæ inter Calixtinos & Põ-  
 tificios res componeretur, quæ Synodus  
 Basiliensis approbavit & confirmavit)  
*ab omnibus approbata & recepta, à nemine*  
*violentur, aut alio sensu depraventur, sine*  
*contentione observentur.*
2. *Si quidem Compactata ob unitatem, pacem*  
*ac fraternum amorem colendum recepta ap-*  
*probataq; sunt, velut & pactum pristinum*  
*tabularum regni confirmatum habet & nos*  
*repudiata omni hæresi observantes ritus &*  
*ceremonias antiquitus receptas in celebra-*  
*tione S. Missæ pro filiis S. Ecclesiæ sine*  
*amulatione, ob concordiam declarati su-*  
*mus, nullus hæreticorum factiones promo-*  
*veat.*
3. *Statuimus, ne posthac quis quenquam hære-*  
*tico aut schismatico nomine, aut quâvis igno-*  
*miniâ & injuriâ ladat, aut quoquo modo*  
*offen-*

offendat: imò apud Regem instabimus, ut is auctoritate suâ summo Pontifici nos commendet, quatenus possimus inter alias nationes pro veris Catholica Ecclesia Matris filiis recipi & publicari.

4. Quod Parochias & Ecclesias attinet, hac secundum priorem contractum, ut tabula Regni habent, maneant.

5. In hoc quoque convenimus, ut verbum Dei à solis sacerdotibus & Diaconis, ritè ab Episcopis ordinatis, pradicetur, cum permissione sui Pralati: hoc tamen & laicis non prohibetur, ut in adibus privatis Biblia legant familiae, sine omni additione seu expositione.

6. Quantum ad ordinationem Diaconorum & sacerdotum, quorum penuriam sentimus, Regem rogabimus, ut apud sedem Apostolicam nobis obtinere dignetur: ut studiosi ab Archiepiscopo & Episcopis, tam sub una quam sub utrâque specie, sine dilatione ordinentur.

7. Volunt, ut Apostolica sedes & Rex hac omnia ratificent & confirment, ne quis posthac quicquam labefactare praesumat. Piskhardorum dogmata & conventicula omnino abijciunt, damnant, & execrantur.

a' Camera-  
rius de Ec-  
clesiis Fra-  
trum in  
Boemia &  
Moravia.

\* Prætendebatur autem decreti severitati, quod fratrum religio sola obstaret reconciliati-  
onij

liationi Boëmorum cum Romana Ecclesia , & paci ac tranquillitati , quæ exinde Regno contingeret, cum Papa , quò minus pacta Basiliensia confirmarentur , hoc unum obijceret: esse plures diversasque sectas in Boëmia. Hæc quasi procella adversæ fortunæ Fratres afflixit non multò diutiùs anno uno. Nam post calamitosam & deplorandam mortem Ludovici Regis, qui anno sequente commisso prælio infelice cum Solimanno Turcarum Imperatore & cum copiosissimo atq; instructissimo exercitu, omnibus rebus impar congressus, fusis profligatisq; suis, in fuga interiit: Post huius igitur obitum rebus omnibus in Boëmia mirificè conturbatis, cum aliæ curæ hanc de exagitandis. Fratribus reprimerent: neq; cogitationes de Regno sollicitos iam Proceres de religione esse sinerent, rursus ante occlusa templa Fratrum conventibus erepta , aperire & occupare licuit, quibus liberè usi sunt, nemine quidem penitus prohibente, sed multis tamen difficultatibus & adversis sese offerentibus usq; ad annum ferme Christi M. D. XLVIII.

INTER impedimenta, quæ propagationi doctrinæ Evangelicæ hoc anno obiecta sunt, nuptias quoq; Lutheri retulimus. Scripserat is superiori anno ad Spalatinum , cum rumor de coniugio eius sparsus esset : *Se qui-* Tom. 2. c. 1.  
*dem in manu Dei esse, sicut creaturam, cuius cor* pist. p. 245.

*mutare ac remutare, occidere & vivificare possit singulis momentis & horis : hoc tamen corde quo hactenus fuerit, & modo sit, non fore uxorem ut ducat : non quod carnem suam aut sexum non sentiat, cum neque lignum neque lapis sit, sed quod animus alienus sit à conjugio, cum expectet quotidie mortem & meritum hæretico supplicium.*

Ex narra-  
tione Ger-  
manica  
Amsdorf.  
quæ repe-  
ritur in re-  
liquis Bi-  
bliothecæ  
Friderici  
widebra-  
mi.

Ecce autem dum Lutherus de Catharina à Bora, virgine Vestali Doctori Glacio, Pastor Orlamundico, collocanda deliberat, venit Catharina ad Nicolaum Amsdorffium, conqueriturq; se de consilio Lutheri D. Glacio contra voluntatem suam nuptiis locandâ: scire se Lutherum familiarissimè uti Amsdorffio: itaq; rogare, ad quævis alia consilia Lutherum vocet. Vellet Lutherus, vellet Amsdorffius, se paratam cum alterutro honestum inire matrimonium: cum D. Glacio nullo modo. Hoc ubi Lutherus intellexit, audissetq; ex D. Hieronymi Schurfii ore: *Si Monachus iste uxorem duceret, risuros mundum universum & Diabolum ipsum, facturumq; ipsum irritas actiones suas universas:* ut ægrè faceret mundo & Diabolo, ut parenti etiam hoc suadenti gratificaretur. Catharinam sibi uxorem ducendam censuit: Mensis igitur Junii die XIII. inopinato duxit Lutherus Boream, cum nullo amicorum eâ re priùs communicatâ, sed vespere ad cœnam invitato Pomerano & pictore Luca, & Juriscōsulto Apello solis, peregit consueta sponsalia.

Melanchr.  
epist. ad Ca-  
merarium.

Factum hoc amici pariter & hostes Lutheri improbabant. AMICI, non quòd nuptias ipsas damnarent, sed quod hoc tempore celebratas nollent: madente adhuc universâ Germaniâ Rusticorum sanguine: lugente adhuc Frederici Electoris obitum tota Saxoniâ. Inter hos erat & magnus ille Joachimus Camerarius: cui curæ erat ut omni probro careret Lutherus. Huius in solatium iudiciû super nuptiis Lutheri suum exponit Melancthon epistolâ Græcâ: quæ in Romanum sermonem cõversa ita habet: *Possit fortasse aliquis mirari, illum hoc infelici tempore, bonus & honestis virus ubiq; graviter laborantibus, non modo non affici simul dolore, sed videri propemodum nihil penitus curare ea mala, quæ ante oculos versantur: cum interea etiam existimatio ipsius deminuat, dum maximè opus est Germania excelsitate animi & dignitate ipsius. Atq; ego rem hanc sic gestam esse arbitror. Est vir iste nequaquam ex ijs, qui homines oderunt & congressus fugiunt. Quotidiana autem vita illius usum non ignoras. Vnde cogitare te cætera, quàm me scribere, melius, ut opinor, fuerit. Itaque molitum fuisse quodammodo generosum & magnum animû ipsius, non est mirandum: præsertim cum nequaquam culpandum aut reprehendendum sit. Nam si quid vulgo fertur aliud indecentius, id mendacium, & hanc calumniam esse, perspicuum est. Ego etiam naturam arbitror ipsum coëgisse, ut fieret maritus. Estq; vita*

Epistolæ  
Philippi ad  
Camerar.



judicio, ne inutilis quidem casus iste ad demissionē quandam pertinens, cum altē sustolli & efferrī semper sit periculosum, non solum sacerdotio fungentib. sed cunctis mortalibus. Nam actionum felicitas occasionem dat pravitatis elati animi, non modo, quemadmodum orator inquit, dementibus, sed interdum etiam sapientibus. Ad omnia, alia vita aliam quoque victūs quotidiani rationem constituet, secundum proverbium. Ista ad te exposui verbosius, ne eventus inopinatus nimis te perturbaret, & tristitiā afficeret. Scio enim, tibi boni nominis Lutheri celebritatem cura esse.

HOSTES non solum tempus decantati Hymenæi notabant, sed nuptias etiam ipsas incestas esse confirmabant, quibus Monachus cum Vestali copularetur. Itaq; Henricus VIII. Anglorum Rex responso ad epistolam, quā Lutherus, suasu Christierni Daniæ Regis, illum oratione demissā placere studuerat, inter alia ei exprobrat incestum matrimonium, quo vix ullum designari possit turpius flagitium. Et Doctor Conradus Collinus Prior Coloniensis peculiarem tractatum contra hoc Lutheri matrimonium edidit, cuius titulus fuit: *Eversio Lutherani Epithalamij*. Hieronymus Emserus, Theologorum Pontificiorum illâ ætate facilè primus, & Duci Saxonie Georgio à sacris, virulentum mordaxq; epithalamion in Lutheri nuptias lussit: quod apud Cochlæum in vita Lutheri legere est.

Quin nec ab impudentibus mendaciis sibi temperarunt, & Lutherum eius criminis rerum peregerunt, à quo ipsum chronologia nativitatibus liberorum absolvit. Erasmus ipse, quod mireris ad Danielem Manchium, Ulmanum, Romæ in familia Cardinalis Campegii agentem, sextâ Octobris huius anni Basileâ ausus fuit hæc scribere: *Lutherus, quod felix faustumq̃, deposito Philosophi pallio, duxit uxorem, ex clara familia Bornæ, puellam elegantiformâ, natam annos viginti sex, sed indotatam, & quæ pridem desierat esse Vestalis. Atq̃, ut scias auspicias fuisse nuptias, pauculis diebus post decantatum Hymenæum nova nupta peperit. Iocatur ille in Crisim sanguinis: verum ea crisis Orco dedit agricolarum plus minus centum millia, &c.*

Lutherus etsi ob inopinatam vitæ mutationem & varia ista hominum de se iudicia, non nihil perturbaretur: tamen ubi se collegit, ad Michaëlem Stifelium scribens, Tu, inquit, pro me ora, ut genus vitæ novum benedicat mihi Deus & sanctificet. Nam vehementer irritantur sapientes inter nostros. Rem coguntur Dei fateri, sed persona larva tam mea quàm puella, illos dementat, & impia cogitare & dicere facit. Sed Dominus vivit, qui major est in nobis, quàm ille, qui in mundo est, & plures nobiscum sunt, quàm cum illis. Et ad Georgium Spalatinum feriâ sextâ post Trinitatis: Os obstuxi infamantibus me cum Catharina Borana, mi Spalatine, si processeris ut epulum pare-

Epistola ex  
stare scribi-  
tur in Bi-  
bliotheca  
Nobilis vi-  
ri Philippi  
Cratzii,  
Præpositi  
Mogunti-  
ni.

Tom. 2. e-  
pist. p. 294.

Ibid p. 294.

paresur pro testimonio conjugij mei istius, te non modo adesse oportebit, verum etiam cooperari, si quid ferina necessarium fuerit. Tu interim nobis benedicito & bene precare. Sic me vilem & cōtemptū his nuptiis feci: ut Angelos videre, & omnes Damañes flere sperem. Nec dum mundus & sapientes agnoscunt opus Dei pium & sacrum, & in me uno faciunt id impium & Diabolicum, quo nomine magis placet, meo conjugio illorum iudicium damnari & offendi, quotquot ignorantiam Dei habere pergunt. Vale & ora pro me. Et iterum ad <sup>Ibid. p. 300.</sup> Stifeliū die Michaëlis: Mi Michaël, fortis esto in Domino frater charissime, & roborare in potentia virtutis ejus. Si meum conjugium est opus Dei, quid mirū, si in illo caro offendatur, offertur etiam in carne ipsius divinitatis & creatoris, quam ipse pro salute mundi in precium & cibum dedit: si non offenderetur mundus in nobis, ego offenderer in mundo, metuens ne non esset divinum quod gerimus. Nunc illo offenso & impatiente in me, ego adificor & consolor in ipso, ita fac & tu.

Sic igitur impeditus est cursus Evāgelii hoc anno per bellum rusticanū & sacramentariū: per Anabaptistas, per Schwenckfeldium: per Apostasiam Ducis Mönsterbergensis & Administratoris Pragensis: per nuptias denique Lutheri. Ejusdē Evangelii publicos hostes se declararunt, Aloisia Francisci captivi Regis mater: Clemēs Papa: Henricus Rex Angliæ:

Andreas Critius Episcopus Ploecensis, deinde Gnesnensis Archiepiscopus.

ALOISIA summam rerum administrabat in Gallia, dum filius Rex Franciscus in Hispania captivus detineretur. Illa retinendꝫ Pontificis causâ sæviebat in Lutheranos, deqꝫ hoc suo in Ecclesiam animo Pontifici literis & internuntiis significabat.

Ibidem.

CLEMENS VII. datis literis ad Senatum Parisiensem ( vulgo Parlamentum vocant ) ex illa se cognovisse dicit, quemadmodum & per Galliam serpere jam incipiant impiarum haresium mala, & ipsi prudenter atqꝫ providè quosdam delegerint, qui dent operam, ut in eos, qui fidem atqꝫ veterem religionem oppugnare conantur, animadversio fiat. Hos ipsos ad eam rem delectos autoritate suâ se comprobare etiam. In hoc nimirum tanto tamque gravi tumultu, quem Satana malitia & satellitum illius furor atque malitia excitârunt omnibus elaborandum esse, ut salus omniũ communis conservetur, quandoquidem hac rabies non religionem modo, sed omnem principatum, nobilitatem, leges, ordinesqꝫ confundere atqꝫ permiscere cogitet. Se quidem nulli parcere nec labori neqꝫ cura, ut medicinâ huius mali faciat. Ipsos etiâ, quorum virtus atqꝫ prudentia sit ubiqꝫ memorabilis, debere in hoc esse totos, ut nō solum veritas & recta fides, verum etiâ istius regni salus, & ipsorũ ordinis dignitas à domesticis periculis & calamitatib. custodiat, quas hac perniciosa & pestifera haresis ubiqꝫ disseminet. Ipsos qdē hortatione nō indigere,

*gere, qui suæ sapientia documenta iam ostenderint: sed tamen pro suo, quod obtineat, munere, proq; ea quâ complectatur ipsos, benevolentia, voluisse hoc etiam addere. Nam & placere sibi vehementer, quæ adhuc egerint, & hortari, ut posterum simili animo & virtute pro gloria Dei, & pro totius regni salute contra impiam hanc hæreticorum pestem, diligenter excubent. Hoc & Deo fore longè gratissimum, & apud homines etiam maximis laudibus celebratum iri: se quoq; suam ipsis operam omnem in eo communicaturum esse. Hæ literæ xx. die Maii Româ scriptæ Senatui redditæ sunt Lutetiæ xvi. die Junii.*

REX ANGLIÆ cum Aloisia Gallia sub Sticdanus. Augusti exitum fœdus pangit: cuius hoc primum caput erat: ut & Turcarum impetus, & pestifera Secta Lutherana profligaretur, à quâ non minus periculi sit, quàm à Turcis.

Idem Rex, quo esset in Religionem reformatam animo, abundè expressit Responso ad Lutheri epistolam, cuius, ut & ipsius Responsi regii summa vel propter anni huius historiam necessariò hoc loco recitanda est: Fuerat Lutherus nonnihil subodoratus Annales rerum Anglicarum. de proposito Regis in uxore Catharina repudianda & alia ducenda, idq; per Christiernum profugum Danorum Regem, qui illum coram & per literas non desit rogare,

ut amanter ad eum scriberet, & illius prædicatâ humanitate spem fecerat, forè, ut leniter tractatus puriorem doctrinam reciperet. Et ille quidem animo prævidens, quod huius divortii ratione mox sequutum est, haud difficulter acquievit. Scripsit itaq; ad eum, idq; demissè admodum, & in hanc sententiam.

*Epistola  
existat Tō.  
2. epistol.  
pag. 290.*

Non se dubitare, quin graviter illum offenderit edito libello, sed id factū esse non tam suâ sponte quàm aliorum impulsu. Quod verò nunc ausit his literis interpellare, summâ ipsius humanitate fieri, quæ valde prædicetur à multis; deinde quod libelli contra se scripti non ipsum esse autorem, & à sophistis hoc insidiosè fuisse captatum intelligat. Hic autem per occasionem de Eboracensi Cardinali loquutus, Angliæ pestē nominat. Audire etiam se magna sanè cum voluptate, ipsum & fastidire genus illud perditorū hominum, & ad veri cognitionem animum adiiicere. Quapropter orat, ut sibi factum illud condonet, utq; meminisse velit, cum sit mortalis, non oportere inimicitias esse immortales. Quod si iubeat, velle se peccatum hoc suum profiteri palàm, & ipsius virtutem alio celebrare scripto. Post hortatur, ut calumniatorum voces defugiat, qui se vocent hæreticum: nam doctrinæ suæ caput hoc esse, quemadmodum fide per CHRISTUM nos oporteat fieri salvos, qui nostrorum scele-

rum

rum poenam collo, cervice & corpore toto sustinuit, qui pro nobis mortuus ac resuscitatus, cum patre in sempiternū regnat. Hāc esse Prophetarum & Apostolorum doctrinā, eo posito fundamento, docere se, quæ sint charitatis officia, quid invicem nos oporteat alterū alteri præstare, quomodo sit obediendum Magistratui, & Evangelii professioni omnis accommodanda vita. Si quid in ea doctrina sit impietatis & erroris, cur eum non demonstrent adversarii? cur se nec auditum neq; convictum damnent atq; proscribant? Quod si Pontificatū, & ipsius omnem clientelam reprehendat, eò facere, quòd illi diversum à CHRISTO & ab Apostolis doceant, quæstūs & emolumentum causā, quò videlicet reliquis omnibus imperent, & in summis delitiis helluantur: hunc enim in scopum cogitationes illorum omnes atq; facta dirigi: hoc etiam vulgo notum esse atq; testatum, ut nec ipsi quidem negare possint. Quod si mores emendarent nec alieno cum dispendio & iniuria vitam hanc ignavam ducerent atq; turpem, facilè posse dissidiū sedari. Germaniæ Principibus ac civitatib. non paucis dogmata sua probari, qui beneficium hoc Dei reverenter agnoscāt: cupere se plurimū, ut & ipse in eo numero cēseatur. Quod verò Cæsar & quidam alij cōtra se moliantur, non esse novū: Davidem multis ante seculis prænunciassē

ciasse futurum, ut Reges atque populi contra Dominum atque Christum varia meditentur, & imperium eius proiciant. Sibi quidem ad eiusmodi scripturæ loca respicienti, mirum etiam videri, ullum esse Principem, qui faveat Evangelii doctrinæ. Postremo loco responderi sibi benignè petit. Acceptâ hac Lutheri epistolâ acerbè Rex respōdet, inconstantiam & levitatem illi obiciens. Libellum quoque suum defendit, & multis viris bonis atque doctis pergratum esse dicit. Quod Cardinali Eboracensi (reverendo Patri) convitium fecerit, non in eo se mirari, qui nec à Divorum, nec ab hominum absteineat contumelia. Sibi totique regno perquam utilem esse ac salutarem Cardinalis operam, & cum antehac illum valde semper dilexerit, nunc demum esse maiori benevolentia complexurum, postquam cum ipse criminetur. Nam illum inter alia hoc etiam utiliter & magna cum fide atque diligentia præstare, ne quid ipsius lepræ contagionis & hæresis in suo regno disseminetur & adhærescat. Post exprobrat, quòd incestum matrimonium cum sanctimoniali virgine contraxerit, quo vix ullum possit designari turpius flagitium. Hanc suam responsionem Rex publicè typis evulgandam curavit, magnopere dolente Luthero, & amicos incusante, qui eius rei au-

tores



tores sibi extitissent : iis gratificatum adeo demissè scripsisse se , dicens , nunc autem intelligere , quantum erraverit. Idem sibi accidisse in Cardinale Caietano , Georgio Saxoniz Duce , & Erasmo Roterodamo , quibus omnibus aliorum hortatu amanter scripserit , nec aliud sit consequutus , quàm quod eos ferociores reddiderit. Stultè factum à se , qui pietatem in aulis Principum invenire se posse putet , qui Christum quærat , ubi principatum Satanas obtineat , qui Joannem Baptistam inter purpuratos investiget. Cùm igitur placido & amico scribendi genere nihil proficiat , aliam rationem initurum esse deinceps.

Et sanè mirè exagitata fuit Lutheri ad Anglum epistola ab eius adversariis , præsertim verò à Cochlæo & Eccio. Hic enim utramque epistolam , Lutheri puta & Regis , Ingolstadii edidit , cum virulentis epithalamis in nuptias Lutheri , Joannis Hessi Ura-tislaviensis , & Urbani Regii Augustani , Theologorum.

ANDREAS CRITIUS Episcopus Plo-censis ad Sigismundum I. Poloniæ Regem orationem hoc anno habuit , quâ ipsum vehementer hortatus est , ut hæresi , quam sic vocat , Lutheranæ , omnes vias in suo Regno præcludat. Misit illam typis descriptam non sine auctario carminum ad denigrandum

Lib. XVIII. dum Lutherum compositorum ad Erasmum  
 epist. Era- Roterodamum: qui collaudatâ Episcopi poë-  
 grai. si & eloquentiâ , quid sibi de oratione ipsa  
 videretur, non aperuit.

Non officientibus tot impedimentis, non  
 obstantibus tot hostibus, religio purior non  
 solum plura loca occupavit, sed etiam in iis,  
 quæ superioribus annis occupaverat, incre-  
 menta minimè contemnenda sumpsit.

Occupavit, Regnum Sueciæ, Landgravia-  
 tum Hassiæ, Marchionatū Lusatix, magnam  
 partem Rhetiæ: Comitatus, Hanovicum, Al-  
 tenburgicum, Tecklenburgicū: Dominium  
 Esense: urbes præterea, Northusam in Thu-  
 ringia, & Haganoam in Alsatia.

Typotius  
 de Regno  
 Sueciæ.

SUECIÆ Rex Gustavus ab Erxen religio-  
 nem Pontificiam in Evangelicam vertit, sua-  
 fore M. Olao Petri Sueco, Academico V Vit-  
 tembergensi. Suasor Holmiæ in primaria  
 æde sepultus est, cuius Ecclesiasten Rex de-  
 signarat, ante suggestum. Rex sine ullo rerum  
 motu tantam rem incepit & perfecit, tem-  
 poris momento penè. Nam Antistites in Re-  
 giam accitos qui opibus validi erant, cōpre-  
 hendit, & statim per conquistores horū co-  
 hortem ac clientes in verba sua adegit sacra-  
 mento. Ipsos post è custodia & Regno emi-  
 sit. Quibus patria erat charior quàm religio  
 Pontificia, tulit hos, sed non in veteri, at  
 moderationi fortuna.

atione

PHILIPPUS Hassiæ Princeps Gulielmi Camerari-  
us in vita  
Philippæ  
Medii & Annæ Megapolitanæ filius, Ludo-  
vici nepos, superiori anno ad ludos indictos  
Heidelbergæ profecturus, non longè Fran-  
cofurto obviam factus erat Melanchthoni,  
è patria VVitembergam redituro, & ad  
quæstiones quasdam sibi responderi scripto  
postulârat. Hoc autem anno, die Lunæ  
post Oculi cum Joanne Saxoniz Electore  
& Joanne Friderico, Electoris filio, Creutz-  
bergæ de religione colloquutus, amore re-  
ligionis purioris ita incensus est, ut, referen-  
te Duce Joanne Friderico, palàm dixerit: In fragmēto  
Epistolæ  
tum editæ.  
malle se fortunas & vitā hanc perdere, quā  
agnitam Evangelii veritatem deferere. Ni-  
colaus Herborn Guardianus Marpurgensis  
Landgravium per epistolam hortabatur: à  
fide Romana ne recederet: causas propone-  
bat has:

*Fidem neq; saluum neq; pium facere.*

*Mariam revera intercedere pro nobis ad  
Deum.*

*Laiis, imprimis rusticis, Evangelii myste-  
ria non esse revelanda.*

Huic publico scripto Landgravius respon- Ex respon-  
so Land-  
gravii.  
debat: assertioni primæ Guardiani reclamare  
scripturæ dicta & exempla, contestâtia: *istos  
fide vivere & vixisse.* Assertioni secundæ re-  
fragari effatum Apostolicum: *unus Deus &  
unus mediator Dei & hominum Iesus Christus.*  
Asser-

Assertioni tertiæ repugnare sententiam Evangelicam, quæ *omni creatura* vult Evangelium annunciari, & nullum personarum respectum apud Deum esse, evincit.

Annales  
Gorlicenses.

IN MARCHIONATU LUSATIA mutationem religionis urbs elegans GORLITUM, & huic vicina LAUBA admiserunt. Vigesi<sup>m</sup>â septimâ Aprilis pagorum Gorlicensis territorii Pastores conventum in urbe egêre, in quo plerique omnes unanimi cōsensu se Præsulis Misnensis obedientiæ subtraxerunt, ita ut in posterum nec tributum ei penderent, nec iurisdictionem seu auctoritatem eius agnoscerent. Pertinuit enim utraque Lusatia ad Misnensis Episcopi administrationem seu diœcesin. Unde etiamnum Budissinensis Decanus se Episcopatus Misnensis per superiorem & inferiorem Lusatiam administratorem vocat. Gorlicensibus in repurganda ipsorum Ecclesia, & impiis ac superstitiosis ritibus abrogandis primus operam navavit suam M. Franciscus Ænobarbus (Kotbare sive Rupert) Gorlicius, coriario patre natus, Sprottaviensium antea Diaconus, Georgio Roslero Consule. Is cum superioribus annis fuisset remotus, revocatur hoc anno intercedentibus nonnullis opificum collegiis, & venit Gorlicium permittente Senatu quintâ Aprilis. Mox abrogantur multi superstitiosi ritus Ecclesiastici

ſtici nolente volente Senaru. Viridibus non abluuntur altaria, ut priùs moris erat. Die palmarum non producitur aſinus cum ſuo idolo. Soteriis non circumgeſtatur in templo Salvator, panis tamen conſecratus in ſepulcrum Chriſti reponitur. In Vigilia Paſchatis non cōſecratúr ignis, nec in ſequente nocte imago reſurgentis & triumphantis Chriſti circumgeſtatur per domum publicam novi fori, in qua ſal venditur. Die Dominicâ Paſchatis inſtituitur confeſſio Evangelica in ſacello, quod vocant D. Georgii, & conſitentur homines circiter ducenti: apud ſummum altare circiter triginta.

Proximâ Dominicâ poſt Paſcha, qui fuit dies viceſimus tertius Aprilis de ſuggeſtu Paſtor ſignificat, ut ſi qui poſthac ſub utraque, quod vocant, ſpecie communicare velint, vel populari idiomate baptizari ſuos cupiant, id liberum iſtis futurum. Ac utrumq; tum factum fuit. Sunt præterea abrogatæ hoc anno proceſſiones quotannis ſervari ſolitæ: abrogatæ item fuêre Miſſæ & Veſperæ pro defunctis. Sacerdotes raſuram ampliùs non admiferunt: nec die aſcenſionis Domini Chriſti imago per tholũ funib. attracta fuit, ſed pro iſtis nugis habita eſt à meridie conſecratio: deniq; pauci obſervârunt veteres ritus.

M. Franciſco Ænobarbo primo præconi Evangelico Gorlicenſiũ ſucceſſerunt ordine

in Ecclesiæ gubernatione: M. Nicolaus Zeidlerus, Wolfgangus Sustelius, M. Leonhartus N. Sprottaviensis. M. Joannes Petzsteinus, M. Othmarus Epplinus. M. Caspar Wirtwein. Samuel Janchius, Balthasar Theodorus, M. Elias Theodorus, Martinus Molle-  
rus, Gregorius Richter, vir literato orbi de  
editione Axiomatum Oeconomicorum, Po-  
liticorum, Ecclesiasticorum, notissimus.

Chronicon  
Bullingeri  
M.S.

RHETI in his temporum & certaminū de  
religione difficultatib. imitati vicinarum ali-  
quot urbium in Helvetia exemplū, superio-  
ribus annis mandârât & ipsi Sacerdotib. suis,  
ut misso Thoma, Scoto, Aristotele, & omni-  
bus hominum commentis ea tantummodo  
docerent populum, quæ sacris literis essent  
consona. Hoc mandato animati, quos tyra-  
nidis Pontificiæ metus hætenus cōtinuerat,  
Evangelium liberè profitentur, breviq; tem-  
pore ita crevit illorum numerus: ut hoc anno  
cum Joanne Comandro (Dorffman) Curiensi  
Pastore ad S. Martinū, recenserentur 41. Do-  
ctorum Evtngelicorum in Rhetia. Non fe-  
rendum sibi hoc esse arbitrati sunt Abbas S.  
Lucii, & Decanus cum Capitulo Curiensi. In  
conventu igitur ante festum natalis Christi  
diem Curia celebrato Ordines Rhetorum  
confœderatos adeunt, Joannem Coman-  
dum, eiusdemq; in professione Evangelii  
socios hæreseos graviter accusant: ut qui,

*Sacramenta convellant:*

*Mis-*

*Missam contemnant :*

*Scripturam sanctam miserè discerpant :*

*Ceremonias Ecclesie, ieiunia, confessionem auricularem, sacrificia, & id genus alia nullo loco habeant.*

Atq; ut hereticos istos functionib. suis moveant, enixè petunt. Ordines Joannem Commandatū ad se vocant, accusationis capita illi proponunt: ad ea ut respondeat, mandant. Comander responderet: se fratresq; suos mandato Ordinum de solo Dei verbo predicando obsequutos, semperq; paratos fuisse, quibusvis volentib. rationem doctrinæ suæ reddere: stare se & nunc coram Ordinibus suo & quadraginta fratrum nomine, & per Deum, per iudicium supremum, per pacem deniq;, veritatem & concordiam rogare, Ordines accusationi fidem ut ne habeāt, sed Christiano colloquio diem destinēt, & de rei summā parte utrāq; auditā pronuncient. Placuit hoc Ordinib. confœderatis. Dies Dominica, quæ Epiphania proximè sequitur, disputationi dicta, de qua anno sequente agemus.

HANOVIAE Comitatus syncerioris religionis lucem intulit PHILIPPUS Reinhardi VII. ex Catharina Schwartzenburgica filius: quem Carolus V. Imperator & superiori & hoc anno à pio reformandæ Ecclesiæ proposito per certos homines frustra est dehortatus. Primum Evangelii

Annales  
Hanovici  
M. S.

præconem aluit Hanovia M. Adolphum Arbogastum, Argentinâ à Capitone & Bucero sibi submissum: cui paulò post laborû socius adiunctus est Philippus Enneobolus Laudenburg ab Illustri Comite Philippo Hannoviâ vocatus: qui M. Adolpho fidum sanè in Evangelii propagatione collegam, & adversus Evangelicę doctrinę tum ibidem adhuc subsistentes hostes animosum *ωδυσμένην*, quâ concionando quâ conscribendis etiã Theologicis tractatibus (ut Catechesis huius approbat) se præbuit: in eoq; maximè elaboravit, ut Pastores huiusee Comitatus, & doctiores quoscunq; alios ad Evangelii agnitionem ac professionem pertraheret.

Hamelmā-  
nus.

ALTENBURGICO in Comitatu antiquissimo Christophorus & Antonius Comites Altenburgici & Delmenhorstani lectione scriptorû Lutheri, & locorum communium Philippi Melächthonis, cantilenis item Germanicorum Psalmorû à Luthero vulgatorû plurimùm oblectati, hoc anno initium fecerunt emendationis Ecclesiarû in Phrisia Butiada, Pastoribus primis M. Edone Bolingo in Esensham: Edone Jolrico in Rodenkirchen: Joanne Hechlero in Twischenan, & Hermannno Crispino in Edewech Ammerlandicę: repugnantibus conatui laudatissimo tum matre Comitum Dominâ Annâ, viduâ, tum fratribus natu maioribus Joanne & Georgio.

CON-



CONRADUS Comes TECKLENBURGICUS & Lingensis, Dominus Redensis de Hamelmānus. consilio Philippi Hessorum Principis, affinis sui hoc ipso anno inter Westphaliæ Comites primus Evangelium amplexus est, usus in reformatione Ecclesiarum operâ Joannis Pollii, poetæ tum celebris, & ab Eobano Hesso commendati.

In Domino ESSENSI regnabat Balthasar Idem. Nobilis Dominus in Esens & Wirmūdæ, qui licet puriori doctrinæ esset addictus, propter hostes tamen, à quibus infestabatur, Ecclesias suas reformare non ausus est. Hoc verò anno M. Joannes Visbeckius Pastor in Burhave (qui ad Septennium studuerat Wittembergæ) Richardus Hicko Pastor in Dunum, & Mammo Folckhardus Pastor in Ardorp, mutuis se cohortationibus ad aggrediendam reformationem incenderunt, quodque foeliciter exorsi sunt, id Enno Comes Orientalis Frisiæ Domini Balthasaris ditionem invadens, perque eam totam Ecclesias renovari curans, absolvit.

NORTHUSÆ Thuringorum Blasius Michæl consulem agebat & Pharmacopolam. Ad hunc mittebatur quicquid primis *παλιγγενεσίας* Ecclesiæ annis Lutherus scribebat. Cives in pharmacopolio frequentes cōvenire, libellos Lutheri legere, de iis inter se conferre, & agnitis erroribus Papatus emenda-

D. Sigfridus saccus præfatione concionibus funebribus suis præmissis.

tionem Ecclesiæ suæ optare. Non defuit optatis Magistratus, sed Laurentium Suffium, monasterii Augustiniani ibidem Priorem ad docendum Evangelium vocat, eiq; Ecclesiam Petrinam commendat.

Ex Auto-  
grapho  
Wendelini  
Rihelii de-  
scriptum.

HAGANOË in Alsatia VVolffgangus Fabritius Capito Argentinâ evocatus confortat fratres in Evangelica doctrina, & Dominicâ Palmarum cœnam sacram secundum Christi institutionem civibus suis distribuit: (erat enim Haganoënsis) idem ipso die Paschati sacro in maxima hominum, rem novâ videre cupientium, frequentia, sine sale, sine oleo, sine aliis ceremoniis Papisticis, horâ 3, pomeridianâ baptizat VVendelini Rihelii filiolum Josiam, cui pater consultò hoc nomen indi voluit in memoriam beneficii divini: quòd, sicut regnante Josia liber legis inventus, & secundum illum sincerus Dei cultus restitutus est: ita nascente Josia filiolo suo, liber Biblicus in Papatu quodammodo amissus, iterum repertus, & vera salutis doctrina Germaniæ restituta sit.

Hæc igitur loca sunt, quæ religio orthodoxa hoc anno occupavit. Eadem religio in aliis locis, quæ proximis superiorib; annis illustravit, incrementa minime contēnenda sumpsit.

Funccius.

ALBERTUS Marchio Brandenburgicus relicto ordine creatur primus Dux Prussiæ a Sigismundo Rege Poloniæ, & Ducatum illum hæredi-

hereditarium accipit, qui antea ad fratres Ordinis Teutonici pertinebat; ita is, qui antea erat Magister Ordinis, iam salutatur Dux Prussiz. Hic Albertus cum è Silesia in Borussia reversus, & summâ omnium ordinû Chyrenus. lætitiâ esset exceptus, convocatæ Nobilitati & civitatibus universis, in hoc pacis negotio à se toto triennio Acta, diligenter ac ordine perscripta, prælegi mandavit. Cui, finitâ recitatione, gratias solennes, nomine totius provinciæ, Georgius à Polentz, Episcopus Sambienſis egit: ac è vestigio Episcopæ seu dioceseos suæ universæ politicam administrationem, cum omni Nobilitate, oppidis, & terris sibi subditis, prolixâ oratione Principi resignat, quod Episcopo Ecclesiæ Evangelion, non politica imperia & regna huius mundi, sed ministerium docendi Evangelii, & necessaria vitæ alimenta, tantùm tribueret. Princeps toto provincialium cœtu teste vocato, quod se non petente aut sollicitante, Episcopus sponte ac liberrimo arbitrio, de Episcopa ipsi cederet, lætus eam accepit: altero Episcopo Erardo Pomesanensi tacito astante, qui usq; ad vitæ exitum gubernationem suam retinuit. Tam felices autem fuerunt vineæ Domini plantatores in Borussia, qui illis à Luthero fuerant missi: ut intra triennium omne ferè doctrinæ Papiſticæ lolium extirpârint. Polonorum Regem audiamus testem:

*Sigismundus primus Ioanni Danti-  
sco, apud Romanum Pontificem Oratori.*

Cum inducia cum Magistro Prussia exspira-  
rent, ageretq; cum Summus Pontifex tum Cesa-  
rea Maestas, Serenissimusq; Dominus Rex Hunga-  
ria, nepos noster apud nos de induciis prorogan-  
dis: ad quas subditi nostri nequaquam consentire  
voluerunt, iudicantes, eas bello fore nocibiliores;  
proindeq; nos ad proseguendam rem nostram ar-  
mis institueremus: venit ad nos id sentiens ipse  
Magister cum Illustribus Marchione Georgio, &  
Friderico Duce Lignicensi, transigitq; nobiscum co-  
ram de tota controversia, praestito nobis debito  
suo, & datis illi per nos in feudum terris, quas  
prius ante libellum novissimum possedit. De reli-  
gione verò nihil inter nos est actum: tum quia  
interesse nostra non videbatur: tum quòd etiam  
Ordinis institutores non fuerimus: tum verò  
quòd ferè in tota ditione Ordinis prorsus de tota  
religione Catholica sit actum & deploratum. Pro-  
indeq; abusi sumus ea conditione depravati tempo-  
ris in rem pacis, cum res aliter transigi nullo pacto  
potuit. Proinde si qui isthic hos actus nostros in  
re Prutenica suggillare vellent, habes quò innocen-  
tiam nostram tueri possis. Nam nos Ordinis  
curatores non sumus, sed hereditarium ius no-  
strum duntaxat semper exegimus. Religio Catholica  
nobis semper cordi fuit: pro qua nequaquam dubi-  
tamus vel sanguinem nostrum profunderetantùm abest,  
ut illi

ut illi nostrâ operâ vel consensu quicquam esset per hanc transactionem detractum. Anno 1525.

Prutenico isto Evangelii successu Lutherus animosior factus, Albertum Cardinalem, & Archiepiscopum Moguntinum literis hortatur: ut exemplum hoc sequatur: uxorem ducat: de benedictione divina certissima quæque sibi polliceatur: Deinde Georgio à Polentis Episcopo Sambienfi Deuteronomium à se explicatum dedicat: in qua dedicatione memorabilia hæc eloquitur: *Non te laudamus, cum dona Dei in te tollimus, sed insigne illud miraculum gratiæ Dei extollimus, quam in te valere, regnare, & triumphare videmus & audimus cum gaudio. Ut quemadmodum pastor, sicut Amos loquitur, eruit ex ore lupi extremum auriculæ aut duo crura, sic te unicum & solum inter omnes Episcopos orbis elegerit Dominus, & liberaverit ex ore Satanae, quod dilatavit sicut infernum, & devorat omnes. Nihil enim videmus in cæteris Episcopis (quanquam esse inter eos sperem aliquot Nicodemus) nisi quod subversis Cæsare ac Regibus & Principibus fremunt & insaniunt contra resurgens vel potius oriens Evangelion, & denuo impleant illud Psalmi secundi: Adstiterunt Reges terra, & Principes convenerunt in unum adversus Dominum & adversus Christum ejus. Quo provocant simul, ut & Deus in eis impleat quod sequitur: Habitator cæli ridebit, & Dominus subsannat eos. Tunc loquetur ad eos in ira sua & in furore suo conturba-*

Tom. 2. e.  
pist. I. luth.  
p. 286. &  
287.

bit eos. Tibi verò ea singularis planè & mirabilis gratia donata est, ut non modò verbum susceperes & crederes, sed pro Episcopali auctoritate etiam palàm & publicè confessus doceres, docerique per tuam diœcesin curares, liberaliter his, qui in verbo laborant, provisis, videntibus impijs, irascentibus ac dentibus suis frementibus, & tabescentibus frustra. Hac scilicet gratia Dei in te collata, quemadmodum Paulus cum Macedonibus facit ad Corinth. non fuit mihi silentio transeunda, sed omnibus modis evulganda, predicanda, cantanda, ad gloriam Dei, ad profectum Evangelij, ad incrementum fidei, ad solatium infirmorum, & eorum, qui apud nos varia patiuntur in variis locis, ad erectionem pusillorum, denique etiam ad terrorem & ignominiam hostium verbi, & idolorum istorum in loco Pontificum sedentium, qui præter tyrannidem nihil sciunt, neq. possunt in misero populo præstare. Nec sum veritus, quod hac predicatione auerem te odio & invidiâ cæterorum Pontificum, Regum & Principum, aut etiam in periculum vita traham, quandoquidem hodie nullum flagitium par est huic uni & summo sacrilegio, scilicet Evangelion Dei confiteri, ob quod jam multi sanguinem fuderunt constantissime, inter quos imprimis lucent Henricus & Ioannes Brussella per sophistas Lovanienses exusti, & post eos Henricus noster Sutphanus Bremensis Evangelista, non uno igne, nec uno genere mortis per Dietrichmarias bestias occisus. Quid nos maneat, Deus novit: si tamen

tamen digni fuerimus, ut socij illorum facti, & ipsa patiamur contumelias ob nomen Domini. Non, inquam, huic periculo te exponere sum veritus, certissime persuasus, quod is, qui te honoravit verbo crucis, simul roborabit etiã spiritu crucis, triumphabitq; in carne tua, non modo blasphemias nominis & adia & furores potentium in mundo, sed etiam vires & violentiam (si opus fuerit eas ferre) Satana cum toto suo regno; scimus enim, quod major est is, qui in nobis est, quàm is, qui in mundo est. Ad hac, ut gratia & donum hoc Dei cumulatiùs esset, addidit Dominus, & curavit benignitate suã, ut Principem terra haberes Evangelio studiosissimum, heroẽ illum inclytum Adelbertũ ex Marchionibus Brandeburgensibus, Magistrum magnum Prussia, cui donatum est eodem spiritu, ut cogitet, quæ Principe digna sunt, ut verbis Prophetæ utar, ita sit ut utriusq; vestrum præsidio Christianissimo populus Prussia, qui fortè nunquam Evangelion habuit, nisi opertum vel adulteratũ, nunc latè currens & fructificans audiat clarissimum & purissimum, inenarrabili beneficio Dei. Nam ego putò, Evangelion ad Germaniam usq; ad hoc seculum, nunquam pervenisse revelatum, & luce suã cognitum: licet non dubitem, Dominum semper novisse suos ubique terrarum, etiam in medijs Sodomis & Gomorrhis servare. Et vide mirabilia: ad Prussiam pleno cursu pleniq; velis currit Evangelion, quò non vocabatur, ubi nec quarebatur,

batur, in Germania vero superiore & inferiore, quò ultro venit & accessit, omni furore & insaniâ blasphematur, repellitur, fugatur, ut in hoc impleri videas sortem illam egregiam Evangelij, de qua Paulus dicit Roman. 10. Inventus sum à non quærentibus, palàm apparui his, qui me non interrogabant. De Israël verò dicit: Tota die expandi manus meas ad populum incredulum, & dicentem mihi, qui ambulat vias non bonas.

Hæc de Ducali Borussia. Regiæ Borussiae urbs primaria Dantiscum Doctorem Bugenhagium Ecclesiæ VVittenbergensis Pastorem vocat per legatum ad Ecclesiæ suæ instaurationem. Lutherus quid de hac vocatione senserit, epistola ipsius ad Georgium Spalatinum doceat. Sic autem illa: *Venit ad Principem hic D. Iohannes, Pastor unus Dantiscensis populi, postulaturus favorem Principis pro vocando illuc Pomerano nostro. Rogo itaq, ut illi adsis, sicut poteris. Quamvis enim eum virum hic manere velim, tamen in re tanta & causa verbi cedendū arbitror. Quis scit, quid Deus velit ibi per ipsum operari, ne fortè tam insignem vocationem Dei nō intelligamus, & impediamus: audies mira ex ipso, quæ in Dantisco operatus est Christus. Ego sic vocatus non auderem veniti, sed irem statim.*

Tom. 2. c.  
pist. Luth.  
pag 279.

Chronicon  
Norimber-  
gense M. S.

NORIMBERGÆ mense Martio die Cuningundæ in curia præsentē Senatu & multis civibus colloquium inter Evangelicos Ecclesiæ ministros, quorum dux erat Andreas Osiander



ander, Pastor ad S. Laurentium, & quatuor concionatores Papisticos in totidem monasteriis reliquos, institutum est: cuius hic exitus fuit, ut conciones & ceremoniæ monasteriorum deinceps intermitterentur, & omnes sacerdotes, & Monachi cives fieri, & onera civium, instar cæterorum, subire cogerentur.

FRANCOFURTUM ad Mœnum ab Archi-<sup>Ex Archi-  
vis.</sup> episcopo Moguntino mittebatur Theodoricus quidam Ursellanus, qui sub larva Lutheranici concionatoris Papismum debebat defendere contra Ibachium, præconem Evangelii. Olfecit hoc Dionysius Melander Monachus Franciscanus, & hoc anno publicè ipsi, eiusq; successori Joanni Schallio contradixit. Melandro coniunxit se Joannes Bernhardi ab Algesheim, monachus Dominicanus. Uterque Papatum fortiter impugnavit. Ortâ in urbe seditione paulò ante Pascha cives Missam & omnes abusus Pontificios tolli volunt. Senatus igitur Melandrum & Joannem ordinarios Evangelii Doctores renuntiat, & Pontificiis edicit: si patrocínio suo salvi esse velint, ut horum concionatorum contra missaticū sacrificium doctrinam ex Dei verbo confutent. Quod cum illi non possent, multum licet confirmatâ Moguntino; templa S. Bartholomæi, Leonardi, & Mariæ Montis Evangelicis cedere.

U R A.

URATISLAVIÆ nobilissimum templum ad D. Elisabetham à fermento Pontificio repurgatur, idq; ministerio Ambrosii Moibani. Fuit hic Ambrosius patriâ Uratislaviensis, qui cum in omni disciplinarum genere esset exercitatus, Viennæ artium Magister, VVitembergæ Theologiæ Doctor creatus est, carus Luthero, Melanchthoni, Camerario, aliis. Munus docendi Ecclesiam Elisabethanam subiit ætatis anno trigesimo primo. A Jacobo Episcopo Uratislaviensi, cui se stitit, hæc audiit verba: *Ito, & doceto Evangelium Domini nostri Iesu Christi in nomine patris, filij & spiritus sancti.*

Hessus igitur & Moibamus primi erant Uratislaviensium Evangelistæ, qui magnâ dexteritate & prudentiâ abusus Pontificios populo detegebant: ad obedientiam erga superiores subditos, ad vitæ innocentiam singulos invitabant: idq; tanto cum fructu, ut sine ullo tumultu cultus imaginum, processiones, vigiliæ, Anniversariæ, Fraternitates, peregrinationes ad sanctos, leges de cibis vetitis, de monachis, monialibus, & id genus alia Papatûs βδελύγματα uno quasi labefactata motu corruerent, & paulò post Evangelium in novem templis, quorum septem extra, duo intra urbis mœnia sita, prædicaretur. Moibamus decimo quinto Maii, Hessus octavâ Septembris, uxorem duxit.

Ura-

Uratislaviensium exemplum urbes & op-  
 pida alia pleraq; in Silesia sequuta sunt. Multū  
 juvit propagationem veræ doctrinæ in Silesia,  
 prudentia & moderatio clarorum Episcoporū,  
 Jacobi à Saltza, qui anno 1522. electus, &  
 Balthasaris à Promnitz, qui Jacobo anno 1539.  
 demortuo successit. Uterque enim à perse-  
 quutione Evangelicorum abhorruit. Et si au-  
 tem ex jure Canonico notum est, qualem vel  
 in clericos suos, vel in laicos etiam in causis  
 vel spiritualibus vel civilibus, habuerint po-  
 testatem Episcopus, Suffraganeus, Propositi,  
 Decani, Archidiaconi, Scholastici, Cantores,  
 &c. silentio tamen hoc non est prætermi-  
 tendum: reformatione Religionis factâ, eu-  
 iusq; *autonomia* sive libertate concessâ, Ecclesi-  
 asticam jurisdictionem contra Augustanæ  
 confessioni addictorum religionem, fidem, ri-  
 tus & ceremonias suspensam, iuraq; Episcopa-  
 lia ad Principes territoriorū & Status tanquā  
 fiduciarios possessores translata esse ac depo-  
 sita, adeo quidem, ut ipsi etiam clerici iis  
 tanquam Magistratui ordinario subiecti sint,  
 nec aliorum jurisdictione constringantur &  
 obligentur. Quæ quidem Ecclesiasticæ pote-  
 statis iura, ut pro statu Ecclesiæ optimo admi-  
 nistrent & gubernent, duobus ferè mediis u-  
 tuntur; quæ ordinis sunt; per superinten-  
 dentes, qui censuræ morum, & exercendæ  
 disciplinæ præsumt, totiusque Ecclesiasticæ  
 eutaxiæ

Silesiogra-  
 phia Nico-  
 lai Henclii.

eutaxiæ curâ gerunt; quæ verò sunt legis di-  
 œcesanæ, & jurisdictionis in foro Ecclesiasti-  
 co, per Consistoria exsequentes. Interim E-  
 piscopus, Abbates, & Prælati suam religionē,  
 ceremonias, possessiones, vectigalia & jura li-  
 bera ferè hucusq; retinent: neque quò minùs  
 illis pacatè uti frui possint, ullâ ratione im-  
 pediuntur, si paucas Ecclesiasticas Præfectu-  
 ras, & quædam id genus alia bona sacra ex-  
 cipias, quæ Principes ac civitates nonnullæ  
 sibi sumpserunt, eaque in ministerii, schola-  
 rum, egenorum, & similes pios atq; utiles u-  
 sus converterunt.

ARGENTINÆ Sigismundus Comes Hoën-  
 loius, Decanus Ecclesiæ collegiatæ Argenti-  
 nensis edito scripto Germanico clerum suum  
 graviter hortatur ad lectionem scripturarum,  
 & vitam clericis dignam: proficitur, nihil si-  
 bi æquè in votis esse, ac hoc, ut Ecclesia illa  
 celebris, totusq; Clerus reformetur, & verus  
 Dei cultus restituantur.

TIGURI ut anno superiori Idola remo-  
 ta, ita hoc anno Missa fuit abrogata. Hi-  
 storiam ex Zwinglio ipso audire placet.

Tom. 2. o-  
 perum  
 Zwingli. p.  
 247. in sub-  
 sidio de  
 Euchari-  
 stia.

*Cum ad undecimam diem Aprilis coram senatu  
 Diaconorum, is est senatorum ducentorum, de ab-  
 olendis, Missâ & panis ac vini adoratione, agere-  
 mus: & ibi Scriba quidam (qui albus an ater sit,  
 non est huius instituti dicere) fortè surrexisset, at-  
 que ad hunc modum quiritaretur; Equidem Pa-  
 tres*

tres conscripti, nō eo sum ordine aut loco, ut mihi corā vobis verba facere liceat, dummodò causa ageretur quantumvis magna, quæ ad Rempublicam attineret: cū autem hic animarum salutis cardo vertatur, ipsaq; fides periclitetur, cujusq; esse arbitror, ut in medium adducat quæ sentiat? Ego igitur firmiter credens in isto pane verum corpus, ac verū sanguinem edi, testor, me in hac esse opinione, neq; me patiar ab ea divelli, speroq; de vobis, Patresq; conscripti, quod nullo pacto sitis me ad Zuvinglij opinionem adaucturi. Et tu Zuvingli, inquit, sophistarum versutis acerrimè obstitisti, nunc verò, ut planè dicam quod sentio, videris nos denuo sophistarum cavillis circumscribere. Multa denique alia, quæ ad hanc rem facerent, questus esset, ut illi videbatur scitè ac graviter. Cumq; nos ad ea, quæ responsione digna videbantur, puta, Tiguri neminè unquam ad fidem fuisse compulsū, neq; ad ullam rem: neq; sophisticum esse, si hanc vocem EST, per SIGNIFICAT quisquam exponat (hoc enim sophisticum esse dixerat) cū inquam respondissemus ad ea, quæ roboris aliquid habere videbantur: isteq; jam ad hac arma se converteret: Ego sic credo, sic sanant verba: hoc est corpus meum: EST est verbum substantivum, ideo alius intellectus esse nequit, quàm quòd panis sit caro. & similia, quæ carnis cupidi objectant. Tum Henricus Engelhardus, olim Pontificij juris Doctor, nunc verò pauperis Christi discipulus, vir gravi judicio, ausculta, inquit, paulisper: ego abunde ostendam tibi ex sacris

literis, panem corpus Christi esse non posse: quia panis neq. est corpus Christi naturale, neq. gloriosum, neq. mysticum (rationes supra expolita in mentione libelli Zwinglii, quem subsidium de Eucharistia inscripsit.) Post conflictationem istā cum scriba habitam, statuit Senatus, ut à prandio Senatores quatuor cum Henrico Engelhardo, Leone, Megandro, Myconio, atq. nobiscum conveniant, quo res tanta graviter ventilaretur. Id verò ad hunc usum maximè fiebat, ut quibusdam obstrepentibus undique satisfaceret. Deliberabatur aliquandiu variè, sed omnis deliberatio hunc exitum accepit, ut sequenti die duodecimo Aprilis ad Senatum universa causa iterum referretur. Cum ergo duodecimā Aprilis die ad Senatum rediremus, atque ut Missis in universum aboleretur, ageremus, prodit denuo scriba iste, atque eandem cantilenam canit. Additq. me quidem sic docuisse, ut ista vox EST in presentibus Christi verbis pro SIGNIFICAT posita sit, at agrè scriptura testimoniis probavisse ad hunc modum accipi debere: Nam isti sermones: Semen est verbum Dei, Luc. 8. &, Ager est mundus, inimicus homo est Diabolus, &c. Matth. 13. ad hoc propositū nil faciūt, Christus enim hic parabolice loquutus sit, non etiam istic, cum dicit: Hoc est corpus meum. Cui breviter respondimus: Christum ista dixisse post finitam parabolam, quando tropice quidem, sed tamen non amplius parabolice loquebatur: differre enim tropum & parabolam: cumq. misā contentione è Senatu nos recepissemus, sequutum est Senatus decre-

*decretum totius Ecclesie nomine ad hunc ferme modum:*

Eucharistiâ, Deo volente, iuxta institutionem Christi, Apostolorumq; ritû posthac utimînor. Infirmis ac in fide adhuc rudiorib. fas esto hac vice tantûmodò veterere more uti. Missa in universum sic abolitâ, antiquata & ablegata esto, ut ne crastino quidem die repetatur.

*Mox quod felix faustumq; sit, gratulata est tota Ecclesia, præter paucos, nequid atrocius dicâ, vel imbecilliores vel rudiores, qui in hanc lucem etiamnum aciem dirigere nequibant. Restabat adhuc haud minimus conatus, quo scil. exempla proderemus, quæ nulla cum parabola conjuncta forent. Cæpimus ergo cogitare omnia, omnia revolvere attamen nihil aliud exemplorum occurrebat, quàm quod in cômensorio proditû est, aut quod occurrebat, erat illorû simile. Cû verò tredecima dies adpeteret (vera narro, adeoq; vera, ut celare volentem conscientia cogat confundere, quod Dominus impertijt, non ignorans, quantis me cõtumelijs, risibusq; exponâ.) Cum inquâ tredecimâ Aprilis lux appeteret, visus sum mihi in somno multo cû tædio denuo contendere cum scriba, sicq; obmutuisse, ut qd verû scirẽ, negâte linguâ beneficiû suû p̄loqui nō possem: q me anger, ut solẽt nō. ñ.*

quam somniâ fallaci ludere nocte (nihil enim altius quàm somnium narramus, quod ad nos attinet, tametsi leve non sit quod per somnium didicimus, gratia Deo, in cuius solius gloriam ista prodimus) vehementer turbare videbatur. Ibi δὲ μὴχανὴς visus est monitor adesse (ater an albus, nihil memini, somnium enim narro) qui diceret: Quin, ignave, respondes ei, quod Exodi 12. scribitur. Est enim Phasē, hoc est, transitus Domini. Protinus ut hoc phasma visum est, expergesio, & è lecto exilio. Locum apud Septuaginta primùm undiq; circumspicio, ac de eo coram tota concione pro virili dissero: qui sermo ubi acceptus est, quemadmodum paulò post dicemus, omnibus sacrarum literarum candidatis, qui adhuc nonnihil propter parabola obstaculum harebant, omnē nebulam discussit. Factumq; est, ut tribus istis diebus, cæna Domini, Parasceves, & resurrectionis, tantum Pascha Christi celebratum sit, quantum ipse nūquam vidi, eorumq; numerus, qui ad allia ollasq; AEgyptias respectarent, opinione longè minor esset.

Patroni oralis mādicationis corporis Christi, narratione istâ occasionem sibi oblatam esse putabant, Zwingliū & doctrinam eius suggillandi. Jactatæ enim passim voces istæ:

*Zwinglius in somnio primùm doctrinam suam didicit.*

*Zwinglius nescit, à quo spiritu doctrinam suam acceperit.*

*Zwinglio malus Daemon doctrinam suam revelavit.*

Qui-



Quibus ab amicis Zwinglii responsum: injuriam fieri fratri suo, & contra historiæ fidem ista in eum confingi. Nam ante hoc somnium edidisse Zwinglium epistolam ad Matthæum Alberum: edidisse item libellum de vera & falsa religione, & in utroq; scripto suam de cœna Domini sententiam exposuisse: Deinde nullius spiritûs à Zwinglio mentionē fieri, sed monitoris tantum, qui & homo esse potuerit, quemadmodum Ananias Paulo astiterit Act. 9. 12. Proverbium, *albus an ater sit nescio*, in hac ipsa narratione à Zwinglio de Scriba quoque fuisse usurpatum, & vim eius vel ex Erasmi adagiis notam esse: Præterea tantum abesse, ut Zwinglius falsus sit, à malo Dæmone sibi doctrinam de cœna esse patefactam, ut contra palam profiteatur, *Dominum sibi hoc imperiisse*, quod in somnio didicit & *se per conscientiam id celare non posse*: Quod & inde evidens sit, quod monitor Zwinglii ipsi digitum intendit ad Dei verbum, eumq; in veritate ex scripturis confirmat, id quod spiritus malus nunquam facit: nec sequi, somnium divinum non esse, etsi nescierit, utrum monitor albus an ater fuerit, si quidem noctu albū ab atro nemo discreverit. Fuit etiam non nemo, qui istis Zwinglii adversariis in aurem insusurraret: meminissent quid Lutherus, pronuntiaturus, Romanū Episcopum esse Anti-

Tom. 1. e.  
pist. Luth.  
pag. 124.

*acutiùs quàm speraverit Dominus legatus, edita, sed longè majora parturit mihi jam animus: NESCIO VNDE VENIANT ISTAE MEDITATIONES. Res ista necdum habet initium suum, meo iudicio, tantum abest, ut finem sperare possint Romani Proceres. Mittam ad te nugas meas, ut videas, an rectè divinem: Antichristum illum verè, juxta Paulum in Romana curia regnare.*

Chronicon  
Bullingeri  
M.S.

Hoc eodem anno Tiguri lectio Biblica plurimum linguarum in choro summæ ædis est inchoata, decimâ nonâ Junii. Zwinglius ab hoc voto exorsus est: *Omnipotens, sempiternè, ac misericors Deus, cujus verbum lucerna est pedibus nostris, & lumen semitarum nostrarum, aperit & illuminat mentes nostras: ut oracula tua piè & sanctè intelligamus, & in illud, quod rectè intellexerimus, transformemur, quò majestati tuae nulla ex parte displiceamus, per Iesum Christum, Dominum nostrum, Amen.* Lectum deinde est à studioso quodam caput Biblicum, Latine, quod idem mox Joannes Ceporinus Hebraicè, Zwinglius Græcè ex septuaginta interpretibus, postremò Pastor quidam Germanicè, legerunt & interpretati sunt. Quo factò, habitis iterum precibus, cætus est dimissus. Sed iste legendi & interpretandi Biblia ordo postea mutatus, & ratio lectionum Theologicarum ad consuetudinem aliarum Academicarum fuit conformata. Floruerunt autem Tiguri post Joannis Ceporini & Zwinglii obitum professores Theologi, Conradus Pellicanus, Theodorus

Bibliander, Petrus Martyr, Josias Simlerus, Joannes V Volsius, Guilielmus Stuckius, Joannes Jacobus Frisius, Marcus Beumlerus. Hodie Scholæ Tigurinæ cathedram ornat vir eruditæ doctrinæ & plurium linguarum cognitionis laude clarissimus Caspar V Vaserus, qui pro amicitia nostra singulari, proque suo in Rempublicam Christianam studio, multum me in historiis Tigurinicis iuvit.

Tigurinorū exemplū imitativi vicini VIT ODURENSES, abiecerūt & ipsi imagines, destruxerūt altaria, Mīlsā, & quæ illi affinia, abrogarūt.

Scumpsius  
lib. v.

FORCHEMII, oppido Episcopi Bambergensis, Evangelizabat Joannes Crusius, qui paulo post captus & quinquaginta florenis multatus, Episcopatu eiectus est. Ceterum rē me Theologiae studiosis non ingrata facturū existimo: si quibus ritibus, in administratione Baptismi & cœnæ Domini Ecclesiæ nonnullæ, sub initium renati Evangelii usæ sunt, paucis indicâro.

Annales  
Suevici.

NORDLINGENSIS Ecclesiæ Pastores in libello quem inscripserunt: *Renovatio Ecclesiæ Nordlingensis de suo baptizandi ritu hæc habent: Tingimus pueros, tingimus profectioris ætatis, non arcemus ab Ecclesia, qui pueros ad tingendū nō offerunt, sed tantum manuum impositione & deprecatione Ecclesiæ Christo mediatori & servatori nostro commendant. Nullam a tatem præceptis baptismi Christus, sed neq; ullā vetuit. Baptizare iussit discipulis in nomine patris, filij & Spiritus S. Mat. ult.*

*Asportari iussit infantes, increpans discipulos, qui prohiberent pronūtiāns horum esse regnum cælorū. Nunc autem nemo arbitror, arcebit à baptismo, qui regnum cæleste donat, ut injurium sit, dogmate rem vitare per sese liberam. Et dum concilia tractamus, non ita repudianda esse arbitramur qua Patres dicunt, ut etiam spiritum sanctum negemus. Placuit Carthaginensi Concilio baptismus infantium, liber, placet & nobis neminem cogimus, sed neminem etiā repellimus, in re nec præcepta, nec vetita. De oleo quo baptizandi unguuntur, de sale, quo initiātur, de orationibus, quibus adjurantur, librum facimus, ut vel unguantur, vel nō ungātur &c. Neq̃, protinus exclamamus, perdi animas unctiōe, eo quod Christus nō præceperit. Nō p̃ditur ritib. anima, infidelitate p̃ditur.*

Lib. 2. epist.  
Occol. &  
Zyvingl.

Consimilem ferè ritū servavit Pacimōtānus Walshuti. Sic enim ille ad Occolampadium hoc anno: *Loco baptismatis ego curo cōvenire Ecclesiā, inducens infantulum, ac linguā vernaculā interpretor Evāgeliū. Oblati sunt parvuli, &c. Matt. 19. Subinde imposito nomine orat tota Ecclesia flexis genibus pro parvulo, illum commendans in manus Christi, ut huic sit propitius. & oret pro eo. Si verò sunt parentes adhuc infirmi, qui valunt omnibus nervis baptizari prolem, hāc baptizo, in opere infirmus sum cū infirmiusculis ad tempus, dū crudiātur melius: sed in verbo nō cedo illis in minimo apiculo.*

Ibidem.

Occolampadio supra modū placebat hic ritus, ideoq; optabat, ut omnib. arrideret. Tum enim nondum illi occurrerant loci in scripturis, qui

*qui cogant ad asserendum pædobaptismum. Sed nec video, inquit, quid prohibeat. Et durum fuerit infantibus salutis subsidia negari.*

Consuetudinem communionis sacrae in Ecclesia NORDLINGENSI tum observatam Theobaldus Billicanus describit. Convenimus, ait, ad docendum, ad audiendum verbum Domini, atq; hic cognitionem cælestium beneficiorum exercemus, ut sunt mortificatio veteris Adæ, vivificatio interioris hominis, communicatio spiritûs regenerantis & formantis nos, consolatio conscientia per Christum, spes futura vitæ cum Christo, charitas in fratres, in amicos, inimicos. Porro & ad psallendum & ad Deo gratias agendum communiter confluiamus, tum communicamus pane & vino Domini, non coacti, sed volentes, ferentes immensis laudibus & spiritualibus hymnis gloriam gratia Dei patris in Iesu Christo factam, qui remisso peccato, purgatos sacrificio Christi sui fecerit nos communiter heredes regni cælestis & cives suos. Ita memoriam Christi celebramus, & charitatem, ut cives regni Christi decet, fovemus, ut communicantes uno pane & uno poculo, corpore & sanguine Domini, confiteamur & cognoscamus nos regni cælestis unanimis heredes. Si qui non communicant in mensa, tamen bonis cælestibus, iustitiâ Dei & charitate communicantes, non arcentur à consuetudine: quanquam malimus omnes in Domino fratres iuxta Christi verbum etiam in externa cæna accumbere.

Festus in  
Agenda  
Ecclesiæ  
Argentinæ  
anno 1798.

ARGENTINÆ hoc anno Forma celebrandæ cœnæ Dominicæ excusa est, in qua inter alia & hæc leguntur: In dargebung des brods vnd des fclehs des Herren / spricht der Diener also: Gedencst/ glaubet/ verkündiget/ daß Christus für euch gestorben ist: hoc est: In exhibitione panis & calicis Domini, Minister verbi ita alloquitur sumentes: *Mementote, credite, annuntiate, Christum pro vobis esse mortuum.*

Lavaterus.

TIGURINORUM ritus huiusmodi est: Finitâ concione mensa templo infertur, & mundâ mappâ sternitur. Huic imponitur canistrum pane fermentato plenum, catini & pocula lignea, quæ vino implentur. Accedit ad mensam Pastor Ecclesiæ cum Diaconis, & totum cætum ad attentionem excitat. Mox alter ex Diaconis subiicit institutionem cœnæ Domini ex epistola ad Corinthios: alter verò recitat partem capitis sexti Joannis, ut ex verbis Domini omnes discant: quomodo Christi carnem edamus verè, & sanguinem eius verè bibamus. Mox recitato symbolo fidei, Pastor admonet, ut quisq; seipsum examinet & exploret: ne indignè accedendo corporis & sanguinis Domini reus fiat. Postea omnes se in genua demittunt, & pastore præeunte, orationem Dominicam dicunt. Quâ absolutâ pastor panem fermentatum accipit in manus, & spectante fidelium cœtu altâ voce,

voce, magna religione recitat institutionem  
cœnæ Dominicæ : deinde panem ministris  
distribuit & poculū porrigit, Qui panem in  
catinis & vinum in cyathis circumferunt, &  
Ecclesiæ exhibent. Quisq; in manus sumit  
quod traditur à ministris, edit, & proximè  
assidenti offert partem eius quod accepit, si-  
militer etiam poculū porrigit. Interim verò  
dū de pane Domini edunt & de poculo eius  
bibunt, unus ex Ecclesiæ ministris prælegit  
ex Evāgelio Joannis dulcissima illa colloquia  
Domini, quæ abiturus cum discipulis habuit,  
à pedum ablutione initium faciens, Si catini  
& poculum ad mensam redeūt, Ecclesia ite-  
rum in genua procumbit, & Deo gratias agit  
pro beneficio redemptionis Christi. In Ec-  
clesiis autem agri Tigurini, minister omnia  
solus recitat, & ad mensam singuli acce-  
dunt. Hunc ritum multæ Ecclesiæ in Helve-  
vetia & Rhetia postea imitatz sunt.

WITTEMBERGÆ hoc anno exeunte de Chytrus.  
mum linguâ Teutonicâ celebrare Missam, &  
cœnam Domini administrare Dominicâ XX.  
post Trinitatis cœperunt. Cum paulò ante  
Lutherus tanquā Orpheus Germaniæ verus,  
summā doctrinæ Christianæ, & partes Cate-  
chismi omnes, & præcipuorū Symboli arti-  
culorū ac Fectorū historias, preces ad Deum,  
consolationes & gratiarū actiones, Germani-  
cæ carminibus seu odis numerosè & cōcinne  
sen-

sententias rythmis inclusas verbis elegantibus, & congruente sententiis ac verbis harmoniâ seu vocis modulatione, eundem in animis motum & adfectum, quem sententiæ ac verba requirunt, in animis canentium inprimente, edidisset, ut à vulgo etiam literarum rudi, facilius disci doctrinæ Christianæ summa, & præces, ac consolationes divinæ, & fidelius memoriâ retineri ac propagari possent, ac in mentes & corda audientium, adiutæ numeris ac harmoniis Musicis, altiùs penetrarent, & pios motus & adfectus verbis respondentes, in eis accenderent ac inflammarent.

Porro quam Reges, Principes, Comites, Urbes, amplexæ sunt hoc anno religionem puram, abolitis Papisticis, introductis Evangelicis ritibus: eius veritatem aliquot Martyres sanguine roborârunt.

Historia  
Gallica.

JACOBUS PAVANAS Boloniensis superiori anno propter religionis sinceræ professionem captus, meta mortis palinodiam cecinerat. Hoc verò anno resumptis novis viribus cum fidem puram, præsertim de cœna Domini, palàm doceret, ex voto suo vivus crematur Lutetiæ summa cum animi alacritate, fidem faciens proverbio, *Vir fugiens denuò pugnabit.*

Acta Mar-  
tyrum.

VVOLFANGUS Schuch Germanus in oppidum Lotharingiæ à S. Hippolyto deno-



denominatum venit , Christum docet , Pastor Ecclesiæ declaratur : Quadragesimæ observationem , Imagines atque idola , Misericordiamque adeo ipsam abolet. Accusatur populus ad Ducem Lotharingiæ defectionis : Dux se urbem flammâ & ferro vastaturum minatur. VVolfgangus primùm epistolâ se purgat ad Ducem : deinde suâ sponte se Nanceum confert fidei confessionem editurus , & cives S. Hippolyti periculo liberaturus. Sed statim in carcerem durum & graveolentem detruditur , post ad ignem damnatur : qua sententiâ auditâ orsus est psalmum centesimum vigesimum secundum : *Latatus sum in his quæ dicta sunt mihi , in domum Domini ibimus.* In ipsis flammis psalmum quinquagesimum primum cecinit , obituque die decimâ nonâ Augusti. Memorabile est : Judicem Ecclesiasticum huius Schuchii & eius asseclam , Abbatem clari loci paulò post subitanè morte extinctos fuisse. Ipse Dux Antonius Lotharingus aulicis suis persuadere conabatur : satis esse ad salutem , scire *Pater noster* , & *Ave Maria*.

In HELVETIA Suitenses sacrificulum quendam , quod ex Scripturis Papatum impugnasset , itemque nautam quendam Eberlinum Bolthium , quod de Baptismo & cœna sacra , paulò aliter ac Monachi in Papatu loquu-

Chronicon  
Bullingeri.

loquutus esset, combusserunt, utriq; Anabaptismi hæresi afflictâ.

JOANNES PISTORIUS (Germanis Beck) Wordensis Hollandis sacris initiatus, quod uxorem duxisset, indulgentias VVordetum gratis propositas, contempsisset, Missæ officium neglexit, captus, & Hagam Comitibus ductus, diuq; & multum ab inquisitoribus vexatus, tandem mense Junio constanti fide & patientiâ martyrii coronam in mediis flammis meruit. Historiam conscripsit Guilielmus Gnapheus Hagensis Germanicè reperitur apud Ludovicum Rabum.

Tom. 2. e-  
pist. Luth.  
pag. 293.

MECHLINIÆ Bernhardus quidam Carmelita propter Evangelii liberam professionem combustus est.

Ludovicus  
Rabus.

MATTHIAS VVEIBELIUS Martiscellæ in Algovia natus & Campodunt in schola ab Abbate illius loci erectâ educatus, sexennium sacerdotis officio functus erat in templo Montis propè Campodunum: atq; illustratus Evangelii luce, doctrinam de gratuita iustificatione hominis coram Deo, & consequente ex ea sanctificatione, idolomaniam item Papatûs auditorio suo patefecerat: hoc autem anno à Pontificiis captus, vulneratus, & septimâ Septembris de arbore suspensus, vitam lætus finiit.

Epistola  
Capitonis.

FELIX ULSENIUS, iuvenis pius ac integer, Evangelii assertor capitur à Gubernatori-

toribus provinciæ Enshemensis in Alsatia, captus miserè torquetur. Capitò Petrum Vickram Pastorem in Ensheim rogat, fratris laborantis patrociniū suscipiat.

LUTHERUS hoc anno scripsit librum de abominatione Canonis Missæ, de quo id semel monendus est Lector, Lutheri libris de abroganda Missa contradixisse ( ut autor est Cochlaus ) plurimos ex Catholicis Theologis: in Anglia, Joannem Episcopum Rössensem: in Germania, Joannem Episcopum Viennensem: in Gallia, Clichtonæum: in Hispaniis, Quintanam: in Bavaria, Eccium: in Marchia, Mensingum: sermone Germanico, Dietebergium Emserum, Cochlausum, plurimosq; alios.

Idem Lutherus hoc anno epistolam scripsit ad Christianos Antuerpiæ congregatos, quam multis nominibus Lectori commendamus. Nam & historiam habet de novis Prophetis Antuerpiæ tum exortis: & confessionem manifestam distinctionis voluntatis Dei occultæ à revelata, & præterea refutationem calumniæ, quod is Deum autorem peccati faciat, qui Deo volente peccata fieri agnoscit. Epistolæ ipsissima verba hæc sunt:

OMNI-

## OMNIBUS CHRISTIA-

*nis Antuerpia Martinus Lutherus.*

Tom. 7. e-  
pist. Luth.  
pag. 281.

*Gratiam & pacem à Deo Patre nostro & Domi-  
no Iesu Christo, Christiana charitatis sollicitudine  
compulsus, amici in Christo charissimi, has ad  
vos literas non potui non scribere. Relatum est  
enim mihi, isthic etiam apud vos spiritus erroneos  
suboriri, qui suâ vesaniâ doctrinam Christianam  
impedire & commasculare moliuntur, id quod &  
alibi ab eius farina hominibus captum est. Itaut,  
quantum in me est, officii mei esse putem, vos  
monere fideliter, ne meâ taciturnitate aut silentio  
ullius sanguinis seducti iactura mihi imputetur,  
cui consiliis aut monitis auxilio esse potuissem in  
tempore. Quamobrem vos obsecro, amici charis-  
simi, qui hætenus præter sedulitatem & fidi pe-  
titoris officia, quibus magno meo cum periculo  
Christiana Reipublica commodare & prodesse  
semper studui, in me aliud observastis nihil, ve-  
litis & hanc amoris erga vos mei amicam admo-  
nitionem, candidè susceptam, boni consulere.  
Neque enim meum in hoc sed vestrum quero  
cûm compendiis tum salutem. Cûm meâ utili-  
tatis rationem habiturus, compressis digito label-  
lis, tacere potuissem, & quietus esse, aut aliam  
venanda utilitatis inire viam. Multo tempore  
hætenus sub Papistica tyrannide varias & gra-  
ves imposturarum seductiones perpepsi sumus, à  
spiritibus tumultuantibus & nocturnis adornatar:  
quos*

quos credimus & putavimus pro defunctuorum animabus in igne purgatorio constitutis cruciatos, & opē implorātes obambulare. Cuius erroris techna Diabolica exorto Evangelij lumine iam detecta est, & falsa reperta, adeo ut neminem posthac esse opinor dubitantem non hominum animas, sed Spirituum malignorum esse spectra, quae fictitiis responsis hominum simplici credulitati imposuerunt, multis idololatriis per totum mundum hac fraude erectis. Vbi verò sui tumultus, nullam posthac apud homines esse rationem, καὶ ὁ δὲ νεὸς ἀνὰνadvertit Diabolus, patefacta nequitia, nova impostura novo excogitato dolo aliud aggreditur, capitq; in membris suis, hoc est, hominibus impiis tumultuari & insanire, variamq; & multiplicem, cum doctrinam tum fidem comminiscitur. Hic super vacaneam Christianis baptismum esse affirmat: ille Ἐσχατῆς Sacramentum pernegat. Est qui alium mundum inter hunc & supremi diei adventum consinxit & excogitavit. Nonnulli docent, Christum non fuisse Deum. Nec desunt qui fidei iustificationem adimunt, operibus nostris adscribentes. Partim hoc dicunt, partim verò aliud. Nec ullus est Morychus adeo stupidus, ἡ ἑστὼς τὴν ἁπὸ ἀνὰνδεν, qui non quicquid probè adpotus somniavit, protinus à Spiritu S. sibi suggestum esse contendit, & mox Propheta esse laborat. Exempli gratia unus hic mihi producendus est. Hi enim Spiritus multum mihi facessunt negotii. Nullus est, qui non velit Luthero esse doctior. Et nemo

est, qui non de me prostrato victoria palmam auferre cupiat. Et ô utinam essent, quod esse contendunt, & ego nihil essem. Inter cetera sic dicebat ad me quidam: se missum à Deo cæli & terra conditore ad me, magnificis & sesquipedalibus verbis utens, quanquam satis quodque rusticis. Breviter, hoc se à Deo accepisse, in mandatis, ut illi libros Mosaiscos legerem. Dum ego ex eo querebam eius mandati signum, respondet, hoc scriptum esse in Evangelio Ioannis. Hic ego primo statim gustu perspectam hominis stultitiam fastidiebam, iubens eum alio redire tempore, hoc enim temporis punctum non ferre, ut libri Mosaisci legantur. Ita mi Domine, inquit, cælestis pater, qui suum pro nobis effudit sanguinem, dirigat nos per viam rectam ad filium suum Iesum. Ecce Prophetarum circumforaneorum vesaniam. Nam, nisi me fallit animus, hinc clarè perspicis, quales ii sunt Spiritus, ita superbe se venditantes, & iactantes, neque tamen Christum nec Deum satis intelligentes, sed furiosorum in morem loquentes. Eius ordinis homines miseros & vecordes per annum non paucos audire cogor, alia enim ratione Diabolus me divexare nescit. Hoc itaq; dico. Hucusq; orbem terrarum Spirituum tumultuantium ὁσπιατικῶν pro animabus hominum se venditantium fuisse referatissimum: hoc verò ætatis mundum esse Spirituum ὁσπιατικῶν tumultuantium, & pro meris Angelis cælestibus sese venditantium.

rium, plenissimum. Quamobrem Christianum confidentem esse oportet, nec consternari animo, emergentibus indies sic diversis sectis & haresibus, nec aliter animatum cogitare, quam quod in diversis locis, ut hactenus, spirituum tumultuantium excitarentur turba. Non potest non tumultuari Diabolus, quo certum habeant homines, eum adhuc esse in vivis ac regnare. Mundus verò sui tumultus scena est. Tumultuantis tragædia histriones sunt Propheta furiosi. Si parum successerit tumultus in Angelis extra corpus à se excitatus, succedat ille in vesanis & distortis insanientium Prophetarum capitibus & cerebris expergefactus. Vult esse tumultus S. Paulus: ait enim, oportet hareses esse, ut probati manifesti fiant. Sub regno Papistico omnia erant tranquilla ab huiusmodi sectis & haresibus, siquidem fortis & armatus composita pace custodiebat atrium suum. Porro ubi iam fortior venit, & superatum imbecilliolem exegit atrio, iuxta doctrinam Evangelicam, furere cepit, & tumultuari invitus emigrans. Ita quoque amici charissimi, subortus etiam inter vos Spiritus corporeus & tumultuans, qui vos perturbare, atque à vera cognitione in suam tenebrosam & fallibilem opinionem perducere statuit. Proinde moniti vobis prospicite. Porro quo melius eius observare, & cavere queatis offutias & perfidiam, nonnullos articulos ab ipso perperam assertos, subiiciam:

1. *Omnem hominem habere Spiritum S.*
2. *Spiritum S. nihil aliud esse, quàm nostram rationem & intelligentiam.*
3. *Omnem hominem credere.*
4. *Non esse inferos aut condemnationem, sed solum corpus damnari.*
5. *Omnem animam vitam aeternam possessionem.*
6. *Ductu natura doceri nos illud proximo facere, quod ab illo nobis fieri velimus. Et hanc voluntatem esse fidem.*
7. *Adversus legem non peccari concupiscentiis, quatenus concupiscentiis voluntate non consenserimus.*
8. *Spiritum S. non habentem nec peccatum habere, eo quod ratione careat, quam Spiritum S. vocat.*

*Omnes ii articuli, excepto septimo, magnâ temeritate sunt asserti, nec digni confutatione aut responsione. Et non malè feceritis, si hunc Spiritum iuxta doctrinam suam contempseritis. Neque enim dissimilis est etiam aliis nonnullis sursum ac deorsum incertâ sede vagantibus, nihil pensi habentibus, quid doceant aut asserant, sed gaudent famigerabiles per ora virum volitare, & esse mundo fabula, ut laudentur & celebrentur passim ab omnibus. Sed & Diabolus ipse harum sectarum autor nihil aliud quaerit perinde, quàm quòd excitatis hominibus seditiosis vos impeditos à vera doctrina abducat,*



cat, aut non permittat horum furiis obstantibus eandem vos exercere: veluti aliis spectris homines frequenter deceptos totâ viâ aberrare fecit: non secus quoque hic Spiritus suis vobiscum agit articulis. Quamobrem cautè agentes date operam, ut omnia nova & insolita, animarum saluti parum conducentia, missa faciatis. His enim spectris homines otio deditos illaqueare statuit. Quanquam vester Spiritus dum apud me erat, omnes hos pernegabat articulos, tametsi de aliis convincebatur testimonio. Sed & inter loquendum suomet iudicio se prodebat forex, & aliquot confitebatur, sic ut pro vero testari possim, me Spiritum inconstantiorum, mendaciorum, impudentiorum, & petulantiorum vidisse & audivisse nunquam: ut qui eodem tempore & uno ore idem dicat & perneget, & aliud stans, aliud sedens comminiscatur: præterea ita ambitiosum, & nominis avidum, ut haud sciam an uspiam miserius gloria mancipium inveniri possit, prætèr gloriam & nominis celebritatem nihil ambiens, quòdque dignus sit habitus nostro colloquio, cuique voluptati sit suum quoque finem facere, qui mos multorum nunc est, nec dissimilium. Potissimum verò hic acriter depugnabat, Dei præceptum esse bonum, & Deum peccata habere nolle. Qua res nunquam mihi venerat in dubium, nec satis erat, tametsi nos quoque id ipsum affirmarem. Huc verò adduci non po-

terat, quod *DEVS*, quanquam peccatum detestaretur, & huic inhibendo praeceptum dedisset, peccatum tamen nihilominus fieri permetteret. Eam permissionem citra voluntatem Dei non posse fieri. Quis enim adigit eam, ut permittat fieri peccatum? Quin etiam qui possit permittere peccatum, si nolit permittere aut consentire? Hic vertice caelum perfringere tentabat furiosus Propheta, volens indagare, unde nam *DEVS* peccatum non volens, fieri tamen consentiret aut permetteret: putabatque Maiestatis divina abyssum se haud dubie exhaurire posse, qua nam ratione haec duo diametro repugnantes in *DEO* voluntates constare possent. Hic neminem audire volens, pertinaciter contendebat, alteram tantum voluntatem in *DEO* esse. Quid verò suam pertinaciam monstri aluerit, satis indicio sunt articuli superius positi. Nec dubium est, quin me falso apud vos delaturus sit, ac dixissem, *DEVM* velle habere peccata, Cuius criminationi sic responsum volo, mihi iniuriam fieri, atque eundem, ut alias portentum, ex mendaciis & sycophantia consutum, & hic impudenter mentiri. Ita dico, *DEVM* datis in hoc praeceptis peccata inhibuisse, & hanc voluntatem satis liquere, & nobis cognitu necessariam esse. Quid verò fiat, ut homines peccare permittat, ut peccatis perpetrandis consentiant, nos scire non voluit: alioqui palam fecif-

fecisset , si adeo eius consilii nos voluisset esse conscios. Atqui & ipse Paulus hac scire noluit scribens Rom. 9. *ô homo , tu quis es , qui ex adverso respondebis DEO ?* Quamobrem oratos vos volo , fratres , ut aversemini Spiritum hac sublimi quaestione de occulta DEI voluntate vos molestantem , & impugnantem dicentes : putasne parum esse , quod DEVS manifesta voluntatis suae in praeceptis expressè nos voluerit esse conscios ? Quid itaque tu nos infatuas ed nos inducendo , quod scire nefas , adeoque interdictum est , nec possibile cognitu , & in quo tu vesane nobiscum ex aequo cæcutis & hallucinaris ? Quae hac fiant , DEO committenda putamus , sufficit nobis , DEVM peccata detestari: qui verò peccatis consentiat , missum faciendum est. Servus heri sui arcana explorare , multò minùs nosse debet , sed quid praecipiat herus , effectum reddere. Multò minùs fas est miseram creaturam sui creatoris , divina nimirum Maiestatis pervestigare mysteria. Videtis nunc optimi amici , qui Diaboli sint conatus , quae consilia , quae rerum novandarum studia , quibus unum hoc molitur , ut non necessariis & utilibus , cognituq; impossibilibus articulis hominum levium animos occupet atq; detineat , à vera via alienos. Proinde , videte , ut id , quod scitu est utile , & vobis necessariũ , atq; à Deo praeceptum , amplectamini , posthabitis , nugis futilibus non adificantibus , & nihil , perinde

atque contentiones producentibus, iuxta sapientiæ viri consilium: quod supra ingenij tui caput est, ne perquiras, sed mane in iis, quæ à Deo tibi præcepta sunt. Tota vita opus est Christo rectè perdiscendo, & eius præceptis cognoscendis, etiam nullis aliis rebus intentis. Quibus probè iam cognitis ad scrutanda mysteria animû deinceps applicabimus, quæ Diabolicus hic spiritus ne quicquam movet aucupanda gloriola gratiâ. Regressi igitur in viam discite, quid Paulus Romanos docuit, cuius prologum eius epistola à me præfixum insipientibus perspicuum fiet, qui sit orda sacras literas perdiscendi, & quem locum scrutanda mysteria obtineant. Vos ineptè garrulos & futiliter loquaces devitate. Gratia Christi sit vobiscum. Orate vos quoque pro me, fratres, Amen.

Occiderunt hoc anno duo renovatæ Ecclesiæ sidera, FRIDERICUS Saxoniz Elector & ELISABETHA Caroli V. Imperatoris soror, Regina Daniz.

FRIDERICUM tria admirabilem fecerunt: pietas, quâ motus Academiam VVitembergensem condidit: magnitudo animi, quâ oblatam Imperii coronam Francofurti, respuit: prudentia, quâ ulus est initio motuum Ecclesiasticorum, quando doctrinam Lutheri neque defendit, neque aboleri passus est, nisi errorum convinceretur. Obiit autem quintâ Maij, sexagesimo

fimo tertio ætatis anno, in ipſo tumultu ruſtico. Melancthon, qui ſæpè dicere ſolitus fuit, Fridericum Electorem ſelegiſſe florem ex omnibus virtutibus, memoriam eius gratæ poſteritati erudito epigrammate commendavit:

*Ante petet curſu Boiémica rura ſupino,  
 Vnde in Saxonicos deſluit Albis agros:  
 Inclyta quàm poſſit meritorum fama tuorum  
 Occidere in populis, Dux Friderice, tuis:  
 Aurea viderunt hæ gentes ſecula, regni  
 Dum tibi Saxonici ſceptra tenere datum eſt,  
 dace frui placidâ campiꝝ, urbeſqꝫ ſolebant,  
 Horrenda extimuit Clafſica nulla nurus,  
 Bella alij ferro, ſed tu ratione gerebas,  
 Et ſine vi victi ſæpe dedere manus,  
 Ingenio claros meruiſti ſæpe triumphos  
 Militeꝝqꝫ haud ullo fixa tropæa tibi,  
 Et pacis ſtudijs, florere, ac artibus urbes  
 Contigit auſpicio, Dux Friderice, tuo.  
 Foviſti ſpretas hæc tempeſtate Camænas,  
 Vnicus & ſtudijs præmia digna dabas.  
 Namqꝫ tuo ſumptu flavum ſchola condita ad  
 Albim eſt,  
 Ut vita verum traderet illa modum,  
 Hic Evangelij primùm doctrina renata,  
 Deſerſo cæpit pura nitere ſitu,  
 Induit hæc veros vultus, iterumqꝫ colorem  
 Accepit tandem Reſſigio ipſa ſuum:*

*Et cum Germani sumpsissent arma tyranni,  
 Contra Evangelium, sanctaq; jussa Dei.  
 Doctores tibi cura pios defendere soli,  
 Et latè Christi spargere dogma fuit.  
 His tibi pro meritis gratâ præconia voce  
 Posteritas omnis, virq; puerq; canent.  
 Nulla tuas unquam virtutes nesciet atas,  
 Non jus in laudes, mors habet atra tuis.*

Lutherus  
 Commen.  
 in Plal. 118.

Vivente adhuc in his terris Friderico, à Pontificiis Ecclesiasticis æquè ac Politicis crebris hoc sermonibus fuit usurpatum: *Moriente Friderico, morituram quoque doctrinam Lutheri.* Sed istos falsos fuisse, duorum & nonaginta annorum experientia nos docet,

Tom. 2. è-  
 pist. p. 311.

ELISABETHA, cuius heroica virtus & fides in rebus mariti Christierni I I. Daniæ Regis adversis, eximia & illustris fuit ( Nam illi fida exilii comes esse, quàm in Dania sola regnare maluit ) Gandavi decessit decimâ nonâ Januarii. De qua Lutherus ad Joannem Agricola[m] ista: *Regia illa mulier, & verè Regina, Elisabeth Danorum Regis uxor excessit è vivis, ut ipse mihi scripsit Christiernus Rex, sed magnâ fide excessit, acceptâ cænâ Domini legitimo ritu Christi, nec persuaderi potuit licet fortiter tentata per Proceres, ut in Papa fidem rediret. Scilicet Christus etiam aliquando Reginâ voluit in cælû vehere.* Cornelius

Scep;

Scepperus hoc illi epitaphium scripsit.

*Dania me coluit, pulsam Germania vidit,*

*Primum ortum dederat terra Brabantia prius.*

*Nulla harum potuit morientem cernere, sed qua*

*Ganda habuit mentē, nūc quoq; corpus habet.*

IN ANGLIA quadraginta minoris notæ Annales  
rerum Ang-  
licarum.  
monasteria, Cardinale Volsæo petente, & Papa Clemente annuente, hoc anno diruta, & reditus illorum duobus Collegiis à Cardinale nuper exstructis addicti sunt. Negotium hoc (ut nonnulli animadverterunt) tanquam aurum Tholosanum, omnibus qui illud attigissent, aut perniciem, aut saltem maximas calamitates attulisse creditur. Papa post biennium captus, & ludibrium orbis factus est. Volsæus in turrim Londinensem jam iam condendus, non tam obiit quàm interiit, cum semetipsum detestatus esset, quod Regi potius quàm Deo studuisset placere. Ex ministris autē quinque, quorum opera hic usus est in tot piorū hominū donariis intervertendis, evenit postea, ut duobus duello decertantibus alter alterū occideret, & homicida suspendio plecteretur, tertius in puteū se dederit præcipitem, ac spontaneā morte submersus perierit: quartus homo opulentus ad eam egestatem devenerit, ut victum ostiatim emendicare ante obitum cogeretur, alius deniq; Doctor quidam Alanus, qui autoritate inter cæteros præcipuè pollebat; quo tempore  
Arch-

Archiepiscopus Dublinensis in Hibernia agebat, ab inimicis crudeliter confossus periit. Utinam his & similibus exemplis edocti, discant homines res semel Deo consecratas timidè attrectare! Si istos iustitia divina tam severè puniit, qui bona Ecclesiæ dicata, sed parum sanctè administrata, ad usus haud dubiè meliores converterunt, hoc tamen non spectâtes, sed pravis ducti cupiditatibus, quid illis putabimus imminere, qui res Ecclesiasticas, quâcunq; data occasione sine delectu diripiunt & expilant, semet tantum locupletandi gratiâ?

Finio heic primam Annalium Evangelii renovati Decadem, beati Melanchthonis votum tetrasticho inclusum repetens:

*Te maneat semper servante Ecclesia Christe,  
 Infertosq; ipsi nos tua dextra tegat.  
 Tres velut in flamma testes Babylonide servas,  
 Rex ubi praesentem Te videt esse Deum.*

F I N I S.

















